

ЎЗБЕКИСТОН РЕСПУБЛИКАСИ  
ОЛИЙ ВА ЎРТА МАХСУС ТАЪЛИМ ВАЗИРЛИГИ

МИРЗО УЛУҒБЕК НОМИДАГИ  
ЎЗБЕКИСТОН МИЛЛИЙ УНИВЕРСИТЕТИ

ФАЛСАФА ФАКУЛЬТЕТИ

# ИЖТИМОЙӢ ФАЛСАФА

(ўқув кўлланма)

Тошкент 2009

**Масъул мұхаррир:** А.Үтамуродов

**Муаллифлар:** Қ.Назаров, А.Үтамуродов, Б.Тўйчиев, Ё.Тоиров, Х.Хайдаров, И.Тўхтаров, Қ.Рўзматов, Ш.Тўраев, М.Ёқубова.

**Тақризчилар:** ф.ф.д., проф. С.Мамашокиров.

ф.ф.д., проф. У.Абилов.

Ушбу ўқув қўлланма олий таълим тизимидағи «Миллий ғоя, маънавият асослари ва хуқуқ таълими» (5141500) йўналиши ўқув режасидаги 80 соатга мўлжалланган ўқув дастури асосида тайёрланган. Бу фан талабаларда фалсафий дунёқарашни шакллантириш, ижтимоий тараққиёт муаммоларини тўғри англаш, жамият ҳаётида рўй бераётган туб ўзгаришларга ҳолисона ёндашишга ёрдам беради.

Ўқув қўлланмада жамиятнинг таркиби, унинг тараққиёт қонунлари, ижтимоий фалсафанинг асосий тушунча ва категориялари, инсон, унинг моҳияти, ижтимоий ҳаётдаги роли, ҳозирги даврдаги глобаллашувнинг фалсафий муаммолари ва уларни ҳал этиш йўллари таҳлил этилган.

Мирзо Улуғбек номидаги Ўзбекистон Миллий Университети  
Ўқув-услубий Кенгашининг \_\_\_\_\_ №\_\_\_\_-сонли йиғилишида нашрга  
тавсия этилган.

## **МУНДАРИЖА**

## **МУНДАРИЖА**

1. Ижтимоий фалсафа фанининг предмети, мақсади ва вазифалари.....	4-16
2. Ижтимоий фалсафа тараққиётининг асосий даврлари.....	17-28
3. Ижтимоий фалсафанинг тушунчалари, категориялари ва асосий функциялари.....	29-39
4. “Қонун”-ижтимоий-фалсафий категория сифатида.....	40-51
5. Ижтимоий билишнинг ўзига хос хусусиятлари.....	52-66
6. Ижтимоий онг ва унинг намоён бўлиш шакллари.....	67-79
7. Жамият унинг тузилиши ва таркиби.....	80-97
8. Жамият ривожланиши қонунларининг таснифи.....	98-104
9. Жамият қонунларининг ижтимоий шарт-шароит билан ўзаро боғлиқлиги ва намоён бўлиш шакллари.....	105-113
10. Қонунларда ижтимоий эҳтиёжлар ва манфаатларнинг ифодаланиши.....	114-125
11. “Инсон” тушунчаси, унинг моҳияти ва мазмуни.....	126-141
12. Шахснинг жамиятдаги ўрни.....	142-171
13. Инсон фан ва техника оламида.....	172-188
14. “Цивилизация” тушунчаси: моҳияти ва мазмуни.....	189-201
15. Жаҳон цивилизацияси ва Ўзбекистон истиқболининг фалсафий масалалари.....	202-218
16. Инсон ва жамият тараққиётининг умумбашарий муаммолари.....	219-228
17. Ўзбекистонда фуқаролик жамиятини барпо этишнинг ижтимоий-фалсафий масалалари.....	229-237
18. Фойдаланилган адабиётлар.....	238-240

## **1-МАВЗУ. ИЖТИМОИЙ ФАЛСАФА ФАНИНИНГ ПРЕДМЕТИ, МАҚСАДИ ВА ВАЗИФАЛАРИ**

1. Фалсафа ва ижтимоий фалсафа, улар ўртасидаги умумийлик ва алоқадорлик.
2. Ижтимоий фалсафанинг баҳс мавзуи, мақсад ва вазифалари.
3. Ижтимоий фалсафанинг жамиятдаги ўрни ва асосий функциялари.
4. Ижтимоий фалсафанинг гуманитар фанлар тизимидағи ўрни.

Ҳозирги давр инсоният тарихининг бурилиш даврларидан биридир. Даврнинг ушбу хусусиятини жаҳонда, хусусан мамлакатимиз ҳётида рўй берадиган туб ўзгаришларда яққол кўриш мумкин.

Дунёда ва мамлакатимизда содир бўлаётган ҳодиса - жараёнларни тушуниш, уларга тўғри муносабатни шакллантириш, уларни ҳозирги куннинг ўзига хос хусусиятларидан келиб чиқиб баҳолаш, воқеликдан оқилона хулоса чиқариш, пировард натижада олам ва одамни англаш фалсафа фани соҳаларидан бири бўлган ижтимоий фалсафа ҳақида чуқур билимга эга бўлиши талаб этади. Ижтимоий борлиқ ҳақида ҳаққоний билимга эга бўлиш учун, аввало, “ижтимоий фалсафа” тушунчасининг моҳияти ва мазмунига алоҳида аҳамият бериш лозим. Бу тушунча баъзан “жамият фалсафаси”, “социал фалсафа” “инсон фалсафаси” шаклида хам қўлланилади. “Ижтимоий фалсафа” тушунчаси “ижтимоийлик”, “ижтимоий ҳодиса” “ижтимоий жараён” тушунчалари билан узвий боғлиқдир. Бу тушунчалар жамиятдаги воқеа ва ҳодисалар жараёнларини ифодалайди.

Ижтимоий борлиқ, инсоннинг биосоциал моҳиятини намоён этиш имкониятлари, ижтимоий жараёнларининг шаклланиши ва ривожланиш қонуниятлари ижтимоий фалсафанинг фан сифатидаги баҳс мавзуларини ташкил этади. Жамият бир бутун яхлит тизим сифатида ривожланадими? Унинг ҳаракатлантирувчи кучлари нимада? Ижтимоий борлиқ нима? Унинг

мураккаб хилма-хил қирралари нималардан ибодат? Инсон қандай пайдо бўлган, унинг сиру-асрорлари нимада? Шахснинг жамият тараққиётидаги роли қандай? Инсон ижтимоий борлик моҳиятини, унинг истиқболини аввалдан билишга қодирми? Умумбашарий муаммолар, уларни ҳал қилиш йўллари қандай? Мазкур саволларга жавоб бериш ва илмий фалсафий дунёқарашни шакллантириш ижтимоий фалсафанинг муҳим вазифасидир.

Ижтимоий фалсафий билимлар қадим-қадимдан мавжуд бўлган. Дастребки ижтимоий фалсафий билимлар кўплаб Шарқ ва Ғарб мамлакатларида вужудга келганлиги жаҳон олимлари томонидан эътироф этилган. Қадимги Шарқ мамлакатларида (Ҳиндистон, Хитой, Миср, Хоразм, Бақтрия, Суғдиёна, Шош, Афросиёб) инсон ва жамият, масалаларига алоҳида аҳамият қаратилган.

Чунончи Марказий Осиёда инсон ва табиатга оид ижтимоий фалсафий қарашлар “Авесто”даги ҳикмат, мақол ва ривоятларда ўз ифодасини топган. Қадимги юнонларнинг Шарқ мамлакатлари билан савдо алоқалари илмий-маданий соҳалардаги муносабатлар учун кенг йўл очиб берган. Айни пайтда, бу алоқалар қадимги Юнонистондаги ижтимоий-фалсафий билимларнинг ривожланиши учун ҳам имкон яратган. Эрамиздан аввалги VI-IV асрларда Сукрот, Афлотун, Протогар, Гераклит, Арастунинг инсон, давлат, жамият, ҳақидаги билимларнинг ривожига оид таълимотларини алоҳида таъкидлаш лозим. Қадимги юнонларга хос изланувчанлик, хурфиқрилик кўплаб ижтимоий фалсафий оқимлар ва мактабларнинг шаклланишига олиб келган. Антик дунё яратган инсон ва жамият фалсафаси Осиё мутафаккирларининг ижодий фаолиятида ривожлантирилди, уларнинг илмий қарашлари жамият ва инсон ҳақидаги фаннинг тараққиётида муҳим рол ўйнаган. Ғарбда Рим империясининг қулаши факат сиёсий соҳада эмас, балки илмий-маданий соҳаларда ҳам таназзулни кучайтириди. Бироқ, инсон ва жамият ҳаёти билан боғлиқ таълимотлар, изланишлар бутунлай тўхтаб қолмаган. Бу даврда яратилган илғор ижтимоий фалсафий анъаналар Марказий Осиёда янада ривожланди, янги кашфиётлар қилинди. IX-ХП асрларда араб халифалари

Хорун ар- Рашид, унинг ўғли Маъмун ва хоразмшоҳ Маъмуннинг ҳомийлигига ўша даврнинг ўзига хос фанлар академиялари хусусан, IX аср ўрталарида Бағдодда «Байт ал-ҳикма» (“Донишмандлар уйи”), Хоразмда «Маъмун академияси» вужудга келди. Марказий Осиёдан етишиб чиққан Мусо ал Хоразмий, Аҳмад ал Фарғоний, Форобий, Беруний, Ибн Сино, Марғиноний ва бошқалар жамиятшунослик, фикх, сиёсатга оид фанларни янада ривожлантирилар. Шарқда илмий ижтимоий фалсафий билимларнинг ривожланиши диний ақидаларни инкор этмагани ҳолда инсонни янада камол топтиришга, борлик моҳиятини ақл ва тафаккур воситасида билишга асосланган эди. Ўрта асрларда яшаган Шарқ олимлари қадимги юонон мутафаккирларининг илғор анъаналарини давом эттирганлар, илмий билишнинг янги усусларини таклиф этганлар.

Шарқ фалсафий тафаккури одил жамиятга интилиш баркамол инсон шахсини шакллантириш, ижтимоий муносабатларни янада такомиллаштириш, табиат сирларини билиш ва ундан оқилона фойдаланишга қаратилган эди.

Марказий Осиё мутафаккирларининг илғор илмий қарашлари ва асарлари Европада илм-фанинг ривожланишида катта аҳамиятга эга бўлган. Европаликлар Албарон (Ал-Беруний), Авиценна (Ибн Сино), Ал-Фраганус (Ал-Фарғоний), Улуғбек ва бошқаларнинг илмий меросини чуқур ўргандилар, уларнинг анъаналарини давом эттирилар. Масалан, буюк итальян мутафаккири Данте Алегери «Илоҳий комедия» (XVI аср) асарида Марказий Осиёдан етишиб чиққан мутафаккирларни жаҳоннинг буюк алломалари қаторига қўйди ва улуғлаган. Марказий Осиё олимларининг жаҳон фани ривожига қўшган хиссалари математика, алгебра, астрономия, минералогия, геодезия, география, тиббиёт, тарих, тилшунослик, мантиқ, фалсафа ривожида яққол кўзга ташланади. Мусо ал Хоразмий математиканинг янги соҳаси - алгебрага асос солди. Ибн Сино «Тиб қонунлари» асари билан тиббиётни илмий асосга қўйди. Унинг асарлари Европада кўп асрлар давомида муҳим қўлланма бўлиб келди ва келмоқда. Мирзо Улуғбекнинг астрономияга оид

«Зижи жадиди Кўрагоний» асари жаҳон фанига қўшилган муҳим ҳисса бўлди. Бу каби қатор асарлар ҳозир ҳам ўз қимматини йўқотмаган.

Мавжуд адабиётларда таъкидланишича, Европада фаннинг алоҳида фаолият шакли сифатида ривожланиши XVI- XVII асрларга тўғри келади. Бу даврда Иоганн Кеплер, Галилео Галилей, Жордано Бруно, Исаак Ньютон асарлари вужудга келди. Инглиз мутафаккири Фрэнсис Бэкон, француз олими Рене Декарт илмий билиш методларини ишлаб чиқдилар. Фаннинг табиатни ўзлаштириш ва жамиятни такомиллаштиришдаги аҳамиятига юксак баҳо бериб, «Билим кучдир» шиорини илгари сурдилар.

Бу даврда фан ва фалсафа, жамият фалсафаси бир-биридан кескин ажралмаган эди. Улар ўз асарларини «позитив экспериментал фалсафа» деб атар эдилар. Европада илм-фан, айниқса, ижтимоий фалсафа ривожланиши кишиларнинг олам ҳақидаги қарашларини тубдан ўзгартириди. Жамиятга дунёвийлик нуқтаи назаридан қараш имконияти вужудга келди, яъни ижтимоий воқеликка диний қарашдан кескин фарқ қиласиган илмий ёндашув шаклланди.

Жаҳон ижтимоий-фалсафий таълимотининг вужудга келиши ва ривожланишига Шарқ ҳамда Ғарб олимлари муносиб ҳисса қўшдилар. Ижтимоий тараққиётнинг маълум даврларида Шарқ мамлакатлари етакчилик мавқенини эгаллаган. Осиё ва Европа мамлакатлари халқларининг жаҳон фалсафа фани ривожидаги ролини бир ёқлама бўрттириш ёки камситиш хато. Ҳар қандай фан, ўз моҳиятига кўра, умумбашарийдир. Ер юзидағи ҳар бир халқ катта-кичиклигидан қатъий назар, унинг ривожига муносиб ҳисса қўшган.

XIX асрнинг ўрталарида табиатшунослик фанларида қилинган буюк кашфиётлар (эволюцион назария, хужайра назарияси, энергиянинг сақланиши ва ўзгариши қонуни) фалсафий дунёқарашнинг ўзгаришига, жамият тўғрисидаги илмий назарияларнинг вужудга келишига туртки берди.

XIX асрнинг охирларига келиб, фаннинг муҳим соҳаларида эришилган ютуқлар фан тараққиётида янги давр бошланганидан далолат берди. Физика соҳасида оптика, термодинамика, электр ва магнетизмнинг ўрганилиши, Д. И. Менделеевнинг элементлар даврий системасининг яратилиши, химия соҳасида

кимёвий бирикмалар хоссаларининг ўрганилиши, математикада аналитик геометрия ва математик анализ каби илмларда яққол кўринди. Бу даврда социологиянинг мустақил фан сифатида ривожланиши ижтимоий зиддиятларни оқилона ҳал этиш ва жамият истиқболини белгилаш имконини берди. Европа олимларининг табиатшунослик фанлари соҳасида эришган ютуқлари янги фалсафий таълимотларнинг вужудга келишига сабаб бўлди. Хусусан, И. Ньютоннинг кашфиётлари табиат ва жамиятнинг илмий манзарасини яратишга, Чарльз Дарвиннинг илмий кашфиётлари эса, бутун олам эволюцияси тўғрисидаги фалсафий қарашнинг шаклланишига, оламнинг яхлит бирлиги, органик ва ноорганик табиат ҳамда жамиятнинг ўзаро боғлиқлиги тўғрисидаги фалсафий қарашларнинг шаклланишига олиб келди. XIX аср охири - XX аср бошларида Туркистонда вужудга келган жадидчилик ҳаракатининг машҳур вакиллари Исмоилбек Гаспирали, Абдулла Авлоний, Беҳбудий, Фитрат, Абдулла Қодирий ва бошқалар Ўзбекистонда фан ва маърифатни кенг ривожлантириш ғоясини илгари сурдилар. Ўлкада ўрта асрчилик бидъатларига қарши мавжуд сиёсий тузумни ислоҳ қилиш зарурлигини англаб етдилар. Ўлка аҳолисини жаҳоннинг илғор фан техника ютуқларидан баҳраманд этишга ҳаракат қилдилар. Бироқ Россия томонидан Туркистоннинг мустамлака ўлкага айлантирилиши, мустабид тузум Туркистон халқларининг илм-фан ва замонавий техника сирларини эгаллаши, бой маънавий меросдан баҳраманд бўлиши, аждодларнинг илғор илмий-маданий анъаналарини ривожлантиришга имкон бермади.

Миллий мустақиллик туфайли халқимизнинг кўп асрлик маънавий-интеллектуал меросини ўрганиш, жаҳон илм-фан ва техникаси ютуқларидан баҳраманд бўлиш, жаҳоннинг машҳур илм даргоҳларида ўқиш ўрганиш имконияти вужудга келди. Айниқса, баркамол инсон шахсини шакллантиришда илм-фан хулосаларига таяниш ҳаётий заруриятга айланди. Республикализ Президенти И.А.Каримов асарларида илм фанни ривожлантириш ислоҳотлар муваффақиятининг гарови, моддий фаровонлик асоси эканлигини ҳар томонлама асослаб берилди.

Ўзбекистоннинг жаҳондаги "тараққий" этган мамлакатлар қаторидан муносиб ўрин эгаллаши, тараққий этиши, шубҳасиз, унинг илм-фан салоҳиятига бевосита боғлиқ. Амалдаги «Кадрлар тайёрлаш миллий дастури», «Таълим тўғрисида»ги Қонун мамлакатимиз илмий салоҳиятини юксалтириш, жаҳон стандартлари талабларига жавоб бера оладиган мутахассис- кадрлар тайёрлашда дастурил амал бўлиб келмоқда. Бу эса бошқа фанлар қатори ижтимоий фалсафа ривожи учун ҳам кенг имкониятлар яратди.

Ижтимоий фалсафани антропология билан айнишларни ярамайди. Ижтимоий фалсафа учун инсоннинг ўзи эмас, балки ундаги инсонийлик (ижтимоийлик) муҳимдир. Ҳолбуки, антропология инсонни айни бир вақтда ҳам биологик, ҳам психологик мавжудот сифатида ўрганади. Ижтимоий фалсафа учун инсоннинг асосий ижтимоий сифатлари, унинг ҳаёти ва шу орқали ижтимоий барқарорликни таъминлаш, тараққиёт йўналишларини белгилаш муҳимдир. Ижтимоий фалсафа жамиятда рўй берадиган ҳодиса ва жараёнларни таҳлил қилишда муайян тамойилларга таянади:

*Жамиятга яхлит ва бир бутун тизим сифатида ёндашии.* Бунда ижтимоий тизим элементлари бир-бири билан узвий боғлиқ деб қаралади, улар ўртасидаги сабаб-оқибат алоқалари ва ички қонуниятларни ўрганишга алоҳида эътибор берилади.

*Тарихий ёндашув.* Бундай ёндашувда жамият ҳаётида рўй берадиган ҳодиса ҳамда жараёнлар ўзгариш ва ривожланиш нуқтаи назаридан таҳлил қилинади. Ижтимоий тизим таркибига кирувчи ҳар бир элемент бошқа элементлар билан узвий алоқадорликда ўрганилади. Зеро ижтимоий ҳодисаларни таҳлил қилишда уларни тарихий асосдан сунъий равишда ажратиб олиш ярамайди.

Ижтимоий ҳодиса ва жараёнларнинг ривожланиш манбаини ташкил этувчи зиддиятларни аниқлаш ҳамда таҳлил қилиш, ҳам ижтиомий фалсафий тадқиқот тамойиллари қаторига киради.

Шу билан бирга ижтимоий ҳодиса ва жараёнларни тарихий ворислик нуқтаи назаридан ўрганиш, тараққиётга ҳалақит берадиган консерватив,

реакцион ҳодиса ва жараёнларни аниқлаш, жамият ривожланишини тахлил қилишда мавҳумликдан аниқликка ва аксинча қараб бориш ҳам мазкур фанга хосдир.

Ижтимоий билиш ўз моҳият ва мазмунига кўра, табиий-илмий билишдан фарқланади. Ижтимоий билишга муқаррар равиша сиёсий мафкура, қадриятлар, ижтимоий-сиёсий идеаллар ўз таъсирини кўрсатади. Шу боисдан ҳам ижтимоий ва табиий-илмий билишни бир-бири билан айнилаштириш ярамайди. (Ижтимоий билимнинг ўзига хос хусусиятлари қуйида алоҳида кўриб чиқилади).

Ижтимоий фалсафа жамиятда рўй берадиган барча ҳодиса ва жараёнларни миридан сиригача, уларнинг жузъий томонларини батафсил ўрганишни ўз олдига мақсад қилиб қўймайди. (Бу социология фанининг вазифаси).

Маълумки, бирон-бир ижтимоий фан жамият ҳаётида рўй берадиган барча ҳодиса ва жараёнларни тўлалигича қамраб ололмайди. Ижтимоий фалсафа жамиятни билишда фақат фан хulosаларигагина эмас, балки бадиий адабиёт, санъат, дин, сиёсат, мафкура соҳасида эришилган ютуқларга ҳам таянади. Ҳозирги пайтда ижтимоий фалсафада хилма-хил оқимлар ва мактаблар вужудга келганлигининг боиси ҳам ана шунда.

Ижтимоий фалсафа жамиятда рўй берадиган жараён ва ҳодисаларнинг туб моҳиятини тўлароқ акс эттириб, ижтимоий амалиётдан узилиб қолмасагина қадр-қимматга, илмий-назарий аҳамиятга эга бўлади.

Бу фанинг инсонпарварлик, тараққийпарварлик моҳияти шундаки, у жамиятни аниқ бир мақсадга мувофиқ равиша оқилона бошқаришга ёрдам беради. Бироқ бошқа тизимларда бўлгани сингари жамиятда ҳам баъзан онглилик онглизлик билан, тартиблилик тартибсизлик билан алмашиниб туради. Жамият аъзоларининг интеллектуал салоҳияти ортиб бориши билан жамиятни онгли равиша бошқариш, уни аниқ бир мақсадга йўналтириш имконияти ортиб боради.

Ижтимоий фалсафанинг дунёқараш ва методологик аҳамиятга эга бўлган қоидалари барча ижтимоий ҳамда гуманитар фанларнинг ривожланишига, жамиятни онгли бошқаришга яқиндан ёрдам беради.

Ижтимоий фалсафа қатор функцияларни бажаради. У, аввало, кишиларда ижтимоий воқелик тўғрисидаги қарашларни шакллантиради, одамларнинг ижтимоий борлиги билан уларнинг онги ўртасидаги муносабат муаммосини хал этишга ёрдам беради. Инсоннинг жамиятдаги ўрни, роли, инсон ҳаётининг маъноси сингари масалалар ҳақида баҳс юритади.

Ижтимоий фалсафанинг методологик функцияси ижтимоий фанларнинг ривожланиши, ҳодиса ва жараёнларни тадқиқ этишнинг умумий йўналишларини белгилашда, унинг қоидаларидан дастурул-амал сифатида фойдаланишда яққол кўзга ташланади.

Ижтимоий фалсафанинг прогностик функцияси шунда намаёён бўладики, унинг қоидалари жамиятнинг ривожланиш истиқболларини олдиндан кўришга, кишилар фаолиятини билишга ёрдам беради, кишилар фаолияти эса жамият тараққиёти мазмунини белгилайди. Кишилар фалсафий билим, дунёқараш ва методологияни чуқурроқ эгаллаб боргани сайин ижтимоий фалсафанинг юқорида кўриб чиқилган функциялари янада тўлароқ намоён бўлади. Фалсафий тафаккур маданиятига эга бўлган кишиларда изчил ва тизимли фикрлаш, ижтимоий ҳодиса ва жараёнларни диалектик боғлиқлиқда ўрганиш қобилияти шаклланади. Жамиятнинг ҳар бир онгли аъзоси ўз касб-кори ва ихтисосидан қатъи назар, жамият тўғрисидаги фалсафий билим ва таълимотларни чуқур эгаллаш орқалигина теварак-атрофда рўй бераётган ижтимоий ҳодиса ва жараёнларнинг келиб чиқиш сабаблари ва оқибатларини билиш, уларни бошқариш қобилиятига эга бўлади, бунёдкор, яратувчан кучга айланади. Зеро ижтимоий фалсафанинг инсон ҳаётидаги аҳамияти ҳам ана шунда.

Жамиятни фалсафий билиш жамият тўғрисида энг умумий билимга эга бўлиш, жамиятни бир бутун ҳолда идрок этиш демакдир. Бундай билимга эга бўлиш орқалигина жамиятни ижтимоий тизим сифатида ўрганиш, уни ташкил этувчи элементлар фаолиятини мувофиқлаштиришга эришиш, жамиятнинг

яхлитлиги ва барқарорлигини таъминлаш мумкин. Жамият тўғрисидаги фалсафий билим барча ижтимоий ҳодисаларнинг умумий асосини аниқлашга, яъни ижтимоий ҳаёт барқарорлигининг фундаментал мезонларини белгилашга, жамиятни яхлит ҳолда сақлаб қолишга имкон беради.

Ижтимоий фалсафанинг фалсафий билимлар ва ижтимоий фанлар тизимидағи ўрни, роли ҳамда баҳс мавзуи сингари масалаларга аниқлик киритиши мухим вазифалардан биридир. Айниқса, ижтимоий фалсафа ва социология, тарих фалсафаси ва ижтимоий фалсафанинг ўзаро муносабатини аниқлаш ҳаётий заруриятга айланди. Гап шундаки, узоқ йиллар давомида собиқ совет жамиятида ўқитиб келинган тарихий материализмга айни бир вақтда ҳам ижтимоий фалсафа, ҳам социология сифатида қараб келинди. Ҳолбуки, ижтимоий фалсафа социологиядан ўз предмети, тушунчалари, билиш усулларига кўра тубдан фарқ қиласди. Ижтимоий фалсафа-умумбашарий фалсафанинг таркибий қисми, яхлит жамият тўғрисидаги таълимот, эмпирик тадқиқотлар ва илмий фактларга таяниб, конкрет жамият тўғрисида аниқ тушунчалар беради. У социология ва бошқа ижтимоий-гуманитар фанларнинг хулосалари, ютуқларига таяниб, жамиятнинг умумий манзараси, ижтимоий борлиқнинг ўзига хос тараққиёт қонунлари тўғрисида умумий тасавурлар ҳосил қилишга имкон яратади. Ижтимоий фалсафа кишилик жамиятининг пайдо бўлиши, унинг моҳияти, инсоннинг ижтимоий табиати, унинг жамиятдаги ўрни ва роли тўғрисида баҳс юритади.

Ижтимоий фалсафа жамиятни тадқиқ этиш билан эмас, балки жамият тўғрисидаги фанларнинг ютуқларига таянган ҳолда ижтимоий-фалсафий дунёқарашни шакллантиришга алоҳида эътибор беради. Унинг тушунчалари (жамият, ижтимоий борлиқ, ижтимоий муносабат, индустрисал жамият, постиндустриал жамият, ҳалқ, миллат, шахс ва х.о.) ҳаётда кўп қўлланилади. Ушбу тушунчалар умумбашарийлиги ва теран мазмундорлиги билан, ажralиб туради. Социологик тушунчалар эса конкрет ва илмийлиги билан тавсифланади. Чунончи, социологик тушунчалар (социал структура, социал страffикация, ижтимоий ҳаракат, ижтимоий макон, мобиллик, девиант хулқ-

автор, ижтимоий жараён, ижтимоий бирлик, ижтимоий институт ва ҳ.о.) алоҳида олинган конкрет жамият (ижтимоий тизим)нинг турли томонлари тўғрисида билим беради. Бошқача айтганда, ижтимоий фалсафа инсон ва жамиятнинг умумий томонларини яхлит ҳолда билишга имкон берса, социология конкрет жамиятнинг долзарб муаммоларини ҳал этишга, унинг ривожланиш истиқболларини олдиндан кўришга, социал катаклизмлар (бўхронлар)ни оқилона ҳал этишга имкон яратади. Агар социология фан сифатида амалий вазифаларни ҳал этишни ўз олдига мақсад қилиб қўйса, ижтимоий фалсафа дунёқараш аҳамиятига эга бўлган муаммоларни ҳал этишни, “жамият нима?”, “инсон нима?”, “унинг моҳияти қандай?”, “жамият тараққиётининг асосини нима ташкил этади?” сингари саволларга жавоб беришни мақсад қилиб қўяди. Ижтимоий фалсафа ва социологиянинг нисбати умумийлик ва алоҳидаликнинг ўзаро муносабатини англатади.

Ҳар бир алоҳидаликда умумийлик ва ўзига хослик бор. Ижтимоий фалсафа бутун эътиборини алоҳидаликдаги умумийликка қаратади. Ҳар бир халқ, мамлакат ёки конкрет жамият тараққиёти қанчалик ноёб, ўзига хос ва бетакрор бўлишига қарамай, ўзида умумбашарийлик, умумийликнинг муҳим белгиларини мужассамлаштиради. Ана шу умумий жиҳатлар қанчалик тўлароқ, яққолроқ намоён бўлиши билан яхлит жаҳон ҳамжамиятининг шаклланиши, умумий тинчлик ва тотувликнинг қарор топиши учун қулай ' имкониятлар вужудга кела бошлади.

Ижтимоий фалсафа барча ижтимоий ва гуманитар фанларга, хусусан, социологияга йўналиш берадиган методологик асос бўлиб хизмат қиласи. Ижтимоий фан вакилларининг эътиборини ижтимоий организмнинг нормал фаолият кўрсатишида, ҳар бир аъзо (элемент)нинг қандай роль ўйнашига, ижтимоий тараққиётининг бош мақсади нимадан иборат эканлигига қаратади. Ижтимоий фалсафа жамият ҳаётининг моддий, маънавий, сиёсий, ҳукуқий, маданий, бадиий-эстетик, экологик, этник, миллий, демографик жиҳатларига алоҳида эътибор беради.

Ўзбекистон Республикаси Президенти И. А. Каримов томонидан асослаб берилган «Юксак маънавият - жамият тараққиётининг асоси» деган ғоя ижтимоий-фалсафанинг моҳияти, мазмуни ва вазифаларини янгича тушунишда муҳим аҳамиятга эга. Зеро, ижтимоий амалиёт собиқ совет жамиятининг инқирозга юз тутиши оддий хатолар оқибати эмас, балки собиқ тарихий материализм (ижтимоий фалсафа)нинг бирёқлама ва хато эканлигини кўрсатди. Эндиgi энг муҳим, мураккаб ва долзарб вазифа жамият ҳаётининг энг муҳим фалсафий муаммолари хусусида янгича фикр юритиш, илгор дунёқарашни шакллантиришdir.

Бунда аввало, қуидаги омилларни ҳисобга олиш мақсадга мувофиқdir.

Биринчидан, ижтимоий фалсафа ижтимоий ҳаётни яхлит ҳолда тасвирлабгина қолмай, балки ижтимоий институтларнинг жамият ҳаётидаги ўрни ва ролини ҳам белгилайди. Иккинчидан, ижтимоий фалсафада шахс ва жамият ўзаро муносабати масаласи муҳим ўрин тутади. Учинчидан, ижтимоий фалсафа жамиятнинг асосларини, яъни мавжудлик шарт-шароитларини аниқлайди, ижтимоий барқарорликни таъминлаш муаммолари устида бош қотиради. Нихоят, ижтимоий фалсафа ижтимоий ҳаётни илмий билишнинг методологик масалаларини ҳал этади.

Ижтимоий фалсафа бошқа ижтимоий фанлар: иқтисодий назария, социология, политология, тарих, хуқуқ, статистика каби фанлар билан яқин алоқадор. У мазкур фанлардан қуидаги жиҳатлари билан ажралиб туради:

- а) ижтимоий ҳаётни юқори даражада таҳлил қиласи, мавҳум тушунчалар, қонунлар ва тенденцияларни очиб беради, ўз хulosаларини умумий назария шаклида умумлаштиради;
- б) конкрет ижтимоий фанлар учун ижтимоий ҳодисаларни билишда методологик асос ҳисобланади;
- в) жамият ривожланишининг умумий қонунлари ва тенденцияларини ўрганади, у тарихий тараққиётнинг умумий назарияси ҳисобланади.

Ижтимоий фалсафанинг умумназарий ва методологик вазифалари жамиятнинг моҳияти, ижтимоий ҳаётнинг асл мазмунини билишда, жамиятни

яхлит ижтимоий система сифатида тадқиқ этиш, ижтимоий ҳаётнинг асосий соҳаларини, жамиятнинг моддий ва маънавий асосларини атрофлича ўрганиш, тарихнинг моҳияти ва маъносини тўғри англаш, инсоннинг фалсафий муаммоларини тадқиқ этишда яққол намоён бўлади.

Ижтимоий фалсафа бошқа фанларнинг илмий назарияларини ишлаб чиқишида методологик асос ролини ўйнайди. Ҳар қандай ижтимоий фан жамият ривожланиши ва инсон тўғрисидаги фалсафий таълимотга таянади. У, аввало, инсонга хос “Мен”ни намоён этишни ҳаётӣ, зарурият эканлигини асослаб беради ўзи ва жамият учун, интилувчи учун, ўз шароитларини ўзгартироқчи бўлган кишилар фаолиятининг назарий асосидир. Жамият ижтимоий муносабатларни тубдан ислоҳ қилиш, инсон фаолиятини янада фаоллаштириш, маданият ресурсларидан тўлароқ фойдаланишга эҳтиёж сезган вақтда ижтимоий фалсафага мурожаат қиласди.

Ижтимоий фалсафанинг асосий вазифаларидан бири жамият нима, унинг инсон ҳаёти учун қандай аҳамияти бор, унинг ҳақиқий борлиги нимада ва у биздан нимани талаб этади сингари саволларга жавоб беришдир.

Ижтимоий фалсафанинг билиш обьекти ижтимоий ҳаёт ва ижтимоий жараёнлардир.

Бу фан жамиятни билишда унга хос бўлган табиий томонларга, индивидуал, жиҳатларга эмас, балки ижтимоий ҳаётнинг умумий қонуниятларини атрофлича тадқиқ этишга кўпроқ эътибор беради. Маълумки, ижтимоий ҳаёт иқтисодий, сиёсий, маънавий соҳаларни ўз ичига олади. Ижтимоий ҳаракат ва ижтимоий муносабатларнинг асосий субъектлари ижтимоий груухлар ёки яхлит жамиятдир. Ижтимоий фалсафа ана шу социал ҳодисаларнинг ўзаро алоқалари, умумий қонуниятлари ва тенденциялари тўғрисидаги фалсафий карашлар системасидир.

Ижтимоий фалсафа қатор функцияларни бажаради.

1. Гносеологик функция яхлит жамият ривожланишининг умумий қонун ва йўналишларини тадқиқ этиш, йирик ижтимоий груухлар, ижтимоий жараёнлар тўғрисида илмий билимлар бериш билан боғлиқ.

2. Методологик функция социал ҳодисаларни билишнинг илмий методлари тўғрисида билимлар беради; назария, категория, қонун, принцияларни ишлаб чиқади.

3. Илмий башорат функцияси.

4. Дунёқарашиб функцияси.

5. Аксиологик (қадриятлар) функция.

Бу функциялар бир-бири билан узвий боғлиқ. Улар яхлит ҳолда ижтимоий-фалсафий билимларнинг ўзига хослиги ва моҳиятини белгилайди. Ижтимоий фалсафа - ўз моҳияти билан жамият истиқболини илмий асосда кўра оладиган фан. Унинг асосий вазифаси тарихий воқеаларни ва ижтимоий системанинг ривожланиш қонуниятлари ва йўналишлари (тенденциялари)нинг ҳал қилувчи омилларини аниқлашдир. Бу борада ижтимоий фалсафа билишнинг турли-туман назарий моделларидан ва усулларидан фойдаланади, билиш объектига ҳар томонлама тарихий жараёнга жаҳон тарихи нуқтаи назаридан ҳар томонлама ёндашади. Унда формацияли, цивилизацияли, қўп вариантили шакллар мавжуд. Бундай турли-туман ёндашувлар инсон ва жамият хақида тўлиқ тасаввур беради. Ижтимоий фалсафа инсонга тарихнинг субъекти ва обьекти сифатида қарайди, унинг ҳаётдаги ўрни, умрининг мазмуни, ҳаётининг маъноси каби масалаларга эътибор қаратади.

### ***Таянч тушунчалар***

Фалсафа, ижтимоий фалсафа, антропология, инсон, жамият, инсонни англаш, жамиятни ўрганиш, ижтимоий билимлар, ижтимоий қонунлар.

### **Назорат учун саволлар**

1. Ижтимоий фалсафанинг предметига таъриф беринг.
2. Ижтимоий фалсафанинг фалсафа фани билан алоқаси нималардан иборат.
3. Ижтимоий фалсафанинг функцияларини таърифлаб беринг.
4. Ижтимоий фалсафанинг дунёқарашиблик функцияси моҳиятини тушунтириб беринг.

## **2-МАВЗУ. ИЖТИМОИЙ ФАЛСАФА ТАРАҚҚИЁТИНИНГ АСОСИЙ ДАВРЛАРИ**

1. Ижтимоий фалсафий фикрларнинг шаклланиши ва тараққиёти. (энг қадимий даврлардан XIX асрга қадар).
2. XIX асрда ижтимоий фалсафа. Ижтимоий фалсафанинг фан сифатидаги ривожланиши.
3. XX аср ижтимоий фалсафаси.

Ижтимоий фалсафа жамият ҳақидаги фалсафий билимларни ўзида мужассамлантиради. Фалсафа фанининг шаклланиши ва тараққиёт тарихи, айни вақтда, ижтимоий фалсафага ҳам бевосита дахлдор. Зотан фалсафий билимлар энг қадимий даврлардан бошлаб инсон ва унинг оламга муносабати муаммосини ўз ичига олади. Фалсафа тарихи айни вақтда ижтимоий фалсафа тарихи ҳамдир.

Баъзи мутахассислар фикрича ижтимоий фалсафанинг тарихи 3 босқични ўз ичига қамраб олади.<sup>1</sup>

1. Ижтимоий фалсафанинг шаклланиши ва тараққиёти. Бу XIX асргача бўлган даврни ўз ичига олади:
2. XIX асрда ижтимоий фалсафанинг маҳсус йўналиш сифатида умумий фалсафадан ажралиб чиқиши.
3. XX асрда ижтимоий фалсафа тараққиёти.

Ижтимоий фалсафага доир билимларнинг шаклланиши ва тараққиёти антик давр фалсафасидан тортиб то XIX асрга қадар бўлган даврни ўз ичига олади. Бу даврда илгари сурилган фалсафий қарашлар нафақат олам, табиат ҳақидаги, айни вақтда, жамият ва инсон, инсоннинг жамиятга муносабати тўғрисидаги билимларни ҳам ўз ичига қамраб олган эди. Ижтимоий-фалсафий билимлар одамлар жамият бўлиб яшай бошлаган даврлардан шакллана бошлаган, деган хulosага келиш ўринли. Ижтимоий-фалсафий билимлар

<sup>1</sup> В.С.Барулин. Социальная философия. Учебник для вузов.-Москва, «ФАИР – ПРЕСС, 1999 й, 4-22 бетлар.

даставвал қадимги Шарқ мамлакатлари – Бобил, Миср, Хитой, Ҳиндистон, Марказий Осиёда шаклланган. «Авесто»да, Конфуций асарларида, «Рамаяна» ва «Маҳобхорат»да жамият ҳақида илк фикрлар мавжуд. Эрамиздан аввалги VI-V асрлардан бошлаб қадимий Юнонистон фалсафасида жамият, инсон муаммолари таҳлил қилинган. Айнан қадимги Юнонистонда ижтимоий фалсафий билимларга асос солинган. Юон файласуфлари Платон (э.а. 427-347 йиллар) ва Аристотель (э.а. 384-322 йиллар)нинг жамият, инсон, унинг жамиятга муносабати ҳақидаги ижтимоий-фалсафий қарашлари узоқ вақт мобайнида жамиятни илмий англашга ёрдам берган. Аристотелнинг фалсафий қарашларида жамиятга тааллуқли бир қатор муаммолар кўтарилилган. Булар - жамиятнинг вужудга келиши; меҳнат тақсимоти; қуллик, табақаланиш; таълимтарбия; иқтисодий ва сиёсий ҳаёт масалалари ва ҳоказолар. Айни вақтда Аристотель қарашларида жамиятни фалсафий англашнинг икки асосий томони ўз аксини топган. Бу, биринчидан, Аристотелнинг ахлоқий таълимоти, иккинчидан, давлат тўғрисидаги таълимоти. Аристотель жамиятни давлат билан узвий бирликда олиб қарайди. Унинг фикрича, жамиятни давлатдан ажратиб бўлмайди, инсон сиёсий мавжудот ҳисобланади. Аристотель қадимги Юнонистоннинг 158 шаҳар-давлатлари тарихини тиклашга муваффақ бўлган.

Жамият ҳақидаги илк фалсафий қарашлар Марказий Осиёда қадимдан шаклланиб, узоқ тарихга эга. У дастлаб бой маънавий меросимиз – халқ оғзаки ижодида, сўнгра - ёзма маданий ёдгорликларда ўз ифодасини топган. Бу маданий ёдгорликларга а) қадимги тошбитиклар, «Авесто», буюк алломаларимиз қолдирган манбалар киради. Жамият ва инсонни фалсафий англаш муаммолари - буюк мутафаккирларимиз Абу Наср Форобий, Абу Райхон Беруний, Абу Али Ибн Сино, Алишер Навоий, Юсуф Хос Ҳожиб, Ахмад Юғнакий асарларида акс этган.

XIX асрга қадар фалсафий қарашларда ижтимоий фалсафага доир икки муаммо ўз ечимини топган:

1. Жамиятни, унинг таркибини фалсафий таҳлил этиш.
2. Жамият тарихини фалсафий англаш.

Инглиз файласуфи Томас Гоббс (1588-1679), француз мутафаккири Жан Жак Руссо (1712-1778 йиллар), Сен Симон (1760-1825); инглиз олимлари Адам Смит ва Давид Рикардолар жамият, унинг таркиби ҳақидаги илмий билимларни илгари сурдилар.

Ижтимоий фалсафада жамият тарихини фалсафий англаш милоддан олдинги даврлардан бошлаб шаклана бошлаган. Бу – тарих фалсафаси, деб юритилади. Қадимий юнон олимлари Геродот (эр.ав. 485-425 йиллар атрофига), Фукидид (эр.ав.460-480 йиллар), Демокрит, Платон, Аристотель асарларида жамият тарихи ҳақидаги фалсафий фикрлар илгари сурилган. Тарих фалсафаси муаммолари Августин Аврелий (354-430), Фома Аквинский (1225-1274) асарларида ифодаланган. Олимлар Вольтер (1694-1778), Жамбаттиста Вико (1668-1744 йиллар), Иоганн Готлиб Фихте (1762-1814), Иоганн Готфрид Гердер (1744-1803) асарлари тарихни фалсафий англашга қаратилган. Француз файласуфи Вольтер жамият манфаатларидан йироқ монархияга қарши курашга ўзининг бутун умрини бағищлади ва жамиятни ақл-заковат асосида ўзгартириш мүмкинлигига ишонди. Немис олими, маърифатпарвари Гердер «Инсоният тарихи фалсафасига доир ғоялар» асарида Германияда XVIII аср охиригача ҳукм сурган тарихни теологик тушунишга қарши курашди.

Ижтимоий фалсафа тараққиётининг иккинчи босқичи XIX асрда илгари сурилган фалсафий ғояларни ўз ичига олади. Бу босқичнинг ўзига хос томони шуки, узоқ тарих давомида жамият ҳақидаги тўпланган фалсафий билимлар ижтимоий фалсафанинг фан сифатида фалсафа бағридан ажralиб чиқишига, мустақил илм соҳасига айланишига сабаб бўлди. Шу даврдан эътиборан, ижтимоий фалсафанинг предмети, муаммолари доирасини илмий таҳлил этиш бошланди. Ижтимоий фалсафанинг мустақил илм соҳасига айланишида кўплаб олимлар, айниқса Гегель, Конт, Спенсерларнинг ўзига хос ўринлари бор.

Вилгельм Фридрих Гегель (1770-1831) немис мумтоз фалсафасининг иирик намоёндаси. У «Рух фономенологияси», «Тарих фалсафаси» асарларида жамиятни фалсафий англашнинг яхлит тизимини ишлаб чиқди. У жамият тарихи, ундаги тарихий жараёнларнинг моҳияти, умуман, жамият, унинг

таркибий тузулиши, фуқаролик жамияти, давлатни бошқариш усули, ахлоқ, оила ҳақидаги чуқур таҳлилга асосланган фалсафий фикрларни илгари сурди. Гегель ижтимоий фалсафани фан даражасига кўтарди.

Француз файласуфи Огюст Конт (1798-1857) жамият ҳақида ўз таълимотини яратди. У «Позитив фалсафа курси» (6 жилдли) китобида жамиятни мураккаб тузилишга эга, ривожланиб борувчи организм ҳисоблайди. Унинг фикрича, жамиятни позитив илмлар асосида қайта қуриш мумкин.

Ижтимоий фалсафанинг кўплаб муаммолари инглиз файласуфи ва социологи Герберт Спенсер (1820-1903) асарларида ўз аксини топган. Спенсер «Ижтимоий статистика», «Социология асослари» китобларида жамиятга органик ёндашув ғоясини ишлаб чиқди. У жамият худди тирик организм каби фаолият кўрсатади, унинг ҳар бир элементи маълум функцияларни бажаради, деб ҳисоблайди. Ижтимоий тараққиётнинг асосий қонуни, Спенсер фикрича, энг мослашувчан жамиятларнинг курашидир.<sup>1</sup>

XX асрда ижтимоий фалсафа билан биргалиқда социология ривожлана бошлади, турли-туман таълимотлар илгари сурилди. Буларга неопозитивизм, психологик социология, индустрiali социология йўналишидаги қарашларни мисол қилиш мумкин.

Шу ўринда ижтимоий фалсафа билан социология орасидаги умунийлик ва фарқни аниқлаш лозим бўлади. Ижтимоий фалсафа жамият, инсон, ижтимоий тараққиёт ва ижтимоий билишнинг энг умумий қонунлари тўғрисида баҳс юритадиган фан. Ижтимоий фалсафа социология учун умумназарий асос бўлиб хизмат қиласди. Жамиятнинг моҳияти, ички тараққиёти қонуниятларини билмай туриб, аниқ жамият ва ундаги ижтимоий муносабатларни тўғри тушуниш мумкин эмас. Агар ижтимоий фалсафа жамият ҳақидаги назариялар, таълимотларни ифодаласа, социологияни аниқ жамият, ундаги ижтимоий алоқа ва муносабатлар қизиқтиради. Социология фанининг ривожига катта ҳисса кўшган олимлардан бири, унинг асосчиси француз файласуфи ва социологи

---

<sup>1</sup> Каранг. Фалсафа: Қомусий лугат. – Т.: Шарқ, 2004. 377-бет.

Эмил Дюркгейм (1858-1917) ҳисобланади. У жаҳонда биринчи социология профессори, «Социологик йилнома» журналиниң асосчисидир.

XX асрдаги ижтимоий-фалсафий билимларнинг шаклланиши ва тараққиётида немис олимлари О.Шпенглер (1880-1936), Карл Ясперс (1883-1969 йиллар), француз файласуфи Анри Бергсон (1859-1941)ларнинг қарашлари муҳим ўрни тутади. Освальд Шпенглер «Европа қўёшининг сўниши» асарида маданият ва цивилизацияни бир-бирига ўзаро қарама-қарши қўяди. XX асрдаги ижтимоий-фалсафий қарашларда инсон муаммосига алоҳида эътибор қаратилган. Ижтимоий тараққиётда инсон ақлу заковатининг ўрни, инсон қадрият, инсонпарварлик, гуманизм ғоялари ижтимоий-фалсафий қарашлар асосини ташкил этади.

- Ижтимоий тараққиётнинг ҳозирги босқичи, жаҳон миқёсида мустамлакачиликнинг барҳам топиши, жаҳон харитасида янги, мустақил давлатларнинг пайдо бўлиши ижтимоий-фалсафий фикрлар тараққиётига муҳим туртки бўлди. Айниқса, собиқ СССРнинг парчаланиши, Ўзбекистоннинг ўз мустақиллигини қўлга киритиши ижтимоий тараққиётга янгича ёндашувни талаб қилди. Янги жамиятнинг, ижтимоий тараққиёти муаммоларига ўзига хос ёндашув Президент Ислом Каримов асарларида ўз ифодасини топган. Юртбошимизнинг ҳозирги замон жамияти, жаҳон миқёсида кечеётган ижтимоий жараёнлар, мустақилликни қўлга киритган Ўзбекистоннинг ўзига хос ривожланиш йўли – ижтимоий тараққиётнинг «ўзбек модели» ҳақидаги қарашлари ижтимоий-фалсафий билимлар ривожланишида муҳим ўрин тутади.

Хуллас, XIX асрда Ғарбий Европа мамлакатлари ижтимоий-сиёсий хаётида 'рўй берган муҳим ўзгаришлар, табииётшуносликда эришилган ютуқлар жамият тўғрисида яхлит ва бир бутун фалсафий таълимот яратишни, ижтимоий фалсафанинг шаклланишини тақозо этди.

Маълумки, иқтисодий муносабатлар автоматик равишда ўз-ўзидан амал қилмайди, ҳар қандай иқтисодий тараққиёт асосида илм-маърифат, маънавий маданият ётади. Жамият моддий ҳаётнинг асосини ташкил этса ҳам, унинг нормал ишлаши учун маънавий салоҳият, билим, иймон-эътиқод ва

ҳакозо зарур. Жамият ҳаётининг фундаментал асосини нима ташкил этади? деган масала ижтимоий фалсафада ҳамиша муҳим ўрин эгаллаб келди. Мамлакатимизда маънавият, илм-фан ва маданиятни ривожлантириш давлат сиёсатининг устувор йўналишига айланган ҳозирги кунда юксак маънавиятнинг жамият ҳаётидаги ўрни ва ролини янгича тушуниш муҳим аҳамиятга эгадир.

Француз мутафаккири Огюст Конт жамият тўғрисидаги илмий назарияга, позитив фалсафа ва социологияга асос солди. У биринчи бўлиб метафизик фалсафани кескин танқид қилди: реал ижтимоий ҳаётдан ажralиб қолган метафизик фалсафий таълимотлар ўрнига кишилар учун фойдали ва аҳамиятли бўлган жамият тўғрисидаги позитив фан яратишни ўз олдига мақсад қилиб кўйди. О.Конт жамият тўғрисидаги янги фанни «позитив фалсафа» деб атаган бўлса ҳам, унинг қарашларида ижтимоий фалсафа ва социология бир-биридан ажralмаган эди (дастлабки қадам сифатида шундай бўлиши табиий эди). О.Контнинг фикрича, жамият индивидларнинг оддий мажмуудан иборат эмас: «ижтимоий атомлар» ҳам эмас, балки ривожланган индивидлар ўюшмасидир. Ижтимоий субъектларнинг ўзаро алоқадорлигидир.

Файласуфнинг таъкидлашича, жамият вужудга келиши ва ривожланишига кўра, яхлит ижтимоий организм бўлиб, у субъектлар (индивиду, табақа, синф)нинг ривожланишига боғлиқ. О.Конт ижтимоий фалсафага «ижтимоий статистика» тушунчасини олиб кирди. Унинг ёрдамида жамият структурасини тавсифлади. Ижтимоий• фалсафага оид тушунчаларни ривожлантирди. У «Позитив фалсафа курси», «Позитив сиёsat системаси» ва бошқа асарларида фалсафа ва социологияни позитив фан деб атади. Бу фанлар илмий далиллар ва илмий кузатишларга асосланади. У фалсафа йўналишида янги оқим - позитивизмга асос солди.

О.Контнинг позитив ижтимоий фалсафасида жамият ривожланишининг бош негизи ва унинг қонуний характерга эга эканлиги муаммоси муҳим ўрин тутади. У инсониятнинг интеллектуал эволюциясини «уч босқичли қонуни» орқали тушунтиришга ҳаракат қилди. Бу қонунга мувофиқ, инсоният

бошидан қуидаги уч: теологик илохий ривожланиш; метофизик босқич; позитив юксалиш босқичларини кечиради.

О.Контнинг ижтимоий фалсафага оид қарашлари ҳозирги давр учун ҳам аҳамиятли. У жамиятга яхлит ижтимоий система сифатида қаради. Жамият ривожланишининг қонуниятли ва прогрессив характерга эга эканлигини кўрсатди. Бу жараёнда меҳнат тақсимотининг ривожланиши, кишиларнинг сиёсий фаоллиги, фан ва маънавий маданиятнинг катта роль ўйнашини алоҳида таъкидлади. Файласуф томонидан илгари сурилган жамиятнинг гармонияли ривожланиши, ижтимоий барқарорлик омиллари ва ижтимоий субъектлар манфаатларини мослаштириш зарурлиги тўғрисидаги ғоялар бугунги кун учун ҳам аҳамиятга моликдир.

Ижтимоий-фалсафий таълимот яратишга инглиз олими ва файласуфи Герберт Спенсер (1820-1903) муносиб ҳисса қўшди. У «Синтетик фалсафа» асарида табиий ва ижтимоий ҳодисаларни синтетик асосда талқин этди, «Бошлангич асослар», «Илмий-сиёсий ва фалсафий тажрибалар» каби асарларида жамиятнинг органик назариясини яратди. Уларда жамият ривожланишида биологик ва ижтимоийликнинг ўзаро таъсирини кўрсатди. Жамиятга биологик ва ижтимоий омилларнинг яхлит бирлиги сифатида қаради. Жамиятни ижтимоий-табиий бирлик сифатида таърифлади. Г.Спенсер эволюция муаммосини ўзига хос тарзда ҳал этди, унга хос қуидаги муҳим белгиларни кўрсатди:

- а) оддийдан мураккабга ўтиш (интеграция);
- б) бир хилликдан кўп хилликка ўтиш (дифференциация);
- в) бекарорлиқдан барқарорлиқка ўтиш.

Ижтимоий эволюция нима? Ижтимоий эволюция жамият ривожланишининг прогрессив усули, ижтимоий институтлар фаолиятининг мураккаблашув ва такомиллашув сари йўналишидир. Ижтимоий эволюция инсонлар эҳтиёжи билан шартланган объектив жараён. Ижтимоий эволюция инсонлар фаолиятини ва турли ижтимоий институтларнинг аҳамиятини оширади. Шунингдек, у индивидларни ҳам ҳисобга олиши зарур.

Ижтимоий эволюция кишиларнинг турли-туман авлодлари томонидан амалга оширилади. Натижада, жамиятнинг кўпгина функциялари, ҳажми, турли-туманлиги, муайянлиги ва мураккаблиги ўзгаради, кенгаяди ва ривожланади.

Г.Спенсер ҳам О.Конт сингари жамиятга мувозанат, гармония ва барқарорлик зарурлигини таъкидлади. Ижтимоий мувозанат деганда, кишилар хатти-ҳаракатининг мослашувини, улар манфаатларининг уйғунлашувини, ижтимоий гурӯх ва институтлар ҳаракатида муросасозлик, ўзаро келишувлар бўлишини назарда тутди. Ижтимоий мувозанат кишилар ва ижтимоий институтларнинг ўзаро алоқалари тенглиги шароитида амал қиласди. Мазкур омил ижтимоий барқарорликни вужудга келтиради. Г.Спенсернинг фикрича, жамиятнинг инқирозга юз тутиши ижтимоий мувозанат, гармония ва ижтимоий барқарорликни истисно этади. Жамиятнинг инқирози (таназзули), Спенсернинг фикрича, давлат институтлари фаолиятининг самарасизлиги туфайли вужудга келади. Ҳокимият, армия, ташкилот институтларининг яроқсизлиги ҳам инқирозни янада кучайтиради. Омма ҳаракатига айрим шахслар, сиёсатчилар халақит беради, ҳаракатларнинг бирлашиши бузилади, марказдан қочиш тенденцияси кучаяди. Тартибсизлик саноат ва савдо ташкилотларининг фаолиятини ҳам издан чиқаради<sup>1</sup>.

Позитивизм ижтимоий ҳаётнинг турли ҳодисаларини, айниқса, турли-туман ижтимоий институтлар структураси ва барқарорлигини таҳлил қилишга алоҳида эътибор берди. Натижада ижтимоий-фалсафий тафаккурда структурали функционал таҳлил оқими вужудга келди. Унга америкалик файласуфлар Т.Парсонс (1902-1979) ва Р.Мертон (1910)лар асос солди. Структурали функционал таҳлилда ижтимоий система барқарорлигига, унинг нормал яшашига асосий эътибор қаратилди. Бу назария тарафдорлариниг фикрича, жамият ўзгаради, инқирозга учрайди, шунингдек, турли ижтимоий ташкилотларнинг функциялари ўзгариб туради. Бу оқим ижтимоий системадаги функционал томонларнинг пайдо бўлишини, адаптация

---

<sup>1</sup> Спенсер Г. «Система синтетической философии». -М.1998. С. 314

(мослашув, кўниши) ва мақсадга эришиш, интеграция, бирлашув, қўшилиш, структурани қайта ташкил этиш, ижтимоий кескинликни юмшатиш йўлларини ўрганади. Ижтимоий гармония эса ижтимоий келишувга қарама-қарши бўлган муаммоларни ўрганиб, ижтимоий системани бузишга, инқирозга олиб келадиган ҳар қандай ҳолатларни таҳлил этади. Хусусан, Р.Дарендорфнинг фикрича, ижтимоий конфликтлар:

- a) ижтимоий системадаги мувозанат ҳолатининг бузилишини ва шу жараёнда ривожланишнинг рўй беришини англатади;
- б) конфликт жамиятни инқирозга олиб келади.

Ижтимоий фалсафа тарихий жараён характерига мос равища янгича қарашларни илгари сурди. Таниқли немис файласуфи Макс Вебер (1869-1920) ижтимоий фалсафа ривожига салмоқли ҳисса қўшди. У ижтимоий фалсафа ва социологияга оид илмий манбаларни чуқур ўрганди. Макс Вебер «Протестантлик ахлоқи ва капитализм рухи», «Хўжалик ва жамият», «Социал-илмий ва ижтимоий-сиёсий билишнинг объективлиги», «Тушуниш социологиясининг айрим категориялари тўғрисида» ва бошқа асарларида ижтимоий фалсафа муаммоларини ҳал этишга ҳаракат қиласди. М.Вебер ижтимоий фалсафани назарий социология деб таърифлади, ижтимоий фалсафа кишилар фаолиятини ва хулқ-атворини ўрганиши керак. Жамият айрим индивидлардан ёки ижтимоий гуруҳлардан иборат бўлиши мумкин. Улар инсон фаолиятининг дастлабки уюшмалариdir. Шунга мувофик, ижтимоий фалсафанинг муҳим масаласи ижтимоий ҳаракатларни ўрганишdir. Ижтимоий ҳаракат, М.Вебернинг фикрича, кишиларнинг онгли, англаган муносабатлари системаси, бир-бирига ўзаро таъсириdir. Инсон ҳаракати унинг бошқа кишиларнинг ҳаракатига нисбатан жавобидир. Ижтимоий ҳаракатдаги мотивларни, қадриятларни ҳисобга олиш керак. Ижтимоий ҳаракат субъектининг маънавий дунёсини, қадриятли йўналишини тушунмоқ зарур. Ҳаракат маъносини таҳлил қилиш, сезиш тушуниш социологияни вужудга келтирди. Тушуниш социологиясида субъектнинг ижтимоий ҳаракати ва ички дунёси мантиқий фикрлар, тушунча ва ҳиссиёт психологияси орқали очиб

берилади. М.Вебер социологик жараёнларни илмий даражада англаш ва тушунишга интилиб, бу усулни кенг қўллади. Бу ижтимоий ҳаракат субъектининг маънавий оламини ўрганишда қадриятлар, ахлоқ, сиёsat, эстетик, диний қадриятларнинг ўрни катта эканлигини кўрсатди. Шахс ўз ҳаракатида, ниятида қадриятларга асосланади. Бу эса инсон фаолияти ва хулқ-авторининг моҳияти ҳамда мазмунини белгилайди. Маълумки социолог ҳам файласуф ҳам муайян қадриятларга таянади. М.Вебернинг фикрича, қадриятлар ҳаётий бўлиб, инсоннинг онгли фаолияти билан узвий боғланган. Ҳар қандай қадрият ижтимоий тарихий асосга эга. М.Вебер ижтимоий фалсафада идеал типлар концепцияси (фояси)ни ривожлантирди. Идеал тип назариясида идеал модельни яратди. Бу модель инсон учун фойдали бўлиб, унинг манфаатларини ифодалайди. Идеал типларда ахлоқий, сиёсий, диний ва бошқа қадриятлар асосий ўрин эгаллайди. Шунга мувофиқ, кишиларнинг фаолияти ва ахлоқининг қоида ҳамда нормалари белгиланади. Идеал типларнинг ижтимоий ҳолати ҳокимият, шахсларро муносабат, индивидуал ва гурӯҳ онглари ҳолатларига қараб белгиланади. Маънавий қадриятларнинг ўзаро алоқаси идеал типларни ижтимоий аҳамиятли ҳодисалар даражасига кўтаради, инсон хатти- ҳаракатининг мақсадини белгилайди, уни фаолликка ундейди. Тарихий жараёнда инсон ҳаракати тобора тус олади, инсон фаолияти рационаллашади. Инсон ҳаётига янгиликлар, ижтимоий ўзгаришлар тобора қўпроқ кириб боради. Шунингдек, Вебер ҳукуқий давлат ҳақидаги назариясида мазкур давлат фуқароларининг муносабатларини рационаллаштиради, қонунга асосланади, ижтимоий-сиёсий ва ахлоқий нормаларга таянади, деган ғояни илгари сурди.

Замонавий ижтимоий фалсафа тарихий жараён ҳарактерига мос қарашларни илгари сурмоқда. Унинг йўналишлари кўп қиррали бўлганлиги сабабли тарихий жараённинг моҳияти ва унинг ҳаракатлантирувчи кучлари тўғрисида ҳам турлича қарашлар вужудга келди. Айрим назариётчилар тарихий қонунларнинг ўрни салмоқли эканлигини эътироф этса, айримлари буни инкор этади. Тарихнинг маъноси масаласидаги қарашлар ҳам бир хил эмас. Чунки

тариҳий жараён таҳлилига турлича методлар асосида ёндашилади. Шундай бўлиши табиий. Инсоният тариҳи мураккаб ва хилма-хил реалликдан иборат бўлиб, унда турли кучлар ҳамда омиллар амал қиласиди.

Маълумки, инсон тариҳига ва ижтимоий ҳаётига географик мухит, ишлаб чиқариш кучлари, техниканинг ривожланиш даражаси, мафкура, ахлоқ, қадрият, иқлим ва бошқалар ҳам таъсир кўрсатади. Улар бир-бири билан ўзаро боғланган. Тариҳий ривожланиш қандай бўлишидан қатъи назар, у умумий объектив характерга эга. Инсоннинг ҳаётий фаолияти унинг моддий ва маънавий эҳтиёжларини, манфаатларини қондиришга қаратилган жараён. У муайян қонуниятлар асосида рўй беради. Ижтимоий фалсафанинг вазифаси ана шу қонунларни холисона ўрганиш ва изоҳлаш. Тариҳий жараённинг объективлиги унинг бирлиги, ажралмаслиги ва бир бутунлигидадир. Тарих албатта кўп қиррали ва хилма-хил, лекин у бир бутундир. Тариҳий ривожланиш шароитига, вазиятга, муаммоларни ҳал этишга қараб турлича. Лекин инсоният тариҳи яхлит жаҳон тарихидир.

Халқлар тариҳи жаҳон тарихи билан узвий боғлик. Жаҳон интеграцияси объектив жараён бўлиб, у мураккаб ва зиддиятлидир. Унда қатнашадиган турли мамлакат ва халқлар ўз манфаатлари, мақсадлари, истакларини амалга оширишга харакат қиласиди. Инсоният тарихининг зиддиятли характерга эга эканлиги унда объектив ва субъектив омилларнинг ўзаро таъсири мавжудлигидадир. Унинг яхлитлиги ва турли-туманлиги тариҳий жараённинг бир хил ва тўғри чизиқли ривожланиш бўйлаб эмас, аксинча кўп вариантли характерга эга эканлигидадир.

### ***Таянч тушунчалар***

Позитивизм, неопозитивизм, ижтимоий статистика, социология, социологик оқимлар, ижтимоий система, ижтимоий эволюция, ижтимоий конфликтлар, тарихнинг маъноси.

### **Назорат учун саволлар**

1. Фалсафа ва ижтимоий фалсафанинг ўзаро алоқадорлигини қандай тушунасиз.
2. Ижтимоий-фалсафий билимлар қайси даврдан шакллана бошлаган?
3. Ижтимоий фалсафанинг тарихий босқичлари.
4. Ижтимоий фалсафанинг алоҳида фан сифатида шаклланиши.
5. XX асрдаги ижтимоий-фалсафий қарашлар.
6. Президент И.А.Каримов асарларида ижтимоий-фалсафий муаммолар.

## **З-МАВЗУ. ИЖТИМОЙ ФАЛСАФАНИНГ АСОСИЙ ТУШУНЧА ВА КАТЕГОРИЯЛАРИ**

1. Ижтимоий фалсафа фанининг тушунча ва категориялари.
2. Ижтимоий фалсафа категорияларининг асосий функциялари.
3. Ижтимоий фалсафанинг асосий тушунча ва категорияларининг ижтимоий ҳодиса ва жараёнларни билишдаги ўрни.

Ижтимоий фалсафа фанининг яхлит тизимини ўрганиш долзарб илмий вазифалардан бири ҳисобланади. Бу йўналишда муайян илмий изланишлар олиб борилаётган бўлсада, лекин уларни талаб даражасида деб бўлмайди. Ижтимоий ҳаётда турли воқеа-ходисалар, жараёнлар муайян қонунлар асосида содир бўлади ва ижтимоий-фалсафий категорияларда ўз ифодасини топади. Ижтимоий фалсафа фанининг асосий тушунча ва категориялари ижтимоий ҳодиса ҳамда жараёнларни билишда муҳим методологик вазифани бажаради.

Мазкур фанга хос тушунча ва категориялар тизими шаклланишининг ўзига хос тарихий асослари мавжуд. Масалан, Марказий Осиё ижтимоий-фалсафий таълимоти тарихида зардуштийлик таълимоти алоҳида ўрин эгаллайди. Бу таълимотнинг ғоялари, асосий ижтимоий-фалсафий тушунча ҳамда категориялари зардуштийликнинг муқаддас китоби «Авесто»да ўз ифодасини топган. Ушбу асардаги ижтимоий-фалсафий категориялар тизимининг асоси икки бошланғич тушунча - Ахура Мазда ва Ахримандир. Бу зардушт фалсафасининг устувор тушунчалари бўлиб, ижтимоий ҳаётда қуидаги категорияларнинг диалектикаси сифатида намоён бўлади. Булар яхшилик ва ёмонлик, ҳақиқат ва ёлғондир. Гарчанд уларнинг барчаси бир томондан, яратувчанлик, эзгулик, яхшиликка асосланган, иккинчи томондан, ижтимоий борлик учун заарли, бузғунчи ғоялар бўлса, улар ягона оламнинг teng ҳукуқли маҳсулидир. Зиё ва риё ўргасидаги кураш ижтимоий ҳаётда ҳақиқат ва эзгулик, яхшиликнинг, қабоҳат, ёмонлик, ёлғончилик ва лоқайдлик, бебурдлик билан кураши сифатида намоён бўлади. Зардуштийлик диний-

фалсафий таълимотида юқорида қайд этилган асосий категория ва тамойиллардан ташқари турлича сифиниш, эътиқод, сехрли формулалар, сув ва оловга мурожаат, ёвуз руҳлардан муҳофазаланиш восита ҳамда усуллари ҳам акс этади. «Авесто»даги асосий ғоялардан бири эзгу фикр, эзгу сўз, эзгу амал ҳақидаги таълимот умумфалсафий характерга эга бўлиб бу учлик моҳият - эътиборига кўра, ижтимоий ҳолат, ҳаракат ва эҳтироснинг турли ижтимоий ҳодисаларда намоён бўлишидир. Универсал субстанция бўлган оташ ҳақидаги фалсафий ғоянинг замирида эса оловнинг кишиларга яхшилик, нур ва фаровонлик олиб келувчи буюк куч эканлиги тўғрисидаги фикр ётади. Унга интилиб яшамоқ инсон «мен»ини, социум такомилининг олий шаклига етказиш имконини беради

«Категория» тушунчаси фалсафа фанининг таркибий қисми сифатида илк бор Аристотель томонидан қўлланилди. У «Категориялар ҳақида» номли рисоласида қўйидаги категорияларни қайд этади: субстанция, миқдор, макон, вақт, сифат, муносабат, жойлашув ва бошқалар.

Аристотелнинг фикрича, ижтимоий-фалсафий категорияларнинг такомили ижтимоий тараққиётнинг реал воқеликда намоён бўлишидир. У «Иккинчи аналитика» асарида моҳиятдан ташқари барча категориялар “субстанциянинг шарпасигина, холос” эканлигини таъкидлайди.

Форобийнинг фалсафий қарашларида ижтимоий ҳаёт ҳақидаги фаннинг предмети ва вазифалари, ижтимоий гуруҳларнинг келиб чиқиши, таркиби ва турлари, шунингдек, жамият шакллари, шаҳар-давлат, (Ал-мадина) давлат бошқарувининг хусусиятлари масалалари атрофлича таҳлил этилади. Бундан ташқари, “фозил шаҳар” тушунчаси социал модель сифатида бошқа қатор ижтимоий-фалсафий тушунчалар билан боғлиқ тарзда қаралади. Масалан: Донишманд - бошқарувчи, эзгулик, яхшиликка етакловчи ғоя ва бошқалар асосида раҳбарлик қилувчидир. Форобий таълимотига кўра, бундай киши жамиятнинг яхлитлигини, унинг барқарор идеал жамият томон ривожланишини таъминлайди. Форобий ижтимоий-фалсафий тушунчалар тизимини яратди. Мазкур тизимда идеал жамият ва умумий фаровонлик

масаласи асосий ўрин эгаллайди. Ақл ва юксак ахлоқий нормалар фаровон ижтимоий ҳаёт ва маънавий маданият такомилининг асоси бўлиб хизмат қиласди.

Марказий Осиё ижтимоий-фалсафий таълимотида ижтимоий тараққиётда “гармония” тушунчасига ҳам кенг ўрин берилади. Таъкидлаш лозимки, ижтимоий фалсафа категорияларининг тизими етарли даражада ўрганилмаган. Ваҳоланки, мазкур тизимсиз жамият ҳақидаги ижтимоий-назарий ғояларни билиш ва улардан ижтимоий амалиётда фойдаланиш самарасиз машғулотдан иборат бўлиши мумкин.

Тарихий тараққиётнинг ҳар бир босқичи ижтимоий фалсафанинг категориал аппаратини ривожлантирмоқда, бойитиб бормоқда. Категориялар тизимининг ривожланиши ва такомили икки йўналишда амалга ошади. Биринчидан, улар ижтимоий амалиёт эҳтиёжларидан келиб чиқиб шаклланади ва ривожланади. Бу жараённи категорияларнинг интенсив шаклланиш ва ривожланиш жараёни дейиш мумкин. Иккинчидан, мавжуд тушунча ва категориялар жамият тараққиёти жараёнида мазмун-моҳияти бойиб, таъсир доираси янада кенгайиб боради, яъни экстенсив ривожланиш характеристига эга бўлади.

Бундан ташқари, ижтимоий фалсафанинг категориал тизимининг намоён бўлишини маънавий йўналишда кўриш ҳам мумкин. Жамиятнинг маънавий ҳаётига хос мазкур тизимга кўплаб асосий тушунча ва категорияларни киритиш мумкин. Жумладан, маънавият, маърифат, руҳият, информация, ижтимоий муносабатлар, ахлоқ, дин, фалсафа, социал психология, ғоя, мафкура, фан ва бошқалар шулар жумласидандир.

Ижтимоий фалсафа жамиятга ўз-ўзидан ташкилланувчи, узлуксиз тараққий этиб борувчи ижтимоий организм сифатида қарайди. Айни чоғда маълум тарихий даврларда баъзи жамиятлар ва цивилизациялар таназзули сабабларини ҳам таҳлил этиб, тарихий хотирани шакллантиради.

Маълумки, ҳар бир фан оламнинг бирон-бир кўринишига дахлдор қонуниятларни очишни ўз олдига мақсад қилиб қўяди. Ижтимоий фалсафа

фанининг категориялари ижтимоий тушунчалар асосида шаклланади ва ривожланиб боради. Шунинг учун хам ижтимоий воқеликни ифодаловчи категориялар илмий ижтимоий тушунчалар бўлиб ижтимоий тарақиётини моҳиятини ва мазмунини ифодалайди. Шунингдек, ҳар бир фанинг мазмуни унинг таянч тушунчалари, терминларида ифодаланганидек, ижтимоий фалсафанинг ўз тушунча - категориялари мавжуд.

Ижтимоий фалсафанинг таянч тушунчалари ва категориялари деганда «жамият», «инсон», «шахс», «оила», «ижтимоий борлиқ», «ижтимоий онг», «ижтимоий муносабат», «ижтимоий жараён», «цивилизация», «тадрижий ривожланиш», «ижтимоий ҳаёт» кабилар назарда тутилади.

Ижтимоий фалсафа фанинг категорияларини ўзига хос функциялари мавжуд.

1. Ижтимоий фалсафанинг категорияларининг дунёқарашлилик функцияси. Ижтимоий фалсафа инсоннинг жамият ҳақидаги илмий дунёқарашини шакллантиради. Албатта, инсон дунёқарашини шакллантиришда барча билим соҳалари қатнашади. Ижтимоий фалсафа яхлит категориялар тизими сифатида инсоннинг жамиятдаги ўрни ҳақидаги билимларнинг шаклланишига ёрдам беради, унга жамиятда рўй берадиган турли жараёнларга ўз онгли муносабатини шакллантиришга хизмат қилади.

2. Ижтимоий фалсафанинг категорияларини методологик функцияси. Ижтимоий фалсафий категориялар ва тушунчалар жамият тизими ва ривожланишидаги умумийлик ҳамда айримлик ўртасидаги ечимни топиш, ижтимоий ҳаёт соҳаларининг ўрнини кўрсатиб бериш, инсон борлиғи ва моҳиятини ёритиш, инсоният тарихининг моҳиятини тушунтириб бериш билан бошқа ижтимоий фанлар учун ўзига хос методологик асос вазифасини бажаради, ҳамда жамиятни илмий англаш методлар эканлиги ҳам назарда тутилади. Фалсафа тарихида оламни, шу жумладан жамият ва инсонни билишнинг икки асосий методи шаклланган. Булар: диалектика ва метафизика. Ижтимоий ҳаётни ўрганишда диалектика ва метафизиканинг ўзига хос ўрни бор:

- диалектика ижтимоий ҳаёт ҳодисаларини ўрганишда, улар орасидаги энг умумий универсал алоқадорликларга эътибор беришни тақозо этса, метафизика жамиятнинг ҳар бир таркибий қисмини алоҳида ҳолатда олиб ўрганади;

- диалектика ижтимоий ҳаёт ва инсонни пастдан юқорига, соддадан мураккабга қараб бораётган жараён сифатида ўрганишда тараққиёт тамойилидан келиб чиқса, метафизика эса тараққиётни асосан миқдорий ўзгаришлар сифатида талқин этади;

- диалектика оламнинг барча кўринишлари каби жамият ва инсон оламининг моҳиятида ҳам зиддиятлар амал қилади, зиддиятларнинг бирлиги ва мутаносиблиги жамият ва инсон мавжудлигига намоён бўлади, айни вақтда зиддиятлар орасидаги муносабат тараққиётга олиб боради, деб билса, метафизика жамиятдаги зиддиятлар, уларнинг қарама-қарши томонга оғиб кетишини эътибордан соқит қилади.

Ижтимоий ҳаётга илмий муносабатларни қарор топтиришда синергетика методининг ҳам ўзига хос ўрни бор. Бу метод қандай қилиб жамият ўзидан-ўзи шаклланганини англаб олишга аниқлик киритади. Бунда табиат ва жамиятда бифуркация ҳодисаси мавжудлиги назарда тутилади. Унга кўра, тасодифлар ўзидан-ўзи йиғилиб, муайян миқдорий ўлчамлар чегарасида қонуний алоқадорликларнинг шаклланишига сабаб бўлади. Жамият ривожи ва таназзулида инсон омили муҳим роль ўйнашини назарга олсак, синергетика методи тамойилларига таяниш ва тегишли бифуркация ҳодисасини назарда тутиш бағоят муҳим.

### 3. Ижтимоий фалсафанинг категорияларининг инсонпарварлик функцияси.

У комил ва баркамол инсонни шакллантиришга хизмат қилади. Энг қадимий даврлардан фалсафани инсон, унинг моҳияти, қадр-қиммати масалалари қизиқтириб келган. Аслида фалсафа инсон ҳаёти маъносини англаб оладиган бошланган. Категориялар ва тушунчалар «Одам ва олам» муносабати муаммосини ҳал қилишга ёрдам беради. И.Кант «Соф ақл танқиди» асарида фалсафий билимларнинг моҳияти уч саволда ифодасини топган, деб ҳисоблайди. Булар:

- Мен нимани била оламан?
- Мен нима қилишим керак?
- Нимага умид қилишим, ишонишим керак?

Инсоният барча даврларда ушбу саволларга жавоб топишга интилган. Бу функция инсонни тарбиялашга, унда юксак инсоний, ахлокий фазилатларни шакллантириш ва ривожлантиришга йўналтирилган. Инсонни шакллантириш ва ривожлантириш унда фалсафий фикрлаш маданиятини қарор топтиришни ҳам назарда тутади.

#### 4. Ижтимоий фалсафанинг категорияларининг башорат функцияси.

Ижтимоий-фалсафий тушунча ва категориялар ижтимоий жараёнларни илмий бошқаришда ҳам ўзига хос муҳим аҳамият касб этади. Бинобарин категориилар ижтимоий тараққиёт қонунларидан келиб чиқиб, ижтимоий жараёнлар тенденцияси (майли) ва истиқболини, келажакни англаш, илмий башорат қилиш имконини беради.

Ижтимоий фалсафа фалсафий билимлар билан биргаликда барча ижтимоий-гуманитар фанларнинг методологик асоси ҳам ҳисобланади. У тарих, антропология, психология, этнография, иқтисодий назария каби фанлар билан узвий бирлик ва алоқадорликда мавжуд. Ижтимоий фалсафанинг категориилари социология фанини категориилари билан бөглиқ ва баъзан ўхшаш бўлади. Масалан “жамият” “социум” ва бошқ. Ижтимоий фалсафа жамиятнинг энг умумий муаммолари ҳақида баҳс юритса, социология конкрет жамиятнинг конкрет муаммоларини тадқиқ этишни назарда тутади. Шунинг учун ҳам улар бирлари билан фақат ўхшаш бўлмай балки фарқ ҳам қиласи. Ижтимоий фалсафа тарихни англашнинг ҳам методологик асоси ҳисобланади. Тарих муаммоларини ҳал қилиш чуқур фалсафий тахлилга сунади. Шундай қилиб ижтимоий фалсафа фани нафақат ўз категория ва қонунлар тизими билан, балки асосий функциялари билан ҳам бошқа фанлардан фарқ қиласи. Бу тизим, ўз навбатида, фаннинг шаклланиши, мазмун-моҳияти ва унинг тараққиёт босқичлари ижтимоий амалиёт учун нақадар муҳим эканлиги билан ажралиб туради.

Маълумки, фалсафа фанининг ўзига хос тушунча ва категориялари мавжуд. Масалан: борлиқ, макон ва замон, информация, онг, сунъий ақл, сабаб-оқибат, зарурият, тасодиф, имконият, воқелик, моҳият, ҳодиса, мазмун, шакл, айримлик, хусусийлик, умумийлик, метафизика, диалектика, софистика, синергетика, зиддият, микдор, сифат ва бошқалар. Таъкидлаш лозимки, баъзи тушунча ва категориялар фақатгина бир фаннинг категориялари бўлиб қолмай, бундай категориялар бир неча фанларнинг асосий категориялар тизимиға кириши мумкин. Масалан, инсон, ҳаракат, макон, замон, жамият, сиёсат, мафкура, дин, онг, ахлоқ, ҳуқуқ ва бошқалар шулар жумласидан. Ижтимоий фалсафа фанининг категориялари ўзига хос хусусиятларидан ташқари бошқа фанларга хос бўлган умумий жиҳатларни ҳам ўзида мужассам этади. Ана шундай хусусиятлардан баъзилари қуйидагилар:

Ижтимоий-сиёсий соҳа билан боғлиқ асосий категориялардан социал стратификация, социал мобиллашув, инсон, индивид, субъект, халқ, ижтимоий қатлам, миллат, элат, синфлар, сиёсат, жамиятнинг сиёсий ташкилотлари, ижтимоий институтлар, давлат, партия, демократия, эволюция, реформа (ислоҳот), менталитет ва шу кабиларни мазкур категориялар тизимиға киритиш мумкин. Айни пайтда, ҳаёт ва ўлим, ижтимоий ҳаёт, ҳаёт мазмуни, эркинлик, зарурият, ижтимоий адолат, гуманизм, прогресс ва регресс.

Ижтимоий-маданий соҳага бевосита алоқадор категориялар сифатида қуйидагиларни қайд этиш мумкин: маданият, ижтимоий-маданий борлиқ, маънавият, маънавий эҳтиёж-манфаатлар, оила, қадриятлар, қадрсизланиш, маданиятсизлик, ворислик, цивилизация, ҳуқуқий маданият, сиёсий маданият.

Моддий соҳага оид категориялар сифатида табиат, географик муҳит, моддий муносабатлар, ишлаб чиқариш кучлари, бозор муносабатлари, мулкчиликнинг хилма-хиллиги, ижтимоий муносабатлар, техника, коммуникация, технология, илмий техник тараққиёт, экология, ҳокимият, жамият мавжудлигини асоси ва бошқа шу каби тушунчаларга таянади.

Ижтимоий фалсафа фани кишилик жамияти ҳақидаги кўплаб фанларнинг категорияларидан ҳам фойдаланади. Ижтимоий фалсафага чегарадош

фанларнинг категориялари ҳам ушбу фан доирасида кенг қўлланилади. Гап шундаки, улардан фойдаланиш жараёнида ижтимоий ҳодисаларни билишининг ўзига хос жиҳатларини назардан четда қолдирмаслик лозим. Ана шундай категориялар сифатида ҳуқуқий давлат, фуқаролик жамияти, демократик жамият, ижтимоий фикр, ижтимоий гурӯхлар, ихтилоф, ижтимоий воқеа ва ҳодисаларни ўрганишда қўлланиладиган умумий тушунчалар сирасига киради. Зеро, бу тушунчалар сиёсатшунослик, сиёсат назарияси, сиёсат фалсафаси, ҳуқуқ фалсафаси, давлат ва ҳуқуқ тарихи ҳамда назарияси, маданиятшунослик, социология каби фанларда ҳам кенг қўлланилади.

Ижтимоий – фалсафий тушунча ва категориялар ҳозирги даврда янги ўзига хос мазмун ва моҳиятга эга. Улар шунчаки ижтимоий борлиқни инъикоси бўлмай, балки унинг моҳиятини белгиловчи омиллардан биридир. Ижтимоий фалсафанинг шаклланиши ва ривожланиши унинг тушунча ва категорияларининг ривожланиши билан ҳам боғлиқ бўлади. Зеро глабаллашув жараёнида ижтимоий муҳитнинг ўзгариб бориши, айни пайтда ижтимоий воқелик ҳақидаги кишиларнинг тасаввурларини, тафаккурини ва тушунчаларини ўзгариб такомиллашиб боришини ҳам таъминлайди. Ижтимоий билим ижтимоий тушунчалар ва категорияларсиз мавжуд булаолмайди. Ижтимоий фалсафий тушунча ва категориялар яхлит тизим сифатида, билиш субъектини ижтимоий ҳодисалар ва жараёнлар ҳақида хаққоний билимга эга бўлишини ижтимоий ҳодисаларни диалектик жараён сифатида атрофлича ўрганишга хизмат қиласди. Мазкур тушунчаларни бошқа ижтимоий-гуманитар фанларда, жумладан, иқтисодий-сиёсий ва тарихий фанларда қўлланилиши жамият ҳаёти билан боғлиқ мураккаб геосиёсий-назарий масалаларга илмий ёндошувни шакллантиради. Уларнинг зиддиятли жиҳатларини ечимини таъминлайди. Ижтимоий тушунчалар – бу тарихий, ва доимий ривожланишда ва такомилда бўлган тушунчалардир. Тарихий тараққиёт динамикаси ижтимоий-тушунча ва категориялар динамикасида намоён бўлади. Агар ижтимоий ҳаёт тезкорлик билан ривожланса, айнан шундай жараёнлар ижтимоий тушунчаларда ҳам содир бўлади. Шунинг учун ҳам ижтимоий

тушунчалар такомиллашув жараёнида бўлган илмий тушунчалардир. Бу жараён эса ижтимоий тушунчаларнинг ижтимоий диалектиканинг ўзгарувчанлик ва баркарорлик тамойили асосида амалга ошади. Ижтимоий воқеликдаги нарса ҳодисалар ва жараёнлар диалектикаси тушунчалар ва категориялар диалектикаси демакдир. Шу ўринда, таъкидлаш жоизки, ижтимоий тушунчалар ижтимоий амалиёт билан биргаликда бошқа бир қатор ижтимоий-фалсафий тушунча ва категориялар, жумладан манфаат, эҳтиёж, қадриятлар зарурият каби тушунчалар билан ҳам боғлиқ бўлади. Ижтимоий тушунча ва категорияларнинг ривожланиши ўзининг мантиғига эга ва қуидаги назарий аҳамиятга молик бўлган вазифаларни бажаради. Биринчидан, жамиятни барқарор ривожланишини таъминлашга, иккинчидан, жамият ривожланишнинг қонун ва қонуниятларини моҳият мазмунини аниқлашга, уларнинг ўзига хос жиҳатларни билишга хизмат қиласди.

Жамият ривожланишининг умумий қонунларисиз, унинг категориялари мавжуд бўла олмайди ва аксинча категорияларсиз ижтимоий тараққиёт қонунлари ҳақидаги ҳаққоний билимга эришиб бўлмайди.

Ижтимоий фалсафа фани моҳият-эътиборига кўра, муайян категориялар ва тушунчалар тизимидан иборат. Зеро, категориянинг моҳият-мазмунини аниқлаш, уларнинг мазкур тизимдаги бошқа категориялар билан боғлиқлигини англашдан иборат. Ижтимоий фалсафа фани категориялари тизими тарихийлик ва мантиқийликнинг бирлиги тимсоли.

Ижтимоий фалсафа фанининг ижтимоий борлиқни, жамият ҳаётидаги воқеа ва ҳодисалар жараёнларини билишдаги роли шунчаки фалсафий категорияларни ижтимоий ҳаётга жорий этиш деб тушуниш масалага бир ёқлама ёндашишга олиб келади. Жамият тараққиёти илмий билишнинг энг мураккаб предметларидан бири ҳисобланади. Тарихни яратувчи инсондир. Кишилар ўз олдига истиқбол мақсад ва вазифаларини, манфаатларини белгилаб оладилар, шунингдек, уларни амалга ошириш учун курашадилар.

Масалан жамият тараққиётининг “Ўзбек модели” ижтимоий фалсафий категория сифатида ўзида мамлакатимизнинг мустақиллик йилларида

ривожланиш босқичларини ифодалайди ва унинг истиқболдаги тараққиётини ҳам белгилаб беради. Буни таъкидлаш лозимки ўзбек модели “ижтимоий фалсафий тушунча “сифатида Ўзбекистонда ва жаҳонда кечётган ижтимоий-сиёсий жараёнларни англаб етишга хизмат қиласиган бир қатор тушунчаларни ўзида мужассам этади. Масалан Ватан равнақи ва тараққиёти ҳалқ фаровонлиги юрт тинчлиги, иштимоий ҳамкорлик, миллатлараро тотувлик маънавий ва жамиятни янгиланиши ҳалқ руҳи, ўзликни англаш, тарихий хотира, маънавий жасорат иштимоий барқарорлик каби иштимоий фалсафий категорияларни мамлакатимизнинг истиқболида мақсад ва вазифаларини тушуниб фуқороларни манфаатларини ҳимоя қилишда уларнинг ижтимоий амалиётда аҳамиятини англаб етиш билан боғлиқдир. Иштимоий фалсафий категориялар иштимоий борлик ва иштимоий воқеликни ўзида акс еттирилиши билан бирга иштимоий ҳодисалар ҳақида ҳаққоний билимларга ега бўлишининг мантиқий куролидир.

Замонавий ижтимоий фалсафа жаҳон фалсафаси ва ўтмишдаги бой фалсафий таълимотлар ютуқларига суюнган ҳолда ижтимоий воқеликни илмий тушунтириб, воқеа ва ҳодисалар моҳиятини билишда муҳим методологик вазифани бажарадиган категориялар янгича мазмунига эга бўлиб бормоқда.

Ижтимоий фалсафа категориялари ижтимоий воқеликнинг инъикоси, унинг муҳим сифатий белгиларини умумлаштирувчи тушунчалардир. Улар ўзаро диалектик боғлиқ бўлиб, бир-бирисиз мавжуд бўла олмайди,

Ушбу категориялар фақатгина мавҳум умумий тушунчалар бўлибгина қолмай, айни пайтда улар амалий аҳамиятга ҳам эга. Чунки улар ижтимоий ҳодисаларни билишнинг босқичи, «лаҳзаси» бўлиб, бу жараён субъектдан объектга томон доимий ривожланишда бўлади. Ижтимоий борлиқнинг моҳиятини англаб етишда, ҳаққоний билимга ега бўлишда ижтимоий амалиёт эса мезон вазифасини ўтайди.

Ижтимоий фалсафа фани категориялари ва қонунларини бир-бирига қарама-қарши қўйиш ёки уларни бир-биридан ажратиш мумкин эмас. Улар бир-бирларини тўлдиради ва бойитиб боради. Мазкур категориялар реал

воқеликка мос равища шакллансагина ижтимоий тизимлар ривожланиши қонунлари ҳақида тўлароқ билимга эга бўлиши мумкин. Ўз навбатида, жамият ривожланиши қонунлари ижтимоий фалсафа фани категорияларининг объектив мазмунини ташкил этади.

### ***Таянч тушунчалар***

Ижтимоий-фалсафий категория, категория, социал мобиллашув, инсон, индивид, субъект, халқ, ижтимоий қатлам, миллат, элат, синфлар, сиёsat, жамиятнинг сиёсий ташкилотлари, ижтимоий институтлар, давлат, партия, демократия, эволюция, реформа (ислоҳот), менталитет, жамиятнинг ижтимоий ҳаёти, жамиятнинг ижтимоий таркиби, урбанизация, глобаллашув.

### **Назорат учун саволлар**

1. Ижтимоий фалсафа фани категориялари ва тушунчаларининг моҳият ва мазмунини тушунтириб беринг.
2. Ижтимоий фалсафа фани категориялар ва қонунларининг мутаносиблиги.
3. Категориялар-ижтимоий воқейликнинг инъикоси.
4. Сиёсий соҳа билан боғлиқ категориялар.
5. Маданий соҳа билан боғлиқ категориялар.
6. Моддий соҳаларга оид категориялар.

## **4-МАВЗУ. “ҚОНУН” ИЖТИМОЙ ФАЛСАФИЙ КАТЕГОРИЯ СИФАТИДА**

1. “Қонун” тушунчаси, унинг мазмун ва моҳияти.
2. Қадимги Ғарб файласуфларининг қонун түғрисидаги қарапшлари.
3. Шарқ мутафаккирларининг ижтимоий қонуниятлар түғрисидаги қарапшлари.
4. Жамият ривожланишининг объектив қонунлари.

Ҳозирги замон фани жамиятда юз бераётган барча ижтимоий, иқтисодий, сиёсий, ҳуқуқий, маънавий-маърифий ҳодиса ва жараёнлар муайян қонунлар асосида вужудга келиши ва ривожланишини ҳамда қатъий қонуниятларга бўйсунишини кўрсатди. Бу қонуниятга хос мазмун ва хусусиятлар моҳиятини очиб бериш, инсон ва жамият манфаатлари йўлида улардан унумли фойдаланиш имкониятларини кўрсатиб бериш ижтимоий фанлар олдида турган долзарб масалалардан биридир. Зеро, қонун ва қонуниятлар мазмунини очиб бериш воқеликни бошқариш калитини топиш, демакдир. Шу боисдан қадим замонларда олиму фозиллар ҳар бир нарса, воқеа, ҳодиса ва жараёнларнинг ривожланиш қонуниятларини билишга қизиқсанлар, борлик қонунларини ўқишига уринганлар.

Фалсафада “қонун” ва “қонуният” категориялари икки минг йилдан ортиқ вақт давомида кескин баҳс-мунозаларга сабаб бўлмоқда. “Қонун” тушунчасини фалсафа тарихида биринчилардан бўлиб қадимги юонон файласуфи Гераклит табиат ва жамият ҳодисаларига нисбатан қўллаган: “кимки ақлли сўзлашни истаса, - дейилади унинг асарларидан бизгача етиб келган парчаларда, ўз фикрини ҳамма учун шаҳар каби умумий бўлган қонунлар билан, ҳатто ундан ҳам мустахкамроқ асосламоғи зарур. Ахир барча инсоний қонунлар жамики нарса-ҳодиса устидан чексиз ҳукмронлигини ўрнатган илоҳий қонундан келиб чиққан”. Яна бир юонон файласуфи Демокрит эса жамиятда юз бераётган барча тарихий жараёнлар маълум бир қонуниятлар асосида содир бўлади, шунинг

учун ҳам инсоният доимо олға қараб ривожлана боради, деган ғояни илгари суради.

Бинобарин, ушбу файласуфлар табиат ва жамиятда муайян қонунлар хукмронлик қилишни тан олганлар, қонунларни харакатлантирувчи күч сифатида тушунгандар.

Марказий Осиёнинг Абу Наср Форобий, Абу Райхон Беруний, Абу Али ибн Сино каби буюк мутафаккирлари табиат, жамият ва инсоннинг ўзи ҳам маълум қонун ва қонуниятларга бўйсуниб яшашларини эътироф этган ҳолда, уларнинг объектив мазмунини билишга ҳаракат қилганлар. Масалан, Абу Наср Форобийнинг фикрича, алоҳида индивидларга хос бўлган хилма-хил ахлоқий хислатлар, қобилияtlар, феъл-атворлар бўлишига, турли ижтимоий гурухлар ва қатламлар ўртасида манфаатлар зиддияти мавжудлигига қарамай, одамлар зарурат туфайли, ўз ихтиёрлари ва истакларидан қатъи назар, биргаликда яшайдилар.

Қисқача айтганда, одамларга турли хил хулқ-атвор, қобилият хос бўлганлиги сабабли бир-биридан фарқ қиласди, уларни турли омиллар тўлқинлантиради. Бу ҳолатда улар бир-биридан нафратланишлари, бир-бирига ортиқча юк бўлишлари мумкин. Бироқ, одамлар бир-биридан нафратланган тақдирда ҳам ёлғиз яшай олмайдилар, улар ҳамкорликдаги жамоавий фаолият туфайлигина яшай олади. Одамлар ақлга суюниб яшашларига халақит берувчи омилларга бўлганлиги, айни пайтда эса ўзаро ёрдамга муҳтоҷликларидан улар ўртасида келишув зарур. Ана шундай келишув натижасида Абу Наср Форобий фикрича, давлат раҳбари ва унинг ворислари ўрнатадиган қонунлар билан мустаҳкамланувчи муайян тартиблар, хулқ-атвор қоидалари юзага келади.

Масалан, Абу Наср Форобийнинг фозил шаҳар ахолисининг табиати ҳақидаги фикрларига эътибор берайлик. Бундай шаҳарда аҳоли бутунлай эркин: “Унинг аҳолиси teng ҳуқуқли. Уларнинг қонунлари бир шахснинг бошқа шахс олдида афзал бўлишига асло йўл кўймайди. Уларнинг бир-бирларига ва бошқа шаҳарлари аҳолисига нисбатан ҳокимияти фақат уларнинг эркинликларини оширишга тааллуклидир”.

Демак, Форобий қонун объектив оламдаги умумий ва энг умумий жиҳатлар инъикоси эканлигини тушунишга жуда яқинлашган.

XVII асрда Голландияда яшаган файласуф Б.Спиноза биринчилардан бўлиб, жамиятнинг объектив қонунлари билан юридик қонунлар ўртасида жиддий фарқ борлигини айтган. “Предмет ва ҳодисанинг моҳиятидан келиб чиқувчи қонунларни, табиий заруриятга бўйсунадиган қонунлар деб, аксинча, инсонлар хоҳиши, иродасидан келиб чиқадиган қонунларни, тўғрироғи, ҳуқук деб номлаш мақсадга мувофиқ бўлар эди. Бу қонунлар инсонлар томонидан яратилган бўлиб, уларнинг ўзлари ва бошқаларнинг қулай ва хавфсиз яшашларига хизмат қиласи”.

XVIII асрда яшаган француз файласуфи ва тарихчиси Монтескье “Қонунлар рухи хақида” китобида ёзади: “Қонун - кенг маънода зарурий муносабатларининг йиғиндиси. Бу зарурий муносабатлар буюмларнинг табиатидан келиб чиқади. Шунинг учун ҳам барча мавжуд нарсалар ўз қонунларига эга, ҳаттоки худоларда ҳам, моддий дунёда ҳам, инсон заковатидан устун бўлган абсолют ғояда ҳам, ҳайвонот ва инсонлар дунёсида ҳам қонунлар мавжуд ва хукмрон”. Бу билан Монтескье “қонун” тушунчасига муносабат билдириб, унинг объектив мазмунга эга эканлигини эътироф этади.

“Қонун” тушунчаси юонон тилида “*romos*”, лотин тилида “*lex*”, инглиз тилида “*law*” сўzlари билан ифодаланиб, бир томондан, ҳуқуқий нормаларни билдириса, иккинчи томондан, табиат ва жамиятда инсоннинг хоҳиш-иродасига боғлиқ бўлмаган зарурий муҳим муносабатларни акс эттиради. Бу тушунчанинг турли маъноларда ишлатилиши бежиз эмас. Дастрраб ҳамма учун умумий, мажбурий бўлган диний кўрсатмалар шундай номланган (масалан, яҳудийлар юонон низоми (кодекси)ни айнан шундай – “Мусо қонуни” деб аталганлар) Қадимги Юнонистонда анъана ва урф-одатлар, кейинчалик давлат ҳокимияти томонидан жорий қилинган ҳуқуқий нормалар қонун деб аталган. Юридик қонунларга хос кўплаб жиҳатларнинг табиат ва жамиятда ҳам мавжудлиги ҳуқуқий атама бўлган “қонун” сўзининг табиат ҳамда жамиятнинг объектив ходисаларга нисбатан қўлланилишига асос бўлган.

Масалан, давлат ўрнатган қонун жамиятда маълум тартиб-интизомни таъминлашга хизмат қилади, фуқаролар, мансабдор шахслар, давлат ва жамоат ташкилотларини тегишли равишда фаолият кўрсатишга мажбур қилади. Табиат ва жамиятнинг ҳар қандай қонунлари каби юридик қонунлар ҳам ўз табиатига кўра зарур. Бу, биринчидан, юридик қонунда кўрсатилган барча шахслар унга амал қилишлари шарт эканлиги, иккинчидан, моддий муносабатларнинг тартибга солинганлиги ва маълум ижтимоий гурухларнинг манфаатини ҳимоя қилиш мақсадида, муайян жавобгарлик келтириб чиқариши билан боғлиқ.

Қонуннинг, жумладан, юридик қонунларнинг муҳим белгиларидан бири муайян шароитларда жамият учун зарур бўлган муносабатларни сақлаб ва мустаҳкамлаб турадиган мажбуrlаш кучига эга эканлигидир. Зоро, мажбуrlов кучига эга бўлмаган қонун жозибали шиорга ўхшайди. Бундай ҳолда одамлар “Қани эди шундай бўлса”, дейдилар-у, аммо аксини қилаверадилар.

Немис файласуфи Гегель қонун, хусусан тарихий қонуният устида тўхталиб, “Тарихда зарурият мужассамлашганлиги туфайли у ақлга мувофиқ равишида амалга ошади”, деган фикрни билдиради. “Биз агар кишилар хатти-харакатини яқиндан ўрганадиган бўлсак, - деб ёзади Гегель, - уларнинг эҳтиёжлари, манфаатлари ва қизиқишилари бу ҳаётий саҳнада асосий уйғотувчи сабаб, куч эканлигини, фақат шуларгина асосий роль ўйнашини кўрамиз”. Бу билан Гегель тарихнинг ҳаракатлантирувчи кучи одамларнинг эҳтиёжи ва манфаатидир, деган хуносага келади. Бу эса ўша давр учун муҳим фикр эди.

Америкалик иқтисодчи, тарихчи ва социологик Уолт Уитмен Ростоунинг “Тараққиёт босқичлари” назарияси ўз моҳиятига кўра, инсоният тарихий тараққиётини “ижтимоий-иқтисодий формация” назариясидан фарқли ўлароқ, юксалиш босқичларига - “анъанавий жамият”, “ўтиш жамияти”, “идустриал жамият”, “юксак даражадаги ривожланган оммавий истеъмолчилик жамияти” босқичларига ажратади ҳамда тараққиёт босқичларини бир-биридан ажратиб турувчи асосий мезон қилиб, фан ва техника ютуқларига асосланувчи саноат ишлаб чиқариши даражасини кўрсатади.

Бизнингча, Ростоу таълимотининг эътиборли жиҳати шундан иборатки, унда ривожланган мамлакатлар тараққиётининг XX аср иккинчи ярмидаги техника ва технологиялар ютуқлари кўрсаткичларини ва шу асосида улар ривожланиши даражаларининг бир-биридан фарқ қилинувчи жиҳатлари акс этади. Дарҳақиқат, ҳозирги даврда ижтимоий ишлаб чиқаришнинг юқори технологияларига эга мамлакатлар ўз фуқароларига эркин ва фаровон ҳаёт кечиришларини иқтисодий жиҳатдан кафолатлаб турибди.

Мутафаккирларнинг қонун ва қонуният ҳақидаги ижодий ёки салбий фикрларини хulosалаб, айтиш мумкинки, улар, асосан, инсоният цивилизациясининг минг йиллар давомида тўплаган билим ва амалий тажрибаси, объектив олам фақат ўзининг ички қонунлари асосида ривожланиши ва тараққий этишини кўрсатади. Табиат оламида, табиатшунослик фанлари соҳасида бу қоидани ҳамма эътироф этсада, аммо ижтимоий соҳадаги ҳодиса ва жараёнларни билишда турли хил, аксарият ҳолларда бир-бирига бутунлай зид бўлган фикрлар, қарашлар, таълимотлар мавжудлигининг гувоҳи бўламиз.

Бироқ XIX-XX асрда яшаб, ижод қилган қатор файласуфлар ўз ижтимоий-сиёсий қарашларида кишилик жамиятида ҳеч қандай қонуниятлар йўқ, бу ерда фақат соф тасодифлар ва инсон иродаси эркинлиги хукмон, тарихий жараён, ҳодиса ва воқеалар фақат давлат ҳокимияти тепасида турган буюк шахсларнинг хоҳиш-иродалари туфайли юз беради, деб ҳисоблаганлар. Бу билан улар тарихий жараёнларни объект ва субъект, шахс ва омма ўртасидаги ўзаро диалектик муносабатлар борлигини тўлалигича тушуниб етмаганлар.

XX асрда, айниқса 60-70 йилларга келиб, жаҳоннинг таниқли социологлари қонун ва қонуният муаммосини тушунишда, бир томондан, табиатда қонуният борлигини қисман эътироф этиб, иккинчи томондан, жамиятда юз берадиган жараёнларнинг маълум бир қонуният асосида амалга оширишни инкор қилишга ўтдилар. Шунинг учун ҳам уларнинг аксарияти жамиятнинг табиатдан асосий фарқи ижтимоий воқеалар, ҳодисаларнинг фақат

кишилар томонидан онгли равища бошқарилишида, амалга оширилишида, шунинг учун ҳам тарихий ҳодисаларда ҳеч қандай қонуният бўлиши мумкин эмас, деган ғояни илгари суради.

Бу хусусда француз социологи Раймон Арон: “Социологияда фақат кўп ёки кам даражадаги эҳтимоллик тўғрисида сўз юритиш мумкин, лекин зарарият тўғрисида, қонуний боғланиш тўғрисида гап бўлмаслиги керак, чунки барча ижтимоий ҳодисаларнинг инсоний хусусияти сабабли, уларда заруриятни инкор этувчи эркинлик иштирок этади”, - деб ёзган. Шу фикрни қўллаб-қувватловчи бошқа социологлар тарихий ҳодисалар такрорланмайди, чунки улар индивидуал хусусиятга эга, шунинг учун ҳам жамиятда ҳеч қандай қонуният, сабабий боғланиш йўқ, деб ижтимоий жараёнлардаги қонуниятларни инкор қилмоқчи бўладилар. Ана шу мақсадда америкалик социолог Талкотт Парсонс “Жамият тарихида ҳеч қандай объективлик бўлмагани боис иқтисодий детерминизм назариясини қўллаш бугунга келиб, реал ва муҳим муаммо сифатида ўз аҳамиятини йўқотди”, - деб ёзган.

Шунингдек, Фарб социологларидан Виндельбанд, Риккерт, Поппер, Кроче, Рид, Бирд, Беккер, Колленгвуд ва бошқалар жамият тарихи фақат кўплаб тасодифлар йигиндисидан иборат, деб таъкидлайдилар. Улар ҳеч қандай табиат ҳам, конвенциялар ҳам бизга нима қилишимиз кераклигини айтиб беролмайди, ҳеч қандай фактлар – хоҳ табиий, хоҳ тарихий бўлсин - биз учун ҳеч нарсани ҳал қилолмайди, биз ўз олдимиизга қўйишимиз мумкин бўлган мақсадни белгилай олмайди, фақат ўзимизгина табиатга ҳам, тарихга ҳам мақсад ва маъно бера оламиз, деб жамиятнинг қонуний тарзда объектив ривожланишини инкор қилиб, субъектив омилнинг ролини юқори қўядилар.

Бу ўринда мазкур файласуфлар нима учун табиат ва жамият қонунларининг объективлигини инкор этадилар, деган савол туғилади. Бизнингча, ҳар қандай фан таркибидан қонуниятларни сиқиб чиқаришдан мақсад бизни ўраб турган объектив борлик ким томонидан яратилган, ва у ҳамма жараёнларни бошқариб турадими, деган ғояни ҳимоя қилишдан иборат.

Чунки ҳар қандай фан борлиқнинг ўзи ўрганаётган соҳасидаги жараёнларнинг объективлигини, зарурийлигини ва якуний ривожланиб туришини очиб беради.

Жамият қонунларининг объективлиги шундаки, агар кишилар ўз амалий фаолиятларида муайян қонунларнинг талабларини ҳисобга олмай, унга қарши иш қилсалар, бу қонунлар барибир кишиларни ўз талабларига бўйсундириб, уларни бажаришга мажбур қиласади. Бунинг мисоли қилиб ҳар бир жамиятда пул муносабатлари қонунининг амал қилишини келтиришимиз мумкин. Бу қонунга мувофиқ, ҳар қандай давлат томонидан чиқарилган пулнинг микдори шу давлатда ишлаб чиқарилган жами товарлар қиймати билан мос келиши керак. Агар бу мувозанат бузилса, пул қадрсизлиги (инфляция) вужудга келиб, мамлакатнинг иқтисодий ривожланиш мароми бузилади. Буни биз баъзи МДҲ давлатларининг бозор муносабатларига ўтиш жараёнида рўй берган иқтисодий инқирозларда кўришимиз мумкин.

Модомики, диққатимиз жамият қонунларини ўрганишга қаратилган экан, биз, энг аввало, “қонун”, “ижтимоий қонун”, “социологик қонун”, “тарихий қонун” каби тушунчаларнинг моҳиятини очиб беришимиз лозим.

Фалсафий адабиётда “ижтимоий қонун”, “социологик қонун” ва “тарихий қонун” тушунчаларидан кенг фойдаланилади. Лекин кўпгина муаллифлар ушбу тушунчаларнинг ўзаро нисбати тўғрисида турлича фикрлар билдирадилар. Баъзилари бу категорияларнинг ўзаро алоқадорлигини яккалик, умунийлик ва хусусийлик нуқтаи назаридан баён қилсалар, бошқалари айrim ҳолларда уларни бир-бирига қарама-қарши қўядилар.

Фикримизча, жамият қонунлари, энг аввало, ижтимоий ҳаётнинг турли ҳодисалари ва жараёнлари ўртасидаги ўзаро алоқадорлик, боғланиш ва бошқа муносабатларни акс эттиради. Масалан, “талаб” ва “таклиф” мувозанати қонуни бозор муносабатларининг икки томони ўртасидаги ёки эҳтиёж билан манфаатлар ўртасидаги муносабатларни билдиради. Худди шунингдек, жамиятнинг бошқа қонунларида ҳам ижтимоий ҳаётнинг турли ҳодисалари ўртасидаги муносабатлар акс этади.

Объектив оламдаги ҳар қандай предмет, ҳодиса ва жараёнлар доимо хилма-хил ва мураккаб муносабатларда бўлади. Ушбу муносабатлар ички ва ташқи, муҳим ва номуҳим, бевосита ва билвосита, зарурий ва тасодифий, турғун ва ўзгарувчан, доимий ва ўткинчи бўлади, умумийлик ва алоҳидалик хусусиятлари билан ажралиб туради. Шу нуқтаи назардан қараганда, қонун бу муносабатларнинг барчасини қамрай олмайди. Турли-туман алоқалар, боғланишлар йигиндиси ичидан у, энг аввало, муҳим алоқаларни, яъни шундай муносабатларни ифодалайдики, булар ташқи шароитлардан эмас, балки нарса ва ҳодисаларнинг моҳиятидан, унинг ички алоқадорлигидан келиб чиқкан бўлади.

Жамият қонунлари ижтимоий ҳодисалар ўртасидаги барқарор муносабатларни ҳам ифодалайди. Масалан, ҳар қандай ижтимоий жараён ўзига хос белгилари, жиҳатлари, томонлари, муносабатларига эга бўлиб, бу муносабатларнинг ҳар бири – гоҳ алоҳида, гоҳ биргаликда, доимо – ўзгариб, ривожланиб, янгиланиб туради. Турли шарт-шароит ва ҳар хил сабаблар туфайли баъзи белгилар, хусусиятлар, томонлар баъзан йўқолиб, улар ўрнига янгилари пайдо бўлади. Жамият қонунлари эса буларнинг ҳаммасини акс эттира олмайди. Улар фақат ижтимоий ҳодиса ва жараёнлардаги нисбатан турғун ва доимий муносабатларни, алоқадорликларни акс эттириш хусусиятига эга, чунки бундай алоқа ва муносабатлар жамият ривожланишининг нисбатан қисқа даврида муҳим ўзгаришларга олиб келмайди. Шу асосда инсон ижтимоий жараён ва ҳодисаларнинг мавжудлик ва ривожланиш қонуниятларини билиб олади.

Қонунларнинг муҳим белгиси нарса ва ҳодисалар ўртасидаги алоқалар, боғланишларнинг такрорланишини ифодалаш орқали ижтимоий ҳодисалар, жараёнлар ўртасидаги ўзаро таъсир ва алоқадорликларни тавсифлаб, уларнинг ривожланиш йўналиши ва тамойилини кўрсатиб беришdir.

Ҳар қандай қонуниятнинг яна бир муҳим белгиси воқеа ва ҳодисалар ўртасидаги боғланишларнинг такрорланишидир. Мустақилликнинг дастлабки пайтларида биз қайси йўлдан борамиз, деган савол туғилди. Туркия, Эрон,

Хитой йўли деган фикрлар пайдо бўлди, лекин биз ўз йўлимизни танлаб олдик. Бу тўғрида Президентимиз шундай деб таъкидлаган эди: “Жаҳон ва ўзимизнинг амалиётимиздан олинган барча унумли тажрибани рад этмаган ҳолда ўз ижтимоий-иқтисодий ва сиёсий-хуқуқий тараққиёт йўлимизни танлаб олиш республиканинг қатъий позициясидир... Сохта инқилобий сакрашларсиз, фожиали оқибатларсиз ва кучли ларзаларсиз эволюцион йўл билан нормал, маданиятли тараққиётга ўтиш – танлаб олинган йўлнинг асосий мазмуни ва моҳиятидир”.

Бунга тарихий тажрибани мисол қилиб кўрсатадиган бўлсак, Америка Кўшма Штатлари XX аср бошларида буюк инқирозлар даврини бошидан кечирганда, автомобиль саноати бутун мамлакат иқтисодиётини таназзулдан олиб чиқкан эди. Демак, ҳар қандай қонуният унинг кашф этилиши учун асос бўлиб хизмат қилган тарихий фактлардан бошқа ҳодисаларни ҳам ўз ичига олади. Шу туфайли ижтимоий ҳодисаларга тегишли жамият қонунларини бошқа ўхшаш ижтимоий ҳодисаларга ҳам жорий қилиш ва шу асосда ушбу ҳодисалар истиқболини олдиндан кўра билиш мумкин бўлади. Чунки такрорланиш ҳар қандай қонуниятнинг муҳим белгиси, фан ва амалиётнинг мезони ҳисобланади.

Айни пайтда қонунларнинг инвариантлилагини ҳеч қачон доимий ва абадий деб тушунмаслик зарур. Чунки моддий дунёда нарса ва ҳодисалар ўртасидаги алоқалар, муносабатлар туфайли уларнинг мазмуни, моҳияти доимо ўзгаришда, ривожланишда бўлади. Инсоннинг ана шу муносабатларни акс эттирувчи ақли ва тафаккури ҳам ўзгариб, ривожланиб туради. Шундай экан, ўз навбатида, ушбу жараёнларни ифодалайдиган қонунлар ҳам доимий ўзгариш ва ривожланишда бўлади.

Иқтисодиётимизда амалга оширилаётган ислоҳотлар айнан шу тарихий қонуниятни ҳисобга олиш ва унга амал қилиш асосида бораётганлигини юқоридаги фикримизнинг мисоли қилиб келтиришимиз мумкин. Шу боис ҳаётимизнинг объектив қонуниятларини чуқур англаб етган Юртбошимиз бозор муносабатларига ўтишда “Ўзбекистон танлаб олган йўл республика ва

унинг халқининг манфаатлариға ниҳоятда мос келадиган, ижтимоий жиҳатдан йўналтирилган, бозор иқтисодиётини шакллантиришга қаратилган деб таъкидлаган.

Президентимиз фикрича, ўтиш даврида “биз бошқа давлатларнинг ривожланиш жараёнида тўпланган ва республика шароитига татбиқ қиласа бўладиган барча ижодий тажрибалардан фойдаланиш имкониятини истисно қилмаймиз. Айни чогда бирон-бир андозадан, ҳатто муайян мамлакатларда ижобий натижаларга олиб келган бўлса ҳам, кўр-кўrona нусха кўчириш мутлақо номақбулдир. Шуниса аниқ-равшанки, муайян воситалар ва усувлар қайси мамлакат учун мўлжалланган бўлса, улар ўша мамлакатга хос бўлган алоҳида шароитдагина ижобий самара бериши мумкин”.

Шуни алоҳида таъкидлаш лозимки, жамиятнинг нафакат жузъий қонунлари, балки умумий қонунлари ҳам ижтимоий ҳаётда рўй бераётган чуқур ва кескин ўзгаришлар, янгиланишлар туфайли ўзгариб, бошқача кўринишга эга бўлиши мумкин. Чунки тарихий жараён ривожи, ижтимоий ҳодиса ва воқеалар моҳиятининг ўзгариши айнан шундай оқибатларга олиб келади. Воқеа ва ҳодисалар моҳиятининг ўзгариши, албатта, қонуннинг ўзгаришига олиб келади. Воқеа ва ҳодисаларнинг мазмунини, моҳиятини ўзгартирган ўзгаришлар эса қонуннинг ўзгаришига олиб келмайди. Демак, ижтимоий-тарихий жараён ва ҳодисаларнинг сифат ҳамда моҳияти ўзгармас экан, шу жараён ва ҳодисаларга хос бўлган, уни ифодалаган қонунлар ҳам ўзгармасдан қолаверади.

Шундай экан, қонун, бир томондан, ижтимоий ҳодиса ва жараёнларнинг муҳим, ўзгармас, тинч, мувозанат ҳолатларини акс эттиrsa, иккинчи томондан эса, аксинча, нотинч, тўхтовсиз ўзгаришларни, ҳаракатларни ўз ичига олади, булар эса муқаррар равишда барқарорликни, турғунликни енгиб ўтиб, ҳар бир тизимнинг, ҳодиса ва жараёнларнинг ўрин алмашувига олиб келади.

Жамият қонунлариға таъриф берганда шуни ҳисобга олиш керакки, бу қонунлар фақат маълум шарт-шароитдагина юзага келади, рўёбга чиқади ва амал қиласи. Ижтимоий ҳаётдаги ҳар қандай жараёнларнинг амалга ошуви учун, албатта, маълум объектив ва субъектив шарт-шароитлар яратилиши,

вужудга келиши талаб қилинади. Мустақил давлатимиз иқтисодиётида бозор муносабатларига ўтишнинг Президентимиз томонидан белгилаб берилган беш тамойили мамлакатимиз ижтимоий-сиёсий ҳаёти учун айнан шундай шартшароитлардан ҳисобланади.

Объектив шарт-шароитнинг ўзгариши ижтимоий-тарихий жараёнлар мазмун-моҳиятининг, пировард натижада эса, шу жараёнлар амал қилаётган қонунларнинг ҳам ўзгаришига олиб келади. Шу туфайли республикамизда олиб борилаётган ислоҳотларнинг ҳар бир босқичида ислоҳотлар стратегиясига ўзагартиришлар, аниқликлар киритилмоқда. Булар объектив қонунлар талабларини қондиришдан иборат.

Жамият қонунларининг объектив талабларини ўрганиш, улар моҳиятини англаб етиш ва улардан амалда фойдаланиш учун аниқ тарихий ёндашув зарур. Бу билиш субъектининг ижтимоий борлиқ билан, назариянинг амалиёт билан алоқада бўлишини талаб қиласи. Аниқ тарихий ёндашув қонунларнинг, аввало, тарихий тажриба билан, сўнгра эса муайян шарт-шароит билан ўзаро боғлиқлигини яқиндан ҳис қилишга, ижтимоий борлиқнинг ҳар бир муайян тарихий даврида шарт-шароитига барча хусусиятларни қамраб олишга ёрдам беради.

Жамият қонунларининг яна муайян муҳим белгиси ижтимоий ҳодиса ва жараёнларнинг объектив, зарурий, умумий томонларини, муносабатларини акс эттириб, маълум тарихий шарт-шароитда ушбу жараёнларнинг табиати ва йўналишларини белгилаб беришдадир.

Демак, муайян қонуннинг ўтмишда намоён бўлиши ва ҳозирги даврдаги ўзига хос жиҳатларини ўрганиш орқали унинг келажакда қандай намоён бўлишини, қай тарзда амалга ошишини кўра билиш ёки кутилмаган тарихий вазиятнинг вужудга келишини олдиндан башорат қилиш мумкин бўлади.

Юқоридаги фикрларга асосланиб, хulosа қилишимиз мумкин. Чунончи, “Ижтимоий-тарихий қонун” тушунчаси қуйидаги муҳим белгилари, хусусиятларига эга: биринчидан, “ижтимоий қонун”, “тарихий қонун”, “социологик қонун” тушунчалари, аввало, жамият қонунларини табиат

қонунларидан фарқлаш учун ишлатилади; иккинчидан, жамият қонунлари, табиат қонунларидан фарқли ўлароқ, тез ўзгарувчан эканлигини таърифлаш учун қўлланилади; учинчидан, бу тушунча ижтимоий-тарихий жараён ва ҳодисаларнинг маълум бир конкрет тарихий шарт-шароитида, босқичлардагина амал қиласиган ўзига хос жузъий қонунларни ифодалашда ишлатилади; тўртинчидан, ижтимоий қонун ўзида маълум ижтимоий тарихий шарт-шароитда юзага келадиган аниқ ижтимоий алоқадорликни, ҳодисаларнинг хусусиятларини, томонларини, муносабатларини қамраб олади. Хуллас ижтимоий қонун кишиларнинг ўз ижтимоий эҳтиёж ва манфаатларидан келиб чиқиб, онгли ва маълум мақсадни кўзлаб амалга оширадиган фаолиятлари орқали юзага келадиган ижтимоий ҳодиса ва жараёнларнинг муҳим, зарурий, такрорланувчи боғланишлари, алоқалари, муносабатлари мажмуи бўлиб, муайян шарт-шароитда ушбу жараёнларнинг ривожланиш характеристи ва йўналишини белгилаб беради.

### **Таянч тушунчалар**

Қонун, ижтимоий қонун, жамият қонунлари, социологик қонун, тарихий қонун, юридик қонун.

### **Назорат учун саволлар**

1. Қонуннинг мазмuni ва функцияси.
2. Жамиятнинг ривожланиш қонуниятлари.
3. Қадимги мутафаккирларнинг жамият қонунлари тўғрисидаги таълимотлари.
4. “Ижтимоий-тарихий қонун” тушунчасининг мазмuni ва моҳияти.

## **5-МАВЗУ. ИЖТИМОЙ БИЛИШНИНГ ЎЗИГА ХОС ХУСУСИЯТЛАРИ**

1. Ижтимоий билиш илмий билишнинг кўриниши сифатида. Ижтимоий билишнинг таркиби ва ўзига хос жиҳатлари.
2. Ижтимоий (гуманитар) ва табиий (илмий) билимнинг мутаносиблиги ҳамда фарқи.
3. Ижтимоий билиш даражалари. Эмпирик ва назарий билиш.
4. Ижтимоий башорат ижтимоий билим шакли сифатида.

**Ижтимоий билиш** жамият, ижтимоий–маданий жараёнлар, ижтимоий, иқтисодий, сиёсий ва маънавий тизимлар, хоссалар ва қонуниятлар ҳақидаги тасаввурлар, ғоялар ва таълимотларни ишлаб чиқариш жабҳаси ва мажмуасидир. Ўз навбатида, ижтимоий билиш кундалик ҳаёт тажрибасини одамлар онгida умумлаштириш, мафкуравий тизимлар яратиш, иижтимоий–гуманитар тадқиқотлар ўтказиш жараёнида шаклланади.

Одатда, “ижтимоий билиш” тушунчаси икки маънода қўлланилади: биринчидан, жамият томонидан бизни ўраб турган оламни билиш, иккинчидан, жамиятни билиш. Биз иккинчи маънодаги ижтимоий билиш ҳақида фикр юритамиз.

Аввало, эътиборни ижтимоий борлиқни билиш билан бошқа объектларни билиш ўртасидаги муҳим тафовутларга қаратиш мақсадга мувофиқ.

1. Ижтимоий билиш илмий билишнинг мураккаб шаклларидан бири бўлиб, ижтимоий ривожланишнинг энг юқори шаклини экс эттиради. Ижтимоий ҳодиса ва жараёнларнинг асосий моҳияти шундаки, ноорганик ва органик табиатни тадқиқ этиш жараёнида улар ўртасидаги ўзаро муносабат қонунлари аниқланади.

2. Ижтимоий билиш жамият ҳаётининг моддий (иқтисодий) томони билан идеал ва маънавий томонларини узвий боғлиқликда ўрганишни тақозо этади. Бу муносабатлар бир-бири билан чамбарчас боғлиқ бўлиб,

табиатдаги алоқаларга нисбатан мураккаб, кўп тармоқли ва ички қарама-қаршиликларга эга.

3. Жамиятни билиш ҳам объектив, ҳам субъектив характерга эга: яъни кишилар ўз тарихини ўzlари яратадилар ва уларни ўрганадилар.

Объект ва субъектнинг бундай ўхшашлигидан келиб чиқиб, уларни бир хилда баҳолаб бўлмайди. Бир томондан, бу ижтиомий аҳамиятга эга. Жамиятда бўлиб турадиган воқеалар уни ўрганаётган субъектга тааллуқли, тааллуқли бўлмаганлиги бу жараёнлар моҳиятини чуқурроқ ҳамда тўғри билишга ёрдам беради. Иккинчи томондан, субъектив билиш жараёни турлича бўлади: баъзан субъектнинг иродаси, қизиқишлари, мақсадлари объектга ниҳоятда қарама-қарши бўлади. Натижада тарихий жараёнлар ва уларни билишга субъективизм элементлари намоён бўлади. Шу ўринда қуйидаги машҳур ҳикматни эслайлик: агар Пифагор теоремалари инсонларнинг муҳим шахсий манфаатларига зид бўлганида, улар бу теоремаларни рад қилган бўлар эди.

Ижтиомий билишда кескин бир ёқламаликдан қочиш ниҳоятда, зарур. Бу, айниқса, табиий-илмий ёндашувни, ижтиомий ҳодисаларни ўрганишга тўла татбиқ этишда намоён бўлади (Т. Парсонснинг «ҳаракат» концепцияси, Я. Моренонинг социометриялари ва бошқалар). Психологиядаги бундай йўналиш кўп жиҳатдан физика, кимё, биология, кибернетика фанларининг ютуқлари билан боғлик.

Ижтиомий билишдаги бир ёқламаликлардан яна бири, табииётшуносликнинг билиш методларини жамиятшуносликда ҳам қўллаш мумкинлигини рад этишдир. Албатта, конкрет методлар бир-биридан ҳақиқатан ҳам фарқ қиласди: масалан, тарихий тадқиқот методи ўз ичига: тарихий фактларни қайд қилиш ва локализация қилиш, шахснинг идентификация қилиш методикаси сингари компонентларни олади. Лекин конкрет методларнинг ўзига хослигини мутлақлаштириш хато: хусусий методларда бир-бирини тўлдириш ҳоллари учрайди. Биология ўзига хос методлар билан социология, психология методларидан, ижтиомий

антропология, биология методларидан фойдаланади, ниҳоят ҳамма табий ва ижтимоий фанлар қандай тадқиқот олиб боришидан қатъи назар, ягона фалсафий методга таянади.

Ижтимоий билишнинг объективлиги масаласида файласуфлар ўртасида баҳслар давом эттироқда. Маълумки, ижтимоий билишнинг шаклланишига билиш соҳибининг ижтимоий мавқеи, уни ижтимоий ҳодисаларга бўлган муносабати, мафкура таъсир кўрсатади. Жамият табиат эмас. Жамият одамлар фаолиятининг жараёни ва натижасидир. Жамиятдаги анъаналар, мафкуралар, маданий – маънавий омиллар жамият ҳақидаги билимларимизга таъсир кўрсатиб, муайян хулосалар чиқаришни тақозо этади. Шу боис немис социологи К.Мангейм ижтимоий билишда объектив, илмий ҳақиқат бўлмайди, деган фикрга келади. Унинг юртдоши О.Больнов объектив ҳақиқат у ёқда турсин, ҳатто гуманитар фанларда кўпчилик томонидан олинган натижаларга эришиш мумкинлигини ҳам инкор қиласди.

Ижтимоий билиш жамият, инсоннинг жамиятда тутган ўрни ҳақидаги турли ғоялар, тушунчалар, қарашлар мажмуасини билдиради. Бундай ижтимоий билиш қадим замонлардан бери мавжуд. Шу маънода, ижтимоий билиш турли фалсафий ва диний таълимотлар таркибида бўлган дейиш ҳам мумкин. Масалан, “Веда”, “Упанишада”, «Авесто» каби асарларда ижтимоий муносабатлар хусусида қарашлар, таълимотлар ифодаланган.

Ижтимоий билишнинг обьекти жамият, ижтимоий муносабатлар тизимиdir. Ўз навбатида, унинг бир томони табиат билан узвий боғлиқ. Шунинг учун ҳам табиат ва жамият туташган чегарани ўрганадиган ижтимоий билиш йўналиши ҳам мавжуд бўлиб, у ижтимоий экология деб аталади. Бу фан жамият ва табиат ўртасидаги алоқадорлик ва таъсирни, мавжуд ижтимоий муносабатларни табиатга кўрсатган таъсирини характеристи ва оқибатини тадқиқ қиласди.

Жамиятни, ижтимоий реалликни англашга қаратилган ижтимоий билиш турли даражалар, соҳалар ва мақомларда мавжуд бўлиши мумкин. Назарий даража ва салоҳиятни кўзда тутсак, ижтимоий билишнинг қуий даражаси ва

шакли оммавий онгда ўрин олган. Бу кишиларнинг жамият, давлат, ижтимоий жараёнлар ҳақидаги билимларидир. Бундай билимларда тартиблашмаган, таҳлилдан ўтказилмаган, стихияли жиҳатлар кўп бўлади.

Ижтимоий билишнинг мураккаброқ кўриниши мафкурада ифодаланади. Унда ижтимоий билиш маълум мақсад ва манфаатлар негизида тизимга солинади, ижтимоий фаолият ва ислоҳотларни назарий-амалий асоси ролини ўйнайди. Бу ўринда миллий истиқлол мафкураси кўзда тутилмоқда.

Ижтимоий билишнинг юқори назарий шакли ижтимоий фанлардир. Фан жабхасида ижтимоий билиш жамиятнинг структураси, ижтимоий, иқтисодий ва маънавий институтларининг амал қилиши, ижтимоий тараққиёт қонуниятлари ҳақида аниқ билимларга эга бўламиз. Бу билимлар чукур ижтимоий-иктисодий ислоҳотларни ўтказиш, келажакда содир бўлиши мумкин бўлган жараёнларни башорат қилиш учун зарур.

Тадқиқотнинг обьекти ва предметига қараб, ижтимоий билишнинг турли типларини (жабҳаларини) фарқлаш мумкин: биринчиси - ижтимоий-табиий билимлар, иккинчиси - ижтимоий-гуманитар билиш.

Ижтимоий – табиий билимлар. Булар янги типдаги билимлар бўлиб, жамият–табиат тизими доирасида амал қиласиган жараёнлар, хоссалар ва қонуниятлар ҳақидаги тушунчалар, ғоя ва қарашлардан иборат.

Ижтимоий – табиий билимлар табиий жараёнлар ва хоссалар ижтимоий ҳаётнинг асоси ва омили эканлигини аниқлайди, жонсиз ва жонли табиатда мавжуд бўлган қонуниятлар, хоссалар, структура ва функциялар инсон ҳаёти, жамият тараққиётига қандай таъсир қилишлари инъикос этилади.

Хозирги пайтда космик ва экологик омилларни инсоният тараққиётига катта таъсир кўрсатиши боис ижтимоий-табиий билимларнинг роли ва аҳамияти ортиб бормоқда.

Ижтимоий – фалсафий билишда жамиятнинг моҳияти, тараққиёт қонунлари олам, борлик, инсон, ҳаёт маъноси, қадриятлар муаммолари билан боғланган ҳолда тавсифланади.

Ижтимоий – гуманитар билиш. Бу йўналиш инсон ва жамият ўртасидаги алоқадорлик ҳамда муносабатларни ўрганиш доирасида шаклланган. Бунга ижтимоий психология, педагогика, тилшунослик кабилар киради. Шундай қилиб, ижтимоий билиш доимо юксалаётган, мураккаблашаётган фанлар дифференциацияси ва интеграцияси жараёнларидан таъсирланаётган жабҳа бўлиб, у табииёт, фалсафа ва инсоншунослик билан узвий алоқа боғлаган ҳолда ривожланиб бормокда.

Ижтимоий билишда структура, авваломбор, эмпирик ва назарий билимлар даражасида намоён бўлади. Назарий даражада ижтимоий ҳодисаларнинг моҳияти, қонуниятлари ўрганилади. Эмпирик даражада ижтимоий тизим ва ҳодисаларнинг ташқи томонлари тасвирланади, хусусиятлари қайд қилинади. Бу даражада зарур фактологик билимлар (маълумотлар) олинади. Олинган маълумотлар ва билимларни умумлаштириш назарий даражада содир бўлади. Инсон ўрганаётган объектнинг доимий ва у бўйсунадиган қонуниятларини очиб олгач, уларнинг хусусиятларини тушунтиришга, билимларни мантиқ нуқтаи назаридан асослашга киришади, билимларни бир бутун, яхлит тизимга айлантиради. Бунда предмет ҳақида ҳосил қилинган чуқур билим, унинг тизими назарияга айланади.

Эмпирик билиш даражасида инсон, тадқиқотчи билиш объекти билан бевосита алоқада бўлади, шу боис, бирламчи фактларни, фактлар тафсилоти бўлган маълумотларни йиғади. Масалан, тарихий билишда хужжатлар ва архивларни таҳлил қилиш, уларни қайд қилиш жараёнида эмпирик (конкрет-хиссий) тафсилот, бирламчи ахборот пайдо бўлади.

Назарий билимларнинг юқори кўрсаткичлари, мавхумлаштиришнинг юқори босқичларга кўтариши эмпирик билимларнинг муҳим ва зарурлигини алоҳида таъкидлайди. Шу ҳолат жамиятни ўрганишга ҳам тааллукли.

Кузатиш ижтимоий билишнинг эмпирик босқичидаги биринчи ва зарурий жараён ҳисобланади. Бу аслида ҳар қандай илмий билишнинг муҳим шарти. Ҳар бир илмий кузатиш ноилмий кузатишдан қўйилган муаммо ва вазифаларни ҳал этиш билан фарқланади.

Ижтимоий фалсафа кузатишнинг ўзига хос томонларидан бири - четдан кузатиш усулидир. Бу усул табиий фанларда ҳам қўлланилади.

Шуни алоҳида таъкидлаш жоизки, жамиятшуносликда жонли обьектларни билиш, ўрганиш ҳақида сўз боради. Масалан, юлдузларни кузатишни олиб қарасак, улар кузатувчиларнинг мақсадларига эришмоғи учун ҳалал бермайди, чунки юлдузлар асрлар мобайнида ўзгармас бўлиб келган. Бироқ жамиятда бундай эмас, у муттасил ўзгариб туради. Одатда, ўрганилаётган обьект тадқиқотчига қаршилик кўрсатади, бу эса кузатишнинг бошиданоқ бирор натижа олишга халақит беради ёки кузатишнинг ўрталарига келганда тадқиқот бузилиши ёки кутилмаганлиги туфайли олинган натижаларнинг таҳлили ўзгариб кетиши мумкин.

Шунинг учун ҳам социологияда, тарихда, ижтимоий психологияда «биргаликда кузатиш» (ички кузатиш) усулининг афзалликлари алоҳида қайд этилади. Фаол ва пассив кузатиш усуллари мавжуд. Биринчи усулда кузатувчи меҳнат жамоаси диний жамоага, ишчилар гурӯхига ва ҳоказоларга асло сездирмаган ҳолда қўшилиб олади. Бундай қўшилиш яхши натижалар беради, чунки ўрганилаётган обьект ўзини тадқиқотчидан олиб қочмайди, кузатувчига қаршилик кўрсатмайди. Пассив биргалиқдаги кузатишда субъект ва обьект ўртасида бир-бирини яхши тушуниш талаб этилади. Бунинг учун тадқиқотчи томонидан ҳеч қандай заарар етмаслигини тушунтириш талаб этилади.

Тадқиқотчи ўзини қизиқтираётган ижтимоий ҳаётнинг параметрлари ва индикаторларини ўлчашга қурби етмаганлиги учун статистик маълумотларга мурожаат қилишга мажбур бўлади. Бу тадқиқотчидан жуда катта эҳтиёткорликни талаб этади. Статистика тўғрисида шундай афоризм мавжуд: «Ёлғоннинг уч тури бор: оддий ёлғон, жирканч ёлғон ва статистика». Бу ерда гап статистика фани тўғрисида эмас, балки айрим мамлакатлар сиёсий доираларининг манбаатлари билан боғлиқ статистика тўғрисида айтилган.

Билиш кузатишдан, фактларни қайд қилишдан бошланади. Фактлар билишни тагкурсисидир, «иљмнинг нафас олиш ҳавосидир». Шу билан бирга, инсон «тоза», «мутлақ», «соғ» факт билан иш кўрмайди. Фактни излаш, қайд

қилиш, баҳо бериш, хулоса чиқариш ғоя, назарий тасаввурлар, умумий хулосалар асосида йўналтирилган бўлади. Демак, билиш факти назарий ғоя билан суғорилган бўлади.

Ижтимоий билишнинг салоҳияти фактларнинг ҳақиқий маъносига кириб бориш, якка ва айрим ҳодисанинг орқасидаги умумийликни англаши билан белгиланади. Инсон фактларни маълум тасаввур, ғоя ёки таълимот нуқтаи назаридан туриб, тафсилотини беради. Шундай бўлсада, фактлар ижтимоий билиш, умуман, илмий билишнинг фундаментини ташкил қиласди.

Фактларни изоҳлаш ва тушунтириш жараёнида гипотеза ёки дастлабки ғоя тасдиқланади, назария туғилади. Бошқача бўлиши ҳам мумкин. Янги фактларни мавжуд назария асосида тушунтириб бериш имконияти бўлмаслиги мумкин. Бунда мавжуд назария ўз ўрнини янги назарияга бўшатиб беради.

Ижтимоий билишнинг илмий шакли назарий билиш эса илмий услугубарга таянади. Демак, билишнинг яна бир структуравий даражаси ёки унсуруни усул ташкил қиласди. Усул билиш, баҳолаш, хулоса чиқариш учун зарур асос ва восита ролини ўйнайди. Ижтимоий билишда факт, усул ва назарияни боғлайдиган механизм ижодиёт, ижодий тафаккурдир.

Ижтимоий билишнинг фалсафий масалаларидан бири шундай бир саволда ифодаланади: ижтимоий ҳодисаларни билишда ҳамманинг ишончини қозонадиган ёки, бошқача қилиб айтганда, объектив ҳақиқатнинг бўлиши мумкин-ми? Ижтимоий билишда объектни инъикос қилиш ва унга баҳо бериш бирлашадими? Ижтимоий билиш соҳиби фактларни, кузатиш жараёнида олган маълумотларни шундайгина қайд қилмайди, балки уларни маълум ғоя ёки тасаввур нуқтаи назаридан туриб таҳлил қиласди, умумлаштиради, факт ёки ҳодисага баҳо беради.

Масаланинг бошқа томони ҳам бор. Бирор нарса ҳақиқати билимни ҳақиқат (яъни билимда ҳақиқат бор) деб белгилаш учун билимга эга бўлиш керак. Билимнинг ҳақиқатлилигини текшириш унинг объектга мувофиқлигини аниқлаш демакдир. Шуни аниқлаш учун билим керакми, йўқми? Демак, ҳақиқатни аниқлаш учун ҳақиқат мезони бўлиш зарур. Ҳақиқат мезони бирон-

бир ғоя, таълимот, қарашнинг чинлиги ёки ёлғонлигини аниқлаш, текшириш воситасидир. Ҳақиқат мезонлари қаторига файласуфлар мантиқий исботланганлик, объективлик ва амалиётни (практикани) киритдилар.

Ижтимоий билиш жараёнида ҳақиқат ва унинг мезонларини аниқлашда **ижтимоий эксперимент** ҳам алоҳида аҳамият касб этади. Шу маънода, ижтимоий экспериментнинг қуидаги хусусиятлари алоҳида қайд этилади:

1. Ижтимоий эксперимент ўзининг аниқ натижаларига эга. Физика, химия, биология фанларидаги экспериментлар турли даврларда турли мамлакатларда такрорланиши мумкин, чунки табиатнинг ривожланиш қонуниятлари, ишлаб чиқариш муносабатлари шаклига ҳам, типига ҳам, миллий ва тарихий ўзига хосликка ҳам боғлиқ эмас.

Ижтимоий экспериментлар иқтисодни қайта қуришга, миллий давлат тизими, таълим ва тарбия тизимига қаратилган бўлиб, улар турли тарихий даврларда турлича бўлиб қолмай, балки бутунлай қарама-қарши натижаларни бериши мумкин.

2. Ижтимоий эксперимент обьекти барча социумлар таъсиридан ва экспериментдан ташқаридаги обьектлардан озроқ миқдорда химояланади. Бу ўринда ишончли ҳимояловчи асбоблар бўлган вакуум насослари, ҳимоя экранларини қўллаш яхши натижалар бермаслиги мумкин. Булар жисмоний экспериментларда қўлланилади. Бундан келиб чиқадики, ижтимоий эксперимент, фан тили билан айтганда, соф шароитсизликка учраши шундай ҳолатларга боғлиқ. Масалан Ш. Фурье ва унинг тарафдорлари томонидан олиб борилган тадқиқотларни кўрсак, бу ўзига хос идеал ва гармоник жамиятни барпо этиш эди. Р. Оуэн тадқиқотидаги кооперативлар барпо этиш, Англия ва Америка коммуналарини ташкил этиш ва ҳоказо тадқиқот натижалари умуман ўйлаб кўрилмаган.

Ижтимоий экспериментда техника хавфсизлигини таъминлашга жуда катта талаблар қўйилади. Ҳозирги вақтда ижтимоий экспериментлар ва илмий экспериментлар ўртасидаги чегара камая бошлади, лекин у хали сақланмоқда. Ҳозир гап ҳар кун, ҳар соатда одамларга таъсир қиласидиган, уларнинг жисмоний

ва психологик соғлиқларига таъсир қиладиган экспериментлар ҳақида кетмоқда. Эксперимент вақтида озгина нарсанинг ҳам тұғри ташкил қилинмаслиги одамларга ёмон таъсир күрсатиши мумкин. Бундай эксперимент ташкилотчиларининг фаолиятини оқлаң бўлмайди. Эксперимент бошланмасдан олдин инсонпарварлик ғояси унинг дастурига киритилиши шарт.

3.Ижтимоий эксперимент лойиҳавий билимлар олиш учун ўтказилади. Бу эксперимент икки вазифани ўз ичига олади: ўрганувчи ва амалий. Айтайлик, академик И. П. Павлов ва унинг шогирдлари итлар ҳамда маймунларда ўтказган тажрибаларида олий асаб фаолиятидаги физиологик ўзгаришларни билиш орқали илмий назарияни яратишган эди. Шунга қарамай, экспериментлар амалий мақсадда ҳам ишлатилиши мумкин.

Инсонлар устида тажриба ўтказиш қанчалик истиқболга эга бўлишига қарамай ғайриинсонийдир. Ижтимоий экспериментнинг асосий вазифаси жамоа фаолиятини фаоллаштиришдир. У ҳолда экспериментнинг назарий аҳамияти нимада? Биринчидан, ижтимоий эксперимент катта назарий далилга эга бўлиши керак. Агар далил бўлмаса, ижтимоий эксперимент илмий бўлмайди. Иккинчидан, унинг натижалари, албатта бошқа фанлар ва унга яқин бўлган фанлар (тиббиёта ва архитектура) билан ҳисобга олиниши керак, лекин бунда назарияни тасдиқлаш, ундан ўзиб кетиш экспериментнинг мақсадига айланмайди.

Билиш жараённан ижтимоий башорат масаласи ҳам муҳим аҳамиятга эга. Маълумки, инсон аниқ мақсадга йўналтирилган фаолияти орқали тарих зарваракларини яратади. У ҳар доим келажакни билишга интилади. Уни мамлакатнинг тақдирини қизиқтириши ёки қизиқтирмаслиги мумкин. Бироқ информацион-компьютер даврига келиб, унинг қандай бўлиши деярли барчани қизиқтирмоқда. Шу билан бирга, инсоният ҳаёти хавф остида қолганлиги ҳеч кимни ўйлантирмайди. Бундай қизиқиш футурологик портлашга олиб келади. Файлласуфлар, социологлар, иқтисодчилар, тарихчилар келажакни кенг миқёсда ўрганишга ҳаракат қилмоқдалар. Улар бугуннинг 2000 йил

муаммоларидан тортиб то кейинги миллион йил ичида инсониятнинг ҳаёт ёки ҳаёт бўлмаслиги масалалари гача ўрганмоқдалар.

Башоратнинг моҳиятини кўпроқ XX асрнинг буюк физиологларидан бири П. К. Анохин очган. У башоратни ҳаққониятнинг вақтдан илгари акс этиши сифатида таърифлаган. П.К.Анохиннинг назариясида «вақтдан илгари инъикос этиш» ҳақида гап боради. Бу қўзғалиш барча биологик оламга, хайвонларгагина эмас, балки ўсимликларга ҳам хосдир. Тирик организм олдиндан кўра билиш қобилиятига эга. Инсон башорат қилиш жараёнида йўқ объектга, кузатиш мумкин бўлмаган объектга, ҳаттоқи, ҳаёти давомида учрамаган объектларга ҳам дуч келади. Шундай қилиб, ижтимоий башоратнинг моҳиятини тушунтириш анча қийин.

Хозирги пайтда башоратга ижтимоий амалиёт мобайнида ривожланган инсон онгига хос хусусият сифатида қаралмоқда. Бошқача айтсак, олдиндан кўра билиш индивидуал башоратда эмперик малакага асосланганлигига қарамасдан инсон фактологик маълумотлардан озод бўла олмайди. Бу жамиятнинг инсон онгига таъсиридир.

Ижтимоий башоратнинг табиати илмий башоратнинг тузилишида яққол кўринади. Илмий башорат ҳеч қандай мистикага асосланмайди. Бизни қизиқтираётган ҳодиса, жараён ва тенденцияларнинг кейинги ривожланиши ҳали ўрганилмаган, лекин аниқ билимларга таянади. Шу ўринда илмий башоратнинг каромат қилишдан принципиал фарқларини айтиб ўтиш жоиз. Олдиндан айтиб бериш реал борлиққа таянади.

Илмий башорат келажакни мутлақ ва тўлиқ билишга даъво қилмайди. Келажакни айтиб бериш ва утопия (хом хаёлликлар)нинг хатолигини илмий далиллар ва мулоҳазалар билан исботлаб бўлмайди, чунки у бир-бирига боғлиқ. Башоратларни эса илмий-назарий мулоҳазалар ёрдамида текшириб қўриш мумкин. Бу эса уларнинг тўғрилигини исботлаши ёки исботламаслиги мумкин. Юқорида айтиб ўтганимиздек, илмий башорат билимларнинг эҳтимоллигидир. Унинг тўғрилик даражаси келажакни олдиндан айтиб беришнинг қандайлигига боғлиқ, яқин келажакни олдиндан

айтиб бериш (биздан 20-30 йил кейинги давр), образи, (кейинги 100 йилликдан кейинги даврлар). Бу билимларнинг қайси даражада йўналғанлигига қараб, ишончли асос топиш осон. 1-ҳолатда ишончли башоратлар бўлиши мумкин. 2-ҳолатда билимлар ҳақиқатдан устун келади. Улар мавжуд бўлмаган индукцияга асосланган. 3-ҳолатда биз жуда катта фаразларга (гипотезаларга) дуч келамиз. Иккинчидан, олдиндан кўра билиш даражаси билимларга қай даражада таянганлиги билан боғлиқ. Учинчидан, олдиндан кўра билиш ишончлилик даражасига прогноз қилинаётган жамият ҳолатини ва унинг алоҳида компонентлари мураккаблигини ҳисобга олиш билан боғлиқ.

**Ижтимоий интеллект.** Интеллект (лот. интеллектус – билиш, тушуниш, фаросат) ижтимоий-субъектларни билиш ва тафаккурини ифодалайдиган тушунча. Ижтимоий интеллект аввалги фалсафий ва назарий тафаккурда бир неча атамаларда ифодаланган: ноосфера, Поппернинг «учинчи олами», «ижтимоий онг» ва бошқалар. Жамиятдаги ўзгаришлар ва янгиланишлар аввало ижтимоий ақл доирасида белгиланади, дастурга айланади, ижод этилади.

Ижтимоий интеллектнинг фаоллиги ва ижодкорлиги ижтимоий тузум ҳамда вазиятга боғлиқ. Анъанавий жамиятларда ижтимоий интеллектни фаоллиги ва ижодкорлиги юқори даражада бўлмайди. Индустрисал жамият **индивидуал ва ижтимоий интеллектни** ишлаб чиқарувчи кучга айлантиради.

**Индивидуал интеллект** ижод этади, яратади, ижтимоий интеллект яратилган маънавий қадриятни кўпайтиради, тарқатади, ишлаб чиқаради ва ҳаётга татбиқ этади, ижтимоий бошқариш ва назорат қилиш ишларини амалга оширади. Буларни интеллектнинг ўзи қилмайди, балки интеллектга эга бўлган инсон ва грухлар амалга оширади. Ижтимоий интеллект аслида ижтимоий субъектнинг ҳислатидир.

Интеллектлар мажмуаси маълум ижтимоий табақалардан ҳосил бўлади: олимлар, ижодкорлар, мухандислар, бошқарувчилар ва ҳоказолар. Булар ноосферанинг ижодкор қатламини ташкил қиласиди (когнитиолотин билиш).

Ижтимоий интеллектнинг ифода қилиш учун сўнгги вақтларда «ижтимоий когнизиология» тушунчасидан кенг фойдаланилмоқда.

**Ижтимоий тушуниш.** Мазкур фаолиятда «қонунлар – анъаналар» мухим роль ўйнайди, улар бир – бирига нисбатан кўпинча қарама– қарши. Бу қонунлар тўпламлари кўплаб турли – туман ноаниқликларни юзага келтиради. Худди шунинг учун ҳам уларни таҳлил қилишдан қандайdir бир қийматли хulosалар (тушунтиришлар ва башоратлар) кутиш қийин. Ҳолбуки, табиий ва техникавий фанлар соҳаларида буни кутиш мумкин бўлар эди.

Ижтимоий тушунтиришда гурухий психологияга ҳам, индивидуал психологияга ҳам тегишли бўлган психологик маълумотларга таянмоқ мухим аҳамиятга эга, чунки М.Блокнинг таъкидлашича, ҳатто «Ижтимоий бир жинслик ҳам унчалик мутлоқ кучли эмас, чунки ундан баъзи индивидуумлар ёки кичик гуруҳлар четга чиқишилари мумкин». Бундан ташқари, агар бордию, биз бирор одамнинг ҳаракатлари ғайриодатий эканини кўрсата олганимизда ҳам, бу унинг маъносизлигини кўрсатдик, дегани эмас.

Ижтимоий тушунтиришда, одатда, бирор ижтимоий ҳодисанинг келиб чиқиши (манбалари), пайдо бўлиш шароит ва генезиси билан боғлиқ генетик компонент мавжуд бўлади. Бу ўринда бир хавф мавжуд – келиб чиқиш манбаларини тушунтиришни ҳодисанинг ўзини тушунтириш деб қабул қилиш. Масалан, чала билимли этимологларда шундай хатолар учраб туради: улар сўзнинг замонавий маъносини талқин қилар эканлар сўзнинг ўзлари билган энг қадимий маъноларидан бирини аниқлаб, «ҳамма нарсани» тушунтирдик деб ўйлайдилар, ҳолбуки, масаланинг моҳияти қандай қилиб «маъно ўзгариши» содир бўлганини аниқлашдир.

Ижтимоий билиш жараёнида **планетар онгнинг** зарурлиги ҳам баъзи адабиётларда алоҳида қайд этилмоқда. Чунки, планеталараро онгнинг шаклланиши ўзига хос хусусиятларга эга. Дарҳақиқат, миллий муаммолар миллий ўзликни англашда ўз аксини топганидек, XXI асрнинг глобал муаммолар системаси умумпланетавий ўз-ўзини англашда ифодасини топади.

Планетар онгнинг мухим сифатлари қуидагилардан иборат:

Биринчидан, умумисоний қадриятлар хусусий (регионал, миллий, синфий) қадриятлардан устун бўлиб, планетар онгда доминантлик қиласи. Мана шу доминантликка лоқайдлик планетар онг маъносининг йўқолишига олиб келади. Планетар онг яратилган тақдирда ҳам дунёвий ҳамкорлик турли-туманлигича ва қарама-қаршилигича қолаверади.

Ривожланган давлатлар ўртасидаги сиёсий, иқтисодий зиддиятлар сақланиб қолади: ўткир ва хавфли низолар (конфликтлар)ни келтириб чиқаради. Шимол ва Жанубнинг қарама-қаршилиги синфлар ўртасидаги, этник гурухлар ўртасидаги танглик кўп мамлакат ва минтақаларда ҳалигача сақланиб қолмоқда.

Планетар онгнинг вазифаси юқорида тилга олинган муаммоларни кейинга суриб, глобал муаммоларни ҳал этишда барча мамлакат ва халқларнинг изчил ҳамкорлигини таъминлашдан иборат. «Бутун дунё ҳалок бўлсин, лекин ҳақиқат тантана қилсин» деган тамойил ҳар қандай инсонпарварлик мазмунидан маҳрум эди, лекин бугун ҳалокат ёқасида турган дунёда бу тамойилга амал қилиш жиноятга айланмоқда. Дастреб дунёни ҳозирги қунда қандай бўлса шундайлигича сақлаб қолиш керак. Худди мана шу буюк вазифа планетар онгни юзага келтирди. “Планетавий онг” тушунчасини аниқроқ қилиб айтадиган бўлсак, кўпчиликка тааллуқли онг эканлиги назарда тутилади, у фақатгина профессионал сиёсатчиларгагина тааллуқли эмас.

Иккинчидан, планетар онг айрим халқлар ва мамлакатларнинг ижтимоий онгини, шунингдек, индивидуал онгини тузатишга олиб келади. Ўзини жаҳон фуқароси сифатида ҳис этиш ҳозирги пайтда сиёсий маданиятнинг узвий элементига айланди. Бу ҳолат индивидуализм ва колективизм муносабатларини ижтимоий маданият қадриятлари сифатида ривожланишига туртки берди. Асрлар мобайнида хукмрон бўлиб келган мамлакатлар ва халқларнинг индивидуализми планетавий колективизм томон кўпроқ силжимоқда. Дунёни кутқариш учун бундан бошқача йўлнинг бўлиши ҳам мумкин эмас. Планетавий бирдамлик онг фактидан умумисоний амалиётга айланиши керак. Дарвоқе, бу ҳақда бутун жаҳон

файласуфларининг XIX конгрессида айтиб ўтилган эди (Москва, 1993 йил). Бугунги кунда ривожланган Ғарб мамлакатларида колективизм фойдасига сезиларли силжишлар кузатилмоқда. Шуни таъкидлаш керакки, бундай силжишларнинг халқаро ва ички варианatlари бир йўналишга эга.

Учинчидан, планетар онг табиий, техникавий, гуманитар, фалсафий фанларнинг янги ютуқларини четлаб ўтиш орқали глобал муаммоларни «соглом фикрлаш» ёрдамида ҳал қила олмайди. Планетавий онг синергетиканинг муҳим хулосаларини ўз ичига олади. Уларнинг айримларига тўхтalamиз:

а) мураккаб тузилган тизим (худди шундай «жамият - табиат» тизими уларнинг ривожланиш йўлларини тўсиб қўймаслиги керак, балки уларни тушуниш, уларнинг ўз йўлларини топиш зарур);

б) мураккаб тизимлар учун ривожланишнинг бир неча муқобил йўллари мавжуд, уларни ўрганган ҳолда апокалистик варианtlарни рад қилиш керак, илмий-техникавий ривожланиш ютуқларидан фойдаланган ҳолда кейинги ривожланишнинг шундай вариантини топиш керакки, у инсонларни қониқтириш ва табиатнинг емирилишига йўл қўймаслиги керак;

в) мураккаб тизимни ва бошқарувни ишончли текшириш учун куч муҳим эмас.

Хуллас, биринчидан, ижтимоий билиш жамиятни илмий нуқтаи назардан таҳлил қилиш, ундаги воқеа, жараён ва ҳодисаларни илмийлик ва мантиқийлик асосида ўрганиш, назарий ва амалий тадқиқот ўртасидаги уйғунликни таъминлаш, инсонда мазкур мураккаб тизим тўғрисида мустақил билим ва кўниkmaga эга бўлиш туйғусини шакллантиришга ёрдам беради. Иккинчидан, ижтимоий билишга муқаррар равишда сиёсий мафкура, қадриятлар, ижтимоий-сиёсий идеаллар ўз таъсирини қўрсатади. Шу боисдан ҳам ижтимоий ва табиий-илмий билишни бир-бири билан tengлаштириш ярамайди. Учинчидан, ижтимоий билиш орқали инсон доимо ўзининг табиат дунёсига, бошқа одамлар дунёсига, ўз тарихи ва маданиятига муносабатини, ўзининг ўзига муносабатини билишга интилади, ўз ҳаётининг идеаллари,

қадриятлари ва нормаларини аниқлаб олади. Тўртинчидан, демократик жамият куриш ва баркамол авлодни тарбиялашда ижтимоий фалсафанинг ўрни, аҳамияти, бу жараённинг самарасини оширишга имкон берадиган усул ҳамда воситалар ҳам ижтимоий билишнинг ҳолати, ютуқлари, истиқболлари бўйича қўлга киритилган илмий ютуқлар билан белгиланади. Зоро, ижтимоий билиш ва мулоқотнинг кўплаб сирлари инсон фаолиятининг ажралмас бўлаги хисобланади.

### ***Таянч тушунчалар***

Билиш, илмий билиш, ижтимоий билиш, ижтимоий ҳақиқат, ижтимоий билишнинг эмпирик босқичи, ижтимоий билишнинг назарий босқичи, ижтимоий билиш методлари: кузатиш, статистика, ижтимоий эксперимент, хужжатлар билан ишлаш, тарихийлик ва мантиқийлик, моделлаштириш, тарихий аналогия.

### **Назорат учун саволлар**

1. Ижтимоий билиш деганда нимани тушунасиз?
2. Ижтимоий билишдан қандай мақсадлар кўзда тутилади?
3. Ижтимоий билиш табиатни билишдан қандай хусусиятлари билан фарқланади?
4. Ижтимоий билишнинг босқичлари деганда нима назарда тутилади?
5. Ижтимоий билишнинг таркибига нималар киради?
6. Ижтимоий билишнинг эмпирик босқичида қандай методлардан фойдаланилади?
7. Ижтимоий билишнинг назарий босқичида қўлланиладиган усулларни сананг ва изоҳланг.
8. Ижтимоий башорат нима?

## **6- МАВЗУ. ИЖТИМОЙ ОНГ ВА УНИНГ НАМОЁН БЎЛИШ ШАКЛЛАРИ**

1. Ижтимоий онг - жамият маънавий ҳаётининг таркибий қисми.
2. Иштимоий онг иштимоий психология.
3. Ҳуқуқий онгнинг намоён бўлиш шакллари.
4. Иштимоий борлик, иштимоий онг ва уларнинг иштимоий онгнинг муштараклиги.

Маълумки хар қандай ижтиомий ходиса ва жараёнларда ижтимоий онг ва унинг шакллари муайян даражада ўз ифодасини топади. Шунинг учун ҳам ижтимоий онгнинг у ёки бу шаклини ижтимоий ходисаларда ўрни ва ахамиятини аниқлаш жамият ривожланиш қонуниятларнинг билишда муҳим роль ўйнайди. Ижтимоий онгнинг назарий таҳлили кишиларнинг амалий фаолиятда маънавий омилларнинг ҳал қилувчи ролини билиб олишга ёрдам беради. Бинобарин, ижтимоий онг категорияси ижтимоий фалсафанинг ўзига хос методологик ахамиятга эга бўлган фундаментал категорияларидан бири хисобланади.

Ижтимоий онг ва унинг намоён бўлиш шаклларини ўрганиш муҳим ахамият касб этади. Ижтимоий онгга мансуб хусусиятлар унинг шакллари орқали намоён бўлади. Масалан, кундалик ёки одатдаги онг, асосан, ташқи алоқалар ва ижтимоий ҳаёт ҳодисаларига бўлган муносабатларни акс эттиради, уларни умумлаштиради. Аммо кундалик онг нарсалар ва ҳодисалар моҳиятига чуқур кира олмайди. Одатдаги онг хато фикрларга эга бўлиши мумкин. Бу урф-одат, анъана, ақида кабиларни ўз ичига олади. Кундалик онг ҳар бир шахснинг ишлаб чиқариш, турмуш, сиёsat ва бошқа соҳалардаги одатдаги фаолияти билан бевосита боғланган.

Кундалик онг кишиларнинг кундалик ҳаётий эҳтиёжларини англаб етиши асосида вужудга келади.

Назарий онг нарса ва ҳодисалар моҳиятини тушунишда муҳим ўрин эгаллайди. Назарий онг ғоялар системаси, тушунчалар, қонунлар ва бошқа тарздаги маънавият кўринишларини ифодалайди.

Гоялар ўз моҳияти билан назарий шаклда пайдо бўлади. Улар жамият тараққиётини белгилайди, ривожланишга туртки беради. Ҳар бир назария ва ғоя ўз вазифасини ўтаб бўлгандан сўнг оммавий онгга айланади.

Ижтимоий онгни кишилар ҳаётида тутган ўрнига қараб, икки қисмга ажратиш мумкин:

1. Ижтимоий психология (руҳият).
2. Мафкура (идеология).

Ижтимоий психология кишиларнинг меҳнат ва кундалик турмуш фаолиятида стихияли равиша вужудга келади, уни системалаштириш ва назарий жиҳатдан асослаш қийин. У қўйидаги хусусиятлари билан ажralиб туради:

1. Кишиларнинг барқарор психик ҳолатлари (хиссий кечинмалари, эмоция, кайфият, урф-одатлар).
2. Руҳий ҳодисалар: одат, удум, кўникма; турли кечинмалар.
3. Руҳий жараёнлар: тақлид қилиш, ишонтириш ва шунга ўхшаш хусусиятлар.
4. Сезги, идрок, фаҳм-фаросат, тасаввур, тафаккур, ғоя (сиёсий, хуқуқий, диний, ахлоқий белгилар) кабилар.

Юқорида қайд этилган хусусиятларнинг барчаси аста-секин ишонч, эътиқод, удум, кўникма, ижтимоий позицияни ифода эта бошлайди.

Ижтимоий психология -оммавий онг бўлиб, у бевосита моддий ишлаб чиқариш жараёнида пайдо бўлиб: одат, кўникма шаклига киради.

Ижтимоий психология ибтидоий жамоа тузуми даврида уруғ ва қабила аъзолари томонидан гурух онги сифатида стихияли равиша шаклланган. Бу моддий неъматлар ишлаб чиқариш учун хизмат қилган.

Шунингдек, ибтидоий жамоаларнинг барча соҳалари одат, удум, кенг ёйилган.

Жамиятнинг ривожланиши билан ижтимоий гурухлар (синфлар, элат, оила) ва ижтимоий уюшмалар шаклланди. Натижада уларнинг ўзига хос манфаатлари, психологияси, онги ҳам вужудга келди.

Ижтимоий психологиядан синф, элат, ҳалқ, миллат, оила ва бошқа ижтимоий гурухлар психологияси ажралиб чиқди. Ижтимоий психология ниҳоятда мураккаб ва зиддиятли.

Ижтимоий психологиянинг барқарор элементлари (ҳиссиёт, характеристи) ижтимоий структурани сақлаш ва уни мустаҳкамлашга ёрдам беради. Ижтимоий психологиянинг динамик элементлари (оммавий психик ҳолат, норозилик, кўниумаслик, руҳиятнинг ўзгариши) жамиятда туб ўзгариш қилишни талаб этади. Ижтимоий психология стихияли равишда ҳалқ ичидаги шаклланади, ҳар бир ижтимоий гурух ўзига хос психологияга эга.

Хуқуқий онг давлат билан бирга пайдо бўлади. Хуқуқ хулқ-автор нормаси сифатида давлат томонидан жорий этилади, муҳофаза қилинади ва қўллаб-куватланади, ҳалқ манфаатларини ҳимоя қиласи.

Хуқуқий онг икки шаклда намоён бўлади:

а) ҳуқуқий онг ижтимоий психология шаклида кишиларга қонуний ва қонунсизлик, адолат ва адолатсизлик, шахс ва давлат ўртасидаги муносабатлар ҳақида тасаввур беради. Хуқуқий ҳодисаларга адолат ҳисси, жиноятга нисбатан чора кўриш зарурлиги, бурч ва жавобгарлик сингари ҳодисаларни кишилар хуқуқий онг даражасида баҳолаб, унга ўз муносабатини билдиради;

в) ҳуқуқий онг ҳуқуқий қарашларнинг маълум тизими: ҳуқуқ назарияси, таълимот, кодекс ва бошқаларни ифода этади.

Ҳуқуқий онг ижтимоий алоқалар тизимида қатор функцияларни бажаради:

а) билиш, маълумот бериш, маърифат тарқатиш функцияси ҳуқуқий онгнинг шахс, индивид томонидан ўзлаштирилиши ва бошқалар;

б) баҳолаш функцияси: субъект ўз манфаат, мақсади нуқтаи назаридан қатъи назар, маълум ҳуқуқий категорияларга асосланиб, баҳо беради. «Миннатдорчилик», «эзгулик», «яхшилик», «ёмонлик», «фойда», «зарар» ва бошқалар тўғрисида аниқ тасаввурга эга бўлади;

в) бошқариш функцияси: ҳуқуқий онг кишиларнинг ҳуқуқий феълатвори, хатти-харакатини, шунингдек, уларнинг ҳуқуқий муносабатлари, эҳтиёжларини ҳам белгилаб бошқаради.

Ҳуқуқий онг ижтимоий онгнинг барча шакллари билан, айниқса, сиёсий ва ахлоқий онг билан узвий боғланган. Ахлоқий онг ҳуқуқий онгга нисбатан кенгроқ тушунча. Воқеа ва ҳодисаларни ахлоқий баҳолашда ҳуқуқий онг ҳам эътиборга олинади.

Ўзбекистон Республикаси Конституциясида барча фуқаролар бир хил ҳуқуқ ва эркинликка эга, уларнинг қонун олдида тенглиги белгилаб қўйилган. Унда «Шахсий ҳуқуқ ва эркинликлар» (7- боб) ва «Сиёсий ҳуқуқлар» (8- боб) боблари мавжуд.

Бугунги кунда ижтимоий онг ривожи учун ҳозирги замон фани ва фалсафасининг инсон тўғрисидаги билим ва хулосаларини умумлаштириш, айниқса, муҳимдир. Бу борада миллий ғоя ва миллий мафкура ўзининг туб моҳияти билан бевосита инсонга, унинг ҳаётий мақсад, орзуумидларини рўёбга чикаришга қаратилгандир.

Жаҳон фалсафий тафаккури инсон моҳиятини билишда катта ютуқларга эришди, турли фалсафий оқим ва мактаблар вужудга келди. Бироқ, афсуски, узоқ йиллар давомида ҳукм суреб келган бирёқлама сиёсий мафкура инсон моҳиятини ғайриилмий талқин этди, жаҳон фалсафаси ютуқларини бузуб кўрсатишга ҳаракат қилди. Президент И.А.Каримов таъкидлаганидек, жаҳон фалсафасининг илғор ютуқларидан халқимизни баҳраманд этиш, инсон тўғрисидаги илғор ғояларни чуқур ўрганиш ҳаётий заруриятга айланди.

Ҳозирги замон фалсафасининг инсон тўғрисидаги муҳим хулосалари бутун инсониятнинг инсон моҳиятини билиш йўлида орттирган билимларига, илғор фалсафий қарашларига асосланади. Инсоният ўз тараққиётида янги

тарихии даврға қадам қўйиши билан ўзлигини англаш ва оламни ўзгартиришда салмоқли ютуқларни қўлга киритди. Ҳар бир инсон фарзанди ўз ҳаёти давомида бутун инсониятнинг тарихий ўтмишини такрорлагани ва унга қандайdir янгилик қўшгани сингари, ўзгарган ҳар бир тарихий даврда инсон моҳиятини чуқурроқ билиш, инсоннинг ҳозиргача очилмаган сирли қирраларини кашф этишга бўлган объектив эҳтиёж вужудга келади.

Фалсафий муаммолар тизимида ижтимоий онг моҳияти, унинг жамиятда тутган ўрнини билиш муҳим ўрин эгаллади. Турли фалсафий таълимотларда бу масала турлича талқин этиб келинди. Шундай бўлиши табиий ва тўғри эди, чунки инсон моҳиятан ижтимоий-тарихий ва маданий мавжудот сифатида ҳар бир ўзгарган тарихий шароитда ўзлигини чуқурроқ англашга, инсоний моҳиятни рўёбга чиқаришга интилаверади. Суқротнинг «ўз-ўзингни англа» деган ҳикматли сўзи ҳар бир тарихий даврда янгича аҳамият касб этади.

Инсонда бутун олам ва жамиятнинг моҳияти мужассамлашган. Улуғ мутасаввиф Абдухолик Ғиждувонийнинг инсонни «кичик олам» деб тавсифлаши бежиз бўлмаган. Фалсафа баҳс юритадиган барча масалалар инсон ва унинг онга муаммоси билан бевосита боғлиқ. Табиат, маданият, сиёsat, цивилизация, билиш ва ҳоказолар инсоний моҳиятнинг турлича намоён бўлиш шакли; уларнинг барчаси инсон онги табиати ва моҳияти билан боғлиқ.

Жаҳон фалсафий тафаккури тарихида ижтиоий онг муаммоси алоҳида ўрин эгаллади. Унинг моҳияти, жамият ҳаётидаги ўрни, инсон ҳаётининг маъноси сингари масалаларни ўрганиш билан шуғулланадиган фалсафанинг алоҳида бир соҳаси инсон фалсафаси ёки антропологик фалсафа номини олди.

Хозирги замон антропологик фалсафасининг ижтимоий онг тўғрисидаги таълимотини батафсил таҳлил қилишдан олдин фалсафий тафаккур тарихида чуқур из қолдирган улуғ мутафаккирларнинг бу масаланинг моҳияти ҳақидаги таълимот ва қарашларига қисқача тўхталиш мақсадга мувофиқ.

Марказий Осиё халқларининг исломгача бўлган фалсафий қарашлари диний-мифологик таълимотлар билан уйғунлашган бўлиб, бизгача этиб келган

диний-фалсафий ёдгорликларда, хусусан, «Авесто»да инсон онги ва унинг ҳаётининг маъноси ҳақидаги қарашлар ўз ифодасини топган. Жумладан, эзгу фикр, эзгу сўз ва эзгу амал инсон борлигининг туб асоси, маънавий баркамоллик инсон ҳаётининг бош мақсади сифатида улуғланади.

Қадимги Хитой мутафаккири Конфуцийнинг фалсафий қарашлари марказига инсон онги, унинг камолоти масаласининг қўйилиши бежиз бўлмаган. Унинг таълим беришича, ҳар бир инсон ўз ҳаётида дао қонунларига амал қилиши, илм орқалигина идеал инсон даражасига етиши мумкин. Ҳар бир инсон камолотга эришмоқ учун ахлоқий қоидаларга амал қилиши, ўзида одамийлик, инсонга нисбатан ҳурмат ва муҳаббат ҳиссини тарбиялаши керак. Конфуций томонидан ахлоқий онгнинг инсон борлигининг туб асоси сифатида таърифланиши муҳим аҳамиятга эга эди.

Яқин Шарқда, кейинчалик Марказий Осиёда кенг ёйилган тасаввуф фалсафасида инсон илохий мавжудот сифатида тавсифланди. Умуман Шарқ фалсафаси олам ва инсонни худо яратганлигини эътироф этгани ҳолда инсон ва табиатга бир-бири билан узвий боғлиқлиқда қаради, инсон онги ва камолотининг мезонини табиат ва жамиятга оқилона муносабатда кўрди.

Шарқ мутафаккирлари жамиятдаги тартиб, бошқариш ва ахлоқнинг ўзгаришини инсон онгининг ижтимоий муҳитга мослашуви билан боғлар эди. Улар тарихан таркиб топган ижтимоий тартибларни нотўғри ва ғайриинсоний ўзгартириш мислсиз кулфатлар келтиришини уқтирганлар.

Қадимги-Юнон файласуфлари инсон ва унинг онги муаммосини барча фалсафий муаммолар марказига қўйдилар: ҳозирги замон Европа антропологик фалсафаси анъаналарини бошлаб бердилар.

Милет мактаби вакиллари инсонга коинотнинг ажralmas бир қисми, кичик олам сифатида қаради. Буюк-Юнон файласуфи Суқротнинг бутун фаолияти ва изланишларида инсон, унинг онги, ахлоқи, маърифат масалалари етакчи ўрин эгаллади. Уни инсоннинг ички олами, руҳий ва ахлоқий фазилатлари кўпроқ қизиқтириди. У «билим фазилатдир» деган ҳикматни илгари сурди. Инсон

ҳаётининг маъноси баркамолликка интилиш, ўзликни англаш ва ўз ахлоқий моҳиятини рўёбга чиқаришдадир, деб ҳисоблади.

Суқротнинг таълим беришича, ўз хатти-ҳаракати қандай оқибатларга олиб келишини биладиган ҳар бир одам ҳеч қачон мавжуд тартиб ва қонунларга қарши бормайди, жиноятга йўл қўймайди. Ахлоқий эркинлик ва ҳақиқат бир-бири билан узвий боғлиқ. Суқрот ўз ҳаётини ана шундай ҳақиқат йўлида фидо килган улуг файласуфdir.

Демокрит фикрича, бутун олам ва унинг таркибий қисми бўлган инсон битта ибтидодан, яъни майда заррача (атомлар)дан ҳатточи, унинг жони ҳам атомлардан ташкил топган. Инсон танаси ўлиши билан жон ҳам ўлади. Чунки тана ва жон моҳиятан атомлардан ташкил топгандир. Демокрит инсон ҳаётининг бош мақсади баҳтли бўлишдир, баҳт рухнинг хотиржамлигидир, деган ғояни илгари сурди.

Қадимги Грецияда бундай қарашга зид равища Платон инсон ва унинг онги моҳиятини идеалистик асосда тушунтиришга ҳаракат қилди. У жон ва танани, рух ва жисмни бир-биридан фарқлади: инсонни инсон қилиб турган ва бошқа мавжудотлардан фарқлайдиган моҳиятли асос руҳdir, деган ғояни илгари сурди. Тана руҳга қаршидир. Руҳ танага нисбатан бирламчи ва муҳимроқцир. Чунки руҳ абадий, тана эса фоний (ўткинчи)- дир. Платон руҳ даражаларини ҳам фарқлади: олий ва қуий руҳ.

Инсон руҳи муттасил равища илм воситасида ғоялар дунёсига интилади. Инсонни бошқа мавжудотлардан устун қўядиган муҳим фазилат илмга ташналиқдир. Платоннинг таълим беришича, инсон ҳаётидаги бутун зиддият тана ва руҳ ўртасидаги зиддият билан боғлиқ. Тана истаклари инсонни ҳайвонга яқинлаштиурса, руҳ эҳтиёжлари инсонни худога яқинлаштиради. Инсон ана шу икки дунё оралиғида иккиланади: унинг тубанлиги ёки улуғворлиги нимани танлашига боғлиқ.

Платоннинг ижтимоий онг тўғрисидаги қарашлари кейинчалик турли фалсафий мактабларнинг шаклланишига олиб келди. Айниқса Марказий Осиё мутафаккирларининг дунёқарашига самарали таъсир кўрсатди.

Аристотель ижтимоий онгга сиёсий мавжудот онги сифатида қаради. У инсонни «сиёсий махлук» деб таърифлади. Унинг фикрича, инсон онгининг ижтимоий табиати уни бошқа мавжудотлардан юқори қўяди.

Аристотель фикрича, ижтимоий онгнинг ҳақиқий моҳияти инсон фаолияти жараёнида намоён бўлади. Фаолият инсон шахси ривожланишининг ягона имкониятидир. Унинг таълим беришича, инсон фаолият кўрсатмаса, унинг барча яхши фазилатлари намоён бўлмайди. Ҳаётда ҳам, худди Олимпия ўйинларида бўлгани сингари, ғолиблик гулчамбарини томошабин гўзаллар ва кучли томошабинлар эмас, балки мусобақа иштирокчилари оладилар.

Платон ва Аристотель ғоялари Шарқ мамлакатларида кенг ёйилди. Марказий Осиёда етишиб чиққан Абу Наср Форобий, Абу Райхон Беруний, Абу Али ибн Сино бу қарашларни кенг тарғиб этдилар ва уни янги ғоялар билан бойитиб, ижодий ривожлантиридилар. Жумладан, Форобий инсоннинг оллоҳ томонидан яратилганлиги тўғрисидаги диний ғояни эътироф этгани ҳолда, ижтимоий онг моҳиятини рационал тушунтиришга, унинг мазмунини тафаккур ва мантиқ қонунлари асосида изоҳлашга ҳаракат қилди.

Форобийнинг таълим беришича, ижтимоий онг бутун олам тараққиётининг маҳсулидир. У «Фозил шаҳар кишиларининг қарашлари тўғрисида китоб» асарида инсоннинг барча олижаноб фазилатлари онг, билиш ва илм туфайли, инсон ҳаётининг мақсади баҳтли бўлиш эканлигини кўрсатди. У мамлакат ободончилиги, эл-юрт тинчлигиниadolатли ва маърифатли ҳукмдор шахси билан боғлади.

Абу Райхон Беруний ва Ибн Сино устунлиги ақл ва тафаккур инсонни бошқа мавжудотлардан ажратадиган омиллар эканлигини исботлашга, илм шарофатидан ақл ҳамда тафаккурнинг камол топишини асослашга ҳаракат қилдилар.

Ижтимоий онг моҳиятини билишга рационал ёндашув анъанаси мусулмон илоҳиётчиси Абу Ҳамид Газзолийнинг инсон тўғрисидаги фалсафий қарашлари ривожига туртки берди. У «Файласуфларни рад этиш» асарида

Форобий, Беруний ва Ибн Сино қарашларидан фарқ қиласидан баъзи ғояларни илгари сурди, аристотелизмнинг туб моҳиятини тўлароқ очиб берди. У инсоннинг бошқа мавжудотлардан устунлиги ақлда эмас, балки дилдадир, деган ғояни илгари сурди; онг имкониятлари чекланмаганлигини исботлашга ҳаракат қилди. Ғаззоли «Кимёи саодат» асарида инсон вужуди (танаси)ни бамисоли мамлакатга, инсон дили (рухи)ни подшога, ақлни эса вазирга қиёслади. Инсоннинг сезги аъзоларини вазир ҳукмларини бажарувчи аскарларга ўхшатди. Ғаззолийнинг таълим беришича, ақл инсон вужудини тўла бошқаришга ожиз, у хатоларга йўл қўйиши мумкин. Дил эса янгишмайди, у вужудни бошқариш билан боғлиқ бўлган масалаларни ҳал этиш, мушкул муаммоларни ечиш вақтидагина ақл маслаҳатларига мурожаат қилиши мумкин.

Марказий Осиёдан етишиб чиқсан буюк муҳаддис ва мутасавифлар инсоннинг маънавий-рухий (ботиний) оламини чуқурроқ тадқиқ этишга, унинг маънавиятини юксалиришга кўпроқ эътибор бердилар.

Бу борадаги турли тариқатлар ўзгарган давр талабига мос равишда баркамол инсон шахсини ва ижтимоий онгни камол топтириш йўлидаги изланишлар эди. Марказий Осиё ва бутун Яқин Шарқда кенг ёйилган ва таъсирчан кучга эга бўлган нақшбандия тариқати инсоннинг маънавий эҳтиёжлари унинг моддий эҳтиёжларидан устувор эканлигига асосланган ва бу ғоя «Дил ба ёру даст ба кор» шиорида ўз ифодасини топган эди.

Ижтимоий онг тўғрисидаги илғор ғоялар Алишер Навоий, Абдуқодир Бедил, Машраб, Ҳувайдо сингари мутафаккирлар ижодида янги босқичга кўтарилди. Навоий ақл ва тафаккурни инсон ва жамият борлигининг энг муҳим асоси сифатида таърифлади, инсонни энг табаррук мавжудот сифатида улуғлади. У одамлар ҳақида қайғуриш ва инсонпарварликни юксак фазилат сифатида таърифлади. У инсонга озор беришни Каъбани вайрон қилиш билан тенглаштирди ва ғариб кўнглини шод қилишни Каъбани обод қилиш билан баробар деб ҳисоблади.

Марказий Осиёдан етишиб чиқсан улуғ мутафаккирларнинг ижтимоий онг тўғрисидаги қарашлари ислом дини ғоялари билан узвий боғлиқ равища вужудга келган ва шарқона ҳаёт, тафаккур ва турмуш тарзи билан боғлиқ равища ривожланган эди. Афсуски, ўша даврларда шахс эркинлиги рағбатлантирилмас, ўзликни англаш табиат ва жамиятнинг кичик бир бўлаги, Оллоҳнинг гуноҳкор бандаси сифатида англашдан нарига ўтмас эди. Шу боисдан ҳам фалсафада инсон тўғрисидаги алоҳида бир соҳа - антропология фан сифатида ривожлана олмаган, унга умумфалсафий муаммоларнинг бир бўлаги, соҳаси сифатидагина қараш устивор эди.

Ижтимоий онг ва ижтимоий борлиқ жамият хаётининг ўзаро ажралмас икки муҳим томонини ташкил этади. Ижтимоий онг ва ижтимоий боғлиқ муносабатлари маънавий ва моддий ҳаёт уйғунлиги тамойили асосида таҳлил этилмоғи лозим. “Қачонки ана шу икки муҳим омил – деб таъкидлайди. И.А.Каримов, - ўзаро уйғунлашса, том маънодаги қўш қанотга айланса шундагина инсон, давлат ва жамият ҳаётида ўсиш-ўзгариш, юксалиш жараёнлари содир бўлади.”<sup>1</sup>

Ижтимоий онг жамиятнинг барқарор риволанишида муҳим роль ўйнайди. Шунинг учун ҳам ижтимоий ходисалар хақида, илмий тасаввурларгв бўлиш учун унинг таркибини даражаларини ва шаклларини. Мафкура, ғоя, ижтимоий назария, ижтимоий психологиялар ва қарашларнинг жамият ҳаётидаги ахмиятлигини эътироф этиш лозим бўлади.

Ижтимоий онг аввало жамиятнинг маънавий ҳаёти, ижтимоий воқеликни ўзида акс эттирувчи ғоялар, сиёсий, хуқуқий, ахлоқий, фалсафий, диний, эстетик қарашлари ва назариялари шунингдек кишиларнинг ижтимоий туйғулари ва кайфиятларининг мажмуидир. Ижтимоий онг ижтимоий боғлиқ билан узвий боғлиқ бўлиб, ижтимоий борлиқни хосиласи, ёки унинг маҳсули эмас, булки у муайян холларда ижтимоий борлиқни белгиловчи унинг моҳияти ва мазмунига жиддий таъсир этиладиган ижтимоий бир куч дейишимиз мумкин.

---

<sup>1</sup> И.А.Кримов. Юксак маънавият – енгилмас куч. Т., “Маънавият” 2008. 67- бет.

Кишиларнинг ижтимоий турмуши, ижтимоий борлиқ ижтимоий онгда мужассамдир.

Ижтимоий амалиёт шуни кўрсатадики, кишиларнинг онгли фаолияти жараёнида уларнинг турмуш тарзи ўзгариши билан уларнинг тасавврлари, қарашлари ва онги хам ўзгариб боради. Ижтимоий борлиқ объектив ижтимоий реаллик бўлиб, ижтимоий онг билан диалектик алоқада бўлади. Тъкидлаш керакки ижтимоий борлиқни моддий ҳаёт сифатида тушунадиган бўлсак, моддий ҳаёт қандай бўлса, кишиларнинг ижтимоий ҳаёти хам хар доим хам унга мос бўлавермайди. Бинобарин ижтимоий онг ва ижтимоий борлиқ ҳаётда доимо ижтимоий борлиқ бирламчи, ижтимоий онг иккиламчи формуласи асосида ривожланавермайди. Бу ўринда айтиш керакки, улар ўртасидаги муносабат нотекисликлар кечиши хам мумкин. Фақат бу нотекис ривожланиш эса фақат ижтимоий бўлганлар ва камчиликлар орқалигина тартибда солинмайди. Ижтимоий тараққиётда тадрижийлик бевосита улар ўртасидаги муносабатда хам намоён бўлади. Мазкур муаммони одатда ижтимоий онгнинг нисбий мустақиллиги билан изохланади. Ижтимоий онгнинг фаоллиги ва унинг баъзи ҳолларда ҳал қилувчи аҳамияти. Жамиятнинг маънавий тараққиётида ворисликда ўз ифодасини топади. Маълумки ижтимоий ғоялар ўз-ўзидан пайдо бўлмайди, балки ўзидан олдинги ғоялар асосида вужудга келади.

Ижтимоий онг фақат ижтимоий борлиқ билан муайян муносабатда бўлмай балки индивидуал онг билан хам ўзида алоқада бўлади. Индивидуал онг муайян ижтимоий гурухга, миллат ва элатга мансуб бўлган айrim кишининг онги, ижтимоий воқелик ва реал борлиқнинг алоҳида олинган шахс, субъект онгига акс этишидир.

Кейинги асрларда ҳаётда рўй берган муҳим ўзгаришлар табиатни илмий асосда ўрганиш борасида эришилган ютуқлар инсон, жамият ва ижтимоий онг моҳиятини ҳам илмий асосда ўрганиш ва фан хулосаларига таяниб, ижтимоий оғатларни бартараф этиш, жамиятни оқилона бошқаришга бўлган ишончни кучайтируди.

Жамиятнинг жадал ривожланиши шахс эркинлиги, ақл ва тафаккур салтанатини қарор топтиришни, тадбиркорлик, ишбилиармонлик сифатларини рағбатлантиришни тақозо этди. Янги замон файласувлари ижтимоий онг моҳиятини рационал тушунтиришга кўпроқ эътибор бердилар.

Янги замон ижтимоий-фалсафий тафаккури ижтимоий онг инсон моҳияти ва унинг келиб чиқиши тўғрисида хилма-хил ва хатто бир-бирига зид бўлган назариялар, фалсафий таълимотларни ҳам вужудга келтирди. Булар орасида марксизм, фрейдизм, экзистенциализм, антропологизм кабиларни кўрсатиш мумкин. Хусусан марксизм ижтимоий онг моҳияти ва келиб чиқишини бирёқлама тушунтириди, инсоннинг маънавий борлиғига нисбатан моддий. борлигини устун кўйди, табиий омилларга нисбатан ижтимоий омилларнинг ҳал қилувчи ролини кўрсатишга ҳаракат қилди. У онг ва тафаккурнинг инсон ва жамият хаётидаги аҳамиятига етарлича эътибор бермади.

Хозирги замон фани ва фалсафаси инсон биоижтимоий мавжудот сифатида ҳам табиий-биологик, ҳам ижтимоий-тарихий тараққиётнинг маҳсулидир, деган хulosага асосланади. Инсонни соф биологик - табиий тараққиёт маҳсули сифатида талқин этиш (фрейдизм) ҳам, ижтимоий муносабатлар мажмуи (марксизм) сифатида изоҳлаш ҳам бирёқламадир.

Узоқ йиллар давомида инсонни бошқа мавжудотлардан фарқлайдиган муҳим сифат аклдир деб келинди. Инсонга берилган биологик ном «*homo sapiens*» (хомо сапиенс лотинча «ақлли одам») да ҳам бу сифат ўз ифодасини топган эди.

Ақл-инсоннинг фикрлаш қобилиятидир. Бошқа мавжудотлар бундай қобилиятга эга эмас. Ақл туфайли инсоният юксак маданият, кўркам шаҳарлар, улкан иншоотлар, замонавий техникалар яратибгина қолмади, балки оммавий кирғин қуролларини, атом ва водород бомбаларини, сайёравий уруш қуролларини ҳам яратди: жаҳон урушлари ва ижтимоий революциялар ҳам ақлли инсонлар томонидан амалга- оширилди. Табиатни халокат ёқасига олиб келган ҳам ақлли инсонлардир. Бинобарин, ақл туфайли инсоният илгарилаб кетиши ҳам, қуйига кетиши ҳам мумкин.

Юксак маънавиятли инсон жамиятни халокатдан қутқарувчи энг муҳим омилдир, бу борада ижтимоий онг инсон ва жамият азиз ва қадрли қиласиган, одамлар ўртасида тотувлик, дўстлик ва одамийликни қарор топтирадиган ибтидодир.

### ***Таянч тушунчалар.***

Ижтимоий онг, ижтимоий борлик, ижтимоий психология, индивидуал онг, кундалик онг, назарий онг, ижтимоий тафаккур, маънавият, маънавий эҳтиёж, хуқуқий онг.

### **Назорат учун саволлар**

1. Кундалик онг деганда нимани тушунасиз?
2. Хуқуқий онг деганда нималарни тушунасиз?
3. Ижтимоий онг нима?
4. Назарий онг тушунчасининг мазмун-моҳияти нимада?
5. Ижтимоий борлик ва унинг ижтимоий-фалсафий моҳиятини аниqlанг?

## **7-МАВЗУ. ЖАМИЯТ, УНИНГ ТУЗИЛИШИ ВА ТАРКИБИ**

1. Ижтмоий фалсафада инсон ва жамиятнинг ўзаро муносабати масаласи.
2. Жамиятнинг ижтимоий ҳаёти.
3. Жамиятнинг ижтимоий таркиби. Жамиятнинг этник таркиби.
4. Жамиятнинг демографик таркиби.
5. Жамиятнинг синфий таркиби.

Инсон ва жамият - бир-бири билан узвий боғлиқдир. Инсон жамиятдан ташқарида ўзининг ҳақиқий моҳиятини йўқотади. Бироқ жамият инсонларнинг шунчаки йиғиндисидангина иборат эмас. Жамият одамлар ўртасида амал қиласидиган реал муносабатларни ҳам қамраб олади; бундай муносабатлар кишиларни оила, уруғ, қабила, миллат, давлат ва нихоят, инсоният ҳамжамиятига бирлаштиради. Одамлар йиғиндисини хис этиш, кузатиш осон, бироқ улар ўртасидаги муносабатларни аниқ-тиник кўриш, кузатиш қийин. Чунки улар яширин характерга эга бўлиб, жисмсиз, номоддийдир. Жамият ҳаётида ана шундай муносабатлар ҳал қилувчи роль ўйнайди.

Ижтимоий фалсафа тарихида инсон ва жамиятнинг ўзаро муносабати масаласи турли тортишувларга сабаб бўлган. Фақат айрим инсонларгина мавжуд, жамият мавжуд эмас, деб ҳисоблайдиган файласуфлар давлат ва бошқа ижтимоий ташкилотлар мавжудлигини инкор этганлар (Буларни сўл индивидуалистлар, анархистлар деб аталади)

Бошқа бир файласуфлар фақат жамиятгина олий қадрият, инсонлар эса унинг кичик қисмлари деб ҳисоблайдилар. Улар жамият асосини ташкил этувчи реал инсонни кўрмайди. Булар марксизм тарафдорлари бўлиб, жанговар коллективизм, тоталитаризм гоясини илгари сурдилар. Одамлар ва улар ўртасидаги муносабатлар жамият структурасининг таянч элементи бўлса ҳам, унинг бутун мазмунини белгилай олмайди.

Жамият таркиби (структураси) икки ўлчамли эмас, балки кўп ўлчамлидир. Жамиятни назарий жиҳатдан таҳлил қилиш қулай бўлиши учунгина жамият структураси икки асосий элементга бўлинади. Жонли, реал жамият эса жуда кўплаб алоқа, муносабат ва ўзаро таъсир бирлигидан иборат бўлиб, улар хилма-хил элементлар мажмуасидан яхлит ижтимоий организмни вужудга келтиради. Жамиятни яхлит ва бир бутун тизим сифатида тушуниш қадимги дунё файласуфлари учун ҳам хос эди. Бироқ XIX-XX асрга келиб, жамиятни тизимиийлик асосида тадқиқ этишда О. Конт, Г. Спенсер, Э. Дюркгейм, М. Вебер, П. Сорокин, Т. Парсонс каби олимларнинг хизматлари салмоқли бўлди.

Жамият элементлари деганда ижтимоий тизимнинг энг кичик қисмлари тушунилади. Ижтимоий муносабатлар - жамиятни ташкил этувчи субъектлар ўртасидаги муайян алоқа ва боғлиқлиқдир. Барқарор ва доимий равишда такрорланувчи муносабатлар аста-секин барқарор ижтимоий гурӯҳлар, ташкилотлар, институтларнинг шаклланишига олиб келади. Жамиятдаги муносабатлар қанчалик бой, хилма-хил бўлса, бу жамиятнинг демократик характерга эга эканлигидан, ривожланганлигидан далолат беради.

Ижтимоий тизимни бошқа тизимлардан ажратиб турадиган муҳим хусусиятлар қуидагилардир;

- 1) жамиятни ташкил этадиган элементларнинг кўплиги;
- 2) ижтимоий тизим элементларининг ранг-баранглиги, турлича сифат ва характерга эга эканлиги;
- 3) ижтимоий тизимнинг асосий элементи ва ядроси бўлган инсоннинг . бетакрорлиги, ўз фаолияти ва хулқ-авторини эркин намоён этишидир.

Бу ҳолатлар жамият истиқболи қандай бўлишини олдиндан билишни нихоятда қийинлаштиради. Бироқ шунга қарамай ижтимоий-фалсафий тафаккур жамият элементларини бир-бири билан узвий боғлайдиган ягона асосни топишга интилиб келди. Бу асос инсон фаолиятидир. Инсон фаолияти

туфайли бутун ижтимоий тизим ҳаракатга келади, турли элементлар ўртасидаги алоқалар мустаҳкамланади.

Ижтимоий ҳаётнинг моҳиятли асоси бўлган жамият фаолиятининг рўй берини учун қуйидаги тўрт элемент талаб этилади. Биринчи ва асосий элемент инсон, кишилардир. У фаолиятнинг фаол қисми, фаолият субъектидир.

Жамият фаолиятининг иккинчи элементи фаолият обьектлариdir. Фақат инсон фаолияти йўналтирилган нарсаларгина эмас, балки инсоннинг ўзи ҳам фаолият обьекти ҳисобланади. Масалан, ўқитувчи, врач фаолияти инсонга қаратилади. Лекин кўпинча нарсалар фаолият обьекти ҳисобланади. Инсон фаолияти учун зарур бўлган учинчи энг муҳим элемент тил, нутқ, информациядир. Бундай белгиларсиз инсон фаолиятининг амалга ошишини ҳатто тасаввур этиб бўлмайди. Рамзлар ва белгилар инсон онгига таъсир этиб, фаолиятнинг узлуксиз равишда амалга ошишини таъминлайди.

Жамият ҳаётнинг тўртинчи муҳим элементи барқарор ижтимоий алоқа ва муносабатлардир. Барқарор муносабатлар жамият фаолияти элементларини ҳаракатга келтиради.

Демак, ижтимоий фаолиятнинг тўрт асосий элементига мос равища ижтимоий ҳаётнинг қуйидаги тўрт соҳаси вужудга келади:

1. маънавий соҳа,
2. моддий соҳа,
3. сиёсий соҳа,
4. ижтимоий соҳа.

Ҳозирга қадар адабиётларда жамиятнинг моддий ва маънавий соҳалари бир-биридан кескин фарқланар, унинг моддий жиҳатига қўпроқ эътибор берилар эди. Холбуки, жамиятнинг туб моҳияти уни ташкил этувчи инсон моҳияти билан узвий боғлиқдир. Ҳудди инсон танасини унинг руҳидан ажратиб бўлмагани сингари жамиятнинг моддий ва маънавий томонларини бир-биридан ажратиш ва уларнинг бирини иккинчисидан устун қўйиш ҳам мантиқка зиддир. Президент И. А. Каримовнинг “Юксак маънавият – енгилмас куч”

асарида жамиятнинг моддий ва маънавий томонларини уйғунлаштириш ижтимоий тараққиётнинг асоси эканлиги таъкидланган. Жамият маънавиятини юксалтириш орқалигина иқтисодий ривожланишга эришиш мумкин. Шунинг учун ҳам ҳозирги даврда аҳоли маънавиятини юксалтиришга, миллий ғоя ва мафкура асосларини сингдиришга катта эътибор бериляпти. Инсоннинг ҳақиқий моҳияти моддий эҳтиёжларни маданий шаклларда қондирилишида яққол намоён бўлади. Инсон ақлли мавжудот сифатида моддий эҳтиёжларини маданий шаклларда қондириш учун табиат ва жамият моҳиятини билишга, табиат ва жамиятни ўз мақсадларига мос равища ўзгартиришга ҳаракат қиласи. Илм-фан ва техника жамиятнинг маънавий ва моддий эҳтиёжларини қондириш қуроли, муҳим воситаси бўлиб хизмат қиласи. Юксак маънавият туфайлигина жамият ўз эҳтиёжларини маданий шаклларда оқилона ва тўлароқ қондириш имконига эга бўлади.

Ҳар қандай жамият ҳаётида маънавият, маънавий ишлаб чиқариш ҳал қилувчи роль ўйнайди. Кишилар маънавий ишлаб чиқариш жараёнида оламни, атроф-муҳитни тўлароқ биладилар, ижтимоий ҳаёт қоидаларини ўзлаштирадилар, бир-бирлари билан инсонларча муносабатда бўлишни ўрганадилар. Маънавий ишлаб чиқариш жараёнида илғор ғоя, назария ва таълимотлар яратилади. Бу эса ижтимоий-сиёсий барқарорлик, тотувликни таъминлашда муҳим роль ўйнайди, Илм-фан ва техника тараққиёти жамиятнинг моддий фаровонлигини янада яхшилаш учун замин яратади. Таълим-тарбия тизими жамият маънавий ҳаётида муҳым ўрин тутади. Ҳаётга кириб келаётган ёш авлоднинг маънавий қиёфаси, маданияти, ҳаётга ва одамларга бўлган муносабати мактабда шаклланади. Санъат, адабиёт, маданият, илм-фан арбобларининг меҳнати жамиятнинг юксалишида алоҳида ўрин тутади, шу боисдан ҳам уларнинг меҳнати қадрланади.

Жамиятнинг моддий ва маънавий соҳалари кишиларнинг моддий ва маънавий эҳтиёжлари билан узвий боғлиқ равища вужудга келади. Жамиятнинг моддий ҳаётига:

- кишиларнинг яшашлари, шахс сифатида камол топишлари учун

зарур бўлган шарт-шароитлар;

- озиқ-овқат, кийим-кечак, тураг-жой, ёқилғи, коммуникация воситалари;
- моддий неъматлар ишлаб чиқариш, тақсимлаш, айирбошлиш ва истеъмол қилиш;
- ишлаб чиқариш жараёнида кишилар ўртасида амал қиласидан иқтисодий муносабатлар мажмуаси;
- моддий бойликлар, табиий заҳиралар киради.

Жамиятнинг моддий ҳаёти кишилар учун тирикчилик неъматлари, воситалари яратишга қаратилгандир. У кишиларнинг моддий эҳтиёжларини қондиришга имкон беради. Моддий ишлаб чиқаришда жисмоний меҳнат кишиси асосий роль ўйнайди. Тўғри, бу соҳада ақлий меҳнат кишилари, (инженер, агроном, зоотехник, раҳбарлар ва х.к.) ҳам фаолият кўрсатади, бироқ етакчи мавқени жисмоний меҳнат ходимлари эгаллайдилар. «Иқтисодиётнинг барча соҳа ва тармоқларини эркинлаштириш жараёнини изчиллик билан амалга ошириш ва олиб борилаётган ислоҳотларни янада чуқурлаштириш, хўжалик юритувчи субъектларнинг мустақиллигини ошириш, тадбиркорлик фаолиятини ривожлантириш йўлидаги мавжуд тўсиқларни бартараф этиш - бу соҳадаги ўзгаришларнинг асосий йўналишлариdir.» (Миллий истиқлол ғояси: асосий тушунча ва тамойиллар. Т. «Ўзбекистон», 2000. 31- бет). Моддий ишлаб чиқаришсиз жамият ҳаётининг нормал табиий ривожланишини ҳатто тасаввур этиб бўлмайди. Бироқ моддий соҳа аҳамиятини ҳаддан ташқари бўрттирнш, бутун эътиборни моддий ишлаб чиқаришга қаратиш ҳам жамиятни маънавий инқирозга олиб келиши мумкин. Таракқий этган мамлакатлар тажрибасининг кўрсатишича, ҳозирги пайтда товар ишлаб чиқаришга нисбатан хизмат кўрсатиш соҳаси фойдалироқ бўлиб қоляпти. Д. Белл, З. Бзежинский сингари ғарб олимлари ўз тадқиқотларида постиндустриал жамиятда моддий ишлаб чиқаришнинг аҳамияти тобора камайиб боришини кўрсатяптилар.

Жамиятнинг моддий ва маънавий ҳаётини бир-биридан фарқлаш ижтимоий ҳаёт моҳиятини чуқурроқ билишга имкон беради. Аслида реал ҳаётда улар бир-

бири билан чамбарчас боғлиқ ҳолда кечади. Илмий иззария ва амалиётда жамиятнинг моддий ва маънавий ҳаётини бир-биридан ажратиш, улардан бирини муҳимроқ, бошқасини номуҳим деб ҳисоблаш жамиятнинг табиий-тарихий ривожланишини издан чиқаради. Жамиятнинг маънавий-интеллектуал тараққиёти учун иқтисодий замин яратиш қанчалик муҳим бўлса, моддий фаровонликни таъминлаш учун маънавий-интеллектуал салоҳиятни кучайтириш ҳам шунчалик муҳимдир.

**Жамиятнинг сиёсий соҳаси.** Жамият ҳаётида моддий ва маънавий ишлаб чиқариш қанчалик муҳим ўрин тутса, уни бошқариш ҳам шунчалик муҳим аҳамият касб этади. Жамиятнинг турли элементлари нормал ишлаши, бир-бирига мувофиқ фаолият кўрсатиши учун уни бошқариш талаб этилади. Бошқариш давлатдан тортиб корхона ва оиласагача бўлган кенг соҳани қамраб олади. Бошқариш билан маҳсус кишилар, сиёсатчилар, раҳбар ходимлар шуғулланадилар. Бошқариш турли даражаларда амалга оширилса ҳам, бошқариш фаолиятининг энг юқори шакли сиёсий фаолият ҳисобланади.

Жамиятни сиёсий бошқаришнинг хилма-хил шакллари мавжуд бўлиб, ҳар бир мамлакатнинг миллий менталитети, анъаналарига мос равишда сиёсий бошқаришнинг монархия, аристократия, республика шакллари қўлланилади. Бир ижтимоий-сиёсий тузумдан янги ижтимоий-сиёсий тузумга ўтиш даврларида қадриятларни қайтадан баҳолаш, жамият ҳаётида давлат, оила, меҳнат, мулк, сиёсий партиялар, дин, фан ва бошқа ижтимоий институтлар моҳиятини янгича тушуниш зарурияти вужудга келади. Бунда фақат мазмунгина эмас, балки шакл ҳам қайта курилади. Мамлакатимизда миллий мустақилликнинг қўлга киритилиши, мустабид тузум мафкураси ва сиёсатининг инқирозга юз ўгириши билан «...давлатнинг моҳияти бутунлай тубдан ўзгарди. Давлат дастлабки босқичда жамиятни янгилашнинг энг фаол кучига айлангани ҳолда ислоҳотларнинг бош ташаббускори ва

йўналтирувчиси, ижтимоий ҳаётдаги янги ғояларнинг асосий амалга оширувчиси бўлиб қолди».<sup>1</sup>

Инсон эҳтиёжларининг муттасил ўсиб бориш қонунияти мавжуд сиёсий система олдига қатор талаблар қўяди. Мамлакатимизда узок йиллар давомида хукм суриб келган маъмурий буйруқбозликка асосланувчи сиёсий система ўзининг туб моҳияти билан шахснинг ҳар томонлама эркин ривожланишига имкон бермаганлиги учун ҳам муқаррар равища инқирозга юз ўғирди. Иқтисодий таназзул сиёсий системанинг емирилишига олиб келди. «Бир ижтимоий тузумдан иккинчисига ўтиш муқаррар равища шу пайтгача мисли курилмаган сиёсий фаоллик шароитида юз беради. бу ҳол табиийдир. Шу пайтга келиб карахтилик ҳолатидан ҳалос бўлган жамият тўпланиб қолган жами ижтимоий зиддиятларни бир зумда юзага чиқаради”

Жамиятни бошқариш тизими ҳар бир халқнинг миллий хусусият, психологияси, анъналари. маданий салоҳиятига мос равища вужудга келади. Турли жамиятларда сиёсий бошқариш усулларининг турлича характеристери уларнинг илғор ёки қолоқ эканлигидан далолат бермайди. Сиёсий бошқаришнинг ҳар бир усули турли тарихий шароитларда турлича самара бериши мумкин. Жамиятнинг маънавий салоҳияти юксалиб боргани сайин сиёсий бошқарув усуллари ҳам тобора инсонийлашиб боради. Тараққий этган мамлакатлар тажрибаси сиёсий бошқарувнинг демократик шакли анча қулай ва инсонпарвар эканлигини кўрсатди.

Очиқ демократик жамиятда давлат ижтимоий-иқтисодий ва сиёсий ислоҳотлар ташаббускори, жамият раҳнамоси сифатида фаолият кўрсатади. Демократик жамиятда сиёсий бошқариш хуқуқий давлатчилик асосларини яратишни тақозо этади. Қонун устуворлиги демократик жамият ва давлат ҳаётининг муҳим шарти ҳисобланади. Демократик давлат жамиятни бошқаришда конституция талбларига бўйсунар экан, у жамиятни танҳо

---

<sup>1</sup> И.А.Каримов. «Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари.», Т., «Ўзбекистон», 1997, 158-бет.

бошқариш даъвосини қилмайди. Балки жамиятни бошқаришда турли жамоат ташкилотларига, аҳолининг ўз-ўзини бошқариш органларига кенг ваколатлар беради. Демократик жамиятда диннинг давлатдан, мактабнинг диний муассасалардан ажратилиши, кишиларга виждан эркинлиги хукуқининг берилиши прогрессив ҳодиса, жамият эркин ривожланишининг мухим шартидир.

Одатда дунёвий ва диний давлатлар бир-биридан фарқланади. Дунёвий давлатлар конституцияга, илм-фан хулосаларига асосланади. Диний ёки теократик давлатлар диний таълимот ва шариат хукмига асосланади. Бундай давлатлар ўз фуқароларининг виждан эркинлигини таъқиқлайди; таълим-тарбия асосан диний руҳда олиб борилади.

Демократик давлатда таълим-тарбия муассасалари жамиятни оқилона бошқаришга яқиндан ёрдам беради; ёш авлодга пухта сиёсий ва хукуқий билим беради, мавжуд ахлоқий, хукуқий нормаларни сингдиради, сиёсий онг ва маданиятни ривожлантиради. «Жамият ҳаётини демократлаштириш жараёнини янада чуқурлаштириш, унинг изчилиги ва самарадорлигини таъминлаш - мамлакатимизда амалга оширилаётган сиёсий ислоҳотларнинг асосий йўналишидир»<sup>1</sup>

Жамиятда ижтимоий-сиёсий барқарорликни таъминлаш, етилган муаммоларни оқилона ҳал этиш, мамлакат фуқароларининг сиёсий фаоллигини ошириш-жамият сиёсий системасини ташкил этувчи барча бошқарув органлари ва ташкилотларнинг асосий мақсади ҳисобланади. Жамият аъзоларини умумий мақсад йўлида янада жипслаштириш, ижтимоий-сиёсий фаолликни кучайтиришда миллий ғоя ва миллий мафкура мухим роль ўйнайди. Ғоявий муштараклик жамиятдаги турли ижтимоий гурух, қатлам ва синфларда бирдамлик туйғусини кучайтиради, турли сиёсий ҳаракат ва партиялар фаолиятини бунёдкорлик ишларига йўналтиради.

---

<sup>1</sup> Миллий истиқлол ғояси: асосий тушунча ва тамойиллар. Т, «Ўзбекистон» 2000, 29 бет.

**Ижтимоий соҳа.** Жамиятнинг инсонпарварлик моҳияти унинг аҳоли қатламлари учун қулай шарт-шароитлар яратишида, кишиларнинг илм олиши, соглигини тиклаши, дам олиши, меҳнат қобилиятларини тиклаши учун ғамхўрлик қилишида яққолроқ; намоён бўлади. Оилани, кексаларни оналик ва болаликни ижтимоий ҳимоялаш ижтимоий хизмат кўрсатишнинг муҳим шаклларидир.

Республикамида бозор муносабатларига ўтиш даврида аҳолини ижтимоий ҳимоялашга алоҳида эътибор берила бошланди. «Тарих сабоги шундайки, -деб ёзади И.А.Каримов, - унинг айнан кескин бурилишларида, ижтимоий формациялар алмашинаётганда ижтимоий муаммолар ва зиддиятлар ғоят кескинлашади, миллий хавфсизликка, фуқаролар тинчлигига ва барқарорликка таҳдид соловчи омилга айланади».

Мамлакатимизнинг миллий мустақиллик йилларида орттирган тажрибаси жамият барқарорлиги, тинч-тотувлигини тъминлашда ижтимоий соҳага кўпроқ эътибор беришнинг муҳим аҳамиятга эга эканлигини кўрсатди. «Бозор муносабатларига ўтишнинг ilk даврида биз олдиндан бутун аҳолини ижтимоий ҳимоялаш йўлидан бордик. Бу чора-тадбирлар одамларнинг турмуш даражаси кескин пасайиб кетишининг олдини олишда муҳим роль ўйнади. Республикада осойишталик ва барқарорликни сақлаб қолиш омили бўлди»

Жамиятнинг ривожланишида кишиларнинг моддий ва маънавий эҳтиёжларининг қондирилиши, мулк ва меҳнатнинг ижтимоий тақсимланиши муҳим роль ўйнайди. Кишиларнинг қобилиятига қараб меҳнатнинг ижтимоий тақсимланиши натижасида турли касблар билан шуғулланадиган қатор тоифалар, гуруҳлар, қатламлар ва синфлар вужудга келади. Улар жамият структурасида ўзига хос ўринни эгаллайдилар; жамият тараққиётига муайян хисса қўшадилар.

Социал стратификация аҳолининг иерархик мавқеига мос равища ижтимоий қатламларга бўлинишидир. Ижтимоий стратификация олий ва қуйи қатламлар мавжудлигини, ҳукуқ ва имтиёзларнинг тенгсизлигини, масъулият ва

бурч тенгсизлигини эътироф этади. Ижтимоий стратификациянинг конкрет шакллари ниҳоятда хилма-хилдир.

Агар жамият аъзоларининг иқтисодий статуси турлича бўлса, мулкдор ва мулксизлар мавжуд бўлса, жамият қандай шаклда ташкил этилишидан қатъи назар унинг иқтисодий табақаланиши мурқаррардир. Агар бирон бир гуруҳ ичида мансаб ва обрўга, унвон ва лавозимиға қараб турли иерархик ранг (даража) мавжуд бўлса, бу гурухнинг сиёсий дифференциаллашганлигидан далолат беради. Агар жамият аъзолари ўз фаолият турига қараб турли гурухларга бўлинган бўлса, айрим касблар бошқаларига нисбатан қадрлироқ бўлса, профессионал гуруҳ аъзолари раҳбарлар ва итоат қилувчиларга бўлинган бўлса, бундай гуруҳ профессионал дифференциаллашгандир. Ижтимоий стратификация иқтисодий, сиёсий ва профессионал шакллардан ташкил топади. Барча аъзолари ҳар жиҳатдан тенг бўлган ижтимоий гуруҳ, ҳеч қачон бўлмаган ва бўлмайди. Ижтимоий стратификация - ҳар қандай уюшган жамиятнинг доимий тавсифидир.

Ҳар бир ижтимоий структура бўш ерда вужудга келмайди: балки илгари мавжуд бўлган ижтимоий структура негизига янгилик киритиш орқали вужудга келади. Ўтмишда мавжуд бўлган ва бугунги кундаги мавжуд ижтимоий структура ўртасида тарихий алоқадорлик мавжуддир. Ана шу боғлиқлик инсоният жамияти ривожланишининг ягона жараён сифатида рўй беришини тақозо этади.

Жамият тараққиёти қўп босқичли жараён эканлиги тўғрисидаги қарашлар АҚШ файласуфи О. Тоффлер томонидан илгари сурилди. Бундай қарашга кўра жамият тараққиётини аграр жамият, индустрιал жамият, постиндустриал жамиятга ажратилди. Адабиётларда жамият ривожланишига цивилизацияли ёндашув ғояси илгари сурилмоқда. Бундай ёндашувга кўра ҳар бир халқ ўзининг бетакрор, ноёб, ўзига хос ва ўзига мос томонларини сақлаб қолган ҳолда бошқа халқларнинг тажрибаларидан ижодий фойдаланиш орқали ижтимоий тараққиётнинг ўзига хос моделини яратади.

Гарбда ижтимоий ривожланишнинг циклли назарияси кенг ёйилган бўлиб, унинг йирик вакиллари О. Шпенглер ва А. Тойнби хисобланади. О. Шпенглер «Европанинг сўниши» асарида жаҳон тарихини «қўплаб маданиятлар феномени» сифатида тавсифлади. Ҳар бир маданият бир-бирига боғлиқ бўлмаган ҳолда вужудга келади, уларнинг ҳар бири ўзининг маънавий ҳаракатлантирувчи кучига, ўз қиёфасига, ўз ҳаёти ва ўлими тарихига эгадир. Шпенглернинг фикрича, тарих прогресс нималигини билмайди: улардан ҳар бирининг маданияти бетакрор бўлиб, уларни боғлаб турадиган мезон йўқ.

Англиялик социолог А.Тойнби ҳам ана шу ғояни давом эттириди. Унинг фикрича, бутун инсоният ўтмиши 21 цивилизация тарихидан иборат бўлиб, улар бир-бири билан ички боғланмаган. Ҳар бир цивилизация ўз ривожида: вужудга келиш, ўсиш, синиш, парчаланиш ва ҳалокат босқичини кечиради, сўнг ўрнини бошқа цивилизацияга бўшатиб беради. Тойнби барча цивилизациялардаги ижтимоий жараёнлар бир-бирига ўхшаш эканлигини таъкидлади. Унинг фикрича, цивилизация ривожланишининг ҳаракатлантирувчи кучи «ижодкор озчилик бўлиб, у инерт қўпчилик» ни орқасидан етаклашга қодирдир. «Ижодкор элита» аста-секин ижтимоий-сиёсий муаммоларни ҳал этиш қобилиятини йўқотгач, ўз ҳокимиятини авторитет орқали эмас, балки зўравонлик билан амалга ошира бошлайди. Агар асосий омма ҳарбий ҳолат ёки табиий оғатдан қирилиб кетмаса, бу цивилизацияни емиради. Ҳар бир янги цивилизациянинг вужудга келиши, Тойнби фикрича, диннинг янги шакллари пайдо бўлиши билан боғлиқдир.

**Жамият ҳаётида барқарорлик ва бекарорлик.** Ҳар бир инсон ўз олдига қўйган мақсадларига эришиш учун осойишталик ва тинчликка муҳтоҷ бўлгани каби, жамият ҳам ўз олдига қўйган вазифаларини адо этиши учун ижтимоий-сиёсий барқарорликка эҳтиёж сезади. Барқарорлик нисбий сокинлик, ижтимоий тизимнинг нормал фаолият кўрсатиш имкониятидир. У турғунлик тушунчасидан кескин фарқланади. Ижтимоий-сиёсий турғунлик тушунчаси жамиятдаги мавжуд сиёсий, иқтисодий, маънавий системанинг таназзули аломатидир. Жамиятда барқарорлик бекарорлик билан, инқироз гуллаб-яшнаш

били алмашиниб туриши ҳам мумкин. Жамият маънавий, иқтисодий, сиёсий, хуқуқий соҳаларда муайян ютуқларга эришиб, ижтимоий имкониятларини рўёбга чиқариб бўлгач, унинг бундан кейинги тараққиёти йўлида янги муаммолар туғилади. Уларни ҳал этиш вазифаси пайдо бўлади. Жамият аъзоларининг маънавий салоҳияти, миллий психологиясиға мос равишда мавжуд сиёсий система кишиларни бошқаришнинг ўзига хос усусларини ҳаётга татбиқ этади. Инсоният жамияти тарихида жамият барқарорлигини таъминлашнинг монархик, аристократик, тоталитар ва демократик усуслар амал қилиб келган.

Жамият барқарорлигининг издан чиқиши кишилар психологясидаги салбий ўзгаришларда, қонунларнинг ишламаслигига, ижтимоий бурчнинг адo этилмаслигига, ижтимоий идеалларнинг йуқолишида, ғоя ва мафкурага лоқайдликнинг кучайишида, турли жиноий групкаларнинг пайдо бўлишида, ижтимоийadolat принципларининг бузилишида, давлат органларининг аҳолини бошқариш қобилияти кучизланишида, турли конфликтларнинг кескинлашувида ўз ифодасини топади.

Бекарорлик ички ва ташқи таҳдидлар туфайли вужудга келади. Бекарорлик бир ижтимоий-сиёсий тизимдан янги бир ижтимоий-сиёсий тизимга ўтиш даврида кескинлашиши мумкин. И.А.Каримов «Ўзбекистон XXI аср бўсағасида...» асарида бозор муносабатларига ўтиш даврида оммавий норозиликлар, ҳатто фуқаролар уруши вужудга келиши мумкинлигини, жамият барқарорлигини таъминлаш учун етилган муаммоларни оқилона ҳал этиш зарурлигини қўрсатди. Жаҳон тажрибаси ҳар бир мамлакат халқларининг ўз тараққиёт йўлини танлаш хуқуқига эга бўлиши умумий хавфсизлик ва ижтимоий барқарорликни таъминлаш гарови эканлигидан далолат беради. Ўзбекистон миллий мустақилликка эришганидан кейин ўз миллий-давлатчилик асосларини яратиш, ўзига хос ва ўзига мос тараққиёт йўлини белгилаш. ривожланишнинг ўзбек моделини яратиш имконига эга бўлди.

**Тараққиёнинг ўзбек модели-жамиятнинг тадрижий ривожланиши концепцияси сифатида.** Ижтимоий ривожланишнинг ўзбек модели бутун инсониятнинг илғор тажрибасига, халқимизнинг миллий хусусиятлари ва

менталитетига таянади. Инсоният тажрибаси ижтимоий ривожланишнинг кескин инқилобий ўзгаришлар йўли номақбул ва яроқсиз эканлигини, жамиятнинг тадрижий (эволюцион) тараққиёти нормал-табиий ривожланиш йўли эканлигини кўрсатди. Ўзбекистон Президенти И.А.Каримов ижтимоий тараққиётнинг тадрижий йўли моҳиятини • шундай изоҳлайди: «Соҳта инқилобий сакрашларсиз эволюцион йўл билан нормал, маданиятли тараққиётга ўтиш-танлаб олинган йўлнинг асосий мазмуни ва моҳиятидир». «Бозор иқтисоди сари буюк сакрашлар, инқилобий қайта ўзгаришлар йўли билан эмас, балки событқадамлик ва изчиллик билан босқичма-босқич ҳаракат қилиш керак. Ҳар бир босқичнинг қанча давом этиши ҳал қилиниши лозим бўлган муаммолар доирасига, ташқи омиллар қанчалик қулай бўлишига, аҳолининг меҳнат фаолиятига боғлиқдир» (И.А.Каримов Ўзбекистоннинг ўзикилол ва тараққиёт йўли. Т., «Узбекистон», 1992. 10-41-46-бетлар).

Ўзбек моделининг асосий тамойиллари:

- иқтисоднинг сиёсатдан устуворлиги;
- давлатнинг бош ислоҳотчи эканлиги;
- қонун устуворлиги;
- кучли ижтимоий сиёсат;
- бозор муносабатларига босқичма-босқич ўтиш.

Ўзбек моделининг ўзига хос хусусиятлари миллий давлатчилик асосларининг барпо этилишида, миллий қадриятларнинг тикланишида, миллий ўзликнинг англанишида, умуминсоний қадриятлар миллий қадриятлардан устуворлигининг эътироф этилишида, миллий менталитет хусусиятларининг тикланиши ва ривожланишида, миллий гоя ва миллий мафкура ижтимоий-сиёсий фаолликнинг муҳим омили эканлигининг эътироф қилинишида, демократик қадриятларнинг ривожлантирилиши ва инсон ҳуқуқларининг кафолатланишида, ўз имкониятларига таянишида, кадрлар тайёрлаш миллий дастурининг ишлаб чиқилишида, хорижий мамлакатлар билан турли соҳалардаги муносабатларни йўлга қўйишнинг янги принциплари ишлаб чиқилишида ўз ифодасини топди. «Биз танлаб олган йўл ўзбек халқининг асрий анъаналарига,

одатларига, маданияти ва тилига, шунингдек, жаҳон цивилизацияси ютуқларига асосланган ҳолда мазкур тузилмаларни янги мафкуравий негизга ўтказиш, мослаштиришдан иборат эди». Ўзбек моделининг ҳаётйлиги жаҳон жамоатчилиги, етук фан, сиёсат, санъат арбоблари томонидан эътироф қилинди.

Ўзбекистон тажрибаси қатор мамлакатлар учун намуна бўлиб хизмат килмоқда ва уни ўрганишга бўлган қизиқиши ортиб бормоқда. Ўзбекона тараққиёт йўли маънавий ҳаёт ва иқтисодий ривожланишни бир-бири билан узвий боғлиқликда амалга оширишда, маънавият, маърифат, маданиятга бўлган эътиборнинг кучайишида яққол кўзга ташланади. Маънавий салоҳиятнинг кучайиши, инсон интеллектуал ва ахлоқий қобилиятларининг ривожланиши иқтисодий ривожланиш учун пухта замин яратади. Кишиларда янгича иқтисодий тафаккур, тадбиркорлик қобилиятлари ривожланишида замонавий илм-фан, техника ва технология асосларини эгаллаш муҳим аҳамият касб этади.

Иқтисодий ривожланишнинг асосий мақсад ва вазифалари, уни амалга ошириш усуллари миллий ғоя ва мафкурада ўз ифодасини топади. Мулкни давлат тасарруфидан чиқариш, мулкчиликнинг турли шаклларини вужудга келтириш, хусусий мулкчиликни қўллаб-қувватлаш, тараққий этган мамлакатлар билан қўшма корхоналар қуриш, рақобатбардош маҳсулотлар ишлаб чиқариш, чет мамлакатлар билан илмий, маданий ва техникавий ҳамкорликнинг миллий манфаатлар йўлида хизмат қилиши миллий ғоя ва мафкуранинг моҳиятидан келиб чиқади. Миллий мафкура ўзида жамият аъзоларининг эзгу орзу-умидларини, мақсадларини ифодалайди; уларнинг меҳнат фаоллиги, ижтимоий-сиёсий активлигини оширади, жамиятни такомиллаштириш учун хизмат қиласи.

**Жамият ва оила.** Жамият ва оила моҳиятан бир-бири билан узвий боғлиқдир. Оила-жамиятнинг негизи. Бизнинг давлатимизни ҳам катта бир оила деб тушуниш мумкин ва лозим. Агар оилада ўзаро ҳурмат ва онгли интизом бўлмаса, оиланинг барча аъзолари ўз бурчларини адо этмаса, бир-бирига нисбатан эзгулик билан' меҳр-оқибат кўрсатмаса, яхши ва муносиб

тарзда яшаш мумкин эмас. Оила турмуш ва виждон қонунлари асосида курилади. У ўзининг кўп асрлик тарихига, мустаҳкам ва маънавий таянчларига эгадир.

Оилада демократик негизларга асос солинади, одамларнинг талаб-эҳтиёжлари ва қадриятлари шаклланади. Оилада жамиятнинг туб моҳияти ўз аксини топгандир. Шу маънода оилани кичрайтирилган жамият дейиш мумкин. Ҳар бир жамият аъзоси оила бағрида вояга етади, ижтимоий муносабатларни ўзлаштиради ва яхши инсоний фазилатларни ўзида шакллантиради. Баркамол инсон шахсини шакллантириш, инсонни ҳаётга, меҳнатга тайёрлаш оиланинг муқаддас вазифасидир. Оилани мустаҳкамлаш жамият барқарорлиги ва қудратининг муҳим шартидир. Шу боисдан ҳам давлат оилани ўз химоясига олади, никоҳни расман қайд этади ёки бекор қиласи.

Жамиятдаги маънавий-ахлоқий муҳитнинг соғломлиги кўп жиҳатдан оилавий маданиятга боғлиқdir. Оила эр ва хотиннинг мавқеи, оилавий муносабатлар характери турли халқларда турличадир. Мамлакатимизда миллий мустақиллик йилларида маънавият соҳасида амалга оширилаётган ислоҳотлар аввало оила қадриятларини, энг илғор анъаналарни тиклашга қаратилгандир. Она ва аёл муқаддаслиги - ўзбекона қадриятдир. Ҳадиси шарифларда она ва аёлнинг муқаддаслиги тўғрисидаги ғоялар оилавий муносабатларни такомиллаштиришда муҳим аҳамиятга эгадир. Улуғ мутафаккирлар жамиятнинг маданий даражаси аёлнинг жамият ва оиладаги аҳволи, мавқеи билан белгиланишини алоҳида таъкидлаганлар. Аёл-оила бекаси, болалар тарбиячиси, эрнинг яқин маслаҳатчиси, ишлаб чиқариш додими, жамиятнинг фаол аъзосидир. Соғлом, баркамол авлод тарбияси кўп жиҳатдан аёлнинг маънавий, салоҳияти, билими, уддабуронлиги ва эркинлигига боғлиқdir. Мамлакатимизда кейинги йилларда амалга оширилаётган қатор тадбирлар аёлнинг оила ва жамиятдаги мавқеи ва ролини кучайтиришга қаратилгандир. Оила муаммоларини илмий асосда ўрганишни ва уларни оқилона ҳал этишни ўз олдига мақсад қилиб қўйган «Оила» илмий-амалий марказининг ташкил

етилганлиги ҳам давлатимизнинг оиласи муносабатларни такомиллаштиришга алоҳида эътибор бераётганидан далолат беради. Оила маънавият ўчоғидир. Она ўз билими, тажрибаларини фарзандига тил орқали сингдиради. «Жамики эзгу фазилатлар инсон қалбига аввало она алласи, она тилининг бетакрор жозибаси билан сингади... Она тили бу миллатнинг руҳидир... Ўз тилини йўқотган ҳар қандай миллат ўзлигидан жудо бўлиши муқаррар»<sup>1</sup> Мустақиллик йилларида ўзбек тилига давлат тили мақомининг берилиши, миллий тилимиз хусусиятларига мос бўлган янги алифбога ўтилиши миллий тилимизнинг мавқенини ошириш ва уни янада ривожлантиришда муҳим аҳамият касб этади. Бу эса ижтимоий ривожланишга ижобий таъсир кўрсатади.

### **Давлатнинг жамият ҳаётидаги ўрни ва роли.**

Давлат - жамиятни бошқариш, тартибга солиш, ижтимоий барқарорликни таъминлашга қаратилган алоҳида бир муассасадир. Давлат умумисоний қадрият, инсоният маънавий тараққиётининг муҳим ютуғидир. Жамиятнинг маънавий салоҳияти юксалиб бориши билан сиёсий бошқариш шакллари ва усуллари ҳам такомиллашиб боради. Ўзгарган тарихий шароитда давлатнинг моҳияти, мазмуни ва вазифаларини янгича тушуниш зарурияти вужудга келди.

Мустақиллик йилларида миллий давлатчилик анъаналарининг тикланиши билан давлатнинг ташкилотчилик, бош ислоҳотчилик фаолияти янгича мазмун ва аҳамият касб этди. Президент И.А.Каримов томонидан ишлаб чиқилган миллий тараққёт концепциясининг амалга оширилишида давлат ҳал қилувчи роль ўйнайди. Мамлакатимизнинг сиёсий, ҳуқуқий ҳаётида амалга оширилаётган туб ислоҳотлар сиёсий бошқарувни янада такомиллаштиришга, юртимизда ҳуқуқий давлат, янги демократик жамият барпо этишга, кучли давлатдан кучли жамиятга ўтишга қаратилган. Янги шароитда давлатнинг, давлат ҳокимиюти ва бошқарув органларининг ғоят муҳим вазифаси сиёсий партиялар, нодавлат, ижтимоий структуралар, фуқаролик жамиятининг

---

<sup>1</sup> И.А.Каримов, Донишманд халқимизнинг мустахкам иродасига ишонаман //«Фидокор», 2000 йил 8 июнь

эндигина пайдо бўлиб келаётган хилма-хил институтлари билан ишлаш ва ҳамкорлик қилишнинг янгидан-янги шаклларини излаб топишдан иборатdir.

Жамият ҳаётида турли жамоалар, ташкилот ва уюшмалар ҳам фаолият кўрсатади. Уларни шартли равишда давлат ташкилотлари ва нодавлат ташкилотларга ажратиш мумкин. Бу ташкилотларга сиёсий партиялар, сиёсий ҳаракатлар, касаба уюшмалари, ёшлар уюшмалари, турли жамғармалар, хотин-қизлар ташкилотлари, фахрийлар уюмаси, маҳалла қўмиталари ва бошқалар киради. Мамлакатимизда амалга оширилаётган барча ислоҳотлар инсон салоҳиятини янада юксалтиришга, юртимизда фуқаролик жамияти барпо этишга қаратилгандир.

**Фуқаролик жамияти барпо этиш-Ўзбекистон тараққиётининг бош мақсади.** Фуқаролик жамияти - кишиларнинг юксак аҳлоқий, сиёсий ва ҳуқуқий маданиятига асосланадиган жамият тараққиётининг юқори босқичидир. Бундай жамият эркин уюшмаларнинг кўпқиррали алоқаси бўлиб, давлат қонунларини хурмат қилиш ва бажариш, жамият таркибиغا кирувчи элементларнинг нисбий мустақиллигига асосланувчи, турли зиддият ва ихтилофларни конун доирасида ўзаро келишув, сабр-тоқат ва музокаралар орқали ҳал этишга асосланувчи жамиятdir.

Фуқаролик жамияти умуминсоний тамойиллар, миллий давлатчилик хусусиятлари, ўзига хос турмуш тарзи ва ҳаёт фалсафаси негизида қарор топади. Ўзбекистон миллий мустақиллигининг дастлабки йиллариданоқ юртимизда фуқаролик жамияти асосларини барпо этишни ўз олдига мақсад қилиб кўйди.

Биз учун фуқаролик жамияти ижтимоий макон. Бу маконда қонун устувор бўлиб, у инсоннинг ўз-ўзини камол топтиришига... ёрдам беради. Шахс манфаатлари, унинг ҳуқуқ ва эркинликлари тўла даражада рўёбга чиқишига кўмаклашади. Фуқаролик жамиятида давлатнинг қатор вазифалари фуқароларнинг ўз-ўзини бошқариш органлари қўлига ўта бошлайди, маҳаллий ҳокимият органларининг ваколати кенгаяди. Фуқаролик жамияти асосларни барпо этиш кишиларнинг юксак сиёсий ва ҳуқуқий маданияти.

ижтимоий-сиёсий фаоллигига таянади. Мамлакатимизда маҳалла ҳокимият органларининг ташкил этилиши, улар ваколатининг кенгайтирилиши халқимизнинг ўз-ўзини бошқариш, идора этиш маданиятини шакллантиришда муҳим аҳамият касб этади. Маҳалла кишиларда яхши инсоний фазилатларни камол топтириш, ўз-ўзини бошқариш, демократик қадриятларни рўёга чиқариш мактабидир.

***Таянч тушунчалар:***

Жамият, ижтимоий ҳаёт, жамиятнинг таркиби, этник таркиб, демографик таркиб, синфий таркиб, жамият тараққиёти, демократик жамият, фуқаролик жамияти.

**Назорат учун саволлар:**

1. “Ижтимоий ҳаёт” тушунчасининг мазмуни.
2. Жамиятнинг этник таркибига нималар киради?
3. Жамиятнинг этник таркиби. Миллий ва миллатлараро муносабатларни тавсифланг.
4. Ижтимоий синф нима?
5. Ижтимоий қатлам нима?
6. Ижтимоий табақа нима?

## **8-МАВЗУ. ЖАМИЯТ РИВОЖЛАНИШИ ҚОНУНЛАРИНИНГ ТАСНИФИ**

1. Жамият ҳаёти ва тараққиётининг табиий –тарихий мезонлари.
2. Ижтимоий-тарихий жараёнларнинг қонун ва қонуниятлари.
3. Жамият қонунлари ва уларнинг эволюцияси.
4. Жамият қонунлари ривожига таъсир кўрсатадиган ижтимоий омиллар.

Инсон ҳаётининг мураккаблиги ва ижтимоий жараёнларнинг хилмахиллиги жамият қонунларини таснифлаш мезонларига алоҳида эътибор бериш зарурлигини исботламоқда. Ижтимоий-тарихий жараёнларнинг вужудга келиши, амал қилиши ва ривожланишида бир вақтнинг ўзида турли даражадаги ва ҳар хил аҳамиятга молик қонунлар асосий омил бўлиб хизмат қиласди. Уларнинг баъзилари бутун бир жамиятга хос жараёнларни акс эттиrsa, бошқалари унинг алоҳида бир тизими элементлари ўртасидаги алоқадорлик ва боғланишларни ифодалайди, учинчилари эса ижтимоий муносабатларнинг фақат маълум турларини қамраб олади. Жамият қонунларидан баъзилари ижтимоий муносабатларнинг вужудга келиши, мавжудлигини ифодаласа, бошқалари уларнинг ривожланишини белгилаб беради.

Жамият қонунлари тўғрисида гап кетганда, аввало, шуни таъкидлаш жоизки, табиат ва жамиятнинг ўзаро алоқадорлиги, бир-бирига таъсири ҳам қатор қонун-қоидаларга бўйсунади. Биз кундалик хаётимизда айни бир вақтнинг ўзида табиат қонунларининг ҳам, жамият қонунларининг ҳам ёки шу икки тизим ўртасидаги алоқадорликдан келиб чиқадиган қонунларнинг ҳам таъсирини ҳис қиласми. Бундай қонунларга мисол қилиб ноосферанинг кенгайиб бориши қонуни, табиат ва жамият ўртасидаги муносабатларнинг бир-бирига мос келиш қонуни ёки жамиятнинг табиатга таъсирининг ортиб бориши қонуни кабиларни келтиришимиз мумкин.

Юқоридаги фикрлардан “Табиат билан жамият ўртасидаги муносабатларни тартибга солувчи қонунларни табиат қонунларига киритиш керакми ёки жамият қонунларими? Иқтисодий ёки хуқуқий ва сиёсий

қонунларни умумий ижтимоий қаторига киритиш мумкинми?”, деган савол туғилади. Бу ҳақда фалсафий адабиётларда турлича, баъзан бир-бирига зид фикрлар ҳам мавжуд.

Ижтимоий муносабатлар орасидаги иқтисодий жараёнлар, яъни моддий ишлаб чиқариш муносабатлари алоҳида ўрин тутади. Чунки иқтисодий муносабатлар барча ижтимоий жараёнлар тизимиға нисбатан белгиловчи аҳамиятга эга. Маълумки, ишлаб чиқариш жараёнида кишилар факат табиий муҳит билан эмас, балки бир-бирлари билан ҳам ўзаро фаол ва мақсадга мувофиқ муносабатларда бўлади. Демак, кишиларнинг ўз эҳтиёж ва манфаатларидан келиб чиқиб, бир-бирлари билан муносабатлари ҳам қатор қонунлар асосида амалга ошади. Бундай қонунларга қуйидагиларни киритиш мумкин: биринчидан, ишлаб чиқариш муносабатларининг вужудга келиши ва ривожланиш қонунлари; иккинчидан, ишлаб чиқариш муносабатларининг турли таркибий қисмлари ўртасидаги муносабатларни белгиловчи қонунлар. Мисол қилиб айтсак, мулк шакллари билан кишиларнинг ишлаб чиқаришдаги мавқеи ўртасидаги, мулк шакллари билан тақсимот ўртасидаги муносабатларни тартибга солувчи туркум қонунлар мавжуд. Бу қонунларга талаб ва таклиф қонуни, меҳнат унумдорлиги ва қиймат қонуни, таннарх ва нарх-наво қонунларини киритиш мумкин.

Жамият қонунлари типологиясида жамият моддий ҳаёти билан унинг маънавий-сиёсий соҳалари ўртасидаги муносабатларни тартибга солувчи қонунларни ўрганиш алоҳида диққатга сазовор. Бу туркум қонунларга моддий ва маънавий омилларнинг уйғунлиги, маънавиятнинг тараққиётга нисбатан белгиловчилик қонуни, иқтисодиётнинг сиёсатга нисбатан устунлиги каби қонунларни киритиш мумкин.

Жамият қонунларининг яна бир туркумига ижтимоий онг, тафаккур, илм - фаннинг ривожланиш қонунларини киритиш мумкин. Яқингача жамият мафкураси бўлган марксистик фалсафада ижтимоий борлик бирламчи, онг ва тафаккур эса иккиласми деб ҳисобланиб, маънавиятнинг жамият тараққиётидаги ўрни ҳамда аҳамиятига етарли баҳо берилмади. Ҳозирги замон

фан-техника тараққиёти шуни кўрсатмоқдаки, инсон онги ва тафаккурининг ривожи ҳам ўзининг жузъий қонунларига эга бўлиб, жамият тараққиётида белгиловчи аҳамият касб этади. Бугунги кун нуқтаи назаридан амалий аҳамиятга эга бўлган жамият қонунлари қаторига жамиятнинг ижтимоий (табақавий) тузилиши, табақалар ўртасидаги муносабатлар, уларнинг шаклланиши ва ривожланишини белгиловчи қонунларни киритиш мумкин. Бу туркум қонунларининг ўзига хослиги шундаки, улар, биринчидан, муайян жамиятдаги барча инсонлар ўртасида юзага келадиган муносабатларни, уларнинг қандай тоифаларга мансублигидан қатъи назар, қамраб олади; иккинчидан, бу қонунлар жамият ҳаётининг барча тизимларига, жумладан, иқтисодий, сиёсий, маънавий ҳаётда юз берадиган жараёнларга таъсир ўтказади. Бу туркум қонунларга: жамият ижтимоий табақаланишининг мулкий муносабатлари билан боғлиқлиги, турли ижтимоий табақалар манфаатларининг бир-бирига мос келиши асосида уларнинг муросага келиши каби қонунларни киритиш мумкин.

Жамият қонунларини таснифлаганда ижтимоий бирликлар - оила, элат, миллатнинг келиб чиқиши ва улар ўртасидаги муносабатларнинг ривожланишини белгилаб берадиган қонунларни алоҳида туркумга ажратмоқ зарур. Ҳар қандай ижтимоий бирлик жамият тараққиётининг маълум босқичларида шаклланиб, ўзининг жузъий қонунлари асосида ривожланиб боради. Ушбу туркум қонунларини аниқлаш ва амалда қўллаш этник ва миллий муносабатларни тартибга солишга, жамиятдаги ижтимоий-сиёсий барқарорликни таъминлашга хизмат қиласди.

Жамият қонунлари типологиясига оид фалсафий адабиётларда собиқ иттифоқ даврида марксча, яъни формациявий ёндошув устун бўлиб келди. Шу нуқтаи назардан, жамият қонунларига уларнинг умумлаштирувчилик даражасидан келиб чиқиб ёндашса, улар уч гурухга, яъни: 1) энг умумий ижтимоий қонунлар, 2) умумий социологик қонунлар, 3) хусусий социологик қонунларга ажратилган.

Жамият қонунларини икки гурухга – яъни жамиятнинг мавжудлик қонунлари (статик қонунлар) ҳамда жамиятнинг ривожланиши қонунлари (динамик қонунлар) туркумига ажратиш мумкин.

Жамиятдаги барча қонунлар мазмун-моҳиятига кўра, иқтисодий-ижтимоий жараёнларнинг вужудга келишини ҳамда ривожланишини ифодалайди, чунки ҳар қандай қонун муайян шарт-шароитда воқеа ва ходисалар ривожининг хусусияти ҳамда йўналишини белгилайдиган алоқадорлик ва боғланишларни акс эттиради.

Бизнингча, жамият қонунларини қўйидаги мезонлар асосида таснифлаш мақсадга мувофиқ. Ушбу мезонларга жамиятни бир бутун тизим сифатида қаралиши, унинг турли тизимлари ўртасидаги муносабатларни акс эттирувчи қонунларни умумлаштириш кабилар киради ва улар асосида жамият қонунларини тўрт гурухга ажратиш мумкин.

Биринчи гурухга табиат билан жамият ўртасидаги муносабатларни ифодалайдиган қонунлар киради. Бу қонунларни умумсайёравий қонунлар деб атаемиз.

Иккинчи гурухга инсоният ва давлатчилик пайдо бўлганидан бошлаб ҳозиргача амал қилиб келаётган қонунлар мансубдир. Бу қонунларни, бизнингча, умуминсоний қонунлар деб аташ мақсадга мувофиқ. Қонунларнинг ушбу гуруҳига: ижтимоий эҳтиёжлар билан ижтимоий манфаатларнинг ўзаро уйғулости қонуни, жамият моддий ҳаёти билан маънавий ҳаётининг мувофиқлиги ва маънавиятнинг фаоллиги, моддий бойликларни яратиш ҳамда уларни истеъмол қилишнинг бир-бирига мутаносиблиги ва исътемолнинг фаоллиги каби қонунларни киритиш мумкин.

Учинчи гурухни инсониятнинг тарихий тажрибаси давомида кўпгина ҳалқлар, миллатлар ҳаётида ўхшаш шарт-шароитда айнан бир хил амал қилган ва қилаётган қонунлар ташкил қиласди. Бу туркум қонунларни ўрганиш асосида муайян мамлакатлар тажрибаси бошқа бир давлатлар ҳаётига, амалиётига татбиқ қилинади. Бу қонунлар умумий қонунлар деб аталади. Уларга мисол қилиб бозор иқтисодиёти қонунларини айтиш мумкин. Яъни бирор-бир

мамлакат ўз иқтисодиётини бозор муносабатларига ўтказмоқчи бўлса, албатта, бозор иқтисодиёти умумий қонунларининг объектив талабларига бўйсунмоғи керак. Чунки бозор муносабатлари дастлаб алоҳида бир мамлакат иқтисодиёти шароитида шаклланиб, кейинчалик умумиқтисодий қонуниятга айланган. Ривожланган мамлакатлар тажрибаси шуни қўрсатмоқдаки, бугунги кунда инсоният яратган энг мақбул иқтисодий муносабатлар мажмуаси бозор қонунлари миқёсида амалга ошмоқда. Бу қонунларга биз талаб ва таклиф, рақобат, инфляция билан боғлиқ қонунларни киритиш мумкин. Бу қонунларнинг асосий хусусияти ва амалий аҳамияти шундан иборатки, улар бир қанча жараёнларга хос бўлган умумий жиҳатларни акс эттириш орқали улар ўртасидаги алоқадорлик, бирлик ва ворисликни очиб беради.

Жамият ривожланишига хос умумий қонунларнинг яна бир жиҳати шундан иборатки, улар барча мамлакатлар, халқлар ривожланишининг умумий томонларини очиш, кашф қилиш орқали улар ўртасидаги боғлиқликни, муайян жамиятнинг бир босқичдан иккинчи босқичга ўтишидаги қонуниятларни қўрсатиб беради.

Жамиятнинг тўртинчи гурӯҳ қонунларига жузъий қонунларни киритамиз. Муайян жамият ривожланишининг аниқ бир босқичлари, ҳолати тўғрисида тўлиқ тасаввур ҳосил қилиш учун умумий ижтимоий ва умумий қонунларни билишнинг ўзи етарли эмас. Чунки муайян бир жамиятни, ундаги ҳодиса ва жараёнларнинг мазмун-моҳиятини билиш, аввало, жузъий қонунларни билишни тақозо этади. Жузъий қонунларнинг ўзига хослиги, биринчидан, уларнинг амал қилиш доираси макон ва замонда нисбатан чекланганликда; иккинчидан, жамият ривожининг факат айрим босқичларига ёки алоҳида бир ижтимоий-тарихий жараёнларга хос бўлган жиҳатларни акс эттиришида намоён бўлади. Ижтимоий тарихий жараёнларнинг ривожланиши, уларни билиш ҳамда давлат ва жамият манфаатидан келиб чиқиб, маълум мақсадни кўзлаб бошқариш жараёнида айнан жузъий қонунлар амалий жиҳатдан алоҳида аҳамият касб этади. Президентимиз томонидан ишлаб чиқилган ва бугунги кунда Ўзбекистон иқтисодиётини бозор муносабатларига ўтказиша

дастуриламал бўлган беш тамойил айнан жамиятимиз иқтисодий-ижтимоий ривожланишига хос жузъий қонунларнинг талабларини чукур ўрганиш, уларнинг рўёбга чиқиши учун қулай шарт-шароит яратиш мақсадини кўзлаб яратилган.

Жузъий қонунлар деб умумий қонунларнинг ҳар бир жамиятда ўзига хос шарт-шароитда такрорланмас ҳолда намоён бўлиш шаклларига ҳам айтилади. Масалан, талаб ва таклиф, рақобат, қиймат, эҳтиёж ва манфаатлар қонунлари Ўзбекистон шароитида фақат ўзига хос такрорланмас ҳолда намоён бўлади, амал қиласди.

Умуман олганда, умумижтимоий, умумий ва жузъий қонунлар бир-бiri билан чамбарчас боғлиқ. Улар яккалиқ, хусусийлик ва умумийлик нуқтаи назаридан ўзаро диалектик алоқадор бўлиб, фақат биргаликдагина амалга ошади, намоён бўлади. Умумижтимоий, умумий ва жузъий қонунларнинг алоқадорлиги туфайли жамиятда қонунларнинг ўзига хос тизими вужудга келган. Бу тизим бутун инсоният цивилизацияси тараққиётини ҳам, алоҳида бир мамлакат, халқ, миллат ривожланишини ҳам белгилаб келади. Қонунлар тизими туфайли ҳам инсоният жамоаси, унинг тараққиёти тасаввуримизда бир вақтнинг ўзида ҳам узлуксиз, ҳам узлукли тарихий жараён сифатида гавдаланади.

Жамият қонунларини таснифлашда фалсафий адабиётимизда шу вақтгача жамият маънавий ҳаётининг ўзига хослиги, мазмун ва мохиятига етарли эътибор берилмаган. XXI асрда инсоният цивилизациясининг тақдири бевосита инсон тафаккури, ақли ва маънавияти ривожига кўп жиҳатдан боғлиқ бўлмоқда. Шу туфайли ҳам жамият қонунларининг яна бир ўзига хос таснифини келтиришимиз мумкин. Бунда, биринчидан, муайян жамиятдаги сиёсий онг, сиёсий мафкура, шунингдек, сиёсий ташкилотларнинг, яъни давлат, сиёсий партияларнинг вужудга келиши ва ривожланиши қонунларини алоҳида бир туркумга ажратиш, учинчидан, ахлоқнинг пайдо бўлиши ва ривожланиш қоидаларини учинчи бир гурухга; тўртинчидан, жамият ривожланишида маънавиятнинг, маънавий ҳаёт ривожида эса диннинг тутган ўрнини очиб

берадиган қонунларни алоҳида бир гурухга ажратиш ва ўрганиш бизнингча жамиятимизнинг бугунги эҳтиёж ва манфаатидан келиб чиқадиган бўлсак, аҳамиятга молик масаладир. Албатта, бу қонунларнинг ўзига хослигини ўрганувчи алоҳида фанлар мавжуд бўлсада, булар, аввало, жамият қонуни ҳисобланади, уларнинг бир гурухи иккинчи туркум қонунларнинг вужудга келиши ва амал қилиши учун мезон бўлиб хизмат қилади. Шу туфайли ҳам бу қонунларнинг мазмун ва моҳиятини очиб бериш, уларнинг амал қилиш механизмини аниқлаш фаннинг вазифасидир.

Юқоридаги фикрларга асосланиб айтиш мумкинки, жамият қонунлари типологиясининг объектив мезонлари кўп ва хилма-хил бўлиб, улар турли таснифларни келтириб чиқаради.

### ***Таянч тушунчалар***

Жамият қонунлари, табиат қонунлари, умумий қонунлар, энг умумий ижтимоий қонунлар, умумий социологик қонунлар, хусусий қонунлар, динамик қонунлар, статик қонунлар.

### **Назорат учун саволлар**

1. “Жамият қонунлари” тушунчаси мазмуни-моҳиятини айтиб беринг.
2. Ижтимоий ҳаётнинг мураккаблиги ва ундаги жараёнларнинг хилма-хиллиги.
3. Ижтимоий-тарихий жараёнларнинг вужудга келиши, амал қилиши ва ривожланиши.
4. Қонунларнинг жамият ривожига таъсири ва уларнинг ўзаро боғлиқлиги.
5. Табиат билан жамият ўртасидаги муносабатларни тартибга солувчи қонунлар.
6. Ижтимоий-иқтисодий жараёнлар ҳамда моддий ишлаб чиқариш муносабатлари ва уларнинг қонунлар билан боғлиқлиги.

## **9-МАВЗУ. ЖАМИЯТ ҚОНУНЛАРИНИНГ ИЖТИМОИЙ ШАРТ-ШАРОИТ БИЛАН ЎЗАРО БОҒЛИҚЛИГИ ВА НАМОЁН БЎЛИШ ШАКЛЛАРИ**

1. Жамият қонунлари, уларнинг намоён бўлиш шарт-шароитлари.
2. Ижтимоий тараққиёт табиий - тарихий жараён сифатида. Ижтимоий эҳтиёжлар, манфаатлар - тараққиётнинг харакатлантирувчи кучи.
3. Ижтимоий тараққиётнинг субъектлари ва харакатлантирувчи кучлари.
4. Бозор иқтисодиётига ўтиш шароитида жамият ривожланиши қонунларининг хусусиятлари.

Жамият қонунлари билан уларнинг намоён бўлиш шарт-шароитларининг ўзаро боғлиқлиги муаммоси муҳим ўрин тутади. Ҳозирги кунда истиқлол йўлидан бораётган Ўзбекистон амалиётида бу масалага алоҳида аҳамият берилмоқда. Президент Ислом Каримов таъкидлагани каби XX асрнинг охирига келиб, дунё ҳаритасида янги мустақил давлат пайдо бўлди. Улар, ҳозирги тил билан айтганда, социалистик ўтмишга эга бўлган, ўз сиёсий мустақиллигини тинч йўл билан қўлга киритган давлатлардир. Бу давлатлар мустақил ривожланиш ва ижтимоий муносабатларни янгилаш йўлига қадам қўйди. Улар дунёдаги бошқа мамлакатлар орасида ўз мавқеини мустаҳкамлашга интилмоқда. Тенглар орасида тенг бўлишга, жаҳон майдонининг таркибий қисмига айланишига ҳаракат қилмоқда. Бу давлатлар олдида муваффақиятсиз, чиппакка чиққан тарихий тажрибанинг фожиали оқибатларини қисқа давр ичидаги бартараф этиш вазифаси турибди. Улар замонавий бозор иқтисодиётига эга бўлган, одамлар муносиб турмуш кечиришини таъминлай оладиган, инсоннинг ҳукуқ ва эркинликларини ҳимоя қила оладиган чинакам демократик жамият қуришдек мураккаб вазифани ҳал этиши зарур. Ана шу зарурият эканлигини, ижтимоий-тарихий шарт-шароитнинг жамият қонунларининг амал қилишига, рўёбга чиқишига бўлган

таъсирини назарий жиҳатдан чуқур ўрганишни талаб қилмоқда. Эски тузумда амал қилган қонун ва назарияларни инкор этиб, бугун ижтимоий хаётимизда рўй берадиган муҳим ва чуқур ўзгаришларни замон талаблари асосида атрофлича тушунтириб берадиган янги адабиётларни яратиш зарур.

Аввало, “Қонунларнинг амал қилиш шарт-шароити” деганда нима тушунилади? Қонунларнинг амал қилишида, рўёбга чиқишида турлича шароитлар бир хил аҳамият касб этадими? Умуман, қонунларнинг намоён бўлишида шарт-шароитнинг таъсирини қандай билиш ва ҳисобга олиш мумкин? Ушбу саволларга жавоб топиш ҳозирги кундаги энг долзарб фалсафий муаммолардан ҳисобланади.

Ҳар қандай қонун маълум шарт-шароитда ижтимоий ҳодиса ва жараёнлар ривожланишининг табиати ва йўналишини белгилаб беради. Шундай экан, “шарт-шароит” тушунчаси қонунларнинг таъсир доираси, қонун намоён бўлиш шакли билан ўзаро нисбати, умумий ва жузъий қонунларнинг ўзаро алоқадорлиги, тарихий хусусияти, қонунларни билиш ва улардан амалда фойдаланиш масалаларини ўрганиш, уларнинг моҳиятини очиб бериш учун калит бўлиб хизмат қиласи. Хуллас, қонун муаммосини ўрганишнинг ҳамма жиҳатлари “шарт-шароит” тушунчаси билан умумий, муҳим ва зарурий алоқада бўлиб, бунда “шарт-шароит” тушунчаси “қонун” категориясининг асосий элементларидан бири ҳисобланади. Ҳар қандай ижтимоий ҳодиса ва жараёнларнинг ривожланиши нафақат қонунлар билан, балки маълум тарихий шарт-шароит билан ҳам белгиланади. Шунинг учун ижтимоий жараёнларни илмий билиш ва бошқариш вазифаси фақат қонунларни эмас, балки шу қонунлар таъсирини белгилаб берадиган шарт-шароитни ҳам чуқур ва батафсил ўрганишни талаб этади.

“Қонун” категорияси қўйидаги учта таркибий қисмдан иборат: 1) қонунга бўйсунадиган воқеа ва ҳодисалар; 2) қонун томонидан белгиланадиган алоқалар ва боғланишлар; 3) шу боғланишларни белгилаб берадиган муайян шарт-шароитлар.

Маълумки, ҳодиса – турли хусусиятга эга бўлган боғланишлар ва алоқадор томонларнинг бирлиги, қонун эса ҳодисадаги турли хил алоқалар ва боғланишларнинг барчасини эмас, фақат айримларини, яъни биз юқорида айтиб ўтганларимизни акс эттиради. Ўз-ўзидан равшанки, ҳодисанинг қолган барча боғланишлари, томонлари қонуннинг рӯёбга чиқиши, амал қилиши учун зарур бўлган шарт-шароит бўлиб хизмат қиласди. Қонуннинг шарт-шароит билан боғлиқлиги қонунларнинг ўзаро алоқадорлиги масаласи билан узвий боғлиқ. Чунки ижтимоий борлик, ундаги ҳодиса ва жараёнлар, улар ўртасидаги алоқадорлик ва боғланишларни кузатсак, жамиятнинг бир тизимидағи қонунлар унинг иккинчи тизимидағи қонунларга шарт-шароит бўлишини кўрамиз.

Жамият доимо яхлит бир тизим шаклида мавжуд бўлиб, унинг ҳар бир қисмидағи ўзгаришлар, ривожланишлар иккинчидағи ўзгаришларни келтириб чиқаради. Бунга мисол қилиб, республикамизнинг бугунги ҳаётини олишимиз мумкин. Унда иқтисодий ислоҳотлар сиёсий ислоҳотларга, сиёсий ислоҳотлар эса ҳуқуқий ислоҳотларга, уларнинг самарали натижалар беришига қулай шарт-шароит бўлиб хизмат қилмоқда.

Президентимиз томонидан ишлаб чиқилган ва мамлакатимизни ислоҳ қилишга қаратилган беш асосий тамойил ўтиш давридаги ривожланишни белгилаб берувчи объектив қонунларнинг рӯёбга чиқиши учун асосий, ҳал қилувчи шарт-шароит бўлиб хизмат қилди. Яъни, ана шу беш тамойил ўз истиқлол, ривожланиш ва тараққиёт йўлимизга асос қилиб олинган бўлиб, ўтиш даври дастурининг негизини ташкил этади. Ҳозир бу қоидаларнинг амалга оширилиши республикада ижтимоий-сиёсий барқарорликни, энг муҳими, бозор муносабатларини жорий этиш йўлидан изчил ҳаракат қилишни таъминлади.

Президентимиз томонидан ишлаб чиқилган беш тамойил айнан ана шу объектив тарихий заруратни тўғри англаш, чукур илмий билиш, иқтисодиётнинг ривожланиш қонунларини ҳамда шу қонуниятларнинг сабабини ўз вақтида ва атрофлича таҳлил қилиш асосида яратилган.

Маълумки, бозор иқтисодиётининг қонунлари ва қоидалари мавжуд. Бу қонун ва қоидаларнинг амал қилиши, намоён бўлиши учун зарур шарт-шароитларни яратишга асос бўладиган концепцияни ишлаб чиқиш лозим эди. Кўпгина собиқ республикалар ана шундай тайёргарликсиз асосий бўлмаган “шарт-шароитлар”ни яратишга киришдилар. Масалан, Россияда 1992 йил 1 январида бозор муносабатларининг асосий шартларидан бири - унинг инфраструктураси яратилмасдан туриб, нурхлар тўлиқ эркинлаштириб юборилди. Натижада иқтисодиёт чуқур таназзулга юз тутди.

Ижтимоий ҳодиса ва жараёнлар вужудга келишининг сабабларига қараб шу ҳодисаларни, воқеаларни келтириб чиқарадиган бош шарт-шароитлар бўлади. Республикамиз, халқимиз учун ана шундай бош шарт-шароит мустақилликдир. Чуқур ўзгаришлар ҳаётимизга шиддат билан киримоқда. Содир бўлаётган ўзгаришлар дунёning ҳозирги қиёфасига ҳам ўз таъсирини ўтказмоқда. Халқларнинг озодлик, мустақиллик ва баҳт-саодатга азалий интилиши, ўз тақдирини ўзи белгилашга азму қарори шундай ўзгаришларни ҳаракатга келтирувчи кучидир. Собиқ Иттифоқдаги республикалардан биринчи бўлиб, президентлик бошқарувини жорий этган ҳам, кенг миқёсдаги ислоҳотларни амалга ошириш, жамиятни тубдан ўзgartириш ва янгилаш ўйлига ўтган ҳам бизнинг республика бўлди.

Ўзбек халқининг азалий орзуси, ўз тақдирини ўзи белгилаш хукуки рўёбга чиқди. Мамлакатимиз ижтимоий-иқтисодий ҳаётнинг ҳамма соҳаларида амалга оширилаётган ислоҳотлар фақат мустақиллик туфайлигина вужудга келди. Мустақиллик ўзбек халқининг ўз тақдирини ўзи белгилаши учун зарур шарт-шароит яратди. Фақат мустақиллик туфайлигина собиқ шўроларнинг тоталитар сиёсий тизимидан демократик жамиятга ўтиш учун, режали иқтисодиётдан бозор муносабатларига ўтиш учун қулай шарт-шароит вужудга келди. Мустақиллик жамиятимиз учун яна “зарурий шарт –шароит” ҳам хисобланади. “Зарурий шарт-шароит” деганда, биз сабаб ва оқибат занжиридаги боғловчи ҳалқани тушунамиз. Чунки фақат “зарурий шарт-шароит”дагина муайян натижалар вужудга келиши мумкин.

Жамият қонунларининг таъсири ва намоён бўлиши, баъзан англанган, баъзан эса англанмаган шаклда рўёбга чиқади. Жамият ривожланиши табиий-тарихий жараён сифатида икки сиёсий хусусиятга эга.

Биринчидан, одамлар ўз тарихларини фақат маълум ижтимоий-тарихий шарт-шароитда яратадилар. Ҳар бир авлод ундан илгариги авлод яратган маънавий бойликларга эга бўлади, моддий ва маънавий бойликларни яратиш жараёнини ривожлантириб бориш учун ўтмиш авлодлар фаолиятига таяниб иш кўради.

Иккинчидан, инсон моддий ва маънавий бойликларни яратиш жараёнини жамиятнинг узоқ келажакдаги оқибатларини ҳисобга олиб эмас, балки ўзининг шахсий ва гурӯхий эҳтиёж ҳамда манфаатларидан келиб чиқсан ҳолда такомиллаштириб боради. Шу жараёнда кишиларнинг турли манфаатлари билан баъзан тўқнаш келиб қолади. Албатта, инсон ҳар бир хатти-ҳаракати билан маълум мақсадни кўзласа-да, ушбу мақсадга камдан-кам ҳоллардагина эришади. Баъзан инсон фаолиятининг натижаси кутилмаган салбий оқибатларга ҳам олиб келиши мумкин. Бу шундан далолат берадики, ҳар бир авлод ижтимоий ҳаётга қадам қўяр экан, жамиятда муқим ўрнатилган муносабатларга дуч келади ва ўз хоҳиш-иродасига қарши унга бўйсунишга мажбур бўлади. Бу ўринда биз қонунларнинг англанмаган равища амал қилишини кузатамиз.

Жамият қонунларининг англанган куч шаклида намоён бўлишига, аввало, жамият ва инсон томонидан онгли равища баъзи қонунлар таъсир доирасини чеклаш, баъзилари учун эса, аксинча, кенг шароит яратиш орқали эришилади. Жумладан, Ўзбекистоннинг чинакам мустақиллигига эришишдан иборат ўз йўли республикани ривожлантиришнинг асосий ўзига хос хусусиятлари ва шарт-шароитларини ҳар томонлама ҳисобга олишга асосланади.

Инсон жамият қонунларининг объектив талабларини ва улар амал қилиши учун қулай шарт-шароит яратиш зарурлигини англаб етмас экан, бу қонунлар унинг хоҳиш-иродасига тескари таъсир этиш орқали уни ўзининг пассив қулига айлантириб қўяди.

Бозор иқтисодиётига ўтиш шароитида кишилардан жамият ривожланиши қонунларининг хусусиятини, таъсир кучини ва намоён бўлиш шаклларини чуқур билиш талаб қилинади. Хусусан кишилар: 1) ижтимоий жараён ва ҳодисаларнинг ўзаро боғлиқлигини ва улардан келиб чиқадиган объектив талабларни; 2) бу объектив талабларни англаб етиш натижаларининг ижтимоий жараёнларни режалаштиришда ва бошқаларда акс этишини; 3) жамият ва инсонлар учун олдиндан кўзланган мақсадларга, натижаларга эришиш йўлларини англашлари зарур.

Шунинг учун ҳам ижтимоий жараёнлар, тарихий ҳодисаларни олдиндан кўриш, башорат қилиш имконияти, аввало, алоҳида бир мамлакат ривожининг, маълум тарихий даврлар, ижтимоий жараёнларнинг қонуниятларини умумлаштириш асосида юзага келади. Айни пайтда шуни таъкидлаш зарурки, тарихий жараёнларни олдиндан кўра билишнинг дастлабки шарти ижтимоий ҳодисалар ўртасидаги объектив алоқадорликни англашdir. Бироқ ҳар қандай илмий башоратнинг пойдеворини қонунлар ташкил қилади, чунки улар ҳодисалар, жараёнлар ўртасидаги ички, зарурий, муҳим боғланишларни ва алоқадорликларни очиб беради, шу асосда ижтимоий ҳодиса ҳамда жараёнлар тарихини ва ҳозирги ҳолатини билиш орқали уларнинг келажагини тахмин қилиш мумкин бўлади.

Республикамизда олиб борилаётган бугунги туб ислоҳотлар –агар улар иқтисодиётда бўлса, иқтисодий қонунларнинг; социал соҳада бўлса, ижтимоий қонунларнинг – худди шу тариқа сиёсий, ахлоқий, экологик ва демографик қонунларнинг объектив талабларини ўз вақтида билишни ҳамда улардан амалий фаолиятимизда, жамиятимиз ва фуқароларимизнинг эҳтиёж - манфаатлари йўлида фойдаланишимизни тақозо этади.

Кишиларнинг жамият қонунларини билишга ва улардан ўз амалий фаолиятида фойдаланишга интилишлари табиий. Лекин ижтимоий жараёнлар жуда мураккаб, бир-бирлари билан узвий боғлиқ бўлиб, ўзининг ривожланиш босқичларида жуда кўп ҳолларда зиддиятли муносабатлар таъсирида бўлганлиги туфайли устувор йўналиш шаклида намоён бўлади. Бунда қонун

талабидан келиб чиқадиган ижтимоий-тарихий жараён умумий ривожланиш йўналишидан бевосита эмас, балки жуда кўп четга чиқишлиар, бузилишлар билан бирга келиб чиқади. Натижада бу жараёнларнинг бизга олдиндан маълум бўлган қонуниятларини ҳам ўз вақтида ва тўғри англамай қоламиз.

Қонунларнинг устувор йўналиш шаклида намоён бўлишининг ўзига хос белгиси қонунда ифодаланган жараён натижасининг бирданига эмас, балки ижтимоий жараённинг охирида вужудга келиши, юзага чиқишидир. Одатда, тарихий жараён ўз ривожланишининг маълум босқичларида қонуннинг умумий йўналишига, тартибига зид келиши мумкин, лекин охир-оқибатда ҳодиса, жараён қонунда белгиланган ҳолатда рўй беради, амалга ошади.

Ижтимоий қонунларнинг хусусиятларидан бири уларнинг соф ҳолда эмас, балки, маълум маънода “тажминий” ҳолда, “хукмон йўналиш шаклида” намоён бўлишидир. Чунки ижтимоий жараёнлар ўз ривожида доимо турли тамойиллар ва имкониятлар билан боғлик бўлади. Бу қоидага риоя қилиш жамият қонунларини ўрганишда алоҳида методологик аҳамият касб этади. Қонунларнинг “хукмон йўналиш” шаклида намоён бўлиши “қонун” тушунчасини ҳодисалар ўртасидаги муҳим боғланишларни, “хукмон йўналиш” тушунчаси эса қонунларнинг намоён бўлиш шаклини ифодалаш имконини беради.

Жамият қонунлари муайян тарихий шарт-шароитдан келиб чиқиб, “мутлақ зарурият” шаклида, яъни аниқ намоён бўлади. Уларнинг аниқ намоён бўлиши, қонун талабларидан келиб чиқадиган ва унга мос келадиган натижаларга эришиши учун зарур бўлган шарт-шароит етилган вақтда рўй беради. Бундай ҳолларда тарихий жараёнларнинг кечиши, жамият аъзоларининг яратувчанлик йўлидаги саъй-ҳаракатлари тезлашувига сабаб бўладиган қонунлар талабларини ўз вақтида англаб етиш ва зарурий шарт-шароитни таъминлаш асосида амалга ошади. Бунга биз тоталитар тузумдан демократик тузумга ўтиш даврида давлатнинг ислоҳотларга бошчилик қилишини мисол қилиб келтиришимиз мумкин. Чунки бозор иқтисодиётига ўтиш даврида давлатнинг аралашувисиз мавжуд ресурслардан самарали

фойдаланиб бўлмайди; давлат эса иқтисодиётни тартибга солиб, талаб ҳамда таклифларни ўзаро мувофиқлаштиради ва шу асосда иқтисодиётни таназзулдан олиб чиқади.

Юқорида таъкидлаганидек, ҳар қандай ижтимоий қонун кишиларнинг амалий фаолияти натижасидагина намоён бўлади. Шу туфайли ҳам бу қонунлар баъзан жамиятдаги маълум гуруҳлар, қатламлар таъсирига дуч келади, оқибатда қонунлар тўлиқ бўлмаган ҳолда, “кам куч” билан намоён бўлади, амалга ошади. Жамият қонунларининг етарлича намоён бўлмаслигига баъзан бошқа қонунларнинг таъсири сабаб бўлиши ҳам мумкин. Қонунларнинг бундай ўзаро таъсири натижасида уларнинг таъсир кучи баъзан бир-бирига қарши, тўқнаш ҳолда амал қилиши ҳам мумкин, бу табиий ҳолдир.

Жамият қонунларининг “кам куч” билан намоён бўлишининг сабабларидан яна бири баъзида уларнинг рўёбга чиқиши учун ноқулай шартшароитнинг мавжудлигидир. Тарихий тажриба шуни кўрсатадики, муайян жамият, давлат, ижтимоий гуруҳлар, сиёсий партиялар мазкур жамиятдаги ижтимоий гуруҳлар, табақаларнинг эҳтиёж ва манфаатларини ҳамда улар ўртасидаги мутаносибликни, мавжуд иқтисодий ва сиёсий шарт-шароитларни етарли даражада эътиборга олмасликлари ва атрофлича билмасликлари туфайли кўпинча ўз олдиларига қўйган мақсадга тўлиқ эриша олмаганлар. Масалан, XX асрдаги сиёсий инқилобларнинг ҳеч бири ўз олдига қўйган вазифани уddyalай олмади. Советлар даврида ўтказилган ислоҳотларнинг деярли барчаси амалда ўзини оқламади, коллективлаштириш ва индустрлаштириш компаниялари халқ хўжалигига мажбуран ўтказилган бўлиб, айниқса, қишлоқ хўжалигига ўрта ҳол дехқон ва якка хўжалик эгаларининг синфий душман сифатида “қулоқ қилиниши”, жумладан, Ўрта Осиёдаги бундай оиласларнинг Сибирь ва Украина га сургун қилиниши натижасида 30-йилларда қишлоқ хўжалигининг издан чиқишига, очарчилик юз беришига, бунинг оқибатида одамларнинг қирилиб кетишига, аҳоли табақалари ўртасида эса синфий душманликнинг келиб чиқишига сабаб бўлди. Буларнинг барчаси халқнинг ислоҳотларга бўлган ишончини чиппакка чиқарди. Бу

ислоҳотларнинг барчаси жамиятнинг объектив ривожланиш қонунларини инкор этиш ва зўрликка асосланган сиёsat эди. Оқибатда бу тадбирлар мамлакатнинг иқтисодий-сиёсий ривожига, унинг қонунларининг амал қилишига, рўёбга чиқишига “ноқулай шарт-шароит” сифатида салбий таъсир кўrsатди.

Шундай қилиб, қонунлар ўз холича амал қилсада, лекин, улар муайян кишиларнинг ижтимоий фаолиятлари орқалигина намоён бўлади. Бу фаолият, ўз навбатида, қонунларнинг амал қилишини баъзан тезлаштириши, баъзан секинлаштириши, баъзан эса жамиятнинг ривожланиш йўналишига умуман қарама-қарши бўлиши ҳам мумкин.

Инсониятнинг тарихий тажрибаси шундан далолат берадики, жамиятнинг босқичма-босқич ривожланиши факат зигзагсимон эмас, балки маълум макон ва замонда ижтимоий тараққиётнинг қонуниятларидан четга чиқиш шаклида ҳам рўй беради. Бу эса ўз навбатида жамият қонунларининг амал қилиши ва муайян шаклларда намоён бўлишининг ижтимоий шарт-шароитларига бевосита боғлиқdir. Шу боис ижтимоий шарт-шароитлар жамият қонунлари намоён бўлиши ва амалга оширишнинг зарурый ва таркибий қисмидир.

### ***Таянч тушунчалар***

Ижтимоий жараён, тарихий тараққиёт, инсон омили, манфаат, эҳтиёж, халқ, шарт-шароит, устувор йўналиш, ижтимоий зарурият.

### **Назорат учун саволлар**

1. Ижтимоий манфаат, деганда нимани тушунасиз?
2. Ижтимоий тараққиётнинг харакатлантирувчи кучи нимадан иборат?
3. Тарихий жараёнларнинг субъекти деганда нима назарда тутилади?
4. «Халқ» тушунчасини тавсифланг.
5. «Халқ – тарих ижодкори» деган фикрни асосланг.
6. Волюнтаризм ғоясининг фалсафий мазмуни қандай?
7. Фатализм қандай оқим?
8. Жамият тараққиётида инсон омилиниң тутган ўрни.

## **10-МАВЗУ. ҚОНУНЛАРДА ИЖТИМОИЙ ЭҲТИЁЖЛАР ВА МАНФААТЛАРНИНГ ИФОДАЛАНИШИ**

1. Ижтимоий тараққиёт қонунларининг шаклланиши ва амал қилишининг объектив омиллари.
2. Эҳтиёж ва манфаат - ижтимоий қонун талабларининг ифодаси.
3. Қонунлар амалиётида ижтимоий манфаатлар ва эҳтиёжлар уйғунылиги.
4. Мустақиллик даврида умумий манфаатлар ва эҳтиёжлар диалектика намоён бўлиши.

Ижтимоий тараққиёт қонунларининг шаклланиш, амал қилиш, намоён бўлиш механизмининг асосий объектив омилларидан бири инсонларнинг эҳтиёж ва манфаатларидир. Эҳтиёж ва манфаатлар қонунларнинг объектив талабларини субъектлар, яъни инсонларнинг ўзига хос одати, хусусияти ва мотивига айлантириш орқали, уларни ҳаётнинг объектив шарт-шароити билан бевосита боғлайди. Эҳтиёж ва манфаат ижтимоий қонунлар талабларининг дастлабки ифодасидир. Ҳозиргача фалсафий адабиётларда “эҳтиёж” ва “манфаат” тушунчалари кўпинча айнанлаштирилади, тенглаштирилади. Ҳакиқатан ҳам, улар мазмун жиҳатидан бир-бирига яқин ва ўзаро чамбарчас боғлиқ. Бироқ уларни инсон фаолиятининг занжиридаги турли бўғинлар сифатида фарқлаш зарур.

Эҳтиёж - биологик ва ижтимоий тизимларнинг муҳим хоссаси. Умуман олганда, биз “эҳтиёж” деганда, муайян табиий ёки ижтимоий предмет, ҳодисанинг мавжуд бўлиши, яшаши учун зарур бўлган шарт-шароитни, унга бўлган муносабатни тушунамиз. Ҳар бир тизимнинг мавжудлиги унинг ҳаётий эҳтиёжлари қондирилаётганлигидан дарак берувчи ахволи ва кўрсаткичларида ифодаланади. Мавжуд тизимнинг объектив зарурий ҳолати билан реал мавжуд ҳолати ўртасида фарқ, зиддият пайдо бўлсагина эҳтиёж ва зарурат туғилади.

Шундай экан, эҳтиёж муайян тизимнинг шундай ички, қонуний хосиласини, у эҳтиёжнинг соҳиби, эгаси билан муҳит ўртасидаги алоқадан

келиб чиқади ва оқибатда ўзининг реал мавжудлик ҳолати, фаолияти учун зарур бўлган моддий ва маънавий қувват, энергия, ахборот компонентларини олади. Биологик ва ижтимоий тизимлар ўзини ўраб турган табиий ва ижтимоий муҳит билан бўладиган ўзаро алоқа ва муносабатларида ўзларига хос фаолликлари туфайли турли номутаносиблик ва зиддиятларни бартараф этиб боради. Шунинг учун ҳам ижтимоий эҳтиёж мавжуд тизимнинг ички зиддиятларини ҳал қилишга қаратилган фаолиятга, ҳаракатларга қодирлиги билан чамбарчас боғлиқ.

Демак, “Эҳтиёж” тушунчаси муайян ижтимоий тизим қонунлари асосида келиб чиқадиган заруриятнинг кўриниши, намоён бўлишини, организм, инсон шахси, ижтимоий груп, миллат, ҳалқ умуман, жамиятнинг мавжудлиги ва ривожланиши учун объектив равишда зарур бўлган фаолиятни юзага чиқарувчи ички сабабиятни ифодалайди.

Ижтимоий ҳаётда эҳтиёж субъектнинг объектив хоссаси шаклида мавжуд бўлиб, унинг зарурий параметрлари, реал, ҳақиқий ахволи билан объектив хоссаси бўлмиш эҳтиёж ўртасида бўлган зиддият шаклида, яъни шу ижтимоий ходиса мавжудлигининг субъектив шарт-шароити сифатида намоён бўлади. Кишиларнинг яшашлари ва инсон сифатида камол топишлари учун зарур бўлган барча нарсалар уларнинг ҳаётий эҳтиёжларини ташкил этади.

Демак, биз инсон эҳтиёжлари деганда, унинг яшashi ва фаолият кўрсатиши учун зарур бўлган шарт-шароитларнинг маълум заруриятга айланиш шаклини тушунамиз. Бу жараённи кузатиб бориш, ўрганиш ва таҳлил қилиш учун, аввало, ижтимоий субъектларнинг эҳтиёжларини кўриб чиқиши керак бўлади.

Бизга маълумки, жамият ҳаёти ҳам биологик, ҳам ижтимоий эҳтиёжларни ўз ичига олади. Шу туфайли инсоннинг ижтимоий ҳаёти ундаги биологик жиҳатларини, яъни эҳтиёжларини инкор қиласдан, аксинча, уларни такомиллаштиради. Ижтимоий ҳаётда бу иккала эҳтиёж алоҳида-алоҳида, параллел ҳолда эмас, аксинча, ўзаро чамбарчас узвий боғланишда бўлади, бироқ ижтимоий эҳтиёжлар бунда асосий аҳамиятга эга бўлади.

Шуни таъкидлаб ўтиш лозимки, кишилик жамиятининг вужудга келишида, аввало, инсон ҳаётини таъминлаб берувчи табиий эҳтиёжларнинг аста-секин ишлаб чиқариш воситаси ёрдамида инсон организмининг ташқи муҳит билан бўлган муносабатининг, аввалги биологик мослашувдан фарқ қиласиган янгича усул билан алмашувига ва шу асосда биологик эҳтиёжларнинг ижтимоийлашувига олиб келади. Пировард натижада эса фақат моддий истеъмолга бўлган эҳтиёж эмас, балки айнан шу моддий эҳтиёжни қондиришда унинг йўллари, усуллари ва воситаларини яратиб берадиган амалий фаолиятга қаратилган ғоялар, билимлар, маънавий-рухий фаолиятга ҳам эҳтиёж пайдо бўлди. Демак, эҳтиёжни фақат инсонга ҳос бўлган фаолият, яъни меҳнат қилиш фаолияти билан биргаликда олгандахина тўғри англаш мумкин бўлади. Маълумки, меҳнатга бўлган эҳтиёж икки омилдан келиб чиқади. Биринчи омил меҳнатсиз ҳаётий эҳтиёжларни қондириб бўлмаслиги бўлса, иккинчи омил инсон ўз акл-идрохи ва қобилиятининг ўсиб бориши орқали ҳаётда ўз мақсадларига эришиш йўлини, ўз ўрнини топишидир.

Инсонларнинг табиий-биологик эҳтиёжлари муайян тарихий даврдаги аниқ бир ишлаб чиқариш усули сифатида намоён бўлади, яъни истеъмолни ишлаб чиқариш яратади, вужудга келтиради.

Инсон ўзининг асосий ҳаётий эҳтиёжларини қондирмас экан, унинг мавжудлиги тўғрисида гап ҳам бўлиши мумкин эмас, лекин эҳтиёжларни қондириш ишлаб чиқариш, яъни уларнинг ҳаётий мавжудлигининг объектив шарт-шароити билан боғлиқ. Эҳтиёж шу муайян ишлаб чиқариш усулининг мавжудлиги ва ривожланишини белгилаб берадиган қонунларнинг субъектив ифодасидир.

Ижтимоий эҳтиёжлар доимо кишиларнинг ижтимоий ҳаётнинг у ёки бу жиҳатларига, жумладан, ўзи яшаётган жамиятда маълум ижтимоий мавқега эга бўлиш ва шу мавқени сақлаб туриш имконини берадиган муҳим фаолиятга, маънавий қадриятларга бўлган эҳтиёжини ифодалайди. Демак, кишиларнинг ижтимоий эҳтиёжлари жамият қонунларида объектив талабларнинг намоён бўлиши, ифодаланиши шаклидир.

Эҳтиёжлар субъектнинг объектив, ички, зиддиятли хусусияти сифатида қонун талабидан келиб чиқадиган, инсон фаолиятини ижтимоий ҳаётнинг пишиб етилган муаммолари, зиддиятларини белгиловчи ва ҳал этишга ундовчи омил сифатида намоён бўлади. Шуни таъкидлаб ўтиш лозимки, табиий ва ижтимоий эҳтиёжлар ўзаро бир бутун эҳтиёжлар тизимини ташкил этади, бу тизимда жамиятнинг мавжудлик ва ривожланиш қонунлари бир-бири билан ўзаро бўйсуниш (иерархия) муносабатида бўлади. Бу муносабатларда ижтимоий эҳтиёжлар устунлик қиласи, чунки улар ижтимоий қонунларнинг талабларини ифода этади. Субъектнинг муайян ижтимоий тизимдаги мавжудлиги, аввало, ижтимоий шароитга боғлиқ бўлади. Бунда биз биологик эҳтиёжларнинг бевосита ижтимоий эҳтиёжлар орқали намоён бўлишини кўрамиз. Шу асосда эҳтиёжлар манфаатга айланади.

Субъектнинг “ижтимоий манфаати” унинг ўзи яшаётган, фаолият кўрсатаётган, ўз эҳтиёжларини қондираётган муайян ижтимоий тизимга бўлган муносабати сифатида вужудга келади, намоён бўлади.

Бу муносабатларни шакллантириш учун, аввало, ижтимоий тизимни ва шу тизимда фаолият кўрсатаётган субъектнинг эҳтиёжлари ўртасидаги умумийлик томонини аниқлаш зарур. Бу жараён эса, айни пайтда мулкнинг вужудга келиши, товар алмашув жараёнининг шаклланиши ва меҳнат тақсимоти орқали таъминланади. Бундай шароитда субъект эҳтиёжларининг қай даражада қондирилиши нафақат меҳнат фаолияти натижаларига, балки кўпроқ шахснинг жамиятдаги ижтимоий мавқеига, яъни унинг мулкка бўлган муносабати ва жамият моддий бойликларининг тақсимотидаги иштирокига боғлиқ бўлиб қолади. “Манфаат”нинг вужудга келишига эса, аввало, инсон эҳтиёжларини қондириш жараёнида вужудга келадиган, унга қаршилик қиласиган, қийинчиликлар туғдирадиган шарт-шароит сабаб бўлади.

Демак, инсоннинг эҳтиёжлари ҳам, шу эҳтиёжларни қондириш воситалари, усуллари ва шарт-шароитлари ҳам ҳаммаси муайян жамиятда, реал ижтимоий ҳаётда вужудга келади. Лекин жамиятдаги мавжуд тузум, сиёсий режим ва ижтимоий муносабатлар субъект ижтимоий эҳтиёжларининг

қондирилишига тўсиқ бўлиши мумкин. Фақат шундагина ижтимоий субъект, гурух, ташкилот ёки уюшманинг мавжуд тузумга нисбатан ўзига хос муносабати вужудга келади. Фақат шу аснода, яъни эҳтиёжлар субъекти билан уни қондириш шарт-шароитлари ўртасидаги объектив диалектик зиддиятлар негизида “манфаат” шаклланади.

“Манфаат” деганда, биз субъектнинг шарт-шароитга, яъни ўзининг турли хил эҳтиёжларини қондириш билан боғлиқ муносабати ва фаолиятининг мажмуини тушунамиз. Ижтимоий жараён ва ҳодисалар мавжудлигининг асосий шартларидан бири ижтимоий фаолиятдир. Манфаатнинг шаклланиши айнан шу фаолият билан ҳам узвий боғлиқ.Faолиятсиз манфаат, манфаатсиз фаолият юзага келмайди. Шундай экан, фаолият деганда, биз субъектнинг объектга онгли ва мақсадга мувофиқ ҳолда таъсир кўрсатишини тушунамиз.

Инсоният тарихида алоҳида аҳамиятга эга бўлган манфаатлардан бири гурухий манфаатдир. Социология фани нуқтаи назаридан, кишилар ўзларининг маълум бир мақсадларидан келаб чиқиб, ҳар хил ижтимоий бирликлар – гурух, қатлам, партия каби жамоат ташкилотларига бирлашади, қўшилади. Бу ўюшмалар, аввало, шу бирлик аъзоларининг турмуш тарзи шарт-шароитининг ўхшашлигига, уларга хос бўлган умумий сифатларга, жумладан, маълум тарихий худудга мансублигига, мансуб ижтимоий институтлар: уруғ-элат, миллат, динга мансублигига асосланиб, вужудга келади ва шаклланади.

Маълумки, ҳар бир жамият, албатта, ўз ички тузилишига эга бўлади. Ҳар қандай жамиятнинг ва ундаги реал ижтимоий муносабатларнинг вужудга келиши, амал қилиши ва тараққий этиши бевосита ижтимоий тузум, унинг асосий элементлари ўртасидаги алоқалар, муносабатлар тизими, мазмуни ва табиатига бевосита боғлиқ. Чунки ҳар бир ижтимоий гурух, табақа аъзолари эҳтиёж ва манфаатларининг умумийлиги уларнинг муайян ижтимоий муносабатлар тизимидағи объектив умумий аҳволини, мавқеини белгилаб беради. Бу ижтимоий бирлик аъзоларидан биттасининг эҳтиёжини қондирадиган шарт-шароит, албатта, қолганларининг ҳам эҳтиёжлари

қондирилишига имкон беради. Шунинг учун ҳам ушбу бирлик аъзоларида ижтимоий муҳитга, шарт-шароитга бир хил муносабат шаклланади.

Ижтимоий гурух аъзоларининг умумий манфаати уларнинг биргаликдаги уюшган фаолиятини вужудга келтиради. Субъект, яъни шахс қанчалик баркамол бўлса, унинг манфаатлари ҳам ривожланган бўлади. Шу асосда у шунчалик юксак даражали ижтимоий фаолиятга қодир бўлади. Бозор қонунларининг амал қила бошлиши билан рақобатчилик муҳити таркиб топади, эркин тадбиркорлик учун имкониятлар очилади, айни вақтда, айнан шу қонунларга риоя қилган ҳолда ишлаб чиқариш таркиби ҳам ўзгаради. Бундай жараён эса фақат рақобатга бардош беришга интилиш бор жойдагина юз беради. Рақобатга бардош бериш учун ишлаб чиқаришни доимий равишда янгилаб боришга, зарур шарт-шароитни яратишга тадбиркорларнинг ўzlари мажбур бўлади.

Гурухий манфаат шу гурух аъзолари ижтимоий ҳаётининг ҳамма соҳаларига хос бўлган умумий муносабатларни ўзида мужассамлаштиради. Демак, ижтимоий манфаат шахс ёки ижтимоий уюшманинг муайян жамиятдаги объектив, реал аҳволидан келиб чиқсан ҳолда бир бутун ижтимоий тизимга бўлган муносабатлари мажмуини билдиради. Бу ўринда биз жамият қонунлари талабларининг ижтимоий гурухлар эҳтиёжлари шаклидаги ифодасини кўрамиз. Муайян жамият ўзи вужудга келтирган ижтимоий субъектнинг ўз эҳтиёж ва манфаатларини етарли даражада қондириши учун қулай шарт-шароит яратмас экан, унда ўзига нисбатан салбий муносабат, яъни мазкур жамиятни, тизимни ўзгартиришга қаратилган, мақсадли хатти-ҳаракатни вужудга келтиради.

Умуман олганда, жамият қонунларининг объектив талаби фақат мазкур жамият аъзоларининг ижтимоий эҳтиёжлари шаклида намоён бўлади ва ана шу эҳтиёжни қондиришга қаратилган фаолияти орқали рўёбга чиқади.

Яна шуни таъкидлаш лозимки, шахснинг ўзи яшаётган ижтимоий тизимга муносабати унинг иқтисодий, ижтимоий, сиёсий, маънавий тизимларга бўлган муносабатларида бир хил акс этмайди чунки ижтимоий гурухларнинг турлича, яъни “кундалик” ва “туб ҳаётий манфаат”лари бўлади. Айнан “туб

ҳаётий манфаатлар” умуминсоний қонунларнинг объектив талабларини ўзида мужассамлаштириб, жамиятнинг бир бутун тизим сифатида сақланиб қолиши ва ривожланишига хизмат қилади. Манфаатларнинг мазмунини, аввало, субъектнинг ўзи яшаётган ижтимоий шарт-шароитга бўлган муносабати ташкил қилади. Шундай экан, манфаат субъектнинг ўз эҳтиёжларини қондиришига қаратилган мақсадга мувофиқ фаолияти билан боғлиқ бўлиб, бунда у жамиятда ўзи учун зарур ва кулай бўлган муносабатлар тизимини яратишга ҳаракат қилади.

Кўриниб турибдики, эҳтиёж ва манфаат бир-бири билан узвий боғлиқ. Лекин бу боғланиш бир томонлама эмас, яъни эҳтиёжларнинг манфаатларга нисбатан бирламчи ва белгиловчи эканлигига асосланмаган.

Объектив ижтимоий муносабатларнинг бир томонини ўз эҳтиёжларига эга бўлган субъект, яъни инсонлар ташкил этса, унинг иккинчи томонини шу эҳтиёжларни қондиришига шарт-шароити бўлмиш манфаатлар ташкил этади. Ижтимоий муносабатлар ривожи фақат шу муносабатларнинг бир томони бўлмиш ижтимоий шарт-шароитни сақлашга, ўзгартиришга қаратилмасдан, балки унинг иккинчи томони бўлган субъект ва унинг эҳтиёжларининг шаклланишига ҳам хизмат қилади.

Умуман, манфаатлар кишиларнинг барча эҳтиёжларини қондириш воситаси бўлиб, доимо уни қондиришига қаратилган мақсад ижтимоий муносабатларнинг шаклланишига хизмат қилади. Шу маънода, ижтимоий манфаатлар, умумсоциологик қонунлар объектив талабларининг ифодаси шаклида намоён бўлади ва қонунларнинг амал қилиш механизми тизимида асосий омил бўлиб хизмат қилади.

Мустақиллик халқимиз, давлатимиз учун иқтисодий ва ижтимоий тараққиётнинг, маданий ва маънавий янгиланишнинг кенг истиқболларини очиб берди. Миллатимизнинг асрий орзуларини рўёбга чиқариш ва ҳаётий эҳтиёжларини тўлароқ қондириш, шу эҳтиёжлар асосида юзага келадиган уларнинг манфаатларини ифода этиш, ҳимоя қилиш мақсадида жамиятнинг барча тизимларида ислоҳатлар олиб борилмоқда.

Тарихий жараёнлар ривожида ва жамиятдаги бутун ижтимоий муносабатлар тизимида “эҳтиёжлар”, айниқса “ижтимоий эҳтиёжлар” ҳал қилувчи ахамият касб этади, чунки ҳар қандай инсоннинг ёки ижтимоий гурӯҳнинг хаёт-мамотини эҳтиёжлар белгилайди. Шу туфайли “эҳтиёж” ўз мазмунига кўра, объективдир. Лекин шу объектив эҳтиёжнинг соҳиби эса доимо харакатдаги, фаолиятдаги инсонлар бўлиб, уларнинг ўз эҳтиёжларини кўндириш йўлидаги хатти-харакатлари туфайли манфаатлар юзага келади. Ўз манфаатини кўндиришига қаратилган фаолияти туфайли инсон ижтимоий ҳодисалар ва жараёнларнинг ривожи ҳамда йўналишига фаол таъсир кўрсатади.

Ижтимоий ҳаётимизнинг ана шу объектив қонуниятларини чуқур ва масъулият билан англаб етган Юртбошимизнинг бозор муносабатларига ўтишида “Ўзбекистон танлаб олган йўл – Республика ва унинг халқининг манфаатларига ниҳоятда мос келадиган, ижтимоий жиҳатдан йўналтирилган бозор иқтисодиётини шакллантиришга қаратилган иқтисоддир”, деб таъкидлашлари айнан шуни ҳисобга олиб айтилган.

Ўзбекистон шароитида фуқароларнинг ислохотларни, жамият ривожини белгилаб берадиган ҳаётий эҳтиёжларини тўлик қондириш мақсадида, шу билан бирга, умумдавлат манфаатини эътироф ва ифода этган ҳолда, мавжуд имкониятлардан келиб чиқиб, сифат жиҳатдан янги ижтимоий-иқтисодий муносабатларни шакллантиришда давлат бош ислохатчи бўлиб чиқди. Зоро, “Мураккаб ўтиш даврида давлатнинг ўзи бош ислоҳаочи бўлиши зарур. Давлат бутун халқнинг манфаатларини қўзлаб, ислоҳотлар жараёнининг ташаббускори бўлиши, иқтисодий тараққиётнинг етакчи йўналишларини белгилаши, иқтисодиётда, ижтимоий соҳада ва суверен давлатимизнинг ижтимоий-сиёсий чиқишии ва изчил рўёбга чиқариши керак”.

Маълумки, ҳар қандай давлат сиёсий ҳокимият сифатида жамият ижтимоий ҳаётидаги муҳим ўрин тутади. Давлатнинг жамият ижтимоий ҳаётидаги ахамияти ва фаоллиги ўтиш даври, ислоҳотлар даврида янада кучлироқ намоён бўлади. Ислоҳотлар жамиятдаги мавжуд эҳтиёж ва манфаатларнинг янги эҳтиёж ва манфаатлар билан тўқнашуви жараёнида,

давлат ва халқ манфаатини акс эттирувчи, ҳимоя қилувчи ҳамда кишилар ўртасидаги хоҳиш-иродага асосланган муносабатлар тизими сифатида ўзини намоён қиласи.

Давлатнинг бош ислоҳотчи бўлиши ҳокимият масаласи билан ҳам чамбарчас боғлиқ. Мамлакатимиздаги ислоҳотлар муваффақиятининг сабабларидан бири ижтимоий-сиёсий барқарорликдир. Республикаиз бугунги кунда мустақил давлатлар ҳамдўстлигига иқтисодий ҳамда ижтимоий-сиёсий жиҳатдан энг барқарор ривожланаётган кучли давлатдир. Ушбу барқарорликни сақлаш ва янада мустаҳкамлаб бориш зарур.

Фикримизча, ушбу муҳим вазифа Республикаизда қуидаги асосий тадбирларни амалга оширишни талаб қиласи:

Биринчидан, маданиятли ҳокимиятни барпо этиш зарур, чунки ҳар қандай маданиятнинг ўзагини, негизини, аввало, қадриятларни яратиш, асраш, кўпайтириш ва ривожлантириш ташкил этади. Бунинг учун эса, аввало, фуқароларда ўтмишдан, тарихдан, аждодларимиз томонидан яратилган моддий ҳамда маънавий бойликлар, меросдан кўнишиб ҳиссини, туйғусини шакллантирмоқ зарур. Бунинг учун Русспубликаизда қатор тадбирлар амалга оширилмоқда. Биринчидан, давлат бошқарувида тарихий тажрибамидан келиб чиқсан ҳолда ҳокимлик лавозими, тизими қайта тикланди. Фуқароларнинг ўз-ўзини бошқаруви тизимида эса маҳаллаларнинг хуқуқий, мавқеи оширилди. Бу ишлар халқимизда давлат ва ҳокимият органларига бўлган ишонч руҳини тиклаш, ошириш ва таъминлаш мақсадида амалга оширилмоқда.

Иккинчидан, Президентимиз маънавият ва маърифат давлатимиз сиёсатидаги асосий йўналиш деб белгилади, бу соҳани ривожлантиришга қаратилган қатор фармон ва қарорлар қабул қилинди. Халқимиз тарихи ва маданиятимиз ривожига улкан ҳисса қўшган буюк давлат арбоблари Соҳибқирон Амир Темур, унинг авлодлари – Улуғбек ва Бобур Мирзо, қатор алломаларимиз ва тарихий шахсларнинг юбилейлари тантанали нишонланмоқда, улкан бунёдкорлик ишлари амалга оширилмоқда. Бу борадаги

устувор тамойиллар ва долзарб вазифалар Юртбошимизнинг “Юксак маънавият – енгилмас куч” асарида ҳар томонлама асослаб берилган.

Учинчидан, тилимиз, динимиз ва урф-одатларимиз, уларнинг қонуний мавқеи қайта тикланди. Бундан қўзланган мақсад халқимизда ўз маданий меросидан қониқиши, фахрланиш, миллий ўзликни англаш ҳиссини, туйғусини янада кучайтиришдир..

Ислоҳотларимиз моҳиятини халқимизга очик ва тўлиқ тушунтириш керак. Бизга яхши маълумки, шўролар тузуми даврида ҳам жуда кўп ислоҳатлар ўтказилди. Лекин ушбу ислоҳотларнинг барчаси ярим йўлда қолиб кетди. Бунинг сабаби қуидагилардан иборат:

биринчидан, ислоҳотларнинг барчаси халқнинг, миллатнинг хақиқий эҳтиёж ва манфаатларини хисобга олмаган эди;

иккинчидан, ислоҳотлар бизнинг халқимизга бегона бўлган жамиятдан, ижтимоий-маънавий мухитдан тўғридан-тўғри андоза олиб ўтказилган эди;

учинчидан, ислоҳотларнинг ҳаммаси доимо мажбурий равишда, юқоридан зўрлик ишлатиш йўли билан ўтказилга эди;

тўртинчидан, ўтказилган ислоҳотларнинг барчаси доимо жамият ҳаётини инқилобий равишда бирданига ва тубдан ўзрагтиришга мўлжалланган эди;

бешинчидан, ислоҳотларнинг босқичларини изчил, аниқ ва ўз вақтида яқунлаб, янгисига босқичма-босқич ўтмаган, кўп ҳолларда субъективизм ва волюнтаризмга йўл қўйилган эди.

Мустақиллик даврида Ўзбекистонда ислоҳотларнинг тадрижий, яъни бозор муносабатларига босқичма-босқич ўтиш йўлини танлаб олиниши айнан шу тарихий сабоқлардан тўғри хулоса чиқариш ва жамиятнинг объектив қонунларини эътироф этиш асосида амалга оширилмоқда. Бизнинг йўлимиз ижтимоий йўналтирилган бозор муносабатларини шакллантириш, аҳолининг кам таъминланган қисмини кучли муҳофаза қилиш асосида бозор иқтисодиётiga босқичма-босқич ўтишдир. Бу йўл жаҳон тажрибасини, шунингдек, халқимизнинг турмуш шароитини, анъаналарини, урф-одатларини, турмуш тарзини ҳар томонлама ҳисобга олишга асослангандир.

Ўтказилаётган ҳар қандай ислоҳотларнинг муайян босқичлари, ўз вазифалари, мақсадлари мавжуд, халқ эса бундан манфаатдордир. Ҳар бир авлод ўзининг реал эҳтиёжлари, манфаатлари ва мақсадларга эга экани маълум. Шу боис ислоҳотларнинг биринчи кунидан бошлабоқ мамлакатимизда кекса ва ёш авлоднинг, аҳолининг ижтимоий ҳимояга муҳтож қатламлар, уларнинг эҳтиёж ва манфаатларини ҳимоя қилиш биринчи навбатдаги вазифа сифатида қаралди.

Ҳар бир инсон, ижтимоий гурӯҳ, ёки миллатнинг манфаати доимо унинг ижтимоий эҳтиёжларини қондирувчи муайян жамиятга, тузумга бўлган муносабатларида намоён бўлади. Ҳар қандай эҳтиёжни қондириш йўлида дуч келган тўсиқлар ва қийинчиликларни енгиш жараёнида манфаат вужудга келади, яъни ҳар қандай манфаат асосини доимо эҳтиёж ташкил этади.

Тарихий тараққиётни ҳаракатга келтирувчи куч одамларнинг аниқ мақсадли фаолиятларидан иборат бўлиб, ушбу фаол ҳаракатнинг сабаби ва манбаи эса шу мазкур жамиятда мавжуд зиддиятлардир. Ҳар бир жамият ўз табиатига кўра, турли мазмундаги ижтимоий муносабатлардан ташкил топади. Шу боис ҳам кишиларнинг фаол ҳаракатлари турли ижтимоий гуруҳларнинг, сиёсий партияларнинг бир-бирига зид келадиган қарама-қарши манфаатларининг тўқнашуви орқали намоён бўлади. Маълум тарихий шартшароитларда эса турли мақсадга эга бўлган ижтимоий гуруҳлар, партиялар, табақалар манфаатларининг мос келиши асосида улар ўртасидаги муносабатларни мувофиқлаштириш мумкин. Чунончи, Президентимиз И.А.Каримов томонидан илгари сурилган ва бугунги кунда муваффақиятли амалга оширилаётган бозор муносабатларига ўтишнинг беш тамойили республикамиздаги барча фуқароларнинг, турли қатламларнинг, сиёсий ташкилотларнинг ҳам моддий, ҳам маънавий эҳтиёж манфаатларини ўзида тўлиқ мужассамлаштириш асосида, бугунги кунда жаҳон ҳамжамияти томонидан эътироф этилаётган, тан олинаётган ўзбек моделининг мазмун-моҳиятини ташкил этмоқда. Ушбу модельнинг заминида ҳам, асосида ҳам,

ислоҳотлар самарадорлигидага ҳам халқимизнинг, туб ҳаётий эҳтиёжлари ҳамда манфаатлари асосий мезон қилиб белгиланган.

Хуллас, юқоридаги фикрлардан қўйидаги хуносаларга келиш мумкин.

Биринчидан, жамият қонунлари ижтимоий ҳодиса ва жараёнлар ўртасидаги объектив, ички, умумий, муҳим, зарурӣ, нисбатан турғун алоқа ва муносабатларнинг ифодасидир;

иккинчидан, жамият қонунлари эҳтиёжи ва манфаатни кишиларнинг шахсий ва ижтимоий кўзлаб амалга ошириладиган фаолиятлари туфайли вужудга келади ҳамда рӯёбга чиқади;

учинчидан, кишиларнинг мақсадли фаолиятлари, албатта, маълум тарихий шарт-шароитдагина амалга ошади, ушбу ижтимоий-тарихий жараёнларнинг хусусияти ва ривожланиш тамойилларини белгилайди;

тўртинчидан, ижтимоий шарт-шароит деганда, ижтимоий борлиқдаги воқеа-ҳодисаларнинг вужудга келиши, мавжуд бўлиши ва ривожланиши учун зарур бўлган объектив ва субъектив омиллар мажмуи тушунилади;

бешинчидан, жамият қонунлари эҳтиёж ва ижтимоий манфаатлар алоқадорлигига боғлиқ равишда турли шаклларда намоён бўлади;

олтинчидан, жамият қонунларининг амал қилиш механизмидаги асосий таркибий элемент ёки мотивлар эҳтиёж ва манфаатлар бирлиги ва уларнинг уйғунлигидир.

### ***Таянч тушунчалар***

Манфаат, эҳтиёж, ижтимоий манфаатлар, кундалик эҳтиёж, туб ҳаётий манфаатлар, ислоҳотлар, Таракқиётнинг ўзбек модели.

### ***Назорат учун саволлар***

1. “Манфаат” тушунчасининг мазмун-моҳияти.
2. Эҳтиёж нима?
3. “Ижтимоий манфаатлар” тушунчасининг мазмун-моҳияти.
4. Кундалик эҳтиёжлар деганда нималар назарда тутилади?
5. Эҳтиёжларнинг намоён бўлиши ва ўзгариб бориши хусусиятлари.
6. Ислоҳотлар - ижтимоий эҳтиёжлар ва манфаатлар ифодаси.

## **11- МАВЗУ. “ИНСОН” ТУШУНЧАСИ, УНИНГ МОҲИЯТИ ВА МАЗМУНИ.**

1. “Одам” ва “инсон” тушунчаларининг талқинлари.
2. Марказий Осиё фалсафаси инсон, унинг моҳияти ҳақида.
3. Ҳозирги замон фани инсоннинг келиб чиқиши ва моҳияти ҳақида
4. “Шахс” ва “индивидуд” тушунчалари

Инсон муаммоси азалдан фалсафанинг бош мавзуларидан бири бўлиб келган. Кўплаб мутафаккир ва олимлар унинг моҳияти, табиати, ўрни ва вазифасини англаб етишга ҳаракат килганлар. Турли фалсафий таълимотларда бу мавзу турлича талқин этилган.

Homo sapience (ақлли жонзот, инсон маъносини англатади) эволюцияси тўғрисида сўз юритганда, фақат оддий биологик ёки ижтимоий мезонларга эмас, балки биологик-ижтимоий мезонларга ҳам суюниш лозим. Бу эса ижтимоий-гуманитар ва табиий-илмий соҳалардаги ютуқларни ўзида мужассамлаштирган комплекс ёндашувни тақозо этади.

Инсоннинг моҳияти ҳақидаги таърифлар ранг-баранг. Сукротнинг "Ўзингни англа" деган фикри ҳар бир даврда янгича маъно касб этади. Шарқ фалсафаси тарихида ҳам инсон бош мавзулардан бири бўлиб келган. Масалан, Форобий фалсафасида инсон бутун борлиқ тараққиётининг маҳсули сифатида талқин килинади. Мутафаккир инсоннинг барча олижаноб фазилатлари илм туфайли эканлигини, инсон ҳаётининг мазмуни - баҳтли бўлишга интилиш, бунга эса фақат илм ва маърифат орқали эришиш мумкинлигини кўрсатди. Беруний ва Ибн Синолар инсоннинг бошқа мавжудотлардан устунлиги ақл ва тафаккури туфайли эканлигини исботлашга ҳаракат қилдилар. Бундан фарқли ўлароқ, Абу Ҳомид Газзолий бу устунликни ақлда эмас, балки инсон калбида эканлигини кўрсатди; ақл имкониятлари чекланганлигини исботлашга ҳаракат қилган тасаввуф таълимотида комил инсон асосий ғоялардан бири эди. Бу комиллик, асосан, маънавий баркамоллик, руҳий юксалиш, орзу-истакларни

идора қила билишда намоён бўлишини уқтирганлар. Шарқ фалсафасида инсон тўғрисидаги қарашлар шарқона тафаккур ва турмуш тарзи билан узвий боғлик ҳолда ривожланган.

Гарб мутафаккирлари ҳам инсонни турлича таърифлаганлар. Homosapiens – “ақл-идрокли жонзот”, энг кўп қўлланиладиган таъриф. Animal rationale – “оқил ҳайвон” таърифи К.Линнейнинг зоологик таснифида келтирилган; a tool making animal - «курол ясовчи ҳайвон» - Франклин таклиф қилган таъриф; Animal symbolicum «рамзий ҳайвон сифатидаги одам» - Кассирер хуносаси. Къеркегор «инсонни танлаш қобилиятига эга жонзот», Ницше инсон - ваъда беришга қодир, бизни ахлоқ қоидалари дунёсига олиб кирувчи жонзот тарзида таърифлаган. Руссо «Фикрловчи инсон - йўлдан озган жонзотдир», деган фикрни илгари сурган.

Бу таърифларни фалсафа тарихида инсоннинг мавжудлиги ягона ишончли далил асосида аниқланган даврда дунёга келган таърифлар билан тенглаштириш мумкин. Масалан, Ф.Декартнинг «cogito ergo sum» - “фикрлаяпман, демак, мавжудман” ёки Ж.Берклининг «мавжуд бўлиш - идрок этилиш демак», Мен де Бираннинг «Volo ergo sum» - «хоҳлаяпман, демак, мавжудман», А.Камюнинг «исён қиляпман, демак, яшаяпман» каби фикрлари ҳам инсон табиати ва моҳиятининг янги-янги қирраларини намоён этади. Бунга Ф.Ницше инсоннинг бош ғояси деб эълон қилган ҳокимиятга интилишни ёки З.Фрейд илгари сурган яширин жинсий майл - либидо ғоясини қўшиб, иқтисодий материализмнинг иқтисодий омили аҳамиятига эътибор қаратсак, инсон тўғрисидаги фан - фалсафий антропологиянинг муаммолар доираси нихоятда кенглиги аён бўлади.

Хозирги замон фалсафасининг йирик вакилларидан бири Э.Фромм инсонга бўлган соф ва самимий муҳаббатни бутун ер юзи халқлари ўртасида тинчлик, тотувлик, ҳамкорлик муносабатларини қарор топтиришнинг муҳим омили деб ҳисоблади: инсоннинг энг муҳим қобилияти сифатида севиш қобилияти, санъатлар ичida энг муҳими севиш санъати эканлигини кўрсатди.

Бундай таърифлар инсоннинг умумий образини яратади. Зоро, инсон барча замонларда ва халқларда дунёning энг буюк сири бўлиб қолаётир. Бу хақдаги турли-туман фикр-мулоҳазалар ва қарашларни умумлаштирган ҳолда ушбу тушунчага муайян таъриф бериш мумкин. Инсон ўзида биологик, ижтимоий ва психик хусусиятларни мужассамлаштирган, ўз ҳаёти ва фаолиятини ўзи ташкил этиш ҳамда бошқариш, ташқи олам ва ўзга кишилар билан муайян муносабатларга киришиш қобилиятига эга бўлган онгли мавжудотdir. У ана шу хусусиятлари орқали яхлит бир тизимни ташкил этади, онгли мавжудот сифатида ўз эҳтиёжларини қондиради ва инсоният ҳаётининг давомийлиги ва ворисийлигини таъминлайди.

Илмий адабиётларда инсоннинг табиий-ижтимоий борлиғи ва руҳий кечинмалар дунёси мавжудлиги тан олинади. Бу борада биологизм, социологизм ва психологизм каби ёндашувлар мавжуд.

Инсоннинг биологик хусусиятларига овқатланиш, ҳимояланиш, зурриёт қолдириш, шароитга мослашиш кабилар хос. Ана шу хусусиятларга таянадиган биологизм анча чекланган, чунки у инсоний муносабатлар меъёрларининг эволюцион-биологик асосларига кўпроқ эътибор қаратади.

Инсон бошқа мавжудотлардан ижтимоий хусусиятлари билан ажralиб туради. Чунончи, тил, муомала, рамзий белгилар, билим, онг, маҳсулот ишлаб чиқариш, тақсимлаш, истеъмол қилиш, бошқариш, ўз-ўзини идора этиш, бадиий ижод, ахлоқ, нутқ, тафаккур, қадриятлар, табу (тақиқлаш) шулар жумласидандир. Мазкур хусусиятларни устувор биладиган социологизм инсон табиатини ижтимоий аҳамиятга молик сабаблар билан тушуниради ва инсоннинг ижтимоий-маданий образини яратади. Ушбу ёндашувга хос бўлган «Инсон барча ижтимоий муносабатлар мажмуидир», деган хулоса айнан ижтимоийлик инсон ҳаёти негизини ташкил этишини тушуниш имконини беради.

Инсоннинг психик хусусиятларига руҳий кечинмалар, ҳайратланиш, ғам-ташвиш, қайғу, изтироб чекиш, завқланиш, кайфият кабилар киради. Инсонни таҳлил қилишдаги психологизм ана шунда намоён бўлади. Аммо гоҳида бу

соҳада ҳам муайян даражада ушбу жиҳатнинг аҳамиятини бўрттириш ҳолатларига йўл кўйилади.

Фалсафий қизиқишлари марказида табиат ва инсон моҳияти тўғрисидаги масала турувчи фан «Фалсафий антропология» деб аталади. Антропологик ёндашув инсон борлигининг ўзига хос хусусиятларини аниқлайди, инсон ҳаёти ва фаолияти муаммолари таҳлили билан шуғулланади. «Экзистенция» тушунчаси тадқиқотчининг фикрини, аввало, инсон қилмишлари ва азобуқубатларида намоён бўлувчи инсон ҳамда дунё алоқаларини излаш, аниқлаш томонга йўналтиради.

Хозирги замон Ғарб фалсафасининг йўналиши сифатидаги фалсафий антропология дастлаб немис файласуфи ва социологи М.Шеллер (1874-1928) асарларида ишлаб чиқилган, германиялик файласуф Х.Плеснер (1892-1985), немис мутафаккири А.Гелен (1904-1976) асарларида эса ривожлантирилган.

Инсон ҳақидаги таълимот - фалсафий антропология француз маърифатпарварлари давридаги мушоҳадаларнинг бош муаммосига айланди. Ўша даврда яратилган энг муҳим асарларнинг сарлавҳаларига чиқарилган мавзулар бунинг ёрқин намунасиdir. Масалан, Ламетри биринчи фалсафий асарини «Жоннинг табиий тарихи», асосий фалсафий асарини эса «Инсон-машина» деб номлаган. Гельвеций «Ақл ҳақида» «Инсон, унинг ақлий қобилияти ва тарбияси ҳақида» каби асарларида ўз қарашларини баён қилган. Файласуф шеърий асарини «Бахт» деб номлаган. Инсон борлигининг барча шаклларида маърифат муҳим ўрин тутишини тан олиш ушбу даврга хос бўлган. Лекин бу зиддиятли хусусиятга эга эди. Унга кўра, соф идеал омиллар (илғор фикрлар ва маърифат ғоялари) билан детерминация юз берар эди. Айни вактда ғоялар онтология доирасида муҳим ва танадан мустақил деб қаралмаган. Врач Ламетри физиологик ва биологик жараёнлардан ташқарида хеч қандай рух ҳақида эшитишни ҳам хоҳламасди. Дидро танани билмай туриб, руҳни билиш тўғрисида сўз бўлиши ҳам мумкин эмас, деб ҳисоблаган.

Бу давр ғоялари антропологиянинг энг янги концепцияларида ўзига хос тарзда акс этди. Шу маънода, инсонни унинг онги атамаларида тавсифлаш ва

таърифлаш мумкин, деган фикр диққатга сазовор. Бу ҳолда барча эмпирик методлар, хусусан, кузатиш методининг самарасизлиги аён бўлади. Инсон табиатининг янгича талқини айнан фикр инсонни бошқарувчи асос эканлигини тушуниш билан боғлиқ бўлиши лозим. Аммо бу ёндашув инсон ўз табиатига кўра, тўла рационал эмаслигини тан олишга асосланади. У келажакни билмасдан, ноаниқлик шароитида яшайди, иш кўради ва умид қилади. Э.Кассирер таъбири билан айтганда, «инсон ўзидан- ўзи тинимсиз излайдиган, ўз мавжудлигининг ҳар бир лаҳзасида шу мавжудликнинг шарт-шароитларини синовдан ўтказадиган ва қайта текширадиган жонзотдир»<sup>21</sup>.

Шахсни умумбашарий ривожланишнинг асосий мазмуни деб эълон қилувчи персонализм уни ўрганишга нисбатан анча мураккаб ёндашувларни таклиф қилади. Шахс ўз моҳиятини муқаррар тарзда ўзидан ташқарида кўради - бу экстериоризация, у теран ички меъёр ва мўлжаллардан озиқланади - бу интериоризация. Нихоят, шахс ўз реал эмпирик мавжудлигининг тор чегараларидан ўтиб, олий қадриятлар: ҳақиқат, эзгулик ва гўзалликка интилади - бу трансценденциядир.

Экзистенциализм таълимоти инсонни илмий методлар ёрдамида билиб бўлмаслиги ҳақидаги ғояни қаттиқ ҳимоя қилади. Биринчи ва иккинчи жаҳон урушлари оралиғидаги даврда Европа цивилизациясида инсонпарварликнинг тақчиллиги фанга бўлган ишончнинг йўқолишига олиб келди. Инсоннинг ҳақиқий мавжудлиги, яъни экзистенция унинг обьект тарзидаги ҳақиқий борлиғига teng эмас. Атамалар, тушунча ва абстракциялар билишнинг илмий обьективлигини инсоннинг ҳақиқий борлиғидан узоқлаштиради. Инсон ҳаёти давомида муайян йўлни танлаш ҳолатида бўлади, у ўзликни англаш йўлида кўп ўзгаради. Экзистенциализм асосчиси С.Къеркегор анъанавий фандан воз кечиб, ҳақиқий экзистенция сари юксалишнинг анча изчил уч босқичли назариясини таклиф қилди. Ташқи борлиқни аниқлаш билан боғлиқ биринчи эстетик босқичда лаззатланишга интилиш етакчилик қилади. Иккинчи - ахлоқий босқичда бурч ҳисси ва ахлоқ қонуни меъёрлари ҳукм суради. Учинчи - диний босқичда онгли равишда қабул қилинган азоб-уқубат мавжудлик принципи

ҳисобланади. Бу ўз кечинмаларини хаёлдан ўтказиш борлиқнинг янги «трансцендент» мезонини тушуниб етиш имконини беради. Дунё марказига инсонни қўювчи ёндашув доимо антропоеснтристик ёндашув деб аталган. Қадимги софист Протагорнинг: «Инсон барча нарсаларнинг мезони», деган машҳур ибораси антропоцентризмнинг аниқ ифодасидир. Бунда жонсиз ва жонли табиатнинг ўзаро таъсири инсон меъёрлари нуқтаи назаридан каралади, одамзот дунёнинг асосий ва энг катта бойлиги саналади.

Аммо инсонни билиш соҳасида антропоцентризмдан ташқари бошқа ёндашувларга ҳам дуч келиш мумкин. Табиатни ҳамма нарсадан устун қўювчи натуралистик ёндашув - табиий центризм ва у билан узвий боғлиқ бўлган натурализм шулар жумласидандир. Бу ўринда инсон - табиат фарзанди. Унинг барча хато ва камчиликлари бошқа ҳар қандай табиий жараёнлар сингари ўринли ҳамда табиийдир. Космоцентризм - космоснинг ҳамма нарсани, шу жумладан, инсоннинг моҳияти ва табиатини ҳам белгиловчи таъсирига ишора қилувчи дунёқараш бўлиб ҳисобланади. Тарихий-цивилизацион жараёнда теоцентризм таълимоти ҳам муҳим роль ўйнаган. У олий, ғайритабиий мавжудотни дунёнинг асосий ва энг муҳим омили деб эълон қилган.

Ҳозирги адабиётларда космос тафаккури ёки космик ақлни англатувчи теокосмизм атамасига ҳам дуч келиш мумкин. Баъзан инсон, умуман, инсоният ривожланишининг янги даражаси зарурлигини асослаш учун айни шу космик ақлга мурожаат қилиш талаб этилади. Олий космик ақл фаоллик, чексиз ҳаракат ва ривожланишнинг бош негизи сифатида қабул қилинади.

Социоцентризм таълимоти маданий-цивилизацион омилларга суюнади. Бу ерда инсон ўзи яшайдиган ижтимоий-маданий муҳит маҳсули сифатида иамоён бўлади. Социоцентризмга энг яқин тушунча сифатида амал килувчи культуроцентризм инсон маданият мазмуни орқали ўз маъносини касб этади, деган шиорни ҳимоя киласди.

Антропоцентризмнинг зидди - инсонга геологик кучлардан бири сифатида карайдиган ёндашув дезантропоцентризм деб аталади. Ҳозирда анча машҳур бўлган бу ёндашув инсонни унинг устун мавқеи ва ўрнидан маҳрум

этади, ҳеч нарса билан чекланмаган ўзбошимчалик оқибатлари ҳакида ўйлашга мажбур қиласди. Инсонни ўзи яратган технократик, сунъий дунё билан универсал эволюцион ривожланишга боғлашдан иборат бўлган масала коэволюция муаммоси сифатида намоён бўлди.

Коэволюция ғояси табиат ва инсоннинг ўзаро боғланган таъсири ҳамда муштарак ўзгаришини англатади. Инсон кузатувчи эмас, балки космоснинг таркибий қисми, деб тан олинади. У ҳаётни нафақат оқилона, балки руҳи ва танаси орқали ҳиссий идрок этади. Ижтимоий биологлар таклиф қилган «ирсий-маданий коэволюция назарияси» коэволюция ғоясининг ривожлантирилган кўринишидир. Бу назарияда органик ва маданий эволюция муштарак бўлишининг энг оптималь шарт-шароитлари тўғрисида сўз юритилади. Лекин бунда генлар устун қўйилади, чунки улар коэволюциянинг асосий қоидаларини белгилайди. Табиий-биологик асослар эркин ва белгиловчи бўлиб қолади.

Ҳозирги замон антропологик фалсафасининг инсон моҳияти тўғрисидаги хulosалари қуйидагича:

1. Инсон табиатан ноёб ва универсалдир. У табиат ривожининг буюк маҳсули, ноёб қобилият соҳибидир. Инсон учун инстинкт ҳам, нозик дид ҳам, улуғворлик ва яратувчанлик ҳам хосдир.

2. Инсонда ички ва ташқи олам мужассамлашган. Инсоннинг ички олами фаолиятнинг турли шаклларида - меҳнат, мулоқот, бадиий ижод, хулқатвор кабиларда намоён бўлади.

3. Инсон жуда кўп қисмлардан ташкил топган яхлит бирлиқдир. Ҳар бир инсонда табиийлик, ижтимоийлик, ақллилик, ҳиссийлик, ахлоқийлик мужассамлашган.

4. Инсон тарихий мавжудотдир. У ўзининг ана шу хусусияти билан келажагини яратади. Инсон эртанги кунига доимо ташвиш билан қарайди, чунки уни ҳар доим инқирозлар, омадсизликлар таъқиб этади.

5. Инсон масъулият ҳиссидан қочиб қутула олмайди. У гуманизм нуқтаи назаридан ва индивидуалликни уйғунлаштириш орқалигина шундай

вазиятдан чиқа олади.

Инсон нихоятда мураккаб, кўп қиррали ва кўп ўлчамли мавжудот бўлиб, унинг моҳиятини англаш узок вақт давом этадиган жараён. Инсонда бутун олам ва жамиятнинг моҳияти мужассамланган. Фалсафадан баҳс юритиладиган барча масалалар инсон муаммосига бевосита дахлдор. Шу маънода, инсон, аввало, ўзи учун зарур бўлган фанлар, илм ва билимлар тизимини яратган. Табиат, маданият, сиёsat, цивилизация, билиш каби масалалар инсон манфаатлари ва инсоний моҳиятнинг намоён бўлиш шаклларидир. Уларнинг барчаси инсон табиати ва моҳияти билан боғлиқ. Инсон - ижтимоий муносабатлар махсули ва яратувчиси. Инсон - ижтимоий муносабатлар махсули ва яратувчиси.

Юқоридаги қарашлар инсон мавзуининг нихоятда серқирра эканлигини, у билан боғлиқ муаммоларга нисбатан ранг-баранг ёндашувлар мавжудлигини яққол намоён қиласи. Бу эса, ўз навбатида, нафақат ҳозирги даврда, балки келажакда ҳам инсон билан боғлиқ муаммолар фалсафанинг асосий масалаларидан бири бўлиб қолишини кўрсатади.

Фалсафа инсонни оламнинг таркибий қисми, ижтимоий муҳит ва муносабатлар махсули, уларнинг яратувчиси сифатида ўрганади. Хўш ижтимоий муҳит нима? Ижтимоий муносабатларчи? Инсоннинг бу тушунчалар билан қандай алоқаси бор.

"Ижтимоий муҳит" - инсонни ўраб турган, унинг мавжудлигини, шаклланишини таъминлайдиган моддий ва маънавий шарт-шароитларнинг мажмуасини англатадиган тушунча. У кенг маънода, (макромуҳит) ижтимоий-иктисодий тизим, ишлаб чиқариш муносабатлари, ижтимоий муносабатлар ва институтлар мажмуи, ижтимоий онг, жамият маданиятини қамраб олади. Тор маънода, (микромуҳит), ижтимоий муҳитнинг таркибий қисми сифатида бевосита инсонни ўраб турган оила, меҳнат, ўқув каби турли жамоа ва гуруҳларни ўз ичига олади. Ижтимоий муҳит шахснинг шаклланиши ва ривожланишига ҳал қилувчи таъсир кўрсатади. Айни чоғда инсон ижодий

фаоллиги, фаолияти таъсирида ва бу жараёнда одамларнинг ўзлари ҳам ўзгариб боради.

"Ижтимоий муносабатлар" тушунчаси кишиларнинг биргалиқдаги моддий ва маънавий фаолияти натижасида қарор топадиган, одамлар ўртасидаги муттасил тарзда рўй бериб турадиган турли алоқаларни ифодалайди. Ижтимоий муносабатлар моддий ва маънавий муносабатларга бўлинади. Моддий неъматлар ишлаб чиқариш жамиятнинг яшashi ва ривожланишининг асосини ташкил этади. Шу сабабли ижтимоий муносабатлардан энг муҳими иқтисодий муносабатлардир. Улар бошқа ижтимоий соҳаларнинг сиёсий, ҳуқуқий, ахлоқий, диний ва ҳ.к. муносабатларнинг характеристини белгилайди. Барча ижтимоий муносабатларнинг иқтисодий муносабатларга боғлиқ эканлигини тушуниш жамият тарихий тараққиётининг сиёсий, маданий ва бошқа қонуниятларини эътироф этмасликни англатмайди.

Инсоннинг ижтимоий муҳит ва муносабатлар маҳсули, уларнинг яратувчиси сифатидаги моҳиятини кўрсатиш учун уни оламда мавжуд бўлган бошқа биологик мавжудотлардан ажратиб турувчи энг муҳим хусусиятларни аниқлаш зарур. Бу борада одам зотининг яратувчанлик қобилияти ниҳоятда катта аҳамиятга эга.

Фалсафа тарихида инсон ақлига, яратувчанлигига, одамзотнинг ақлли мавжудот сифатида улуғ ва буюк ишларга қодир эканига ишонч асосида шаклланган ғоя ва карашлар "антропософия" - (юн. antropoz - инсон, sophia - донишмандлик, ҳикмат) тушунчасида ўз ифодасини топган. Бу йўналишнинг асосчиси - немис олими Р.Штейнер (1861 -1925)дир. Унинг фикрича, инсон оламнинг Худоси, ҳаётнинг бошқарувчиси, инсондан бошқа илоҳий қучни изланишнинг кераги йўқ. Ҳозирги даврда АҚШ, Англия, ГФР каби мамлакатларда бундай қараш ўз тарафдорларига эга.

Ижтимоий муҳит ва муносабатлар маҳсули, уларнинг яратувчиси бўлган инсон мураккаб ва кўп қиррали мавжудотдир. Унинг моҳияти яхлит бир бутунлик сифатида “инсон”, “шахс”, “индивиду” тушунчалари орқали

ифодаланади. Бу тушунчалар бир-бирига яқин ва маънодош бўлса ҳам, бир-биридан фарқланади.

Таъкидлаш зарурки, инсон, энг аввало, бошқа мавжудотлардан тафаккури, хотираси, тили билан ажралиб турадиган жонзотдир. Айниқса, тил унинг аждодлари ва авлодлари орасидаги ворисийлик, алоқадорлик вазифасини бажаради.

Инсон наслига хос барча генетик хусусиятлар, ахлоқий меъёрлар, унинг фаолиятини бошқарувчи дастурлар худди шу тил орқали аждодлардан авлодларга узатилади. Бошқа тирик мавжудотлардан инсоннинг туб сифатий фарқини ифодаловчи хусусиятлардан яна бири унинг ўз амалий фаолиятини тартибга сола билишидир. Бу ҳолат инсоннинг инсонийлигини белгиловчи энг муҳим хусусият, маданият эканлигини ифодалайди. Шунингдек, инсоннинг ўз турмуши учун зарур бўлган моддий ва маънавий бойликларни ишлаб чиқариш малакасига эгалиги ҳам ана шундай хусусиятлардаи бири ҳисобланади.

Маълумки, инсон ҳаётида меҳнат асосий роль ўйнайди. Меҳнат туфайли инсон ўзи яшаётган табиий муҳитни ўзгартиради, моддий ва маънавий бойликлар яратади. Инсон организмининг соф физиологик функциялари, қўл ва оёқларнинг, бош ва бармоқларнинг, тоғайлар, пайлар, суяқ ва мускулларнинг тарақкий этиши ҳам бевосита меҳнат билан боғлиқ. Бундан ташқари, меҳнат инсоннинг нафақат жисмоний, балки маънавий, маданий тараққиёти учун ҳам асосий шарт-шароит вазифасини бажаради. Меҳнат туфайли инсон табиатга таъсир этади. Бунинг учун меҳнат қуроллари ясаб, ушбу қуролларни узлуксиз такомиллаштириб боради. Инсон, америкалик олим Б.Франклин айтганидек, меҳнат қуролларини яратувчи жонзоддир. Оилавий муносабатлар ва ахлоқий нормалар инсонни ҳайвондан ажратувчи энг муҳим хусусиятлардан биридир.

Кўриниб турибдики, антропосоциогенез (юн. *antropos* ва *genesis* - инсон, келиб чиқиши) туфайли инсон ахлоқий мавжудот сифатида ҳам шаклланди, биологик мавжудотнинг ижтимоий мавжудотга айланиши жараёни содир бўлди. Оддий ахлоқий нормалар ёрдамида ибтидоий жамоа ўз аъзоларини

барчага мақбул бўлган тартиб қоидаларни бажаришга мажбур қилди. Худди шу ҳолат инсоннинг ҳайвондан узил-кесил ажралиб чиқсанлигидан далолат берарди. Уз навбатида, ушбу воқелик ижтимоий ҳолатнинг биологик ҳолат устидан қилган буюк ғалабаси эди. Одамнинг меҳнат қилишни, меҳнат куроллари ясашни ўргангани, ахлоқий нормаларга риоя эта бошлагани улкан неолитик инқилоб эди. Бундай неолитик инқилоб туфайли одам аста-секин ижтимоийлашиб борди. Одамнинг дастлабки аждоди ов қилиб, териб яшашга асосланган фаолиятдан ишлаб чиқарувчанликка, яратувчанликка асосланган турмуш тарзига (дехқончилик, чорвачилик, косибчилик ва б.) ўта бошлади.

Худди шу ҳолат одам ижтимоий-тарихий мавжудот бўлиб шаклланаётганидан далолат беради. Бугунги кунда файласуфлар инсон учта асос - тана, рухият ва маънавиятнинг йифиндиси иборат эканлигини уқтироқдалар. Инсоннинг биологик ҳолати деганда, унинг танасида содир бўладиган морфофизиологик, генетик, миясида рўй берадиган электро-химик ўзгаришлар, унинг ёши, ирқи ва жинсини ифодаловчи аломатлар тушунилади. Инсоннинг рухий ҳолати ҳақида фикр юритганда, унинг хис-туйғулари, кайфияти, кечинмалари, иродаси, темпераменти англаради. Инсоннинг маънавияти жамиятда мавжуд бўлган объектив шарт-шароитлар ва субъектив омиллар натижасида шаклланган фазилатлар, хислатлар, қобилияtlар, малакалар йифиндисидир. Юқоридаги фикр-мулоҳазалар инсоннинг мураккаб, бир бутун биосоциал жонзот эканлигидан далолат беради.

"Шахс" алоҳида киши, ижтимоий-ахлоқий моҳиятни ўзида мужассамлаштирган индивид маъносини англатадиган тушунчадир. Бу тушунча барча ижтимоий-гуманитар фанларнинг ўз предмети нуқтаи назаридан ишлатилади. Шахс ҳақида хилма-хил талқинлар бор. Шахс - биофизиологик, ижтимоий, маънавий, ахлоқий, эстетик фазилат ва хислатларнииг яхлит бир бутунликка айланиши ҳамда муносабатлар тизими билан камраб олинишидир.

Шахснинг шаклланишида қуйидаги омиллар катнашади: 1) биологик (насл); 2) табиий муҳит; 3) маданий муҳит; 4) ижтимоий тажриба; 5) одамлар

билан муносабат. Шахснинг биофизиологик жиҳати овқатланиш, оила қуриш, фарзанд туғилиши каби индивидуал фаолияти билан боғлиқ ҳодисалардир.

Шахснинг шаклланишига табиий алоқадор буюм ва алоқалар олами физик мухит деб аталади. Шахс маданийлашган жонзот; ижтимоий-тарихий тажрибага эга бўлган муайян авлод вакили; одамлараро муносабатлар субъекти бўлиши ҳам мумкин. Бу уч омил ҳам шахс ҳаёти ва фаолиятида мухим аҳамият касб этади.

"Индивид" (лот. *Individum* - бўлинмас) - инсон шахси ва унинг ҳаётининг алоҳидалилиги, шахс ҳукуқларининг мутлақлиги ҳамда ва ўзига хослигини ифодаловчи фалсафий тушунча. Мазкур тушунчанинг маънавий, назарий жиҳатларини ўз ичига оладиган концептуал ва реал ҳаётий ёндашувни акс эттирувчи амалий жиҳатлари мавжуд.

Унинг назарий талқини асосида шахснинг жамиятдаги ўзига хослигини ва ҳукуқларини мутлаклаштириш ётади. Аксарият ҳолларда индивид инсон табиатининг ўзида яширган деб хисобланади.

Индивиднинг моҳиятини асослашга қаратилган қарашлар "индивидуализм" тушунчасида ифодаланади. У шахсий манфаатларни жамият манфаатларидан устун кўйишни ифодаловчи тамойил сифатида хусусий мулкнинг пайдо бўлиши билан бир пайтда шаклланган. Индивидуализмнинг энг қадимий назарий ифодаси киниклар таълимотидир. Ушбу мактабнинг Антисфен, Диоген, Синопский, Кратет каби вакилларининг фикрича, моҳиятан сохта бўлган ижтимоий алоқалар, маданий кўнилмаларнинг барчасига барҳам бериш зарур. Индивид маънан фақат ўзигагина таяниши мумкин. Анъанавий ватанпарварлик ахлоқига зид равишда ўзларини "дунё фуқаролари" - космополитлар деб эълон қилган киниклар ҳар қандай жамиятда ўз билганларича, ўз қонунлари билан яшамоқ ғоясини илгари сурдилар, ҳар қандай ахлоқий чегараларни инкор этдилар. Бунда шахс автономиясини асослашга интилиш ўзига хос тарзда намоён бўлади. Киниклар фаолиятида индивидуализмнинг амалиёти ҳам намоён бўлган. Масалан, Диоген ўзига нисбатан "жамоаси, уйи, ватани йўқ" деган формулани қўллашни яхши кўрган,

бочкада кишилар берган садақа ҳисобига кун кечирған. Диоген ташқи таъсирлардан бундай мустақил ҳолда яшашни олий баҳт, деб ҳисоблаган. Уйғониш даври Ғарб фалсафасыда индивидуализм муайян концепция сифатида шаклланди. Маърифатпарварлар (Гоббс, Гельвеций, Гольбах) эса, индивидуализмни инсон фаоллиги, айниқса, тадбиркорлик фаолиятининг универсал ўлчови сифатида эътироф этдилар. Уларнинг фикрича, ҳатто яхшилик қилиш замирида ҳам ўз манфаатларини тўғри англаш ёки "оқилона худбинлик" (Гольбах) ётади. Кант инсон табиатига хос бўлган худбинликни "ўта кетган бадбаҳтлик" деб ҳисоблаб, ўз фойдаси, манфаати, мақсадларини кўзлайдиганларни "ахлоқий эгоист" деб атаган. Шопенгауэр ҳар бир инсоннинг ўзига хос яшаши учун ирода унинг индивидуализмининг асоси деб ҳисоблаган бўлса, Чернишевский умумий иш муваффақиятидан охириқибатда индивиднинг шахсий манфаатлари ҳам ютишидан келиб чиқсан ҳолда, шахсий фойдани умумий ишга ўз хоҳиши билан бўйсундириш ғоясини илгари сурган ва буни "оқилона эгоизм" деб номланган эди. Шунингдек, индивидуализм Штирнер ва Ницше, Сартр, Бергсон ва Ясперс қарашларида ҳам ўзининг ёрқин ифодасини топган.

Ҳозирги даврда баъзи мамлакатларда оммавий "маданият" ҳукмрон бўлиб бораётган, кишилар дунёқарашини бошқариш, уларнинг хулқига муайян стандарт қолипларни сингдириш йўлидаги уринишлар тобора авж олаётган ва кенг миқёс касб этаётган бир пайтда иидивидуализм ўзининг ҳам назарий, ҳам амалий кўринишида яна шу ҳодисаларнинг ифодаси сифатида намоён бўлмоқда.

Шунингдек, дунёнинг турли минтақаларида сциентистик, техницистик ёндашувлар инсон шахси ривожига қарши қаратилган деб талқин қилинаётган бир пайтда индивидуализмни ўзига хос ҳаракат сифатида ҳам баҳолаш мумкин. Бу, афсуски, нигилизм, скептицизм, цинизм кўринишларида ҳам намоён бўлмоқда. Айни пайтда индивидуализм тарихда бўлгани каби, ҳозир ҳам космополитизм, волюнтаризм, анархизм, эгоизм каби кескин

кўринишларда кўзга ташланмоқдаки, биз ўзимизни ана шундай ғоялар таъсиридан сақлашимиз лозим.

Инсонни оламнинг таркибий қисми, ижтимоий муҳит ва муносабатлар маҳсули, уларнинг яратувчиси сифатидаги табиати ҳамда моҳиятини фарқлаш масаласида аниқ чегара бўлиши мумкин эмас. Чунки инсон доимо олам жумбоги, унинг очилмаган сири бўлиб келмоқда. Лекин, шунга қарамай, фанда инсон қобилияти ва сифатлари мажмуини унинг табиати билан боғлаб ўрганиш қабул қилинган. Ақллилик, муомала қилиш ва ижтимоий ҳаёт кечириш қобилияти инсоннинг асосий хусусиятлари хисобланади.

Инсон экологияси тўғрисида сўз юритганда, инсон популяцияларининг реал турмуш тарзини ўрганишни назарда тутиш лозим. Бу ўринда нафақат инсоннинг жисмонийлити, у яшайдиган моддий муҳит, балки маънавият ҳам муҳим. Аммо, рухга ҳаёт баҳш этиш учун танани ҳам ҳаёт билан таъминлаш керак. Рух ва тананинг бир-бирини тақозо этиши, айни вақтда, бир-бирини инкор этиши, ҳар сафар янги ва янги куч билан намоён бўлувчи қарама-каршилик сифатида, ўз ечимини фақатгина маънавий ва жисмоний бўлмаган бошқа бир нарса воситасида топишни тақозо этади. Шу маънода, ўз қобилиятини рўёбга чиқариш, ўзликни англаш ва асрар музаммоси доимо инсон экологиясининг бош музаммоси бўлиб келган. М.Монтень ўз вақтида: «Дунёда энг муҳими ўзликни сақлашдир», деб ёзган эди.

Замонавий фанларда бу борада «экософия» атамаси қўлланмоқда. Экософия янги атама бўлиб, шахс хулқ-авторини белгилаб, унда ўзликни сақлаш хусусиятини таъминловчи шахсий қадриятлар мажмуи ва шу асосдаги дунёқарашни англатади.

Экософиянинг категориялар тизимига ўз қобилиятини рўёбга чиқариш ва қадриятлар тизимидан ташқари, ўз-ўзини тинимсиз ўрганиш императиви ҳам киради. Унинг энг етук рефлексив шаклини И.Кантнинг машҳур саволларида кўриш мумкин: «Инсон нима? Мен нимани билишим мумкин? Мен нимага умид кила оламан? Мен нима қилишим керак?” Булар умуминсоний

муаммолар рўйхатига киритилган умумий оламшумул саволлардир. Аммо яшаш жараёнида вазиятга қараб муайян саволлар туғилиши ҳам мумкин. Бу ерда ментал ва этник хусусиятлар муҳим аҳамият касб этади.

Менталлик шахсни фикрлаш, сезиш, энг муҳими, муайян тарзда ҳаракат қилишга мажбур этувчи «вақт рухи»ни тавсифлайди. Ментал таъсир механизмлари анча мураккаб. Инсон фарзанди дунёни идрок этишнинг шундай бир хусусиятини она сути билан бирга ҳазм киладики, дастлабки ижтимоийлашув жараёнида жамият ҳаётида мўлжал олишнинг шундай ўзига хос кўнилмаларини ўзлаштирадики, улар энг ноқулай вазиятда ўзини намоён қилиб қолиши мумкин.

Инсон эволюцияси муаммоси унинг қобилиятларини кенгайтириш ва ахлоқий қадриятларини такомиллаштириш соҳасига татбиқан ҳал қилинади. Эволюция йўлидаги биринчи қадам - ўз-ўзини ўрганиш. Бунда салбий эмоцияларга қарши курашиб мухим аҳамият касб этади. Мазкур кураш жараёнида «инсон ўз ташвишларини қурбон қилиши керак». Зоро, токи инсонда салбий эмоциялар мавжуд экан, унинг бирлиги, онги, иродаси ривожлана олмайди. Ўз-ўзини ривожлантириш учун инсон ўзини кузатишни, ўзининг фойдали ва заарли жиҳатларини фарқлашни ўрганиши лозим. Шахсда юзага келувчи қизиқишлиар, худди магнетик марказ каби, инсоннинг ривожланишини йўлга солади ва назорат килади.

Инсон моҳиятини фалсафий билиш улкан тарбиявий аҳамиятга ҳам эга. Инсон фалсафаси хар бир янги тарихий даврда инсон моҳияти, унинг жамиятда тутган ўрни ва аҳамиятини чуқурроқ англашга ёрдам беради. Инсонга хос хусусият ва фазилатларни билиш орқали ҳар ким ўзида шундай сифатларни шакллантиришга интилади.

Бундай фазилатлар фалсафа ва бошка ижтимоий фанларни ўрганиш, умуман, таълим-тарбия жараёнида шаклланади. Замонавий билим ва юксак инсоний фазилатларни эгаллаш орқали Ўзбекистонда ҳуқуқий, фуқаролик жамият қуриш вазифалари уйғунлигини таъминлашга эришиш бутун таълим-тарбия ишимизнинг бош мезони ва унинг олдида турган муҳим вазифадир.

Президент И.А.Каримов таъкидлаганидек, ҳозирги шароитда инсон омили ва мезони барча ислоҳотларимизнинг бош йўналиши ва самарадорлигининг пировард натижасини белгилаб беради. Мамлакатимизда демократик ўзгаришларни чуқурлаштириш фуқаролик жамияти асосларини барпо этишни инсон омилисиз тасаввур этиб бўлмайди.

### ***Таянч тушунчалар.***

Одам, инсон, индивид, шахс, антропогенез, антропология социогенез, антропосоциогенез, экзистенция, инсон экологияси.

### **Назорат учун саволлар**

1. «Инсон» ва «шахс» тушунчаларини изоҳланг. Улардаги умумийлик ва фарқлар нималардан иборат.
2. Фалсафа тарихида инсон тўғрисидаги қарашлар.
3. Марказий Осиё мутафаккирлари инсон тўғрисида.
4. Ҳозирги замон фалсафасида инсон муаммоси.
5. “Инсон экологияси” тушунчасининг мазмун-моҳияти.

## **12- МАВЗУ. ШАХСНИНГ ЖАМИЯТДАГИ ЎРНИ.**

1. Жамият ва шахс муносабатлари ҳақидаги фалсафий фикрлар.
2. Шахснинг жамиятга таъсири. Жамият ва шахс орасидаги муносабатлар.
3. Мустақиллик шароитида шахс эркинлиги ва маъсулияти.

Жамият ва шахс муносабатлари одам ҳамда олам муносабатларининг бевосита давомидир. Жамият ва шахс орасидаги муносабат мураккаб характерга эга бўлиб, бу жараён жамиятнинг инсонга ҳамда инсоннинг жамиятга таъсири тарзида намоён бўлади.

Жамият ва шахс муносабатлари фалсафа тарихида турлича таҳлил қилинган. Баъзи қарашларга кўра инсоннинг шаклланишида ижтимоий мухит ҳал қилувчи ўрин тутади, деган фикр ҳукмрон бўлиб; жамият ва инсон орасидаги муносабатлар бир йўналишда, яъни жамиятнинг инсонга таъсири тарзида таҳлил қилинган. Ҳозирги давр нафақат жамиятнинг инсонга, айни вақтда инсоннинг жамиятга катта таъсир кўрсата олишини эътиборга олишни тақозо қилмоқда. Фан ва техника ютуқлари инсонлар турмуш тарзининг барча жабҳаларига жадаллик билан кириб бораётган ҳозирги замон цивилизацияси шароитида якка инсон, алоҳида шахс, ҳатто инсоният тақдирида буюк бурилиш ясashi ёки ўта хавф солиши мумкинлиги тобора аён бўлиб бормоқда. Ана шундай шароитда жамият ва шахс орасидаги муносабатлар муаммосининг илмий ечимини топиш муҳим аҳамият касб этади.

Жамиятнинг инсонга таъсири, аввало, унинг шахс бўлиб шаклланиш жараёнида акс этади. Жамият шахснинг шаклланиши жараёнига бевосита таъсир кўрсатади. Жамиятнинг шахсга таъсири: а) мегамухит; б) макромухит; в) микромухит даражасида амалга ошади. Мегамухит - инсоният дунёси, давр мухитининг инсонга таъсири. Макромухит - инсон ҳаёт кечираётган жамият, мамлакат. Микромухит - инсонни ўраб турган, унга бевосита таъсир кўрсатадиган мухит (оила, меҳнат жамоаси).

Шахснинг жамиятга таъсири ҳар бир тарихий даврдаги ижтимоий муҳитда турлича кечади. Унинг жамиятга бевосита таъсири микромуҳитда намоён бўлади. Макро ва мегамуҳитга таъсири у мансуб бўлган ижтимоий гурӯх, миллатнинг аниқ бир тарихий даврдаги эгаллаган мавқеига мувофиқ бўлади. Шахснинг жамиятга таъсири, унинг ҳаётга муносабатдаги фаоллиги даражасига боғлиқ. Шахсларнинг муайян тарихий даврдаги фаолиятлари, жамиятда тутган ўринларига кўра: а) оддий; б) талантли; в) буюк; г) гений турларини кўрсатиш мумкин. Оддий шахснинг жамиятга таъсири асосан тор доирада – микромуҳитда бевосита сезилади. Тарихий шахслар ўз фаолияти билан жамиятга ижобий ёки салбий таъсир этиб, унинг ҳаётида чуқур из қолдириши мумкин.

Генийлик<sup>1</sup> шахс қобилияти ва фаолиятининг бетакрорлигига намоён бўлади. Гений ижоди ва фаолияти ўзига хослиги билан, инсоният жамияти тараққиёти учун алоҳида тарихий аҳамияти билан характерланади.

Ижтимоий фикр соҳасида “буюк шахс” тушунчаси қўлланади. Шахснинг буюклиги ўзи мансуб бўлган ижтимоий гурӯх, элат ёки халқнинг ўйфикарни ифодалаб, уларнинг асосий мақсад-муддаоларини тарихий жараёнларнинг объектив мантиқий талабларига мос равишдаамалга оширишда ҳал қилувчи ишларни бажара олишидадир. Бундай шахснинг фаолиятида ўз халқини баҳтли-саодатли қилиш, ўзлигини намоён қилиш, миллий ва давлат мустақиллигини ҳимоя қилиш, хуллас инсоният ялпи илгарилама ҳаракатига кўмак бериш белгиловчи ўрин эгаллайди. Бундай ҳолатда шахс тарихнинг субъекти даражасига кўтарилади.

Умуман олганда, ижтимоий тараққиётга ёки таназзулга тарихий шахслар сезиларли даражада таъсир кўрсатади.

Шуни ёдда тутиш лозимки, шахс типи ижтимоий муносабатларнинг реал тизимининг инъикосидир. Шахсни ҳеч қачон жамиятдан, жамиятни шахсдан ажратиб бўлмайди. Жамият шахссиз яшай олмаганидек, шахс жамиятдан ташқарида фаолият кўрсата олмайди. Жамиятнинг шахсга таъсири масаласини

---

<sup>1</sup> Гений лотинча *genius* сўзидан олинган ва даҳо маъносини ифодалайди.

юқорида кўриб ўтдик. Жамиятдаги ижтимоий муносабатлар шахсни қандай қилиб шакллантирган бўлса, ўз навбатида, шахс ҳам жамиятни шундай тарзда барпо этади. Бундан шахсда у яшаётган, фаолият кўрсатаётган жамият, у мансуб бўлган синф, табақа, миллат ёки элатнинг ўзига хос хусусиятлари акс этади, деган хulosага келиши мумкин. Ҳар бир жамиятда ўзига хос шахс типи мавжуд бўлади. Турлича жамият, турли ижтимоий муҳитда шаклланган шахс ўзининг ижтимоий хислат, фазилатлари билан бошқалардан тубдан фарқ қиласди.

Ижтимоий фалсафада шахс ва жамият муносабатларининг тарихий типлари масаласи ишлаб чиқилган. Унга кўра, саноатлашган жамиятга қадар, саноатлашган (индустрисал) жамият ва постиндустрисал жамиятларга хос муносабатларнинг: а) шахсий қарамлик; б) шахс мустақиллиги; в) эркин шахсдан иборат уч типи кўрсатилган.

Эркин, мустақил шахс постиндустрисал жамиятга ўтиш жараёнида шаклана бошлади. Бундай жамиятда билим, ахборот, касбий маҳорат устувор ҳисобланади, хизмат кўрсатиш соҳалари жадал ривожлана бошлайди. Қудратли моддий-техник база, тараққий этган ишлаб чиқарувчи кучлари бўлган бундай жамиятда шахс тараққиётининг моддий ва маънавий омиллари етилган бўлади. Очиқ, эркин жамият эркин шахснинг шаклланиши учун зарурий шарт-шароитларни яратади. Шахс фақат очиқ, эркин жамиятдагина эркин бўла олиши мумкин. Шунинг учун ҳам мустақилликка эришган, демократик тараққиёт йўлини танлаб олган давлат ва жамиятда инсон энг олий қадриятга айланади.

Шахс ва жамият орасидаги муносабатларни динамик жараён сифатида ўрганиш, бунда ҳам жамиятдаги, ҳам инсон шахсидаги ўзгаришларни инобатга олиш лозим бўлади.

Жамият узлуксиз ҳаракатда, ўзгаришда бўлгани сингари, шахс ҳам доимо ҳаракатда, ўзгаришда бўлади, бу ҳолат шахснинг такомиллашувидан иборат динамик тизимни ифодалайди. Файласуф олим Анвар Чориев шахснинг шаклланиши ва такомиллашуви уч асосий босқични:

- вужудга келиш, шакланиш;
- улғайиб бориш;
- такомиллашишни ўз ичига қамраб олади, деб ҳисоблайди.<sup>1</sup>

Жамият ва шахс орасидаги алоқадорликка ижтимоий-тарихий нуқтаи назардан ёндашмоқ лозим. Бу нарса, бир томондан, шахснинг жамиятга таъсири турли даврларда ўзига хос тарзда намоён бўлишини. Иккинчидан, жамият турли даврларда шахс олдига турли вазифаларни қўяди. Шунга кўра, Шарқ маданиятида донолик, ботирлик, камтарлик, одиллик қадрланган; қадимий Юнонистонда ақлий баркамолликка эришиш юксак баҳоланганд; саноатлашган жамиятда тадбиркорлик, ташаббускорлик қадрланган.

Жамият ва шахслар орасидаги ўзаро алоқа ва муносабатлар таҳлили шундан далолат берадики, жамиятнинг цивилизацияли тараққиёти шахс ролининг тобора ўсиб боришига олиб келади. Бу ҳол шахс эркинлиги билан масъулиятни долзарб масалага айлантиради. Шу муносабат билан эркинликнинг ўзи нима? Эркин шахс қандай шахс? каби саволларга жавоб топиш лозим. Аввало, эркин шахс деганда, мустақил шахс назарда тутилади. Мустақил шахс - мустақил фикрлаш, ишлаш, яшаш малакасига эга бўлган индивид.<sup>2</sup>

Шахс мустақиллигини таъминловчи энг муҳим кафолатлардан бири инсондаги эркинлик ва маъсулият туйғуларининг уйғунлашганидир. Эркинлик муаммосига файласуфлар ўз муносабатларини турлича билдирганлар. Рус файласуфи Н.Бердяевнинг фикрича, эркинлик туфайли инсон танлаш, саралаш имкониятига эга бўлади. Лекин фақат танлашнинг ўзигина эркинликни таъминлаб бера олмайди. Ҳақиқий эркинлик ижодкорликни тақозо этади. Инсон эркинлигини ижодкорликдан, бунёдкорликдан ажратиш мумкин эмас.

Детерминистик концепция тарафдорлари эркинлик инсоннинг объектив заруриятини англаб олиш қобилияти, деб тушунадилар. Эркинлик танлаш учун

<sup>1</sup> Чориев А. Инсон фалсафаси. II китоб. Мустақил шахс. – Т.: 2002. 105-бет.

<sup>2</sup> Ўша манба. 43-бет.

имконият мавжуд бўлган жойда вужудга келади. Эркинлик инсоннинг ўз мақсадига эришишининг муҳим омили, унинг учун берилган имкониятдир.

Эркинлик, шахс эркинлиги волюнтаризм ва фатализм фалсафий йўналишларининг бош масаласидир. Фатализм лотинча *fatalis* – тақдирга оид, деган маънони англатади. Пифагорчилар, Демокрит, Ницше фатализм намоёндалари хисобланади. Фатализм - Калом фалсафасининг энг муҳим ақидаларидан бири. Фатализм ҳар бир ҳодиса ва инсоннинг барча хатти-харакатлари тақдири-азалга, қисматга боғлиқ, деб ҳисоблайди. Фатализм инсон ҳеч нарсани ўзгартира олмайди, барча нарса, ҳодиса, жараёнлар мазмuni, йўналиши, оқибатлари олдиндан белгиланган, деган ғояни илгари суради. Бу билан инсонни ҳеч қандай фаолият кўрсатмасликка, пассивликка, қисматга бўйсунишга даъват этади.

Волюнтаризм лотинча *voluntas* – ирома, деган маънони ифодалайди. Бу фалсафий қараш шахс иродасини бирламчи деб эътироф этади ҳамда тарихий жараёнлар алоҳида шахсларнинг субъектив хоҳишлирига асосан амалга ошади, деган ғояга асосланади. Волюнтаризмнинг мазмун-моҳияти XIX аср немис файласуфи А.Шопенгауэрнинг ирома фалсафасида ўз ифодасини топган.

Мустакил шахсга хос асосий хусусият эркинликдир. “Эркинлик” тушунчасининг маъноси кишининг ўз истаги бўйича иш тутишидир. Эркинлик жамият ҳаётининг турли соҳалари билан бевосита боғлиқ. Эркинлик деганда: а) иқтисодий; б) сиёсий; в) маънавий эркинлик назарда тутилади. Иқтисодий эркинлик, бу аввало, мажбур қилишдан озодликдир. Айни вақтда иқтисодий эркинлик инсон томонидан ижтимоий меҳнатнинг турини танлаб олишда, мулкка муносабатда ва қаерда фаолият кўрсатишни танлаб олишда намоён бўлади. Бунда шахс ҳам ўз интилишлари, ҳам реал жамиятнинг реал имкониятларидан келиб чиқади.

Сиёсий эркинлик ҳаёт кечириш учун зарур ҳуқуқ ва эркинликларнинг мавжудлиги билан тавсифланади. Тараккий этган жамиятда давлат инсоннинг ҳақ-хуқуқларини кафолатлайди. Сайлаш – сайланиш ҳуқуқи, адолатли давлат тизими, халқнинг давлат аҳамиятига молик масалаларни ҳал қилишдаги ҳал

қилувчи иштироки, яъни демократик хуқуқ ва эркинликлардан фойдаланиш, “сиёсий эркинлик” тушунчасида ифодаланади.

Маънавий эркинлик деганда, аввало, виждон эркинлиги, жамият маънавий ҳаётида иштирок этиш, маънавий бойликлардан баҳраманд бўлиш, ижоднинг у ёки бу тури билан шуғулланиш, сўз эркинлиги кабилар назарда тутилади.

Эркинлик масъулият, жавобгарлик билан бевосита боғлиқ. Эркинлик ва масъулият инсон фаолиятининг ўзаро узвий боғлиқ икки томонини ташкил этади. Масъулият, аввало, жавобгарлик маъносини ифодалайди. Масъулият – ижтимоий аҳамиятли бурч ва вазифаларнинг бажарилиши, муайян ахлоқий тамойилларга риоя қилиш бўйича шахснинг жамият аъзолари олдидаги жавобгарлиги. Эркинлик каби масъулият ҳам хилма-хил кўринишларда намоён бўлиши мумкин. Сиёсий, хуқуқий, ахлоқий масъулият, шахс масъулияти, жамоа масъулияти ва х.к. шулар жумласидандир.

Масъулият жамият, ижтимоий гурух томонидан шахсга қўйиладиган талаблар асосида шаклланади. Бу талабларнинг шахс томонидан ўзлаштирилиши унинг хатти-ҳаракатлари, фаолиятида намоён бўлади. Шахснинг шаклланишида масъулият ҳиссини тарбиялаш мухим аҳамиятга эга. Маъсулият шахснинг жамият манфаатларини қай даражада чуқур англай олишини назарда тутади. Эркин шахс, аввало, жамият манфаатларини англаган, жамият олдидаги ўз масъулиятини чуқур хис эта оладиган инсон. Жамият ҳаёти ва тараққиёти инсон фаолиятининг маҳсули ва кўриниши экан, инсон қанчалик маъсулиятни чуқур хис этса, у шунчалик онгли фаолият кўрсата олади.

Шахс эркинлиги ижтимоий тараққиёт омили ҳисобланади.

Фалсафий таълимотда “шахс” мураккаб тушунчалардан биридир. Шахснинг ижтимоийлашуви ижтимоий ҳаётда вужудга келади. Зеро, шахс ва жамият уйғун ҳолда ривожланади. Чунки шахс муайян жамиятнинг алоҳида олинган ажралмаган бўлраги. Бу иккала тушунчага ягона бир организм сифатида қараш ўринли. Инсонга шахс сифатида қарайдиган бўлсак, унинг бу ҳолатини, даставвал, жамиятдаги ўрни ва бажарадиган вазифалари ифодалайди.

Шахснинг ижтимоийлашуви у яшаётган жамиятдаги ижтимоий иқтисодий, маънавий ва маданий муҳит таъсирида кечади. Бу жараённинг биринчи босқичи оиладир. Оилада гўдакнинг дунёга келган кунидан бошлаб, ахлоқий ва онгли фаолиятига асос солинади. Зеро, чақалоқнинг шахс сифатида шаклланишининг биринчи «ғишти» оилада қўйилар экан, бу шахс камолотининг жуда кўп ва мураккаб объектив ва субъектив омиллари ичидаги муҳими, ҳал қилувчи жиҳатларидан биридир. Аввало гўдак соғлом бўлиши, бунинг учун она ҳам соғлом бўлиши, рухиятининг тетик бўлишига кўп нарса боғлиқ. Буюк мутаффакир Абу Али ибн Сино «Тиб қонунлари» асарида «Чақалоқнинг она қорнида ривожланиши ва туғилгандан кейинги даврда шахс сифатида шаклланиши она рухиятига боғлиқ», деган эди.

Инсон боласининг шахс сифатида камолотга етишиши уни дунёга келтирувчи ота ва оналарнинг руҳан ва жисмонан тетик бўлиши, айниқса, маънавияти бой бўлиши муҳимдир.

Шахс ва жамият, давлатни бошқариш масалалари Шарқ ва Ғарб мутафаккирлари ҳамда давлат арбобларининг асарлари ўз ифодасини топган. Бу соҳага улкан ҳисса кўшган файласуфлардан, Суқрот, Платон, Аристотель, И.Кант, Шарқ мутафаккирларидан Абу Наср Форобий, Абулқосим Фирдавсий, Абу Райҳон Беруний, Абу Али Ибн Сино, Абу Абдуллоҳ Рудакий, Юсуф Ҳамодоний, Амир Темур, Заҳириддин Муҳаммад Бобур ва бошқаларнинг ижодларида бу масалаларга нисбатан муҳим фикрлар билдирилган.

Абу Али Ибн Сино шахс камолоти, яъни ижтимоийлашуви ҳақида фикр юритиб, шундай деган: "Инсон шахси «дунёвий ақл» ва «дунёвий руҳ» билан кўшилганда, оламни билиш борасида, камолотга етишишдаги муваффақиятга эришади." Шарқ мутафаккирлари инсон моҳияти таҳлилида унинг руҳий ва ижтимоий мавжудотлигига эътибор берганлар. Худди шундай ҳолатни биз Абу Райҳон Берунийда ҳам кузатишимиз мумкин. Олимнинг фикрича, инсоннинг ақлий қобилияtlари: фикрлаш, муҳокама қилиш, ўйлаш, хотира, оламни янада яхшироқ тасаввур этиш учун инсонга берилган «Тангрим тухфаси»дир. Ақлий қобилияят туфайли инсон ташқи муҳитда содир бўлаётган ўзгаришларнинг

бирини иккинчисига солиширади, таҳлил қилади, ростини ёлғондан, адолатни адолатсизликдан, яхшини ёмондан, ҳақиқатни ноҳақликдан ажратади. Бу билан олим шахснинг ижтимоийлашуви ва жамият тараққиётига таъсири мураккаб жараён эканлигига эътибор қаратади.

Абу Наср Форобий «Фозил одамлар шахри» асарида шахс камолотига, ижтимоийлашувига алоҳида урғу беради ва у орқали шахс ва жамият муносабатларининг шаклланиши ҳамда ривожланишига олиб келувчи омилларни кўрсатади. «Ҳар бир инсон, - дейди Форобий, — ўз табиати билан шундай тузилганки, у яшаш ва олий даражадаги етукликка эришмоқ учун кўп нарсаларга муҳтоҷ бўлади, уларга эга бўлиш учун инсонлар жамоасига эҳтиёж туғилади».

Бу билан олим инсон ёлғиз ўзи мақсадларига эриша олмаслиги, шахснинг ижтимоийлашуви ва камолотга етишиши жамиятсиз амалга ошмаслигини уқтиради. Форобий шундай ёзади: «Шу сабабли яшаш учун зарур бўлған кишиларни бир-бирига етказиб берувчи ва узаро ёрдамлашуви кўп кишиларнинг бирлашуви орқалигина одам ўз табиати бўйича интилган етукликка эришиши мумкин».

Инсоннинг шахс сифатида шаклланишини, кишиларнинг бирлашуви шахс ва жамият муносабатларишни йўлга қўйишда деб билади. Албатта, бу фикрни қўллаб-қувватлаган ҳолда таълимотларини шахс камолотининг бошқа омиллари борлигини, яъни шахс дунёда қандай ўринни белгилаши, аввало, ўз тақдирини эгаси бўла олиши билан белгиланади. Бунда шахс эркинлиги масаласи муҳим аҳамият касб этади. Шахснинг доимий фаоллиги, ўз-ўзини ривожлантиришнинг муҳим сифати эркинлик ҳисобланади. Аммо эркинлик яшаб турган жамиятдан озод ҳолда бўлмайди. Эркинлик ва масъулият олдидаги масъулиятни ўзининг ижтимоий бурчи ҳисоблаб. Ўз фаолиятида эркинликнинг намоён бўлиши ва давом этиши деб қарashi лозим. Ижтимоий фаоллик эса, шахсий шаклланишнинг муҳим омилидир. Шахс ўз талаб ва заруриятлари асосида оламни ўзгартирди ва жамиятда ўз ўрнини топади, бу ҳолат шахснинг онги ва яратувчанлик фаолиятидир.

Инсон ҳаёти мураккаб алоқадорлик ва ҳаракатлар хилма-хил муносабатларда намоён бўлиши туфайли унинг эркинлиги ҳам кўп қирралидир. Бу эркинликнинг руёбга чиқиши зарурият орқали амалга ошади. Шахс ва жамият муносабатларининг ўрнатилишида ёки айrim кишилар кундалик ҳаётларида турлича кўринишдаги заруриятга дуч келадилар. Шахснинг муайян заруриятларга муносабати, аввало, объектив воқелик ва тартиб асосида кечса, иккинчи томондан, унинг ички дунёси, интилишига қараб, амалга ошади.

Шахснинг ижтимоийлашуви натижасида унинг субъектив «Мен»и ҳам шаклланади. Шахснинг «Мен»и у яшаб ўтган ижтимоий мухит (ота-боболар, оила, маҳалла, атрофдаги кишилар ва б.) асосида шаклланади. Бу жараён шахснинг «Мен»и шаклланишига ижобий (кўпинча) ёки салбий таъсир этиши мумкин. Бунда инсоннинг ички моҳиятидан келиб чикадиган, доимо бир-бири билан ёнма-ён мавжуд бўладиган маънавий психик ҳолатини эътибордан четда қолдириб бўлмайди. Шахснинг «Мен»ини шакллантиришга йўналтирилган ижтимоий мухит, умуман, комил инсон тарбиясидаги ижобий омилларни фарқламоқ керак. Яъни, поклик ёки нопоклик, саҳийлик ёки очкўзлик, меҳр-шафқатлилик ёки тошбағирлик, инсофлилик ёки ноинсофлилик, виждонлик ёки виждонсизлик, эзгулик ёки ёвузлик каби руҳий ҳолатлар киради. Муайян ижтимоий мухитда шаклланган субъектив «Мен»даги бу ҳолатлар бир-бири билан ўзаро боғлиқ.

Инсон субъектининг «Мен»и тўғрисидаги фикрларни воқеликка мувофиқ келиши ва келмаслиги масаласини назардан қочирмаслик лозим. Агар инсон «Мен»ининг шаклланишида салбий ҳолатларга эрк берилса, одам инсонийлик сифатларидан қадам-бақадам маҳрум бўлиб боради. Бунинг учун одам онги, қалби доимо эзгуликдан озиқланиб туриши лозим.

Шахс ва унинг «Мен»и шаклланишида юқоридаги омиллардан ташқари билим ғоялари мухим ўрин эгаллайди. Ҳар қандай жамиятда инсон шахсининг етуклиқ даражасига эътибор қаратилган. Шарқ маданиятида ақлий баркамолликка эришиш шахс ҳисобланиб, саноатлашган жамиятнинг ривожида тадбиркор инсон шахснинг асосий идеали ҳисобланган. Ҳозирги даврда шахс

идеалига бундай қарашиб, ақлий баркамоллик билан тадбиркорликнинг уйғунлиги ҳозирги замон шахс идеали ҳисобланади.

Шахс ижтимоийлашувида мақсад томон интилиш турли эътиқод ва қарашларда намоён бўлиши мумкин. Аксарият ҳолларда ижобий характерга эга бўлиб, инсон хатти-ҳаракатлари, эҳтиёжлари мақсадлари, билимлари ва орзу-умидларини ўз ичига олишда намоён бўлади.

Бу даражага етишиш учун инсон мураккаб босқичлардан ўтиши, зарур билимга, ҳаётий тажрибага эга бўлиши, ўзи яшаётган, меҳнат қилаётган жамоа, муҳит ва муайян жамиятнинг талаб ва эҳтиёжларини ўзида акс эттиргандагина шахс сифатида шакллана боради. Шахснинг шаклланиши ижтимоийлашуви деб аталади.

“Шахс” тушунчасини «индивид» тушунчасидан фарқлаш лозим. Фалсафада инсонга нисбатан «индивид» эмас, «индивидуаллик» тушунчаси ишлатилади. Бу муайян инсоннинг алоҳидалиги ва бетакрорлигидир. Инсон индивид шаклда туғилар экан, у шахсга айланиши учун ўзининг барча ички имкониятларини, индивидуаллигини намоён қилиши керак бўлади. Индивидуаллик хақида турли даражада гапириш мумкин. Масалан, биохимик, нейрофизиологик, психологик ва ҳоказо. Лекин бу индивидуаллик “шахс” тушунчасини тўлиқ акс эттирмайди. Шахс эса онг ва ўз-ўзини англаш пайдо бўлиши билан юзага келади.

«Индивид» ва «Индивидуализм» бир-бирига яқин атамалар бўлса ҳам ҳар бирининг ўзига хос мазмун ва моҳияти бор. Агар индивид деганда мустақил яшайдиган тирик вужуд, шахс тушунилса, "индивидуализмнинг келиб чиқиши, унинг моҳиятини асослашга қаратилган қараашлар шахсни жамоага қарама-қарши кўйишни, шахсий манфаатларни жамият манфаатларидан устун кўйишни, ифодаловчи тамойил сифатида хусусий мулкнинг пайдо бўлиши билан бир пайтда шаклланган".

Фалсафада қабул қилинган “индивид” тушунчаси узок тарихий даврга бориб тақалади. Унинг шаклланиш даврининг бошланиши ибтидоий жамоа

даврига тўғри келади. Унинг жисмоний мавжудлиги, индивид сифатида мустақиллиги ўзи мансуб бўлган уруғ жамоаси доирасида бўлади.

Маълумки, уруғ жамоасининг емирилиши билан аста-секин ижтимоий меҳнат тақсимоти, хусусий мулкчилик, бир хотинликка асосланган оиланинг қарор топиши ўрта давр учун хос бўлган индивиддан юксак бўлган янги босқич келиб чиқишини таъминлаган. Тараққиётнинг кейинги босқичларида фалсафада "индивидуид" эмас, "индивидуаллик" атамаси ишлатилган.

Дарҳақиқат, инсондаги индивидуаллик, бошқача айтганда, алоҳидалик йўқолиб кетмайди, аксинча, унда бу хусусиятлар объектив равишда инсон хусусиятларини ифодаловчи бўлиб давом этаверади. Инсондаги индивидуаллик, унинг ҳаёти, фаолиятининг барча соҳаларида намоён бўладиган ўзига хос сифатлари дир. Индивидуаллик алоҳида олинган инсоннинг аниқ хатти-ҳаракати, малакаси, лаёқати, одат ва қўникмаларини ифодалайди.

Жамиятда моддий ишлаб чиқаришни амалга ошириш жараёнида кишиларнинг сиёсий, маънавий-маданий ишларда иштирок этиши фан ва санъат соҳаларида ижод ва кашфиёт килишади, имконият яратишади, умуман олганда, кўплаб ишларнинг бажарилишида ана шу индивидуаллик намоён бўлади. Яъни, бундай ижобийлик ҳукм суради. Индивидуалликда инсоннинг ички ва ташқи олами бетакрор хусусиятлари шаклланганлиги учун бошқалардан фарқ қилиб туради.

Индивидуализм атамасини Шарқ ва Ғарб мутафаккирлари ўзларига хос ва мос мазмунда фойдаланиб келганлар. Ғарб олимлари индивидуализмга лотинча — бўлинмас, яъни инсон шахсий ҳаётининг алоҳидалиги сифатида қараганлар. Шарқда эса, (арабчада якка, ёлғиз маъносида) унинг мазмуни кенг қамровли эканлигига эътибор қаратилган.

Ўрта аср охирларидан бошлаб, индивид жамоадаги ўз ўрнини топган шахсга нисбатан ишлатилган, индивидуалликни шахсдан фарқи индивиднинг бетакрорлиги, алоҳидалиги ва ўзига хослигидир.

Индивидуалликдаги кенг қамровли мазмуннинг касб этилиши муайян жамиятдаги ижтимоий-иқтисодий, маданий-аҳлоқий заруриятлар олдинга сурадиган талаб ва эҳтиёжлар орқали намоён бўлади. Масалан, IX-XV асрларда Марказий Осиёда яшаган мутафаккирлар фалсафа, фан, дин ва санъатда янги фикрларни айтишга муваффақ бўлдиларки, улар нафақат ўз даврлари учун, балки кейинги даврлар учун ҳам улкан аҳамиятга эга бўлди.

Ижтимоий тараққиёт жараёнининг тарихига назар ташласак, шу нарса аён бўладики, антик даврнинг охирларида индивидуалликни шахс деб атаганлар, инчинун, у фақат табиий организм эмас, балки инсоний, ижтимоий мавжудот сифатида қабул қилинган. Шундан эътиборан шахс атамаси ва унга тааллуқли нарсалар шахсийлик маъносида ишлатилиши одат тусига кира бошлаган.

Хозирги замон фалсафа ва ижтимоий-гуманитар фанларда “шахс” тушунчасига бир неча талқин берилган. Яъни, шахс деб ўзининг ижтимоий-иқтисодий тузум шароитларига боғлиқ бўлган, ўз тақдирининг эгаси бўла олган, индивидуал ҳолатида: интелектуал, эмоционал ва иродавий сифатларига эга бўлган инсонга айтилади.

Тарихда турли диний-фалсафий тизимлар шахсга ўзларича ёндашганлар. Агар антик давр фалсафасида шахсга нисбатан асосан муносабатлар деб қаралган бўлса, христианлик таълимотида шахснинг маҳсус моҳияти бу «Индивидуал субстанция» ақлий хусусият, номоддий рухнинг синоними деб тушунилган.

Янги давр фалсафасида француз файласуфи Р. Декартдан бошлаб шахс хақида дуалистик ғоя шаклланишига йўл очди. Бунда биринчи ўринга ўз- ўзини англаш «Мен» тушунчasi билан бирлаштириб юборилди. Немис файласуфи И.Кант фикрича, шахс ўз-ўзини англаши орқали шаклланади, бу ҳолат унинг ҳайвонлар оламидан фарқлаб, ўзининг «Мен»ини аҳлоқий қоидаларга бўйсундириш имкониятини беради. Инглиз файласуфи Дж.Локк эса шахсни «аклий фикрловчи» мавжудот, деб тушунган.

Тарихий тараққиёт натижасида фақат шахснинг шаклланиши мавжуд ижтимоий тузумни ўзгариши билан чегараланмайди, балки шахс билан жамият муносабатлари ҳам ўзгариб, ривожланиб боради.

Шахс ва жамият муносабатларида шахснинг ўрни алохида бўлганлигидан, унинг психологик жиҳатлари психолог олимлар томонидан тадқиқ қилинган. Шахснинг хусусиятларига одамнинг характери, интеллекти, эмоционал сифатлари, темпераменти, қобилиятлари ва психик холатлари (кечинмалар) хатти-харакатлар киради.

Умум психологијада “шахс” тушунчаси ўзига хос талқин қилиниб, индивиддаги турли психик жараёнларни бирлаштирувчи ва унинг хулқини белгиловчи кетма-кетлик ва қатъиятлик деб қаралади.

Олимлар ўз тадқиқотларида бундай назарияга қайси томондан ёндашишига қараб бир неча йўналишларга бўлинади: психобиологик (У. Шелдан, АҚШ); биосоциологик (Ф.Олпарт, К.Роджерс, АҚШ); психосоциал ва неофрейдистлар (А.Адлер, К.Харки, АҚШ).

Бу соҳада кейинги пайтда олиб борилган экспериментал тадқиқотларнинг натижалари бўйича шахс ҳақидаги айrim назариялар, жумладан, фрейдизм, бихевиризм, персонализм танқид қилина бошлади.

Аммо шахснинг шаклланишидаги биологик ва ижтимоий омиллар асосий омил деб ҳисобланмоқда. Шахс шаклланишининг муҳим жиҳати индивиднинг ўзига хос хусусияти эмас, балки у иштирок этадиган ва ижтимоий функцияни бажарадиган ижтимоий тузумдир.

Шундай қилиб, психология нуқтаи назаридан, шахс инсоннинг ички хислатлари ва хусусиятларининг мажмуи бўлиб, барча ташқи таъсирлар мазкур хусусиятлар орқали сингиб ўтади. Шахснинг фаоллик манбаи эса, инсоннинг хилма-хил шахсий ва ижтимоий эҳтиёжларидан иборат. Энг муҳими шахснинг ҳар томонлама ривожланиши учун ижодий фаолликни ошириш, у билан боғлиқ, бўлган ижтимоий ва ахлоқий масъулиятни ошириб боришдан иборат.

Шахс муаммоси долзарб муаммо бўлганлиги учун унинг мазмун ва моҳиятини янада чуқурроқ тадқиқ этишга қизиқиши олимлар ўртасида, айниқса

XIX асрнинг охири XX асрнинг бошларида бирмунча жонланди. Натижада инсон шахси билан боғлиқ фалсафий оқимлар вужудга кела бошлади, ана шундай йўналишлардан бири персонализмдир. Персонализм (лотинча – шахс), бирламчи ижодий — реаллик ва олий маънавий қадрият деб талқин қилина бошлади. Персонализм тарафдорлари оламнинг мавжудлигини олий яратувчи куч — худо ижодий фаолиятининг намоён бўлиши деб тушуниради. Персонализм XIX асрнинг охирларида Россия ва АҚШда шаклланди, кейинчалик XX асрнинг 30-йилларида Франция ва бошқа мамлакатларга ёйила бошлади. Россияда персонализм ғояларини Н.А. Бердяев, Америка персонализми асосчилари Б.Баун, Ж.Гайе ва уларнинг издошлари У.Хайнинг, Э.Брайтмен, Ж.Жунсон давом эттиридилар.

Европа олимларининг персонализм ғоялари диний таълимот (асосан христианликнинг католик йуналиши) билан қоришилганлигига яққол намоён бўлади. Уларнинг фикрича, шахс маданиятнинг энг олий чўккиси, олам эса олий қадрият — шахснинг ижодий фаолияти туфайли ўзгариб туради, деган назарияга асосланади. Шу боисдан, бу олимларнинг персонализм таълимотининг асосини шахснинг ирода эркинлиги ташкил қиласиди. Персонализм нуқтаи назаридан ижтимоий тараққиёт муаммоларининг ҳал этилиши ҳамма вақт шахсга боғлиқ бўлади. Н.Бердяевнинг фикрича, бу ўринда муаммо инсон шахсига жамият ва давлат томонидан белгиланган эркинлик ҳақида эмас, балки чексиз ҳуқуққа эга бўлган давлат ва жамиятнинг таъсиридан холи бўлган шахс эркинлигини қарор топтириш ҳақида фикр юритилмокда.

Шахсда ана шундай эркинлик бўлганида уларнинг фикрича, иродасини хоҳлаган томонга йўналтириш, ахлоқий қадриятларни танлаш эркинлигига эга бўлади.

Француз католик персонализмининг йирик вакилларидан Э. Мунье христианликнинг шахс ҳақидаги таълимотини юқори баҳолаб, бу инсоният ҳаётидаги энг катта ўзгаришга сабаб бўлди, дейди. Чунки христианлик таъсирида бўлган жамият христианлик жамоаси каби шаклланган бўлиши мумкин.

Инсон муаммоси билан шуғулланувчи Ўзбекистон файласуф олимлари ҳозирги замон персонализм ҳақида фикр юритмоқдалар. Масалан, А.Чориевнинг «Инсон фалсафаси» китобида ёзилишича, персонализм муаммоси ҳозирги кунда ассимиляция бўлиб экзистенциалистик ва христиан антропологияси ғояларини муштараклаштириб, ўзига хос ғояларни илгари сурмоқда. Бу ғоя асосида турли миллат вакилларининг ўзаро дўстликка асосланган муҳаббатни қарор топтиришга интилмокда. Китобда шундай дейилган: «Персонализмда муҳаббат «мен»нинг «сен» олдидаги масъулияти шаклида талқин қилинмоқда. Шахс ахлоқий камолотга эришишнинг энг олий чўққиси унинг худо шахси билан доимий мулоқотидир».

Бу ҳолат факат христианликда эмас, балки бошқа барча динларда, хусусан, жаҳон динларида ҳам мавжуд. Жаҳондаги асосий динлар, пайғамбарлар ҳақида фикр юритиб, диний таълимотларда оламнинг яратилиши, шу жумладан, одамларнинг жамики тирик мавжудотларнинг яратилишига эътибор қаратилган. Ислом фалсафасида эса одоб-ахлоқ масалалари кенг ёритилган. Унда инсон камолотига алоҳида урғу берилган. Яъни, инсоннинг шахс сифатида шаклланиши учун диний эътиқоддан ташқари дунёвий билимларни пухта эгаллаб, ҳақ йўлдан тоймаслик, ҳаётда яхши ном қолдириб, иймон-эътиқод ва ҳидоят йўлида улуғ мақсадлар билан яшашга даъват этилган. Шахс одоб-ахлоқининг шаклланишида диний қадриятларнинг ўрни катталигига эътибор қаратилган.

Тасаввуф таълимоти, Н. Комилов фикрича, Ўрта Осиё фалсафаси тараққиётидаги кўп асрлик тажрибаларни ўз ичига қамраб олиб, уни ривожлантирган, дин ва фалсафа, ҳикмат ва ваҳдат, калом ва ҳадис илмларини бирлаштирган, илоҳий билимлар бирлаштирган, бу билан дунёвий илмларни боғлашга ҳаракат қилган.

Аммо бу фикрлардан ислом таълимотида шахс ва жамият ҳақида, уларнинг ўзаро муносабатлари ҳақидаги барча фаолиятлар факат илоҳий кудрат орқали бошқарилади, деган холосага келиш жуда ҳам тўғри бўлмайди.

Олимларнинг таъкидлашича, Қуръони каримда «илм» сўзи 750 марта, «ақл» сўзи 50 марта тилга олинган. Демак, Қуръони Карим ва бошқа диний манбалар инсон (шахс) ақл-заковатини ижодий томонга йўналтиришга йўл очади. Ислом дини пайдо бўлган дастлабки асрларда, яъни VII асрнинг охири ва VIII асрда ушбу диний таълимотда турли мазҳаблар, йўналишлар шакллана бошлади. УП асрнинг иккинчи ярмида даставвал хорижийлар (Ал —Хавориж, харажা —диндан чиқмоқ мазмунида) йўналиши шаклланди, сўнгра икки йирик оқим — суннийлик ва шиаликка ажralган. Бу иккала йўналишнинг ҳар бирида кейинчалик бир неча ҳуқуқий масҳаблар шаклланиб, ислом дини ривожига ҳисса қўшган.

IX-XII асрларда ва ундан кейин XIV-XV асрларда дунёвий ва диний илмларнинг 2 ҳақиқат назарияси асосида ривожланиши фанда, фалсафада, ижтимоий ҳаётда катта ютуқларни қўлга киритишга олиб келган. Ўша даврларда Ўрта Осиё дин ва диний таълимотни мақсад деб эмас, балки илм-фанинг барча қирраларини эгаллашда, ташқи дунё моҳиятини билишда инсонларнинг табиатда тутган ўрнини аниқлашда восита деб билганлар. Дин ва диний эътиқод инсоннинг руҳият эҳтиёжларини қондирса, илм-кашфиётлар инсоннинг ижтимоий-иктисодий эҳтиёжларини қондиришга қаратилган.

Халқимиз тарихидан маълумки, илм-фан, адабиёт, санъат ва ижтимоий-иктисодий муаммоларни ҳал қилишда дунёвийлик ва динийликка тўғри ёндашилганлиги учун соҳада илмлар шундай машҳур кашфиётлар қилиндики, улар халқимизнинг маънавий-маданий мероснинг олтин хазинасидан муносиб ўрин олди. Бу кашфиётларнинг эгалари ўз замонасининг, ҳаттоқи, ҳозирги даврнинг ҳам юксак шаклланган шахси эканлигидан далолат беради.

Шахснинг жамиятга ва аксинча жамиятнинг шахсга муносабати масаласи ҳам мухимдир. Жамият одамлар уюшмасининг маҳсус шакли, тараққиётнинг маълум босқичида шаклланадиган ижтимоий муносабатлар мажмуидир. Жамиятнинг шаклланиши ва қарор топиши узок тарихий даврни бошдан кечирган бўлиб, мураккаб жараённинг ижтимоий ҳодисасидир.

Жамият вужудга келишида меҳнат қилиш энг асосий омил бўлди. Жамият шунчаки одамлар мажмуаси эмас, балки ижтимоий муносабатлар орқали ташкил топади. Ана шунда шахс ва жамият муносабатлари ҳам шакллана боради. Бунда ижтимоий меҳнат турларидан ташқари, одамлар ўртасида амал қилинган, ахлоқий, диний, сиёсий, иқтисодий, ҳудудий, мафкуравий муносабатларга киришади. Шахс ва жамият муносабатларида тарихан ташкил топган оила ва шахс, оила ва жамият муносабатлари ҳам муайян жамият қабул қилинган қонун-қоидалар доирасида ривожланиб боради.

Халқимизнинг ўтмиш тарихидан маълумки, ўзининг бир неча асрлар давомидаги ижтимоий-иқтисодий, илмий-маданий, ғоявий-ахлоқий ривожланиш жараёнида Уйғониш даврининг икки босқичини босиб ўтган Имом Термизий, Имом Бухорий, Маҳмуд Замахшарий, Аҳмад Яссавий, Баҳоуддин Нақшбанд каби уламо, буюк мұхаддисларни, Абу Али Ибн Сино, Абу Райхон Беруний, Абу Наср Форобий, Ал Хоразмий, Аҳмад Фарғоний, Мирзо Улугбек, Алишер Навоий, Амир Темур, Захириддин Мұхаммад Бобур каби буюк фан ва давлат арбобларини етказиб берган. Бу уламо - олимлар ва мутафаккирлар доимий ўзгариш ва ривожланишда бўлган жамиятнинг мазмун-моҳияти, жамият ва шахс муносабатларининг фан билан дин алоқалари ҳақида фикр юритиш билан бир вақтда давлат ва жамиятни бошқариш, шахс камолоти масалаларига ҳам алоҳида эътибор бердилар.

Ушбу масалаларни таҳлил қилишда мутафаккирлар фанларни туркумлашда диний ва дунёвий фанларга ажратганлари ҳолда уларни бир-бирига қарама-қарши қўймаганлар. Аммо булар иккала ёндашувда ўз олдига қўйган мақсадлари, ўрганиш обьектларида бир-биридан фарқ қиласидиган тамойилларни ҳам қўрсатиб ўтганлар.

Марказий Осиёдан етишиб чиққан улуғ мутафаккирлар инсоннинг пайдо бўлиши, моҳияти ва истиқболлари тўғрисида, шахс ва жамият муносабатлари, давлатни бошқариш хусусида илғор илмий қараашларни илгари сурдилар. Бунда араб файласуфи Ибн Рушд сурган ҳақиқатга эришишнинг икки йўлини, яъни бири диний, иккинчиси илмий йўл деб билдилар. Диний йўл билан худо ва

унинг қудратини билиш йўлидан иборат бўлса, илмий йўл эса табиат ва объектив оламни билиш орқали амалга ошади.

Улуғ мутафаккирларнинг жамиятнинг пайдо бўлиши, унинг мазмун-моҳияти, шахс ва жамият муносабатлари тўғрисидаги илмий фалсафий қарашлари катта аҳамиятга эга. Форобийнинг "Фозил одамлар шаҳри" асаридаги фикрлари, Ибн Синонинг жамиятнинг пайдо бўлиши, кишиларнинг ижтимоий меҳнатга жалб қилиниши, меҳнат таксимоти ва уларнинг бирдамликка бўлган эҳтиёжларининг келиб чиқиши, Беруний эса цивилизацияларнинг пайдо бўлишида табиий-географик омил ҳал қилувчи ўрин эгаллаганини таъкидлагани бежиз эмас.

Жамият пайдо бўлиши, шахс ва жамият муносабатлари масалаларини илмий асосда тадқиқ этиш XIX-XX асрларда европалик олимлар, назариётчи-файласуфларнинг ҳам дикқат марказида бўлди. Уларнинг назарияларида жамият ғоят мураккаб ижтимоий организм бўлиб, унда ижтимоий борлик, ижтимоий онг, ижтимоий-иктисодий тузум ишлаб чиқариш усули, ишлаб чиқариш кучлари, ишлаб чиқариш муносабатлари, базис, устқурма ва ижтимоий онг шакллари мавжуд бўлиши қайд қилинган.

Жамиятнинг мазмун-моҳияти, шахс ва жамият муносабатлари ҳар бир тарихий даврда яратилган фалсафий таълимотлар асосида талқин қилиниб келинган бўлса, жамиятнинг ҳозирги ривожланиш босқичида улар ўrniga илгорроқ таълимотларни яратиш вазифасини қўймоқда.

Демократик жамиятни шакллантириш ва тараққиётни амалга ошириш жараёни кетаётган ҳозирги шароитда шахслараро ахлоқий, сиёсий, ижтимоий, ҳуқуқий, диний ва мафкуравий муносабатларни яхшилаш ва мустаҳкамлаш учун халқимиз маънавиятини такомиллаштиришга алоҳида эътибор қаратилмоқда. Шахс ва жамият муносабатларининг ахлоқий, ҳуқуқий жиҳатларини мустаҳкамлаш инсон шахсини шакллантиришга, фуқаролик жамиятининг асосларини яратишга боғлиқ.

Шахс ва жамият муносабатлари асосида ўзаро ҳамкорлик, турли халқ ва миллатлар ўртасида хурмат ва дўстлик илларини мустаҳкамлашни ҳозирги

замон фани ютуқларисиз (компьютер технологияси, интернет орқали алоқалар ўрнатиш) тасаввур қилиш қийин. Зеро, ҳозирда замонавий технологиялар орқали илм-фан соҳасида, дунё халқларининг турмуш тарзи, ҳаёти, тараққиётнинг ижтимоий - иқтисодий, маънавий - сиёсий жараёнлари, халқаро аҳвол хусусида тез ва осон ахборот олиш имконига қундан кунга ошиб бормоқда. Шахс ва жамият муносабатлари мазкур жиҳатлари билан чегараланмасдан, жамият тараққиётини таъминлашга ва жамиятни бошқаришда шахснинг ролини ошиб бормоқда.

Шахс ва жамият муносабатлари таҳлилидан қўйидаги хуносаларга келиши мумкин:

а) «шахс» фалсафада мураккаб тушунчалардан бири бўлиб, унинг моҳияти муайян жамиятда тутган ўрни ва бажарадиган вазифалари билан белгиланади;

б) шахс биологик ривожланишининг муҳим жиҳати инсон мияси ҳисобланади. Лекин шахснинг моҳияти ижтимоий муносабатлар натижасидир. Мия — моддий орган, ёрдамида шахс ўзини намоён қиласи;

в) шахснинг шаклланиши ижтимоийлашув деб аталади. Шахс типи — ижтимоий муносабатлар тизими, инъикосдир. Унинг ижтимоий фаолияти шахс шаклланишининг муҳим омилидир;

г) шахснинг жамиятга муносабати масаласида жамият маданиятида шахснинг етук даражасига эътибор қаратилган. Шарқ халқларида шахснинг ақл-заковати, зеҳнли, қўрқмас, ботир, камтар ва одиллик каби ахлоқий, жисмоний сифатлари қадрланган;

д) шахс ва жамият муносабатлари муайян жамиятда қабул қилинган қонун-қоидалар, ҳуқуқ ва вазифаларни амалдаги талаблар асосида бажариш орқали шаклланади;

е) шахснинг шаклланиши ва ахлоқий камолотга эришишнинг энг олий чўққиси, диний манбаларда кўрсатилишича, унинг Худо шахси билан доимий мулоқотидир;

3) шахс дунёни ўзгартериш билан ўзини ҳам ривожлантиради, қобилиягини намоён қилишга имкон яратади;

и) демократик ва ҳуқуқий давлатни шакллантириш жараёни кетаётган ҳозирги шароитда комил инсонни шакллантириш шахс ва жамият муносабатларини ҳуқуқий тамойиллар асосида мустаҳкамлаш, маърифий-маданий ишларни юқори босқичга кўтариш фуқаролик жамиятини барпо этишга асос бўлиб хизмат қиласи.

Антропология инсон моҳиятини тўлароқ очиш учун «мен», «онг», «шахс», «руҳ» тушунчаларидан фойдаланади. «Мен» инсоннинг ўзлигини ташки оламдан, реал борлиқдан фарқлашидир. Бошқа нарсалар инсонга бегона воқелик сифатида англашади. Шахс инсоннинг мустақиллигини ифода этади. Инсон ўз ҳаёти давомида тана ва рух эҳтиёжларини қондиришга интилади.

Тана эҳтиёжларини қондириш инсон борлигининг зарур шарти ҳисобланади. Бироқ ҳаётнинг маъноси факат ҳаёт неъматларидан кўпроқ баҳраманд бўлишда, бойликка ружу қўйишида, майшатпарамастликда деб билиш инсон моҳиятига зиддир. Бундай бир ёқламалик инсонни тубанликка олиб келади. Инсон руҳининг камол топиши билан унда маърифатпарварлик, одамийлик, раҳм-шафқат, диёнат, виждон, олийхўимматлик, ватанпарварлик, бурчга содиқлик сифатлари шаклланади.

Юксак маънавият инсонни поклайди, имон-эътиқодини мустаҳкамлайди. Мантиқ нуқтаи назаридан тушунча ҳажми қанча кенг бўлса, унинг мазмуни шунча қашшоқ бўлади. “Индивид” тушунчасининг ҳажми ниҳоятда кенг бўлиб, ўз ичига ҳар қандай инсонни (жисмонан соғлом ва мажруҳ, ахлоқан етук ва ақли ожизларни ҳам, оддий инсонлар ва буюк шахсларни ҳам) қамраб олади. Бинобарин, ҳар қандай одам индивиддир. Бу тушунчада инсоннинг на биологик, на ижтимоий сифатлари ўз ифодасини топмайди. Шу маънода, «индивид» ва «шахс» тушунчалари ўзаро боғлиқ бўлсада, бир-биридан кескин фарқланади.

Индивид деганда, умуман, инсон зотига мансуб бўлган айримлик тушунилади. Индивид умумийликнинг айрим ҳолда намоён бўлишидир. Шу боисдан ҳам бу тушунча алоҳида тавсифланмайди.

Инсон шахси оламни тушуниш, идрок этиш жараёнида шаклланади. Кишилар шахс бўлиб туғилмайди, балки шахс бўлиб шаклланади. Шахс конкрет шарт-шароитнинг, ижтимоий муҳитнинг маҳсулидир. Инсон онги воқеликни шунчаки акс эттирамайди, балки тасаввур, тушунча, ғоя, тафаккур сифатида ижодий ўзлаштиради ва ўзгартиради. Гегель таъкидлаганидек, иш-ҳаракат инсон моҳиятини ёрқин ифода этади, унинг мақсад ва интилишларини яққол кўрсатади.

(Шахс ўзига хос таркибий тузилишга эга. Шахс структурасининг муҳим элементлари:

- онг;
- ўзликни англаш;
- билиш жараёнлари;
- ҳиссиёт;
- мустаҳкам эътиқод;
- ирода.

Шахс структураси учун хос бўлган хусусиятлар қуйидагилар:

- темперамент;
- характер;
- қадриятлар тизими;
- эътиқод, ишонч;
- дунёқараш;
- идеаллар.

“Шахс” тушунчасининг мазмуни ғоят бой бўлиб, айрим олинган кишиларнинг ноёб, нодир ва бетакрор хусусиятлари, фазилатлари ва ижтимоий сифатларини ўзида акс эттиради. “Шахс” тушунчасида индивиднинг табиий-биологик хусусиятлари эмас, балки ижтимоий сифатлари ўз ифодасини топади. Чунки инсон моҳиятан ижтимоий мавжудотдир. Бироқ

инсоннинг табиий-биологик хусусиятлари шахснинг шаклланишида муайян роль ўйнайди.

Шахс ҳамиша конкрет тарихий ҳодиса бўлиб, жуда қўп омилларнинг ўзаро таъсири, бири-бири билан уйғунлашуви натижасида вужудга келади. Инсон конкрет тарихий шароит, ижтимоий макон, амалий фаолият ва таълим-тарбия жараёнида шахс сифатида шаклланади.

Шахс гоят мураккаб структурага эга бўлиб, турлича талқин этилади. Масалан, педагогикада бола шахсининг шаклланиши, психологияда шахс деганда, инсон хулқ-авторидаги психик жараёнларни боғлаб турувчи асос тушунилади. Социологияда инсоннинг индивидуал хусусиятлари эмас, балки унинг бажарадиган ижтимоий функциялари, турли ижтимоий ролларни бажарувчи сифатида талқин этилади.

Фалсафада шахс ижтимоий идеаллар, инсоний фазилатлар, қадриятлар соҳиби, ижтимоий сифатларни ўзида яққол намоён этувчи индивид сифатида ўрганилади. Фалсафа учун инсоннинг шахс сифатидаги моҳияти, жамият тараққиётидаги ўрни ва ролини аниқлаш муҳим. Кишилар шахс бўлиб туғилмайди, балки, жамиятдагина шахс бўлиб шаклланади ва ривожланади. Чунки инсонга хос ижтимоий сифатлар, фазилатлар авлоддан-авлодга ирсий йўл билан ўтмайди.

Инсон дунёга келган вақтида жамият, сиёсий система, маданият, ишлаб чиқариш, оила, оммавий ахборот воситалари, мафкура ва ҳоказолар мавжуд бўлади. Инсон таълим-тарбия, меҳнат, мулоқот жараёнида ижтимоий тажриба, билим, муносабатлар, ахлоқий нормалар, сиёсий ғоя, миллий мафкура ва ҳоказолар таъсирида яшайди. Уларни ўзлаштиради, шу жараёнда ижтимоийлашади, шахс бўлиб шаклланади. Натижада инсонда янгича фазилат ва сифатлар пайдо бўлади. У яратувчан мавжудот сифатида фаолият кўрсата бошлайди. Ўз-ўзини назорат қилиш, ўз-ўзини тарбиялаш, юксак масъулиятни хис этиш, ғоя учун курашиш, мустаҳкам эътиқодга эга бўлиш, ўз фикр-мулоҳазаларини эркин баён этиш ва ижтимоий-сиёсий фаоллик шахсга хос белгилардир.

Шахснинг мақсад, ғоя ва идеаллари жамиятдаги миллий ғоя ва мафкура билан узвий боғлиқ равишда шакланади. Миллий ғоя ва мафкурани амалга ошириш, эзгу идеаллар йўлида ҳатто ҳаётини қурбон қилиш шахс ҳаётининг бош мақсадига айланади.

Шахс мустаҳкам иймон-эътиқодга, ғояга, инсоний фазилатларга эга бўлган, ватан, миллат туйғуси билан яшайдиган, ўзида давр хусусиятларида ифода этадиган инсон.

Шахс «комил инсон» тушунчаси билан маънодош. Шарқ мутафаккирлари “шахс” тушунчаси ўрнида фозил инсон, комил инсон, баркамол инсон тушунчаларини қўллаган. Комил инсон деганда, мустаҳкам имон-эътиқодга, яхши инсоний фазилатларга эга бўлган кишилар тушунилади.

Камолотга эришиш йўллари, усуллари турли диний ва фалсафий системаларда муҳим ўрин эгаллаб келган. Ҳар бир тарихий давр талабларига мос равишда турли фалсафий таълимотларда комил инсон идеали янгича талқин этилган. Илм-фан, санъат, ахлоқ, хуқуқ ва ҳоказолар баркамол инсон шахсини шаклантиришнинг муҳим воситаси бўлиб хизмат қилган. Агар “инсон” тушунчаси ўзида ҳам биологик, ҳам ижтимоий сифатларни мужассамлаштиrsa, “шахс” тушунчасида инсоннинг ижтимоий сифатлари, чинакам инсоний фазилатлари, қобилият ва истеъдод, бетакрор ва ноёб фазилатлари ўз ифодасини топади.

Шахс инсондаги инсонийликни, илохий истеъдодни, барча олижаноблик, эзгуликни ўзида акс эттиради.

Бошқача қилиб айтганда, шахс инсоннинг ижтимоий-психологик моҳиятини, борлигини ифода этади.

Инсон боласи дунёга тұғма инстинктлар билангина эмас, балки, катталарга тақлид қилиш, қувониш, ғам-қайғу ва изтироб чекиши билиш қобилияти билан ҳам келади. Инсоний қобилиятлар бутун ҳаёт давомида такомиллашиб боради. Инсондаги биологик ва ижтимоийлик бир-бири билан узвий боғлиқ равишда мавжуд бўлади, инсоннинг маънавий-ижтимоий томони устунлик қилиши мумкин.

Шахс структурасига хос хусусият, элементлардан бирортасининг йўқолиши шахснинг деградациялашувига олиб келади. Шахс структурасида маданиятнинг барча даражалари яққол намоён бўлади: анъана, миллий қадриятлар, оиласий-маиший нормалар, илмий билим, маънавий қадриятлар шахсга хос бойлик ҳисобланади. Шахс структурасининг ана шу элементлари дунёқараашга бевосита боғлиқ.

Инсон дунёқараши унинг оламга, табиат, жамият ва ўз-ўзига бўлган қараашлари, эътиқоди, ижтимоий, ахлоқий ва эстетик идеалларири. Дунёқарааш обьектив реалликни идрок этиш жараёнида шаклланади, билим эътиқод характерига эга бўлгандагина дунёқараашга айланади. Ёки илмий билимларнинг ишонч ва эътиқодга айланиши билан дунёқарааш шаклланади.

Имон шахснинг ўз қараашлари, ғоялари, принциплари ва идеаллари тўғрилигига бўлган ишончdir. Шахс жамиятдаги хилма-хил ғоя ва қараашлардан бирини танлаш имкониятига эга бўлсагина, унинг билимлари эътиқодга айланади. Эътиқод шахснинг ғоя билан узвий боғланиши ва уни амалга ошириш учун курашиши.

Инсон ўз моҳиятини фаолият жараёнида рўёбга чиқаради, унинг событқадам фаолияти жараёнида ирода эркинлиги намоён бўлади. Ирода эркинлигига шахснинг заруритни англаши асосида фаолият турини танлаш қобилияти яққол кўзга ташланади. Ўз хулқ-автори ва фолияти учун масъулиятни ҳис этиш шахсга хос муҳим хусусиятдир.

“Шахс” тушунчаси «индивидуаллик» тушунчаси билан чамбарчас боғлиқ. Индивидуаллик шахснинг бетакрор, ноёб, ўзига хос хусусиятларида, темперамент, характер, хотира, хатти-ҳаракатнинг ўзига хослигига ўз ифодасини топади.

Шахс фаолияти натижалари ҳамиша индивидуалдир. Шахс ва индивидуаллик узвий боғлиқ бўлса ҳам, инсон ижтимоий борлигининг турли томонларини тавсифлайди. Биз “индивидуаллик” тушунчасига нисбатан, оригинал, ижодкор, “Шахс” тушунчасига эса «кучли», «мустақил», «тарихий»,

«буюк» сингари сифатларни қўллаймиз. Индивидуалликда инсоннинг ўзига хослиги, шахсда эса мустақиллик ўз ифодасини топади.

Шахс индивидуаллигига ижтимоий ҳаётнинг тутанмас ва мураккаб кирралари, ранг-баранглиги ўз ифодасини топади. Шахс индивидуаллиги инсоний ҳаётга жозибадорлик, гўзаллик бағишлайди. Шахснинг индивидуаллиги туфайли ҳаёт қизиқ, завқли ва қадрлидир.

Кишилар бир-бирлари билан бўладиган ўзаро муносабатларда шахснинг ўзига хослигини (темпераменти, характеристи, эстетик диди, маданий, ахлоқий савияси) албатта инобатга оладилар, шахснинг индивидуаллиги билан ҳисоблашадилар.

Шахс индивидуаллигининг шаклланишида табиий-биологик омил ҳам, ижтимоий муҳит ҳам муҳим роль ўйнайди. Инсоннинг ижтимоий келиб чиқиши, оила, маҳалла, меҳнат жамоасидаги ижтимоий-психологик муҳит ижтимоий зиддиятлар шахс индивидуаллигининг шаклланишида муҳим аҳамият касб этади.

Миллий мустақиллик йилларида баркамол инсон шахсини шакллантириш умумдавлат сиёсатининг устувор йўналишларидан бири, таълимтарбия соҳасида амалга оширилаётган ислоҳотларнинг бош мақсади бўлиб қолди. Президент И. А. Каримовнинг «Баркамол авлод - Ўзбекистон тараққиётининг пойдевори», «Тарихий хотирасиз келажак йўқ», «Донишманд халқимизнинг мустаҳкам иродасига ишонаман» сингари асарларида алоҳида таъкидланганидек, мамлакатимиз тараққиёти йўлидаги муаммолар билимдон, ақл-заковатли, ташаббускор, шиҷоатли, юксак маънавий салоҳият, юксак касбий маҳорат ва олийжаноб инсоний фазилатларга эга бўлган комил инсонларнинг ғайрат-шиҷоати билан ҳал этилади. «Биз, - деб ёзади И.А.Каримов, - мустақил ҳуқуқий давлатни барпо этишнинг асосий мақсад ва вазифаларини белгилар эканмиз, Ўзбекистоннинг цивилизация ва тараққиётнинг юксак, ёрқин чўққиларига эришишида маданий ва тарихий мероснинг, халқнинг инсонпарварлик анъаналарининг юксак мэрраларини эгаллаган, умуминсоний қадриятлар ва меъёрларга содик бўлган озод ва

хар томонлама уйғун камол топган шахс асосий таянч бўлишини қайта-қайта таъкидлаганмиз».

Шахснинг баркамол инсон бўлиб шаклланишида оила, маҳалла, таълим-тарбия, илм-фан ва маданият муассасалари, меҳнат жамоалари мухим роль ўйнайди.

Оиланинг энг мухим вазифаларидан бири бола шахсида олижаноб инсоний фазилатларни тарбиялаш, миллий ва умуминсоний қадриятларга ҳурмат ҳиссини сингдириш, ҳаётга тайёрлашдир. Бола, энг аввало, оила бағрида инсоний муносабатларни ўзлаштиради, она тили, миллий тарбияни эгаллай бошлайди. Бола шахсига индивидуал ёндашиш ва унинг қадриятларини ривожлантиришда оналарнинг-роли жуда катта.

Демократик давлат оналарнинг тарбияловчилик вазифаларини тўла адо этишлари учун зарур иқтисодий, ҳуқуқий шарт-шароитлар яратади. Мамлакатимизда болалик ва оналикни ҳимоялашнинг ҳуқуқий асослари яратилган. Айниқса, соғлом авлодни вояга етказиш давлат дастурининг амалга оширилиши жамиятимизда соғлом маънавий-ахлоқий мухит яратиш, аждодларимизнинг энг илғор анъаналарини давом эттириш учун пухта замин яратмоқда.

Меҳнатга бўлган муносабатда шахснинг барча қобилият, фазилат ва хусусиятлари намоён бўлади. Меҳнат жамоаси шахсга хос фазилат ва хислатларни баҳолайди, унинг тўла намоён бўлиши учун шарт-шароит яратади. Меҳнат жамоасидаги соғлом мухит, бир-бирига ўзаро ёрдам, тажриба алмашиш шахснинг камол топиши учун замин яратади.

Шахсни шакллантирувчи, тарбияловчи энг мухим омиллардан бири таълим-тарбия муассасаларидир. Изчил ва мунтазам таълим-тарбия жараёнида инсон шахси камол топади. Шахсни шакллантирмай туриб, тарбия жараёнининг муваффақиятини таъминлаб бўлмайди. Нихоят, шахсни тарбияловчи омиллардан яна бири - инсоннинг ўзи: шахс ўз-ўзини тарбиялайди. Баркамол инсон хатти-харакати ва хулқ-атворини танқидий баҳолайди, йўл қўйган хато ва камчиликларини бартараф этишга интилади.

Комил инсон, энг аввало, онги юксак, мустақил фикрлайдиган, хулқ-атвори ўзгаларга ибрат бўладиган билимли, маърифатли кишилардир.

Инсоннинг маънавий эҳтиёжларини унинг табиий-моддий эҳтиёжларидан ажратиш, унга фақат илоҳий мавжудот сифатида қараш бир ёқламаликка олиб келиши, етилган ижтимоий муаммолар моҳиятини тўғри тушунишга халақит бериши мумкин.

Антрапология инсон ўз ички оламига чуқурроқ кириб бориши орқали олам моҳиятини билиши мумкин, деган ғояни илгари суради. «Маънавият инсонни ахлоқан поклайдиган, имон-эътиқодини мустахкамлайдиган, эзгуликка ундайдиган ботиний кучдир.» (И. А. Каримов). Юксак маънавиятда ҳақиқий инсоний моҳият мужассамлашган. Инсоний олижаноб фазилатлар шахсда ўз аксини топади. Инсонга хос бўлган барча хусусиятлар шахс фаолиятида, унинг жамиятда тутган ўрнида, моддий ва маънавий эҳтиёжларини қондиришида, муайян мафкуруни амалга оширишида яққол намоён бўлади.

Шахснинг шаклланиши ва ривожланишида тарихий шарт-шароит, айниқса, ғоя ва мафкура мухим роль ўйнайди. Бозор муносабатларига ўтиш даврида вужудга келган муаммолар ва вазифалар шахснинг янги типини яратишни тақозо этди. Ана шундай шахсга хос бўлган фазилат ва сифатлар Президент И. А. Каримов асарларида ўз ифодасини топди. Бозор иқтисодиёти инсон эҳтиёжларини тўлароқ қондириш, унинг қобилияtlари, меҳнат ва ижтимоий фаоллигини янада кучайтириш учун кенг имкониятлар яратди.

Булар қуйидагилар:

- меҳнатни ташкил этиш усуслари ва шаклларининг ўзгариши;
- меҳнатга янгича муносабатни рағбатлантиришга ёрдам берувчи омиллар;
- ўз қобилияти, қизиқишлирига мос бўлган фаолият турларини танлаш имкониятининг яратилиши;
- шахснинг тадбиркорлиги, ишбилармонлигининг қўллаб- қувватланиши;
- мулкчилик турли шаклларининг вужудга келтирилиши;
- шахс эркинлиги ва ҳуқуқларининг кенгайиши;

- давлат ва жамоат ишларида қатнашиш имкониятларининг яратилиши;
- демократик қадриятларнинг ривожланиши;
- маънавий мерос ва маданият ютуқларидан эркин фойдаланиш имкониятининг яратилиши.

Ана шундай имкониятлар шахснинг моддий ва маънавий эҳтиёжларини қондиришда, унинг комил инсон сифатида ривожланишида муҳим аҳамиятга эга. Зеро барча ислоҳотлар инсоннинг манфаатлари, эзгу мақсадларини амалга оширишга, унинг баркамол инсон сифатида ривожланишига қаратилган.

Шахс ислоҳотлар натижаларидан баҳраманд бўлувчигина эмас, балки ислоҳотларни сабитқадамлик билан амалга оширувчи куч сифатида мазкур жараёнда ривожланади, қадр-қиммат топади ва эъзозланади. Миллий истиқлолнинг моҳияти ва мақсади:

- инсон қадр-қимматини янада юксалтириш ва эъзозлаш;
- инсон учун баҳтли ҳаёт шароитини яратиш;
- ўзлигини англаши, ижтимоий бурч ва вазифаларини адо этиши, келгуси авлодларга яхши ном қолдириши ва имон-эътиқодли бўлиши учун қулай шароит яратишдир.

Бундай имкониятларни амалга оширишга халақит берадиган нуқсонлар ҳам инсон табиати билан боғлиқ. Ҳозирга қадар инсон тўғрисидаги фалсафий таълимот ва қарашларда, асосан, инсоннинг ижобий хусусиятларига, яратувчанлигига кўпроқ эътибор бериб келинди. Кейинги вақтларда инсон борлигининг салбий томонлари ҳам таҳлил қилина бошлади.

Мустақиллик йилларида демократик эркинликларни сустеъмол қилиш, ошна-оғайнигарчилик, маҳаллийчилик, пораҳурлик, уюшган жиноятчилик ва бошқа салбий ҳолатларнинг яққол намоён бўлиши инсон табиатини чуқурроқ ўрганиш ва инсондаги салбий майлларни бартараф этишга ёрдам берадиган фалсафий қарашлар вужудга келди.

Шуни таъкидлаш жоизки, айрим кишилар миллат, Ватан, халқ манфаатларига зид равишда жамиятдаги мавжуд қонун-қоида ва нормаларни поймол этиб, кўпроқ ғаразли мақсадларини амалга оширишга ва

турли ихтилофларни келтириб чиқаришга ҳаракат қилмоқдалар. Улар, миллий тотувлик, тинчлик ва барқарорликка раҳна соладилар, маънавий-ахлоқий муҳитни бузадилар. Бундай гурухга мансуб кишилар:

- турли зиддиятларни келтириб чиқарувчи бузғунчи фирибгарлар;
- ҳокимиятга интилевчи диний экстремистлар;
- коррупция ва жиноятчилик билан шуғулланувчилар;
- гиёхвандлар;
- порахўрлар;
- террорчилар;
- шухратпарастлар ва бошқалар.

Инсонни фалсафий билиш ва таҳлил этишда ана шундай гурухларга мансуб кишилар мавжудлигини ҳам эътиборга олиш муҳим.

Демократик жамият инсон ҳуқуқларини таъминлашни ўз олдига мақсад қилиб қўяр экан, ғайриижтимоий гурухларга мансуб кишиларни тарбиялаш, уларни ижтимоий фойдали меҳнатга жалб этишга, кишилар онгida миллий манфаат ва ижтимоий қадриятларни ривожлантиришга алоҳида эътибор беради. Шахс эркинлиги ва тарихий зарурият бир-бири билан узвий боғлиқ тушунчалар. Бозор муносабатларига ўтиш шароитида инсон қобилиятлари тўлароқ намоён бўлади. Ижтимоий табақаланиш жараёнида кишиларнинг бой ва қашшоқ гурухларга ажралиши табиий ва қонуниятли жараёндир. Ўзбекистонда амалга оширилаётган иқтисодий ислоҳотларнинг энг муҳим хусусияти аҳолининг кам таъминланган қисми, талабалар ва ногиронларнинг давлат томонидан ҳимояланишида ижтимоий адолатнинг қарор топишида яққол намоён бўлмоқда.

Кишиларнинг боқимандалик психологияси, тафаккур турғунлигидан озод бўлишлари, ўзгарган янги иқтисодий шароитга мослашишлари ўз билим ва маҳоратини оширишлари учун ғамхўрлик қилиш иқтисодий ислоҳотларнинг инсонпарварлик йўналишга эга эканлигидан далолат беради.

Мамлакатимиздаги барча ислоҳотлар инсон қадр-қимматини юксалтириш, унинг ҳар томонлама камол топиши учун қулай шарт-шароитлар

яратишга қаратилган. «Ислоҳотларнинг мазмуни ва мақсади Ўзбекистон ҳар бир фуқаросининг миллати, дини ва сиёсий маслагидан қатъи назар, шахс сифатида намоён бўлиши, ўз қобилияти, истеъдодини намоён этиши, ўз ҳаётини яхшироқ, муносаброқ, мазмунлироқ қилиш имконига эга бўладиган зарур шароитларни яратишдан иборатdir».

### **Таянч тушунчалар.**

Шахс, мустақил шахс, эркинлик, масъулият, қарамлик, комил инсон.

### **Назорат учун саволлар**

1. Жамият ва шахс орасидаги диалектик алоқадорликни қандай тушунасиз?
2. “Одам”, “инсон”, “индивиду”, “шахс” тушунчаларига таъриф беринг, улар орасидаги муносабатни таҳлил этинг.
3. Жамият билан шахс орасидаги муносабатлар хақида қандай фалсафий фикрлар илгари сурилган?
4. Шахснинг шаклланиши ва ривожланишида тарихий шарт-шароитнинг ўрни.
5. Шахснинг тарихий типларга ажралишининг асосий омиллари, деганда нимани назарда тутасиз?
6. «Эркин шахс» тушунчасини таърифланг.
7. Шахс эркинлиги ва масъулияти хақида нималар дея оласиз?

## **13-МАВЗУ. ИНСОН ФАН ВА ТЕХНИКА ОЛАМИДА.**

1. Фан ва техника тараққиётининг ижтимоий-фалсафий масалалари.
2. Ижтимоий тафаккур тарихида «техника» тушунчаси.
3. “Фан” тушунчасининг моҳияти.
4. Фан тараққиёти қонунлари.
5. Фан ва жамият.

Ҳозирги замон цивилизацияси саноат ва техника тараққиёти билан боғлиқ индустрисал цивилизация ёки техноген жамияти деб аталмоқда. Бугунги жамият мавжуд адабиётларда техноген олам, индустрисал цивилизация деб ҳам юритиляпти. У анъанавий, ёввойи (подачилик) жамиятдан фарқланади ва келгуси жамият манзарасини қўйидаги изчилликда тасаввур қилиш имконини беради: индустрисал, постиндустрисал, экологик, ахборотлашган жамият ва ҳакозо.

Техноген олам, цивилизация бевосита «фан», «техника», «рационаллик» сингари тушунчалар билан боғлиқ. Айниқса, фан ва техника ижтимоий ҳаётнинг барча соҳаларига, шунингдек, инсон фаолиятига кириб борган. Фан ва техникани фалсафий идрок этишнинг аҳамияти ортмоқда. Фалсафанинг «техника фалсафаси», «фан фалсафаси» сингари нисбатан мустақил соҳалари тез ривожланмоқда.

Фан ва техника элементлари гарчи антик даврда вужудга келган бўлсада, унга фалсафий баҳо бериш XX асрда тубдан ўзгарди. Юнонистонда «техне» тушунчаси «моҳирлик», «санъат», “табиий материаллардан сунъий равишда нарсалар яратиш”, «ишлаб чиқиши» маъносини англатган. Яшаш учун мавжуд табиий материаллардан сунъий предметлар яратишга, табиий нарсаларни инсонийлаштиришга интилишган. Инсон ишлаб чиқарувчи, мавжуд билимларини предметлаштирувчи, қобилиятини рўёбга чиқаришга ҳаракат қилувчидир.

Тафаккур тарихида “техника” тушунчаси турлича талқин этилган:

1) Собиқ иттифоқда техникани ижтимоий организмнинг сунъий системаси, жамият ишлаб чиқарувчи кучларининг таркибий қисми, моддий ашёвий элементи сифатида талқин этилар эди;

2) Мартин Хайдеггер техника - биринчи асос, инсон ибтидосининг илдизи, томири, инсониятнинг ўз-ўзини рўёбга чиқариш, намоён этиш усули деб тушунди.

3) Эллюлнинг фикрича, техника қандайдир механизмлар йигиндиси, мақсадни амалга ошириш тартибидир.

4) Немис олимлари: Ленк ва Пороль техниканинг қуидаги муҳим элементларининг кўрсатдилар:

- табиий билимларнинг амалиётга татбиқ қилинадиган тармоғи;
- элементлар ва воситалар комплекси;
- табиатни бўйсундириш ва унинг устидан ҳукмонлик қилиш воситаси;
- табиатнинг «кашф этилиши» ва «тартибга солиниши»;
- ғоянинг рўёбга чиқарилиши;
- сунъий муҳит яратиш ва бошқалар.

Техника моҳияти муҳандислик, қайта қуриш, лойиҳалаш ишларини олиб боришдаги предметларнинг антифакт (сунъий яратилган) йигиндиси деб ҳам талқин қилинмоқда.

Адабиётларда техниканинг фундаментал хусусияти кўпроқ ҳисобга олиниб, уни туб ўзгаришлар қилиш воситаси эканлиги қайд этиляпти. Техника шундай қудратга эгаки, унинг ёрдамида иисон табиатни, ўз-ўзини, жамиятни тубдан ўзгариради.

Техника инсоннинг сунъий қўли бўлиб, унинг воситасида объектга, меҳнат предметларига таъсир этади ва уни ўзгариради. Технология - техника билан узвий боғлиқ. «Технология» юонча сўз бўлиб, предметларга таъсир этиш, ишлов бериш, тайёрлаш, ўзгаришиш методлари мажмуи деган маънони билдиради.

Агар техника инсоннинг объектга нима воситасида таъсир кўрсатишини англатса, технология инсоннинг объектга қандай таъсир

кўрсатишини англатади. Техника тарихан инсоният фаолиятининг объектив шарт-шароитидир. У тош саноати, ҳунармандчилик, юқори технология жараёни даврларини, техника тараққиёти даврларини ифодалайди ва унинг инсон фаолиятидаги ролини кўрсатади.

1. Техника оддийлиқдан мураккаблика томон ривожланади. Инсоният тарихи қўл меҳнатининг техника зиммасига ўтганидан гувоҳлик беради. Инсон «табиийликни» сунъий предметлар ишлаб чиқариш билан алмаштиради, ташқи оламни ўзгартиради, ўзини такомиллаштиради. Инсон ва техника ўртасидаги алоқадорлик тобора ортиб боради. Ҳозирги олам «техникалашган» макон ва «технологиялашган» замон бирлигидан иборат. Биз табиатнинг ибтидоий босқичида эмас, техносферада яшяпмиз.

Техник ривожланиш даврини белгилашда АҚШ файласуфи ва социологи Л. Мамфорднинг қарашлари катта аҳамиятга эга. Унинг фикрича, ҳозирги давр техникасининг дастлабки куртаклари бизнинг эрамиздан икки минг йил илгари вужудга келган бўлиб, қуйидаги 3 даврдан иборат:

1. 1000 - 1750 йиллардаги «экотехник» давр. Унинг технологияси асосини сув, дарахт, ёғоч ташкил этади.

2. XVIII асрнинг 2- ярми - XX аср ўрталаридағи «политехник» давр. У кўумир ва темир комплексига таянади.

3. Ҳозирги давр «неотехник» давр бўлиб, «электр қуввати ва қотишмалар»дан кенг фойдаланиляпти.

Демак, Л. Мамфорд техникада қўлланадиган энергия тури ва моддани ўз таълимотига асос қилиб олган. Файласуф Т. Ф. Сунягин техниканинг ривожланиш концепциясини яратишда техника функцияларининг меҳнат типи ва турига қараб ўзгаришини асос қилиб олган:

а) қадимги техника ва унинг «хонавайрон» қилувчи характеристи овчилик ва терувчиликка нисбатан «истеъмолчилик» муносабатида бўлган;

б) дехқончилик меҳнати неолит инқилоби жараёнида қарор топди. Унда конструктивлик, ишchanлик хусусиятлари ва техника белгилари шаклланди.

в) ишлаб чиқаришда машинанинг қўлланилиши билан техника тарихида сифат ўзгариши вужудга келди.

Европада Ўрта асрларда техника янгиликлари, соат, шиша, ойна ишлаб чиқариш, китоб нашр этиш ривожланди. Соатнинг яратилиши кишиларни табиий цикл, органик вақт доирасидан чиқишини тақозо этди. Инсон вақтни тежашни, уни қадрлашни ўрганди. Вақтни орқага қайтмаслигига иқрор бўлди. Вақтга бойлик сифатида қараш одат тусига кирди. Ойна, шиша маконнинг бир хил эканлигини тушунишга имкон берди. Осмон ҳақидаги «муқаддаслик» ниқобини фош қилди. Оддий қўриш, сезиш, техник ўзгаришлар иқтисодий ва ғоявий муносабатларни, инсон менталитетини тубдан ўзгартирди. Техника муттасил равищда ривожланиб борди. Оддий қўл дастгоҳларидан тортиб, то автоматлаштириш ва компьютерлаштиришгача ривожланди.

Инсон ва жамият «техносфера»да жойлашган бўлиб, техника бир жойда тўхтаб турмайди. Техника инновацияси (янгиликлари) инсон ҳаётини тўхтовсиз ўзгартириб турувчи катализатор (ўзгартурувчи), ҳаракатга келтирувчи сифатида инсон онгидан жой олди. Кишиларнинг техникага муносабати турли даврларда турлича бўлган ишончсизлик, ҳадиксираш, технофобия (технофобия- фобия- юн. қўрқув) қўрқиш ва бошқалар техникага бўлган муносабатнинг бир кўриниши эди.

XVIII - XIX асрларда техника инсонни холдан тойдиради, эзади, деган қараш устивор эди. Муайян гурухдаги кишилар (лундлар) станок, дастгоҳларни синдирганлар, машиналарга нафрат билан қараганлар. Бу қарашга кўра кишилар меҳнат қилишга қизиқмай қоладилар, ишчи машинанинг шунчаки бир винтига (қўшимчасига) айланади, нуқул бир хил маромда ишлаш вужудга келади. Техника тараққиётидан қўрқадиган ва техникага нафрат билан қарайдиган кишиларни кейинчалик неолундлар деб атай бошладилар.

Улуғ мутафаккирлар ҳам техниканинг инсон назоратидан чиқиб кетмаслиги ҳақида кўп қайғурганлар. Бу масалани даставвал Аристотель кўтарган эди. Ҳозир ҳам бу масала долзарбдир. Освалъд Шпенглер XX асрнинг 30-йилларида «Инсон ва техника» асарида инсон оламнинг

хукмдори эди, у машинанинг қули бўлиб қолди, деб ёзган. Ҳозирги даврга келиб механизациялаш ва автоматлаштириш ижтимоий ҳаётга тобора чуқурроқ кириб келди. Техника ва инсон фаолияти бир-бири билан қўшилди, инсоннинг ҳаёт тарзи, психологияси ўзгарди. Техника инсон борлигининг барча соҳаларига: иқтисод, сиёsat ва мафкурага кириб келди. Бугунги қунда «Инсон ва техника» муносабатлари янгича мазмун касб этмоқда. Электрон кибернетика, компьютерлаштириш комплекслари, техника, механизм, технология кенг тарғиб қилинмоқда.

### **Кибернетикалаштириш ва компьютерлаштириш концепцияси.**

Кейинги вақтларда инсон муаммосига «техникалаштириш» асосида бир ёқлама қараш вужудга келди. Шулардан бири инсоннинг жисмоний, табиий структураси хақидаги кибернетикалаштириш концепциясидир. Бу концепцияга кўра, инсон келажакда ўз танаси, жисмидан воз кечиши керак. Ҳозирги одамлар ўз таналарини «киборлар» билан алмаштиради, яъни тирик техник қотишма вужудга келади. Техника истиқболини бундай тавсифлаш ва хотиржамликка берилиш қўрқинчли ва гуманизмга зиддир.

Танасиз ҳолда инсон мавжудлигини тасаввур қилиб бўлмайди. Тана, жисм йўқ бўлса, демак, инсон ҳам йўқ. Албатта, зарурат туғилганда инсон танасига сунъий органларни қўйиш, улаш ақлга мувофиқ ва зарурдир. Лекин шахснинг шахс эканлигини кўрсатадиган мезонлардан четга чиқмаслик керак. Инсон ўз танасидан маҳрум бўлмаслиги лозим.

Техника ва технология фетишизми (сифиниш) анча кучайди. Ҳозирги шароитда бу ғоя техник зиёлилар, сиёсий сфера элитаси ўртасида тарқалмоқда, техника мутлақлашмоқда. Бу мустақил ва яхлит ҳодисадир. Унинг ёрдамида ҳар қандай ижтимоий муаммоларни ҳал қилиш жараёнида тарих субъекти бўлган ижтимоий муносабатларнинг ўрни ва роли хисобга олинмайди. Техницизм тизимида «мегамашина» ғояси мухим ўрин тутади. У техник тафаккурнинг жоҳил, ёвуз шаклидир (мега -юонча йирик, улкан, катта).

Фалсафа барча ҳодисаларни «машиналаштириш», техник мифология инсон табиатига зиддир, деган таълимотга асосланади. Инсон ва

инсоният машина ҳам, техник система ҳам эмас. Техника инсоний бўлиши керак. Техника инсоният томонидан яратилган барча ютуқларни ўзига сингдириб, инсон қудрати ва ақлига хизмат қилиши лозим. Ҳар қандай ривожланган техника ҳам ижтимоий масалаларни инсонсиз ҳал эта олмайди.

Президент Ислом Каримов «Ўзбекистоннинг сиёсий-ижтимоий ва иқтисодий истиқболининг асосий тамойиллари» асарида таъкидлаганидек, «жамиятнинг бир ёклама демографик ривожи миллат салоҳиятини пасайтириб юбориши, оғир ижтимоий-маънавий ва сиёсий йўқотишларга олиб келиши мумкин ва олиб келмоқда ҳам. Таракқиёт тақдирини маънавий жиҳатдан етук одамлар ҳал қиласи. Техникавий билим, мураккаб технологияни эгаллаш қобилияти маънавий баркамоллик ва мустақил тафаккур билан бирга бориши керак».

Хозирги даврда, албатта, планетада техносферанинг вужудга келиши, табиатнинг «маданийлашуви» инсонлар ақли ва эркига таъсир этади, муайян муаммоларни келтириб чиқаради.

Янги табиий муҳит вужудга келмоқда, инсоннинг унга мослашуви мураккаб кечмоқда. Чунки инсоннинг техносферага мослашуви, кўнизиши секинлик билан бормоқда, бу инсоннинг психик ҳолатига таъсир этяпти. Техниканинг ривожланиши ўзига хос салбий ҳолатни ҳам шакллантиради. Техник тармоқлардаги коммуникациянинг тарқалиши: телефон, радиотелефон, компьютер шаҳобчалари ва бошқаларнинг инсон томонидан ўзлаштирилиши нисбатан илгарилаб кетмоқда. Кўпгина техника инновациялари: ихтирочилик, конструкторлик бюролари иқтисодий жиҳатдан деярли фойда бермаяпти. Омма онги техника механизмларини ишлаб чиқиш ва турмушга татбиқ этишдан орқада қолмоқда. Ҳаёт оқимининг барча соҳаларини техника билан тўлдириш, натижасида сўнги вақтда, ҳалокат, авариялар қўпаймоқда.

Лекин техник тараққиётни, унинг жамиятдаги ўрни ва ролини тўхтатиш, инкор этиш мумкин эмас. Таракқиёт оддийдан мураккабга, қуйидан юқорига қараб илгарилаб бораверади. Бу жараён техниканинг ўсиши ва ривожланиши учун хос умумий қонуниятдир. Техника инсонийлашуви, инсон

маънавияти билан уйғунлашуви, ҳар бир инсоннинг онги ва фаолиятига сингиши лозим.

Фаннинг аҳамиятига баҳо бериш кучайди. Ҳозирги даврда социотехнология инқилоби кенг қулоч ёйди. Айниңса, у инфоरацияли компьютер, биотехнология, экология соҳаларида рўй бермоқда. Фанга бўлган муносабат турлича намоён бўла бошлади: бир гурух олимлар фанга сажда қилмоқда, бир гурух олимлар эса аксинча.

Фанни таърифлашда икки хил йўналиш мавжуд:

1. Фан нима, у қандай ривожланади, унинг натижалари қандай?
2. Фан қадрияти нимадан иборат? У ҳинд космологияси, Аристотелнинг назарий тузилмасидан, қадимги Хитойларнинг дао таълимотидан, афсона ва ривоятлардан фарқланадими?

Фалсафа фан, маданиятни талқин қилишда унинг рационал томонига алоҳида ургу беради.

Рационализм проблемаси, унинг модификацияси (шаклий ўзгариши), рационалликдан ташқари иррационализм (ақлдан ташқари) оқимлари билан муносабати кенг ўрганилмоқда.

Рационализм (ақлга мувофиқ, оқилона) ҳаёт билан ўзаро боғланган. Рационаллик одам ҳаётининг принципи, инсон позицияси, оламга муносабати, шахсий муаммоси билан чамбарчас боғланган. Тафаккур тарихида “рационаллик” тушунчаси («рацио»- ақл) оқилона, яъни инсоннинг оламга онгли муносабати, олам ва инсон ҳақидаги фикр, таълимот каби тушунчалар факат ақлдан келиб чиқади. Ақл инсон фикрлаш қобилиятининг энг юқори шаклидир. И. Кантнинг фикрича, ақлдан юқори ҳеч нарса йўқ. Ақл-инсоннинг билиш қобилияти, дастлабки мантиқий асос, мантиқий белги ҳар қандай фикр юритиш, мулоҳаза натижаларининг шартшароити, замини ҳисобланади.

Принциплар маълум маънода ўз моҳияти билан аксиомадир. Аксиома фанда исботсиз қабул қилинадиган ҳақиқат. У «постулат» (исботсиз асос қилиб олинадиган қоида) ғояларига анча яқин атама. Бу тушунчалар ўз-

ўзидан маълум бўлган ва тўғрилигини, ҳақиқийлигини исботлаш учун далил талаб қилмайдиган тушунчалардир. Принцип - фикрлашга йўналтирувчи момент, фурсат шарт-шароит. Мумтоз рационализмнинг барча оқимлари фикр, мулоҳазалар ривожланишининг дастлабки асоси сифатида муайян принципларга таянади. Хусусан, Фалес биринчи асос қилиб «сув»ни; Гегель «мутлақ ғоя»ни; Шопенгуаэр «эрк»ни олганлар.

Юқорида зикр этилган рационал системалар мантиқий хулосаларни фақат ягона илдиз, дастлабки асос принципидан келтириб чиқаради. Оламни бундай концептуал тушуниш уни муҳокама орқали ҳосил қилинадиган мантиқий далил, исботлаш асосида тушуниш оламни бевосита интуитив тушунишга, ҳақиқатни эгаллаш (диний таълимот)га, яхлит билишга зид бўлган йўналишдир. Ҳозирги даврда “рационаллик” тушунчаси қайтадан кўриб чиқиляпти, янгича баҳоланяпти. Рационаллик тарихий тушунча бўлиб, «ақлнинг ўзи ҳам доимо ўзгариб, ривожланиб туради. Унинг айрим томонлари эскириб ҳаётдан чиқиб кетди». “Рационаллик” тушунчасига янгича ёндашиш шундан иборатки, рационаллик субъектнинг ўз фаолиятини ташкил этишидаги универсал воситадир. Бу фаолият ақлга, мулоҳазага асосланиб, субъектнинг ниятига етишини таъминлайди.

Рационаллик ҳақида ҳозир турлича қарашлар, талқинлар мавжуд. Шулардан айримларини кўриб чиқамиз: М. Вебернинг ёзишича, рационаллик мақсадга эришишнинг адекват (айнан) воситасидир. Витгенштейннинг фикрича, рационаллик, бу конформизм, яъни вазиятга мослашишдир. Толменнинг фикрича, рационаллик фаолият қоидаларининг мантиқий асосланишидир. Демак, рационаллик ҳақида турли- туман қарашлар, талқинлар мавжуд. Лекин ҳар қандай қараш рационалликни вазиятни мантиқий далил асосида таҳлил қилиш билан боғлайди.

Рационализм, кенг маънода, табиат, жамият ва шахс субъективлигини яхлит қамраб оловчи ақл қобилияти, лаёқати демакдир. Фан ҳақиқатни билишнинг рационал мағзидир. Фан инсон маданиятининг ажralmas қисми бўлиб, олам ва инсон тўғрисида объектив аҳамиятга эга бўлган янги

билимлар ҳосил қилиш билан махсус шуғулланади. Фан ҳақиқий борлиқни, реал воқеликни ўрганишга «объектив» қаратилган бўлиб, субъектив баҳо беришдан ҳоли. Объект қандай бўлса, уни шундай кўрсатиш керак. Фан асосан амалиётдан келиб чиқади, унинг алоҳида соҳаси сифатида ривожланди. У барча соҳаларни тадқиқ этиш имкониятига эга бўлиб, ҳам назария, ҳам амалиёт билан шуғулланади.

XX аср охирларига келиб, техноген цивилизацияси илмий rationallikda ўз ифодасини топди. Илмий рационализм оламга бўлган муносабатда инсон қудратини, унинг яратувчанлик ролини кучайтирди. Инсоннинг табиат билан бирга уйғунлашишга бўлган ишончи ортди. Ф. Бэкон бир вақтлар «Билим - кучдир» фояни илгари сургани бежиз эмас.

Ҳозирги замон жамиятида фан ихтисослашди, касбга, ижтимоий фаолиятга айланди. Фан техника ва технологияга тобора кўп янгиликлар олиб киряпти (атом, лазер, компьютер, биоинженер технологияси ва х.о.) Фан ва унинг ютуқлари жамият ривожида салмоқли ўрин эгаллайди. Инсон ўз фаолиятида ундан унумли фойдаланмоқда, интеллектуал салоҳияти кучаймоқда. Лекин фаннинг роли ва ўрнини бир томонлама, тор доирада баҳолаш, уни инсон маънавиятининг (руҳининг) бошқа қисмларига қарши қўйиш ярамайди. Инсон ва жамият ҳаётида ахлоқий қадриятлар, ҳиссий жараёнлар, бадиий дид (изланиш), диний эътиқод, тажриба ва бошқалар ҳам катта роль ўйнайди.

Оламга рационаллик асосида қараш ҳозир ҳам мавжуд. Фан барча истакларни бажара олмайди, бажарган тақдирда ҳам инсоният муаммоси битмас-туганмас, унинг барчасини тўплаб, фан доирасига кирита олмаймиз. Масалан, севги фан эмас. Лекин инсон руҳий оламида фанга нисбатан салмоқли ўрин эгаллайди.

Ҳозирги даврда фан альтернативи (муқобили) вужудга келмоқда ва эскилари қайта тикланмоқда. Трансперсонал психология (трансгипноз асосида мия қўзғалиши) ўз-ўзини кашф этиш, экстрасенс «башорат қилиш», нимадир айтиш, олдиндан кўриш ва бошқалардан иборат «Уфология» (чарчаш, енгиллашиш). Оламни тушуниш (англаш)нинг Шарқ тизими ҳисобланади.

Шарқ системасига нисбатан қандай муносабатда бўлиш керак? Олам бепоён, инсон руҳияти чексиз-чегарасиз. Ўрганилган, соҳаларга нисбатан ўрганилмаган нарсалар кўп.

Фан - маданият маҳсули, ижтимоий онг шакли сифатида нисбатан кейинроқ вужудга келди. Инсон минглаб йиллар давомида ерга ишлов берди, уй-жой қурди, севди, истироб чекди, фикрлади ва баҳолади. Яъни, оламни ўзича англади, мушоҳада қилди, тушунди. Ҳали фан йўқ эди. Авлодлар алмашуви давом этди. Инсон анъанага, эмпирик тажрибага таянди. Оламга мифология ёки дин орқали қаради. Билишга интилиш бор эди. Инсон бор экан, ҳамиша билишга интилган. Лекин инсон билими илмий билишдан узоқда ёки илмий билишдан ташқарида эди. Оламни англаш, тушуниш, афсона, сеҳргарлик тажрибаларининг тўпланиши сифатида устоздан шогирдга ўтган, инсон ҳаёти шу тариқа давом этган.

Маълумки, Европа антик даврда ва Қадимги Шарқда том маънодаги назарий билим ва фан арбоблари йўқ эди. Ноилмий элементлар мавжуд эди. Палиолитдан то антик давргача турли-туман кўринишдаги билимлар тўпланиб борди, лекин улар ижтимоий ҳаётнинг зарурый шарти ҳисобланмас эди. Даврнинг маданий ва ижтимоий - иқтисодий талабига хос бўлган фан Европада Ўрта аср охирлари ва янги замоннинг дастлабки вақтига тўғри келади. XVII асрнинг улуғ олими Ф. Бэкон (1561-1626) фаннинг икки вазифасини аниқлади:

- а) Фан - инсоният билимини кўпайтириш воситаси;
- б) фан - инсоният фаровонлигини яхшилаш воситаси. Бу ғоя ҳозир ҳам қимматли ва эътиборга лойик.

Фаннинг ривожланиш тарихи ҳақида турлича қарап ва концепциялар вужудга келди. Янги концепциялардан бири (1993 йил, Кравец А. Ц) фан ривожланишига асос қилиб, социал-маданий параметр (ўлчам)ни олди, Европа фани таракқиётининг тўрт даврини кўрсатиб берди.

1-давр. XV асрдан то XVIII асргача романтизм руҳида бўлди. Бу даврнинг хусусияти: бозор иқтисодиётининг қарор топиши; буюк

капитализм; дастлабки капитал жамғариш, фан билан шуғулланишнинг касбга айланиши; инсон билиш фаолиятининг дин доирасидан чиқиб, табиий тажрибага таяна бошлиши; фан структурасида янги соҳаларнинг вужудга кела бошлиши; фан тармоқларининг кенгайиши; маорифнинг фан хуносаларини бевосита сингдира бошлиши.

2- давр. XVIII-XIX асрлардаги классик давр. Унинг муҳим хусусиятлари:

- бозор муносабатлари қарор топди;
- ишлаб чиқариш саноатлаштирилди;
- капитализм ғалаба қилди;
- фундаментал назариялар яратила бошлади;
- фан тармоқлари ривожланди;
- фан маҳсус назарияси йиғиндиси сифатида шаклланди. Фан бевосита давлатга хизмат қила бошлади. Олимлар обрўси ортди.

3-давр. XX асрнинг 70- 80 йиллари пост классик давр. Унинг хусусиятлари:

1) «Катта фан» вужудга келди.

Оlam моҳиятини талқин қилишга қаратилган назариялар яратилди;

2) Илмий ғоялар техника инновациясига, ишлаб чиқариш ва турмушга татбиқ этила бошлади.

4- давр. Биринчи постклассик - ҳозирги давр.

«Катта фан» соҳасидаги ривожланиш жадаллашди. Давлат фанни ҳар томонлама ривожлантиришни ҳимоясига олди, фан давлат тизимининг муҳим элементига айланди. Катта лойиҳалар вужудга келди (атом, космос, «инсон», экология). Фан структурасининг ички тузилиши турли-туман кўринишга эга бўлди. Илмий изланиш икки йўналишига: табиий олам ва инсон оламига қаратилди. Шунга асосан дастлаб фан:

а) табиий фанларга;

б) социол ижтимоий-гуманитар фанга ажралди.

Бу фанлар ўзаро боғлиқ шу билан бирга, ўз обьектига эга бўлган мустақил соҳалардир. Ҳозирги замон фанинг уйғунлиги, яхлитлиги турли-туман

бўлиб, унинг тавсифи ҳам хилма-хилдир. Предметлар, фан соҳалари бўйича тавсиф қилиш принципи мавжуд. Адабиётларда таъкидланишича, ҳозирги пайтда 10 мингдан ортиқ мустақил фан мавжуд. Ҳар бир фан ўз атамаси, ўз методикаси, тадқиқот предметига эга. Олам яхлит, лекин у кўп қиррали ички алоқадор система.

Лекин, бу доимо назарий таҳлил катта аҳамият беришни талаб этади. Бу ўринда фалсафа муҳим роль ўйнайди. Фалсафа маънавий оламга муносабат масаласида билимларнинг умумий асосларини тўплаш, йиғиш функциясини бажаради. Ҳар бир тадқиқотчи фан билан шуғулланишда жуда кўплаб муаммоларга дуч келади, умумийликни излайди. Инсон муаммоси, инсониятнинг умумбашарий муаммолари, универсиум муаммолари, йирик техника муаммоларини бирон бир фан доирасида ҳал этиш ғоят мушкул. Шунинг учун фалсафий умумлаштиришга эҳтиёж туғилади. Фан илмий билимлар тизими сифатида ўзига хос ички тузилишига эга. Адабиётларда унинг тури фарқланади:

- 1) эмпирик даражадаги илмий билим;
- 2) назарий даражадаги илмий билим.

Эмпирик даражадаги илмий изланиш олимнинг тадқиқот обьекти билан бевосита алоқа ўрнатишини билдиради. У кузатиш, таққослаш, ўлчаш, экспремент, тасвирлаш ва ҳ. кга таянади.

Назарий даражадаги илмий изланиш эмпирик далилга асосланади, обьектдан анча узоклашган бўлади.

Идеал модель тузиш, ақлий эксперимент, мавжуд материалларни математик асослаш, назарий конструкциялаш (лойиҳалаш) ва бошқалар назарий изланиш методлари ҳисобланади. Бу даражада, энг аввало, ўрганиладиган обьект ва жараённинг мавхумлашган системаси тузилади.

Бу икки изланиш ўзаро бир-бири билан боғланган бўлиб, улар ўзаро алоқадор. Назария эса фактга таянади.

Илмий билиш ўз моҳияти билан қонунларни очишга қаратилган, чунки улар илмий билим шакллари бўлиб, нарсалардаги барқарор, такрорланиб

турадиган, зарурий алоқаларни ифода этади. И. Кант қонунни мавжудликнинг зарурий қоидаси деб таърифлаган. Тадқиқотчи ўрганадиган объект ёки ҳодисани тасвирлаш, тушунтириш (яъни, моҳиятини очиш, унинг ички имкониятларини топиш) ва ўзгариш жараёнини кўра билишни башорат қила олиши керак.

Гуманитар фанлар (инсон ҳақидаги фанлар)нинг вазифаси тасвирлаш, тушунтириш билан бирга, фаҳмлашдир. Фаҳмлаш, идрок этиш ўрганиладиган объект ёки соҳанинг инсоннинг мақсади ва идеалига мувофиқлигини изоҳлаш (интерпретация), демақдир. Фаҳмлаш, идрок этиш инсонийлик моҳиятини аниқлаш билан боғлиқ бўлган жараёндир. Фаннинг яшаши ва ривожланиши айрим зарурий асосларга таянади.

Ҳозирги тадқиқотчилар фикрича бу асослар қўйидагилардир:

- тадқиқот идеал ва нормалари;
- оламнинг илмий манзараси;
- фаннинг фалсафий асослари.

Ҳозирги замон фанида тез-тез қўлланилаётган «парадигма» тушунчасини фанга Т. Кунт киритди. “Парадигма” тушунчаси ўз ичига :

а) илмий изланишлар умум қабул қилган идеаллар ва нормалар йиғигдиси:

б) илмий жамоатчилик асосий қўпчилигининг розилиги билан тан олинган қоида ва асосларни қамраб олади. Демак, парадигма идеал ва нормалар, олам манзараси ҳолатини ифодалайди. Парадигманинг алмашинуви фанда катта ўзгариш рўй берганини ва янги соҳага ўтилганини бидиради. XX аср ўрталарига келиб, парадигма сифатида олам манзараси ва инсон муаммоси қўйилди. Бу фандаги ўзгариш, постклассик давр, ноклассик даврнинг вужудга келиши билан боғлиқ эди. Айни шу даврда, фанга аксиологик ёндашув шартлари киритилди. Фан объективлик билан ўзига муайян шаклда «Антроп принцип»ни қабул этди. (Антроп, антропология- одамнинг биологик хусусиятлари). Инсон оламда яшайди, ҳар қандай билим, ўзгариш, инсон манфаатига хизмат қилиши, инсонга йўналтирилган бўлиши шарт. Яъни, оламни ўрганиш, билишга инсон манфаатлари нуқтаи назаридан қарамоқ керак. Мумтоз табиий фанлар

оламнинг табиий асосларини ўрганади. Олам бошқа, уни ўрганувчи инсон бошқа. Инсон табиатда яшайди, лекин бу ҳақиқат инсон томонидан ҳар доим ҳам тан олинмаган.

Фан инсон зотини сақлаш ва унинг абадийлигини таъминлашга қаратилган. Инсонни омон-эсон сақлаш, унинг тарихини давом эттириш жаҳон фанининг вазифасидир. Фанда гуманизм руҳи кучаймоқда, ҳар қандай ҳақиқат инсон баҳт-саодати учун хизмат қилиши керак. Мавжуд адабиётларда фан ҳамма вақт тўғри чизик бўйлаб ҳаракат қилмайди. Оламда «тартиб» ва «тартибсизлик» мавжуд, унинг келиб чиқиш сабаблари турлича, бу эса космос, биосфера, социал ҳаёт билан боғлиқ. Фан ҳам шу қонунга асосланади. Яъни, тўғри чизик бўйлаб ривожланмайди.

Маълумки, оламни синергетик асосда англаш фундаментал тушунчадир. Бу тушунча математика фанидан олинган. Ижтимоий масалаларни ҳал этишда фақатгина бир йўл ва биргина эҳтимоллик бўлиши мумкин эмас. Аксинча, улар кўп, ҳаттоқи бир-бирига зид бўлиши ҳам мумкин.

Ривожланишнинг бекарорлик нуқталарида (бифуркация - учқун, аланг) вазиятнинг кескинлашиши, таранглашуви асосида содир бўлиши фаннинг неоклассик парадигмаси хазинасига киради. Синергетик асосда қарашда кўпгина ҳодисалар мутацияга учрайди. Бизнинг асримизда фан узоқ галактикага, космосга, элементар зарачалар ва квант, тирик организм, инсоннинг руҳий ҳолати ва ижтимоий ҳаёти соҳаларига кириб борди. Фан ютуқлари қатор камчиликларга қарамай, инсон зоти тарихини давом эттириш имкониятини яратмоқда. Фан бевосита ишлаб чиқарувчи кучга айланди. Фан ижтимоий куч сифатида инсон ҳамжамиятида бўлаётган ўзгаришларга ўз таъсирини кучайтирмоқда. Бу эса илмий-техник соҳаларни: фундаментал ва амалий, табиий ва ижтимоий- гуманитар, техник ва ташкилий жиҳатларни ўз ичига олади.

XX аср охирларига келиб, инсоният тарихида инсон олами ва табиат оламига бўлган муносабат тубдан ўзгарди. Бу ўзгаришлар турлича ифодаланмоқда:

- илмий-техник инқилоб;
- ижтимоий - техник инқилоб;
- информацион-компьютер ёки информацион-экологик давр.

Унинг ядроси, маркази сифатида электрон компьютер ва биотехнология кўрсатилмоқда. Натижада янги цивилизация вужудга келиши мумкинлиги айтиляпти. У «информацион», «информацион-экологик» давр жамияти деб аталиши мумкин. Цивилизацион жамият эндиғина шаклланмоқда. Бу жамиятда асосий ўринни информация ва билим эгаллайди.

Ҳозирги даврда ривожланган мамлакатларда саноат, қишлоқ хўжалиги, алоқа ва коммуникация, турмуш ва дам олиш, маориф ва маънавий ҳаёт фундаментал фан ютуқларига таянмоқда, инсон фаолияти ва турмушда билимга интилиш, уни кенгайтириш ва сақлаш, фикрни трансформациялаш, кўпайтириш ва тарқатиш асосий ўринни эгалламоқда. Информация қимматли маҳсулот ва асосий товар бўлиб қолмоқда. Информация фақатгина хабар, маълумот бериш эмас. Кибернетиканинг ривожланиши билан информация гўё бир субстанцияга айланди. Ундан татқиқотчилар, ишлаб чиқарувчилар, ижтимоий ҳаётни бошқарувчилар кенг фойдаланмоқда. Информация ҳақида фалсафий концепция шаклланди. Информацияни манзил ва ҳаракат билан бир қаторга қўймоқдалар: манзил – ҳаракат - информация. Бу ўринда информация универсум ва унинг тармоқларига хос хусусият деб талқин этилмоқда. Универсум ва уни ташкил этувчи ҳар бир тармоқнинг муҳим хоссаси информациядир. Кўпчилик муаллифлар информацияни ҳар хилликнинг инъикоси, ноаниқликнинг йўқотилиши, турли-туман хабарлашиш, структурани ташкил топиш меъёри, танлаш эҳтимоллари, талант, истеъодод онаси; ҳар қандай билим мазмуни, ички қўзғатувчи, чуқур хабардорлик сифатида талқин этмоқдалар.

Шакланаётган жамият «информацион» жамият эканлигини ҳисобга олиб, унга хос қуйидаги хусусиятларни айтиш мумкин: А) инсон борлиғидаги барча сунъий «энергетик» ва «ашёвий» (нарсалар) ҳолат, моментлар «информацион» жамиятга кўчиб ўтади. Энергетика, ашёвий томонларини информация

эгаллайди; Б) инсон доимо энергияга мухтожлик сезади, табиат устидан хукмрон бўлишга интилади. Техника ва технология илмийликка асосланган бўлиб, илм-фан ва қўникмани талаб қиласди. Асримизнинг энг юқори технологияси: электроника, информатика, биотехнология ва х.к. таъсирида ишлаб чиқариш фаолияти инсониятга ва табиатга бўлган муносабат ўзгармоқда. Интелектуал фаолият кенг миқёсда «технологиялашмоқда» ва компьютерлашмоқда. Ҳар бир соҳада билим ва фаннинг салмоғи кучаймоқда.

Инсон ҳаёти бевосита инсоннинг интеллектуаллигига, ақл-заковатига, маънавий-аҳлоқий қиёфасига боғлиқ. Жамиятнинг маданий-маънавий соҳаси тез ривожланмоқда. Информацион технология маданият ва инновацияга таъсир этмоқда, натижада турли зиддиятлар келиб чиқмоқда. Ҳар бир инсон индивидуал электрон воситалар орқали зарурӣ информация олмоқда. Замонга хос бундай ўзгаришлар тасодифий, салбий ҳолатларни вужудга келтирмоқда. Информацион инқилоб, ўз навбатида, сиёсий муносабатлар сферасига ҳам таъсир этади. Бу, бир томондан, ҳар бир фуқаронинг демократик ўзгаришларда қатнашиш имконини кенгайтиради. Иккинчи томондан, инсонлар устидан назорат қилувчи структурани кучайтиради. Информацион инқилоб инсонга, унинг ҳаёт тарзига, касбига, руҳий ҳолатига таъсир қиласди.

Компьютерлаштириш янги реалликка - «виртуал реаллик» (эҳтимолга яқин реаллик)ка, сунъий муҳитга кирмоқда, бу муҳитни асл нусха, андоза сифатида қабул қилиш мумкин. Бу янги технология инсони руҳиятига салбий таъсир этиши ҳам мумкин. Компьютер технологияси инсон ижодий имкониятини кучайтириши, янги типдаги шахсни яратишга ёрдам беради.

## **Назорат учун саволлар**

1. “Техника” тушунчасининг мазмун-моҳияти.
2. Техноген олам деганда нимани тушунасиз?

3. Фан нима, у қандай ривожланади, унинг натижалари нималардан иборат?

4. Фаннинг ўзига хос хусусиятлари.

5. Фаннинг шаклланиши ва тараққиёти қандай даврларни ўз ичига олади?

6. Фан ва жамият орасидаги диалектик алоқадорликни қандай тушунасиз?

## **14-МАВЗУ. “ЦИВИЛИЗАЦИЯ” ТУШУНЧАСИ: МОХИЯТИ ВА МАЗМУНИ**

1. Цивилизация. Цивилизация ҳақидаги фалсафий қарашлар.
2. Цивилизация ва маданият. Цивилизациянинг ўзига хос хусусиятлари.
3. Цивилизация: Шарқ ва Ғарб.
4. Ҳозирги замон цивилизацияси.

Цивилизация умумбашарий фалсафий тушунчалардан бири бўлиб, «маданият», «ижтимоий-иқтисодий формация», «жамият» тушунчаларига яқин бўлсада, лекин айнан бир хил маънони ифодаламайди. Ушбу тушунча лотинча «цивилис» сўзидан олинган бўлиб, «фуқароликка оид», «давлатга оид» сингари маъноларни англатади. Кўп йиллар давомида илмий адабиётларда маданият ва цивилизация бир хил маъноли тушунчалар сифатида талқин этиб келинди. Ҳолбуки, немис файласуфи И.Кант улар ўртасида ўзаро боғлиқлик ва тафовут мавжудлигини кўрсатган. XX аср бошларига келиб, немис файласуфи Освальд Шпенглер «Европа қуёшининг сўниши» асарида “маданият” ва “цивилизация” тушунчаларини бир-бирига қарама-қарши қўйди. Унинг фикрича, цивилизация маданиятнинг энг юқори босқичи бўлиб, ундан кейин эса маданият аста-секин инқирозга юз тутади. Немис файласуфи цивилизация деганда техник-механик жараёнлар мажмуини назарда тутган эди.

Маданиятнинг пайдо бўлиши инсониятнинг ёввойиликдан кейинги даври билан боғлиқ бўлса, цивилизация тарихий жараён, ижтимоий ҳодисадир. Цивилизациянинг ривожланиши жамиятни юксалтиришга олиб келади, натижада бу жамиятда фуқаролар эркинлигини таъминлаш имкони яратилади. Цивилизацияли ҳаёт инсонни маданиятли қиласи ва унинг ҳар томонлама камол топиши учун шарт-шароит яратади.

Ҳозирги даврда цивилизациялашганлик кўпроқ “кулайлик” тушунчаси билан айнилаштирилмоқда. Унинг моҳиятини саноат истеъмол воситаларини яратиш ташкил этмоқда, айни вақтда у жамият ривожланишининг мезони ҳисобланмоқда. “Цивилизация” тушунчаси таркибига қадриятлар ҳам киради. И.А.Каримов бу ҳақда шундай ёзади: «Биз ҳозирги цивилизация ўзида ифода этадиган ижобий қадриятлар жумласига ҳукукий-демократик жамият қуриш жараёни билан боғлиқ бўлган қадриятларимизни киритамиз. Бу инсон ҳукуқларига риоя этиш, тадбиркорлик эркинлиги, сўз эркинлиги, матбуот эркинлиги ва ҳаказолардир»<sup>1</sup>.

Мавжуд илмий адабиётларда цивилизация атамасининг иккинчи маъноси ҳам ёритилмоқда. У лотинча «фуқароликка оид» тушунчаси билан боғлиқ. Лотин тилидан кириб келган гражданлик, горожанин сўзларининг ўзаги бир хилдир. Цивилизация шу маънода “шаҳар маданияти” тушунчасини ҳам ифодалайди. Шаҳар маданиятини яратган ва унда яшаган кишиларни цивилизацияли инсон дейиш одат бўлган. Цивилизацияни бундай тушуниш, айниқса Юнонистон, Рим ва бошқа жойларда кенг тарқалган. XVIII аср француз файласуфлари цивилизацияга эришган жамият, деганда ақл ваadolатга асосланувчи жамиятни тушундилар. Цивилизация объектив ижтимоий ҳодиса бўлиб, одатда, бирон-бир ҳалқ, минтақа, жамият, давлат ва ҳатто бутун жаҳонга нисбатан қўлланилади:

- цивилизацияга эришган ҳалқ;
- Шарқ цивилизацияси, ғарб цивилизацияси;
- цивилизацияли жамият, цивилизацияли давлат.

Цивилизация бутун бир ҳалқ ёки миллат, тарихий давр ва мамлакат томонидан яратилади. Маданият цивилизациянинг муҳим элементидир. Адабиётларда цивилизацияга соғ моддий ҳодиса деб қараш ҳоллари ҳам учрайди. Моддий тараққиёт ўса бориши билан кишиларнинг фаолият соҳаларида

---

<sup>1</sup> Каримов И.А. Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари. -Т.: “Ўзбекистон”, 1997, 147-бет.

ўзига хос ўхшашликлар ва маълум қулайликлар пайдо бўлади, улар тўпланиб «цивилизация»ни ташкил этади.

“Цивилизация” тушунчасига инсон томонидан яратилган предметлар, ҳодисалар киритилмоқда:

- моддий бойликлар, транспорт воситалари;
- қасб-кор, илмий-тадқиқот ўтказиш усуллари;
- ички тартиб, қоида, низомларни ҳимоялаш усуллари;
- инсонларнинг турмуш тарзи;
- озиқ-овқатларни исъемол қилиш сифати, даражалари, меъёрлари;
- эҳтиёжларни таъминлаш меъёри ва даражалари;
- саноат, қишлоқ хўжалиги, тақсимот, ривожланиши даражалари;
- кийим-кечак ишлаб чиқариш, кийиниш, орасталик, эстетик дид ва бошқалар.

Фан тараққиёти, унинг амалиётга таълим-тарбия тизими ва уни амалга ошириш усулларига татбиқ этилиши, цивилизация ютуқлари ҳисобланади. Халқлар, давлатлар, минтақалар ривожланишидаги ўзига хос фарқлар цивилизацияларо тафовутларни ташкил этади.

Демак, цивилизация кўпроқ моддий тараққиётдаги фарқларга тегишли. Маданият эса маънавий тараққиёт соҳасидаги тафовутлардан келиб чиқади. Цивилизация ва маданият ўртасида ўзаро алоқадорлик, мавжуд, шунингдек, улар ўртасида тафовут ва зиддиятлар бўлиши ҳам мумкин. Цивилизация ва маданият айни бир вақтда вужудга келиши мумкин, бироқ улар бир текис ривожланмайди. Цивилизация ривожланган бўлиши, лекин маданият қолоқ бўлиши мумкин ва аксинча. Кўпгина давлатлар тараққиёти шундан гувоҳлик беради. Масалан: Қадимги Рим гуллаб-яшнаган даврида ўта ривожланган цивилизацияга эга эди, аммо унда маданият кам тараққий этган эди. Чунки унинг санъати ва фалсафаси маълум бир ҳаётий дунёқарашдан илдиз отиб чиқмаган эди, мавжудлари эса бирон-бир дунёқарашнинг таъсирида ривожланган эди. Христиан дини вужудга келиши билан дастлабки даврларда у цивилизацияга бирор нарса бера олмади, аммо у дунёга юқори

даражали маданият берди. Бу маданият христианлик дунёқарашидан келиб чиқкан эди. Римлик ақл-идрок эгаларининг фаолият тарзи моддийлик талабларига бўйсунган эди. Демак, Қадимги Рим тараққий этган цивилизацияга мисол бўла олади. Кейинчалик Римда цивилизация ва маданият уйғунлашди, яъни христианлик туфайли Рим ҳам цивилизацияга, ҳам маданиятга эришди. Бироқ цивилизация маданиятга бўйсундирадирилган, маданиятга бўлган эътибор кучайган эди.

Жаҳон тараққиётининг ҳозирги босқичида цивилизация ва маданиятнинг ўзаро муносабатига бўлган турлича қараш ҳамда концепциялар мавжуд. Европа мамлакатларида жамиятнинг моддий томонига эътибор кучайтирилиб, маданиятни цивилизацияга бўйсундиришга ҳаракат қилинмоқда. Инсониятнинг тафаккур тарихидан яхши маълумки, тараққиётнинг айрим даврларида фалсафа, маданият, маънавият бирламчи, яъни устувор ўрин эгаллаган. Антик дунёқарашининг чинакам цивилизациянинг юзага келишига сабаб бўлган даврлари ҳам бўлган. Лекин шуни алоҳида таъкидлаш жоизки, “маданият” ва “цивилизация” тушунчаларининг ўзаги бир хил эмас: дин рухият, маънавий камолот, илоҳиёт билан боғланган, цивилизация эса инсониятнинг меҳнати, яратувчанлик фаолияти асосида вужудга келган ижтимоий жараёндир.

Демак, цивилизация ва маданият турлича тушунчалар ва категорияларга асосланади. Инсоният тафаккурининг турли босқичларида маданият ва цивилизацияни бирлаштириш йўлида кўп ҳаракатлар бўлган. Яҳудийларнинг муқаддас диний китоби бўлган Тавротда ижтимоий ғоялар ва моддийлик бирлаштирилиб, яхлит ҳолда берилган. Яҳудийлар ўз таълимотларида цивилизация ва маданиятни бир-бири билан боғлашга уринганлар. Цивилизация ва маданиятни бир-бири билан боғлаш, қўшишга бўлган уриниш ҳиндуизм ва зардуштийлик динларида ҳам бўлган. Лекин бу икки соҳани айнийлаштириш ва бир хил ҳодиса деб қараш ярамайди. Чунки цивилизация ва маданият бир-биридан ўз моҳияти ва тузилиши жиҳатидан кескин фарқ қиласи. Цивилизация табиий ва ижтимоий-маданий уюшмаларнинг яхлитлиги, халқ бунёдкорлик

фаолиятининг маҳсули ҳисобланади. Бунда шу халқнинг маданияти, анъаналари, удумларининг ўзига хос хусусиятлари, яшаш жойининг географик ва иқлим шароитлари ўз ифодасини топади.

Цивилизация миллатлараро тутувлик, иқтисодий алоқалар бирлиги (хўжалик муносабатлари), табиий-географик шароитлар, маданий ва антропологик томонларни ўз ичига олади. Айниқса, бунда миллий тил ва маданият бениҳоя аҳамиятли. Чунки ҳар қандай цивилизациянинг моҳият мазмуни ана шу тушунча ва белгиларга боғлиқ. Ҳар қандай цивилизация ўзаро алоқадорлик, ўзаро таъсир асосида шаклланади. Ҳар қандай цивилизация ўз шаклланиши жараёнида бошқа цивилизацияларнинг ютуқлари ва имкониятларидан иложи борича кенг фойдаланади, уларни ўзига сингдиришга харакат қиласи. Тойнби, Карл Ясперс ва бошқаларнинг фикрича, Россия цивилизацияси Ғарбий Европа цивилизацияси қаторида туради. Лекин Россия цивилизацияси юонон-рим цивилизациясининг бир тармоғи ҳисобланади. Шунингдек, Россия цивилизацияси учун византияликларнинг роли салмоқли. Одатда, йирик цивилизацияларнинг вужудга келиши ва ривожланиши системали равишда ўрганилади. Яъни, цивилизацияни ўрганишга комплекс ёндашиш, инсон ва унинг маданиятини атрофлича ўрганиш, шу халқнинг маданияти, фаолият тарзи, хулқ-атвори ва бошқаларни кўрсатиш мумкин. Цивилизацияга хос хусусиятлар бадиий, маданий, маънавий ёдгорликларда ўз ифодасини топади. Ўзбекистон цивилизацияси ва маданияти бой, узоқ ривожланиш тарихига эга. У ислом дини, маданияти орқали Шарқ мамлакатлари учун хос бўлган умумий маданият манбалари билан уйғунлашади. Бу эса ўзбек цивилизациясининг шарқона асосини белгилайди. Аммо ўзбек цивилизацияси ўзига хос хусусиятларининг беталилиги, ноёблиги ва миллийлигини сақлаб қолди. Ўзбек цивилизацияси қатор хусусиятлари билан Марказий Осиё давлатлари ва халқлари билан яқиндан ҳамкорлик қилиш, яхлит цивилизацияни яратиш имкониятини кучайтиromoқда. Ҳозирги даврда Ўзбекистон цивилизациясининг йўналиши ҳамкорлик ва бирликни мустаҳкамлашга, айниқса, Марказий Осиё мамлакатларида маданият, дин ва

урф-одатларни ҳисобга олиб интеграциялашув жараёнини амалга ошириш, минтақада цивилизациялараро зиддиятлар кескинлашувининг олдини олишга, маданият ва қадриятларни ўрганиш, авайлаб-асраш, даврга мослаштиришга, мавжуд цивилизациялар ўртасидаги умумий томонларни топиш, цивилизацияларни синтезлаштиришга қаратилган. И.А.Каримов ана шу жараёнлар тўғрисида шундай деб ёзади: «Марказий Осиё халқларининг интеграцияси бор нарса, бу мавжуд воқелик - худудий бирлик, коммуникациялар, иқтисодиётнинг асосий ва етакчи тармоқлари муштараклигини объектив зарурият деб ҳисоблаймиз. Бир-бирига чирманиб кетган умумий теран томирларига эга бўлган халқларимизнинг маданий, тил ва маънавий бирлиги ҳақида-ку гапирмаса ҳам бўлади. Марказий Осиё ҳамдўстлиги интеграцияси бизнинг мустақиллик ва тараққиёт йўлимиздир».<sup>1</sup>

Цивилизацияга идеал жамият, ақл ва тафаккурга асосланган жамият деб қаралмоқда. Саёҳатлар даври (ХУ-ХҮ1)да оламда Европа маданияти ва ахлоқидан ташқари турли-туман маданиятлар мавжудлиги эътироф қилинди. Натижада XXI аср бошларига келиб, цивилизациянинг этнографик концепцияси вужудга келди. Яъни, Т.Жуффруа фикрича ҳар бир давлат, халқ, миллат ўз цивилизациясига эга. «Цивилизация» тушунчасига ёндашишда XIX аср бошларигача 3 хил қараш мавжуд эди:

1. Цивилизация - инсониятнинг ягона, яхлит прогрессив ривожланиш идеали.
2. Цивилизация - инсониятнинг ягона ва яхлит прогрессив ривожланишининг босқичи.
3. Локал-тариҳий цивилизация яхлитлиги, этносларнинг ёки тариҳий, ижтимоий уюшмаларнинг ноёб ва бетакрорлигини эътироф этиш.

Ф.Гизо цивилизациянинг этнотариҳий концепциясини яратди. Унинг фикрича, инсониятнинг ягона прогрессив ривожланиши, турли халқларнинг маданий-реаллиги ўртасида қарама-қаршилик ва зиддият мавжуд. Гизо локал

<sup>1</sup> Каримов И.А. Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари. -Т.: “Ўзбекистон”, 1997, 320-323 бетлар.

цивилизациялар мавжудлигини, шунингдек, яхлит кишилик жамияти тараққиёти учун ҳам цивилизация ғоясини қўллаш мумкинлигини эътироф этди.

Бу ғоялар XX асрнинг 20-30-йилларида немис файласуфи О.Шпенглер томонидан янада ривожлантирилди.

О.Шпенглер «Европа қуёшининг сўниши» асарида Фарбий Европа тарихига хос европоцентризм, панлогизм, тарихийлик, тўғри чизиқли ривожланиш тамойилларини танқид қилди ва маданий-тарихий жараённинг айланма ҳаракат назариясини яратди. Унинг фикрича:

1. Жаҳон маданияти турли-туман бўлиб, цикли ривожланишдан иборат;
2. Турли-туман маданиятлар етуклик жиҳатдан ўзаро тенг ва баравардир.

Уч босқични ўз ичига олади:

О.Шпенглернинг фикрича, тушқунликка юз ўгирган ва қотиб қолган маданият цивилизацияга ўсиб ўтади. Шунинг учун цивилизация ҳамма жойда бир хил сифат, белги ва хусусиятга эга бўлади:

- яхлит маданий оламнинг организм сифатида барҳам топиши унинг ўлганлигига кўринади;
- бу илҳомлантирувчи, ривожлантирувчи маданиятнинг сўнггида ўз ифодасини топади;
- маданиятнинг йўқлик сари юриши этник тартибнинг бузилиши, яъни борлиққа қайтиши демақдир.

О.Шпенглер тарихий жараённинг айланма ҳаракати, тарихий «ритми» (мароми) ғоясини илгари сурди: Бу назария цивилизациянинг цикли ривожланиши, яъни такрорланиб туриши ҳақидаги концепцияга олиб келди.

Тойнбининг фикрича, цивилизацияларнинг вужудга келиши, халқларга нисбатан табиат томонидан («ҳосилсиз ерлар», «сиқув йўллар») ёки инсоний муҳит («зарба» ва «сиқув») кўрсаткичлари томонидан қўйилган чақириққа жавоби ҳисобланади. Янги цивилизация икки йўл асосида пайдо бўлиши мумкин: 1. жамиятнинг оддий, юзаки структураси омма ичидан етишиб чиқсан ижодий фикрловчи элита (табақа, гурӯҳ) томонидан ўзгартирилади. Чакириққа, талабга нисбатан янги метод ва механизmlар яратади ва ижтимоий

фаоллик мимесис механизми асосида рўй беради. (Мимесис-ижтимоий тақлид, имитация орқали ижтимоий қадриятларга қўшилиш, иштирок этиш, аралашиш-бирикишга интилиш демакдир). Янги цивилизация ўтмишда бўлган цивилизациянинг генетик негизидан келиб чиқиши ҳам мумкин.

Демак, Тойнби цивилизацияга система сифатида қаради, улар ўртасидаги тафовутларни эса алоқалар типи, тури билан боғлади. У жаҳон цивилизациялари тарихи, унинг турлари, хусусиятлари, фарқларини ўрганиш билан шуғулланди. Бу қатор асарларида изоҳлаб берди.

XX асрнинг иккинчи ярмига келиб, ижтимоий-фалсафий таълимотнинг маҳсус тармоғи сифатида цивилизацияни тадқиқ этиш фани вужудга келди. Бу тез суръатлар билан ривожлана бошлади. Ҳатто қатор мамлакатларнинг ўқув юртларига ўқув режаларига киритилди. Цивилизация моҳиятини талқин этишга бир қанча: культурологик, социологик, этнопсихологик, географик ёндашув ва бошқалар вужудга келди.

Культурологик нуқтаи назардан (М.Вебер, А.Тойнби) ёндашишга кўра, цивилизация - алоҳида социомаданий феномен бўлиб, макон ва замон билан чегараланган. Унинг асосини дин ташкил этади. Э.Тайлор цивилизация элементларига билим, эътиқод, санъат, қонун, удумлар, одат, ва бошқаларни ҳам қўшади, чунки жамият аъзолари уларни ўзлаштириб унга амал қиласди. Социологик асосдаги ёндашув (Д.Уилкинс)га кўра, цивилизацияни социум сифатида тушуниш мумкин эмас, у ягона бир хил маданиятдан иборат бўлаолмайди. Гомоген маданият цивилизациянинг белгиси бўлаолмайди: маданият ҳар хил бўлиши мумкин. Д.Уилкинснинг фикрича, цивилизация ижтимоий уюшма бўлиб, у вақт ва маконда алоқалар, зиддиятлар асосида мавжуд бўлади.

Цивилизация муносабатлари ҳамкорлик, зиддиятлар, уруш, тенгсизлик, барқарорлик ва эксплуатация асосида мавжуд бўлади, айниқса ижтимоий-сиёсий алоқалар кучли ривожланган бўлади. Этнопсихологик ёндашув (Л.Гумелев)га кўра, цивилизацияни этник тараққиёт хусусиятлари билан, муайян халқнинг маданияти ва психологияси билан боғланади. Бу

цивилизацияни миллий характер билан боғлаш ёки у билан айнийлаштириш демакдир. Цивилизацияга географик детерминизм асосида ёндашиш (Л.Мечников) ҳам мавжуд. Бу оқим тарафдорлари у ёки бу халқ цивилизациясини географик муҳит билан боғлайдилар, яъни кишиларни уюштиришниш коопérationон шакли табиатнинг ўзгарувчан, яратувчанлик фаолияти асосида шаклланади.

Фалсафага оид адабиётларда цивилизация моҳиятини кенг ва тор маънода тушуниш ҳоллари ҳам учрайди. Цивилизация кенг маънода жамият моддий ва маънавий ютуқларининг мажмуи, йигиндиси сифатида талқин қилинмоқда, тор маънода эса жамиятнинг фақат моддий маданиятини ифода этади, деб.

XX асрнинг иккинчи ярмида Европа цивилизацияси масаласида бир қанча йўналишлар вужудга келди.

1. Цивилизация - локал тарихий уюшма. Бундай уюшма у ёки бу халқнинг ижтимоий-маданий менталитетини ифодалайди. Бунда цивилизациянинг социомаданий хусусияти ўз ифодасини топади.

2. «Цивилизация» тушунчасини маданий-редукцион асосда талқин этиш ярамайди. Бу гоя ҳозирги даврдаги глобалистика масаласи билан узвий боғлиқ. Яъни, у жаҳон цивилизациясининг яхлитлигини эътироф этади.

3. Цивилизация масаласига доир яна бир таълимотга кўра, цивилизация кўп маъноли ҳодиса, турли-туман цивилизацияларнинг учрашуви сифатида вужудга келган воқеликдир. Унга ҳозирги даврнинг глобал императив (талаб) «чақириғи» натижаси сифатида қаралмоқда.

Цивилизация, бу кўп цивилизацияларнинг ўзаро алоқаси бўлиб, глобал масалалар билан узвий боғлиқ. Аммо цивилизацияга яхлитлик деб қараш билан бирга ҳар қандай цивилизациянинг ўзига хослиги сақланмоқда (Фарб, Ислом, Ҳиндистон, Хитой, цивилизациялари), лекин шунга қарамай, ҳозирги даврда цивилизацияларро мустаҳкам алоқа (тенденция) йўналишлари кучаймоқда. Оламга яхлит бирлик сифатида қаралмоқда. Н.Моисеевнинг фикрича, XXI асрда ягона қитъа цивилизацияси вужудга келади, унда умуминсоний қадриятлар, умумсайёравий ақл, ахлоқ ва руҳий олам қарор

топади. Бундай қарашга зид равищда Э.Баталов томонидан илгари сурилаётган назарияга кўра, мегацивилизация вужудга келади, лекин миллий, минтақавий, худудий цивилизациялар ўз аҳамиятини сақлаб қолади:

«Маданий» плюрализм назариясига кўра, маданият мамлакатлар, минтақавий цивилизацияларни бир-бири билан узвий боғловчи ҳалқадир. Бу оламни гармоник ривожлантириш учун имконият яратиб, маданий ҳамкорликни вужудга келтиради. Чунки Ғарб цивилизацияси фақат ягона цивилизация эмас, унга зид турган Шарқ цивилизациясининг ўзига хос феноменлари, бетакрор ва ноёб томонлари мавжуд. Евropa ёки Ғарб цивилизацияси олдида кўп миллий маданиятлардан иборат бўлган эндоғен маданият моделини, маданий плюрализмни яратиш вазифаси кун тартибига қўйилади. Ер юзининг глобаллашуви жараёнида савдо бирлашмалари, турли мафкуравий ишларни олиб бориш асосида ягона олам манзарасини яратишга ҳаракат қилинади.

Глобализм бир қанча босқичларга бўлинади:

1. Глобализмнинг туғилиши (XV-XVIII асрнинг I ярми)
2. Глобализмнинг бошланиши (XVIII аср П ярмидан 1870 йилгача).
3. Глобализмнинг сакраши (1870 йилдан XX асрнинг I ярмигача).

Цивилизация масаласига ёндашишда бир-бири билан боғланган уч йўналиш вужудга келди:

1. Локал-тарихий ёндашув асосида изохлаш.
2. Тарихий - босқичли ёндашув.
3. Жаҳон тарихий босқичи асосида ёндашув.

Цивилизацияга локал-тарихий асосда ёндашишда турли қарашлар мавжуд.

а) Н.Данилевский (хронологик тартибда) қуйидаги маданий-тарихий типларни: Миср, Ассирия, Вавилон, Финикия, Ҳиндистон, Эрон, Евropa, Юнон, Рим, Араб, Яхудий, Славян цивилизацияларини кўрсатди.

б) О.Шпенглер маданий-тарихий оламни: Миср, Ҳиндистон, Вавилон, Юнон, Рим, Ғарбий Евropa цивилизацияларига ажратди.

в) А.Тойнби локал цивилизацияларни: Миср, Хитой, Минай, Шумер, Майя

Сурия, Ҳиндистон, Ҳетт, Эллин, Православ, Христиан (Россия), Узоқ Шарқ (Корея, Япония), Эрон, Араб, Бобил ва бошқаларга ажратди.

Яна у умумлаштириб: А) «Ғарбий Европа»; Б) «Проваслав Христиан» ёки Византия; В) «Ислом жамияти»; Г) «Ҳиндистон жамияти»; Д) «Узоқ Шарқ жамияти» каби цивилизацияларни кўрсатди.

Ғарб цивилизацияси ҳозирги давда ривожланишнинг энг юқори босқичига етди. У жаҳондаги мавжуд цивилизациялар ютукларини ўзига сингдирди, мазмунан бойиди. Лекин Ғарб цивилизацияси ўз моҳияти, хусусиятлари билан бошқа цивилизациялардан, хусусан, ислом, конфуцизм, япон, ҳинд, буддизм ва провослав маданиятидан фарқ қиласди. Бу цивилизациялардан Ғарб идеалига хос бўлган индивидуализм, либерализм, конституциализм, инсон ҳуқуки, эркинлик, тенглик, қонун устуворлиги, демократия, эркин бозор, черковнинг давлатдан ажратилиши сингари тамоийлар ривожланмаган.

Цивилизацияларга тарихий босқич сифатида ёндашувда у ёки бу аксиома мезонлари асос қилиб олинади ва цивилизация бир неча типларга ажраталади: Ўзбекистон ўзининг улкан тарихий тараққиёти ва ўзига хос ривожланиш хусусиятига эга бўлган мамлакатдир. У жаҳон цивилизациясига буюк ҳисса қўшган, жаҳон тарихида чуқур из қолдирган давлат ҳисобланади. Ана шуларни назарда тутиб, И.А. Каримов таъкидлайдики: «Марказий Осиё тарихида сиёсий ақл - идрок билан маънавий жасоратни, диний дунёқараш билан қомусий билимдонликни ўзида мужассам этган буюк арбоблар қўп бўлган. Имом Бухорий, Имом Термизий, Хожа Баҳоуддин Нақшбандий, Хожа Аҳмад Яссавий, Ал Хоразмий, Беруний, Ибн Сино, Амир Темур, Мирзо Улуғбек, Заҳириддин Муҳаммад Бобур ва бошқа қўплаб буюк аждодларимиз миллий маданиятимизни ривожлантиришга улкан ҳисса қўшдилар, халқимизнинг миллий ифтихори бўлиб қолдилар. Уларнинг номлари жаҳон цивилизацияси тараққиётига қўшган буюк ҳиссалари ҳозирги кунда бутун дунёга маълум.

Давлатнинг худудий жойланиши, дарёлар, тоғ, чўл регионларнинг жойланишиши, уларнинг хўжалик тармоқлари, ер усти, табиий бойликлар,

иқлим, инсон салоҳияти ва бошқаларнинг ўрни ва ролини аниқлаш ва бошқариш. Ўзбекистоннинг цивилизацияли ривожланиши жаҳон ҳамжамияти билан бевосита боғлиқдир, аммо бу жараёнда у ўзлиги ва ноёблигини сақлаб қолиши керак. Инсоният ҳозирги жаҳон ҳамжамиятининг очиқдан-очиқ кўриниб турган хилма-хиллиги ва кўпқирралигини.унинг барча субъектлари ўртасидаги турли тенг ҳукуқликни ҳам бутун жаҳон цивилизацияси муваффакиятли ривожланишини табий ва зарурый шарт сифатида эггироф этишни талаб қиласди (И.Каримов «Ўзбекистон XXI аср бўсағасида...Т.1997 51-52 бет»)

Ўзбекистон Шарқ цивилизацияси бағрида ривожланди. Унинг цивилизациясига хос белгилар: камбағал ва ожизларга ғамхўрлик, ўзаро ёрдам, табиатга оқилона муносабат, меҳнатсеварлик, сабр-тоқатлилик, ватанпарварлик, катталарга ҳурмат кабилардир. Ўзбекистон жаҳон цивилизацияси тараққиётiga илм-фан, ахлоқ, дин, санъат, маданият соҳасидаги улкан ютуқлари билан муносиб ҳисса қўшди. Ҳозирги замон цивилизацияси ўзига хос хусусиятларга эга. Энг муҳими, жаҳон цивилизациясини сақлаб қолиш ва уни янада ривожлантиришдир. Жаҳон цивилизациясини таназзулга олиб келадиган қатор таҳдидларни бартараф этиш, инсонни олий қадрият сифатида эъзозлаш, табиатни авайлаб-асраш, экологик хавфсизликни таъминлаш, оммавий қирғин қуролларини йўқ қилиш, давлатлар, халқлар ўртасидаги низоларни сиёсий йўл билан музокаралар орқали ҳал этиш, турли жиноий уюшмаларга барҳам бериш, халқаро терроризм ва гиёҳвандликка, қарши курашиш, кишиларда янгича дунёқараш ва сиёсий тафаккурни шакллантириш ҳозирги замон цивилизациясининг муҳим муаммолариdir.

### ***Таянч тушунчалар***

Ёввойилик, варварлик, цивилизация, маданият, маданий тараққиёт, локал цивилизация, цивилизацияли ёндашув.

### **Назорат учун саволлар:**

1. “Цивилизация” тушунчаси қандай маъноларда қўлланилади?
2. Цивилизация ва маданиятнинг ўхшаш ҳамда фарқли томонларини айтинг.
3. Цивилизация турлари.
4. Фарб цивилизациясининг ўзига хос томонлари нима?
5. Шарқ цивилизациясининг хусусияти нималардан иборат?

## **15-МАВЗУ. ЖАҲОН ЦИВИЛИЗАЦИЯСИ ВА ЎЗБЕКИСТОН ИСТИҚБОЛИНИНГ ФАЛСАФИЙ МАСАЛАЛАРИ**

1. Ҳозирги давр тараққиётининг ўзига хос хусусиятлари. “Интеграция” тушунчаси.
2. Жаҳон цивилизациясига интеграциялашув жараёнининг таъсири.
2. Ўзбекистоннинг ташқи сиёсати ва унинг дунё мамлакатлари билан ҳамкорлиги.

Ҳозирги кунда инсоният ўз ривожланишида янги босқичга кўтарилди. Замонавий жамият ўзида кўплаб моддий ишлаб чиқариш ютуқларини, ижтимоий тажрибаларни, жаҳон миқёсида пайдо бўлган муаммоларни оқилона ҳал этиш йўллари ва усусларини мужассамлаштириди. Жаҳон цивилизацияси деганда, Шарқ ва Ғарб цивилизациялари, минтақавий ва ҳудудий цивилизацияларнинг яхлит социол организми бўлган умуминсоний жамият тушунилади. Бу тушунча умумий маънода, инсониятнинг яшаш жойи, макони бўлган Ер юзида ҳаётнинг пайдо бўлиши, тарихнинг ҳамма даврларида мавжуд бўлган давлат, жамият, ҳалқ ва миллатларнинг ҳаёт кечириши билан боғлиқ жараёнларни ўзида акс эттиради.

Бугунги таҳликовий дунёда инсониятни эсон-омон сақлаб қолиш жаҳон цивилизациясининг асосий мақсади бўлиб қолди. Зоро, жаҳон цивилизацияси ҳалқлар ва миллатлар, давлатлар ва турли ҳудудий цивилизацияларнинг умумий системасидир. Айримлик, ўзига хослик ва умумийлик ўртасидаги муносабатни теран англаш ҳозирги замон жаҳон цивилизациясининг шаклланиши ва ривожланиш хусусиятларини фалсафий идрок этишга имкон беради. Ер юзидаги ҳар бир мамлакат жаҳон цивилизацияси деб аталадиган яхлит системанинг турли элементлари бўлиб, уларнинг ўзаро таъсири, ҳамкорлиги цивилизациянинг такомиллашувига имкон беради.

Тўғри бу система таркибида Америка, Хитой, Япония, Россия, Ўзбекистон каби салмоқли элементлар ҳам бор. Улар кўп жиҳатдан жаҳон системасининг тараққиётига таъсир кўрсатади, муайян жараёнларнинг йўналишларини белгилайди. Бу системада ҳар бир давлатнинг - кичкина Ватикан ёки Лихтенштейндан тортиб Германиягача, Андора ёки Монакодан тики Франциягача ўз ўрни, ўзига хос таъсир кучи ва доираси бор. Шу маънода, уларнинг ҳар бири, катта-кичиклиги, ахолиси сонидан қатъи назар, Бирлашган Миллатлар Ташкилотида тенг овозга эга. Демак, элементлар система таркибида муайян тарзда амал қилгани сингари ҳар бир мамлакат жаҳон цивилизациясига тенг ҳуқуқли аъзо бўлиб муҳим элемент сифатида кириб боради.

Жаҳон ҳамжамияти ўзида умумийликни, ҳар бир мустақил давлат эса айримлик ва ўзига хосликни ифодалайди. Бу ҳолда Марказий Осиё мамлакатлари хусусийликни акс эттиrsa, Ўзбекистон алоҳидаликни ифодалайди. Ўзбекистон мустақилликка эришганига кўп бўлмаганига қарамасдан, жаҳон ҳамжамиятида салмоқли ўрнига эга. Унинг Марказий Осиёдаги мавқеи эса бу минтақанинг асосий тараққиёт йўналишларини кўп жиҳатдан белгилайди. Ҳар бир халқ, миллат ўзининг бетакрор, ноёб хусусиятларини сақлаган ҳолда мустақил ривожланади ва жаҳон ҳамжамиятига қўшилиб боради. Бундай қўшилиш кўп қиррали, рангбаранг бўлиб, у иқтисодий, сиёсий, маънавий, ҳуқуқий, ижтимоий, давлатлараро муносабатларни ўз ичига олади.

Жаҳон ҳамжамиятига қўшилиш табиий- қонуниятли жараён бўлиб, ҳар бир мамлакатнинг ҳар томонлама тараққий этиши, Ер юзида умумий хавфсизлик, тинчлик ва фаровонликни таъминлашга, табиий ресурслар, илм-фан ва техника ютуқларидан кенг фойдаланишга, экологик хавфсизликни таъминлашга имкон беради. Мустақил тараққиёт йўлига ўтган халқларнинг жаҳон ҳамжамиятига қўшилиши, умуминсоний қадриятларнинг устуворлигини эътироф этиш, халқаро ҳуқуқ нормаларига амал қилиш, инсон ҳуқуқларини ҳимоя қилиш, демократик тамойилларига амал қилишда яққол намоён бўлади.

Жаҳон цивилизациясига қўшилиш натижасида нафақат иқтисодий соҳаларда, балки халқлар маънавияти, сиёсати ва дунёқарашида ҳам муҳим ижобий ўзгаришлар рўй беради. Бундай жараёнга тортилган халқлар ўртасида бир-бирига ишонч, хамкорлик, ўзаро хурмат хамда конфликт, ихтилофларни ўзаро келишув, консенсус асосида ҳал қилишга интилиш вужудга келади. Бир-бирининг маданий ютуқлари қадриятларидан, тажрибаларидан баҳраманд бўлиш ҳоҳиш-истаги шаклланади. Халқларнинг бир-бири билан жипслashiш тенденцияси яхлит, бир бутун цивилизацияни, планетар онгни шакллантиради. Яъни, миллийлик ва умуминсонийликнинг уйғунлиги жаҳон цивилизациясида яққол намоён бўлади ва дунё ҳамжамиятининг ҳаракат дастурига айланади.

Ўзбекистон кўп асрлик тарихга эга бўлган миллий давлатчилиги, маданияти, илм фани, санъати, ўзига хос ва бетакор ҳаёт фалсафаси билан жаҳон цивилизацияси ривожига катта ҳисса қўшган. Ўзбек халқи жаҳонга фан, санъат, фалсафа, тиббиёт, сиёсат, хуқуқ, тарих соҳаларида ўлмас асарлар яратган буюк алломаларни берди. Мустақиллик туфайли Ўзбекистон ўз тараққиёт йўлини эркин танлаш, миллий давлатчилик асосларини яратиш ва жаҳон цивилизациясига қўшилиш имконига эга бўлди. Жаҳон цивилизацияси ютуқларидан баҳраманд бўлиш мустақил ривожланиш йўлига кирган давлатнинг дунё ҳамжамиятига қўшилишининг ўзига хос йўлини белгилайди. Бинобарин, ҳар бир халқ мустақил бўлганидан сўнг ўз иқтисодиёти, маданияти, миллий давлатчилик сиёсатини амалга оширади. У ўз имкониятига таяниб, жаҳон ҳамжамиятига кириб борар экан, бу жараён миллий фалсафада ҳам ўз ифодасини топади. Мустақиллик миллий фалсафанинг асоси, унинг умумжаҳон фалсафий жараёни билан қўшилиши ва уйғунлашувининг энг асосий шартидир. Мустақилликка халқ миллийлигини, ўзига хос қадриятлари, урф - одатлари ва дунёқарashi ўз фалсафасида тўла-тўқис акс эттира олмайди. Мустақил бўлмаган ҳалқнинг фалсафасида доимо мустамлакачиларнинг ғоялари устивор бўлади. Фақат мустақиллигина

ижтимоий онгнинг ҳамма соҳаларида, дунёқараш барча жабҳаларида миллийликнинг тўла- тўқис номоён бўлиши учун замин яратади.

Тарихнинг сабоқ беришича, жаҳон цивилизацияси қўшилиш ҳар бир мустақил ривожланаётган давлатнинг тараққиётига, ўз кучига, имкониятига илгор анъаналарига, қадриятларига миллий давлатчилик тажрибаларига, интелектуал салоҳиятига, табиий бойликларига таянишини инкор этмайди, балки уларнинг кенг ривожланиши тақозо этади. Эркинлик, мустақиллик ҳамиша заруриятни, маъсулиятни англашни тақозо этади: Эркинлик ва мустақиллик жамиятнинг ҳар бир аъзоси олдига «Биз ким эдик? Хозир қандай аҳволдамиз ва қандай бўлишимиз керак?», сингари саволларга вижданан жавоб беришни талаб этади. Мустақиллик йилларида фаровон ва баҳтли хаётни бизга кимdir яратиб бермаслигини, балки ўз ақлими, кучимиз билан яратишимиз лозимлигини англаш муҳим ахамиятга эгадир. Бошқа мамлакатлардан, яхлит ва бир бутун жаҳон системасидан ажралиб қолиш бу борада ҳам тараққиётга имкон бермайди.

**Тараққиётга цивилизацияли ёндашув ўзига хос хусусиятларга эга.** Ўзбекистон ва жаҳон тарихини ўрганишга бундай қараш ҳозирги замон фалсафасида муҳим йўналишлардан бири сифатида қарор топмоқда. У тарихий ҳакиқатни холисона баҳолашга, миллий хусусиятларнинг ўзига хослигини англашга, инсониятнинг илгор ривожланиш тажрибаларини билишга ва улардан ижодий фойдаланишга имкон беради. Жаҳон тарихига цивилизацияли ёндашув инсоният тараққиёти зўрликсиз ва тадрижий йўлдан илгарилаб бориши жамият учун фойдали эканлигидан одамзот бошига турли ижтимоий оғатлар тушмасдан ривожланиши мумкинлигини кўрсатади.

**Ўзбекистоннинг жаҳон ҳамжамиятига кириб боришининг асосий йўналишлари, мамалакатимизнинг ўзига хос тараққиёт йўлининг назарияси ва амалиёти И. А. Каримовнинг «Ўзбекистонинг ўз истиқлол ва тараққиёт йўли», «Ўзбекистонинг сиёсий ижтимоий ва иқтисодий истиқболининг асосий йўналишлари», «Ўзбекистон иқтисодий ислоҳатларни чукурлаштириш**

йўлида», «Ўзбекистон XXI аср - бўсағасида : хавфсизликка таҳдид, барқарорлик шартлари ва тараққиёт кафолатлари», «Ўзбекистон XXI асрга интилмоқда», “Юксак маънавият – енгилмас куч” ва бошқа асарлари , нутқ ва мақолларида кенг ёритилган. Бу концепциянинг моҳияти нималардац иборат? Ўзбекистонинг миллий жихатдан мустақил бўлиши объектив зарурий жараён, аждодларимизнинг асрий орзуси, ўзбек халқининг буюк тарихий ютуғидир. Бунда қуидагилар алоҳида эътиборга молик: Ўзбекистон Конституциясининг қабул қилиниши; миллий мустақиллик рамзлари давлат байроғи, давлат мадхияси, давлат гербининг қабул қилиниши; миллий давлатчилик демократик тизимнинг барпо этилиши Ўзбекистоннинг тадрижий тараққиёти йўли айрим давлатларнинг бозор муносабатларига «шок терапия»си билан ўтиш тажрибасидан кескин фарқланади. Ўзбекистоннинг мустабидликдан қутилган дастлабки давридаги ўзига хос иқтисодий аҳволи, собиқ иттифоқ даврида ўлканнинг хом ашё етказиб беришга иқтисослашиши каби оғир мерос билан бирга, халқнинг минг йиллик тажрибаси, ундан келиб чиқадиган хulosалар бозор муносабатларига тадрижий равишда босқичмабосқич ўтишни тақозо этди.

**Бунда иқтисодий ислоҳотлар ва цивилизациялашган бозор муносабатларини шакллантириш жараёнида** иқтисодий структурада туб ўзгаришларни зудлик билан қисқа вақт ичida амалга оширишнинг салбий оқибатлари олдини олишга ва пухта ўйланган стратегик режаларни амалга оширишга алоҳида эътибор берилди. Ислоҳатларни амалга ошириш миллий манфаатлар учун хизмат қилиши зарурлиги одамлар ислоҳатлар учун эмас, балки ислоҳатлар одамлар учун хизмат қилиши зарурлиги эътиборга олинди. Ислоҳатлар даврида мулкнинг давлат тасарруфидан чиқарилиши ва хусусийлаштирилиши жараёнида аҳолининг икки тоифага ажралиши, кимларнингдир ҳаддан ташқари бойиб ёки қашшоқлашиб кетиши мукаррар равишда турли норозиликлар ва ижтимоий ларзаларни келтириб чиқариши мумкин эди. Ана шуларни ҳисобга олиб, И. А. Каримов бозор муносабатларига ўтишда аҳолини ижтимоий ҳимоялашга қаратилган кучли

сиёсат ғоясини илгари сурди. Бозор муносабатларини амалга ошириш бир неча босқичлардан иборат қилиб белгиланди. Ҳар бир босқичда маълум иқтисодий тадбирлар амалга оширилди. Булар :

- мулкни хусусийлаштириш;
- мулкнинг давлат тасарруфидан чиқарилиши;
- мулкнинг хилмалар хил шаклларини вужудга келтириш;
- аграр ислоҳатларни амалга ошириш;
- миллий валютани муомалага киритиш;
- янги иқтисодий инфраструктуранинг яратилиши;
- ривожланган мамлакатлар билан хамкорликда қўшма корхоналарнинг барпо этилиши;
- инновация сиёсатини амалга ошириш;
- хорижий инвестиция, техника ва технологияларни мамлакат иқтисодиётига жалб этиш ва бошқалар.

Хуллас, бозор муносабатларига ўтишнинг маданий- цивилизацияли характерга эга эканлиги Ўзбекистон мустақиллигини мустаҳкамлашнинг муҳим хусусиятидир. Чинакам цивилизациялашган бозор муносабатлари. бозор воситалари фақат юксак маънавият, юксак ахлоқийлик, ватанпарварлик негизларида барпо этилиши мумкин. Иқтисодий ислоҳатларни амалга ошириш ва бозор муносабатларини шакллантиришда республикамизнинг ижтимоий ҳолати, имкониятларидан келиб чиқиб, ислоҳатларнинг мақсади ҳалқ ва давлат муносабатлари уйғуналиги томон йўналтирилди.

Ўзбекистон мустақиллигини мустаҳкамлашнинг асосий тамойиллар Президент И.А. Каримов томонидан ишлаб чиқилди. Бу жараённинг умуминсоний жиҳатлари ва жаҳон цивилизациясига хос томонларининг амалга ошиши муайян муддатни талаю қиласи. Бу муддатда амалга ошириладиган барча ишлар ўтиш даврининг заруриятидан келиб чиқади. Мустабид тузум даврида жаҳон цивилизациясидан ажратиб қўйилган Ўзбекистон бу борада икки йўналишда фаолият юритишга мажбур бўлмоқда. Биринчидан, мустақилликни мустаҳкамлаш, миллий қадриятларни тиклаш ва асраб авайлаш

асосида ўзига мос йўлдан бориш. Иккинчидан эса, бу жараёнда умуминсоний қадриятларнинг устуворлигини таъминлаш, жаҳон цивилизацияси ютуқларидан кенг фойдаланиш, демократик қурилиш вазифалари амалга оширилмоқда.

Ўзбекистонининг И. А. Каримов томонидан асослаб берилган ўзига хос тараққиёт йўли қуйидаги тамойиллар билан тавсифланади:

1. Иқтисоднинг сиёсатдан устуворлиги;
2. Давлатнинг бош ислохотчи эканлиги; .
3. Қонун устуворлиги ;
4. Кучли ижтимоий сиёсат;
5. Бозор муносабатларига босқичма- босқич ўтиш.

**Цивилизацияли ривожланиш ва мулкий прюрализм.** Маълумки ўтмишда инсон табиатдаги жуда кўп ресурсларни шафқатсиз ўзлаштириди, уларни хоҳлаганча истеъмол қилди, ниҳоят, табиий мувозанатга жиддий путур етказди. Албатта, табиат ўзини - ўзи назорат қилиш, ўзини - ўзи бошқариш, ифлосланган моддаларни зарарсизлантириш қобилияти ва имкониятига эгадир. Бироқ инсон ўз фаолиятида биосфера мувозанатини бузди, саноат чиқиндиларини ҳаддан ташқари кўпайтириди. Бундай ҳолат табиатнинг ўз - ўзини бошқариш қобилияти кучсизланишига олиб келди. Экологик инқироз хўжалик юритишнинг экстенсив усулларини қўллаш, инсоннинг табиат устидан ҳукмронлигини ўрнатиш, табиат ресурсларига битмас - туганмас хазина сифатида қарашнинг аянчли оқибати сифатида вужудга келди. Илмий- техника инқилобининг гуркираб ривожланиши инсоннинг табиатни талон - тарож қилишга қаратилган фаолиятини янада кучайтириди. Ер сайдерасида экологик мувозанатнинг бузилишига олиб келди. Моддий ишлаб чиқариш соҳасида табиий ресурслардан фойдаланиш ҳажми ҳам тобора ортиб борди. Мутахассисларнинг фикрича, кўмир, газ, темир, мис сингари инсоният учун зарур бўлган ер ости бойликлари заҳиралари бир неча ўн йилдан кейин бутунлай тугайди, уларни тиклаб бўлмайди. Ҳатто тиклаш мумкин бўлган

ўрмон ресурслари ҳам тобора камайиб боряпти. Жаҳон миқёсида ўрмон кесиш унинг табиий ўсишига нисбатан 18 марта тез содир бўляпти. Ерга ҳаёт берадиган, табиий мувозанатни баркарорлаштириб турадиган ўрмон майдонлари йилдан - йилга камайиб боряпти. Бутун ер юзида кишилар учун ҳаётий аҳамиятга эга бўлган тупроқнинг унумдор қатлами йўқолиб боряпти. Маълум бўлишича, бир сантиметр унумдор қатламнинг йўқ бўлиши учун уч йил кифоя қиласпти. Ер ресурсларидан шафкатсиз фойдаланиш, жаҳон океани ва атмосферани ифлосланиши хатарли тус оляпти. Денгиз конларидан нефть қазиб олишнинг кенгайиши денгиз сувларининг ифлосланишига олиб келди. Ҳар йили океанларга миллион - миллион тонналаб фосфор, қўрғошин ва радиактив қолдиқлар ташланяпти. Ташланаётган чиқиндилар океан сувининг ҳар бир километрига ўртacha 17 тоннадан тўғри келяпти. Кейинги ўн йил ичидаги Орол денгизи ва унинг атрофидаги танг экологик вазият жуда кўп муаммоларни келтириб чиқарди. Жаҳоннинг бошқа мамлакатларидаги экологик вазият ҳам ташвишланарлидир: Рейн дарёсининг ифлосланиши шу даражага етдики, ундаги барча жонли мавжудот қирилиб кетяпти. Дунай, Волга, Миссисипи дарёлари, Американинг буюк қўллари ҳаддан ташқари ифлосланди. Олимларнинг фикрича, ер юзидаги барча юқумли касалликларнинг 80 %и ифлосланган сувни истеъмол қилиш билан боғлиқдир.

Жаҳоннинг йирик шаҳарлари ҳавосининг ифлосланиши XX аср бошларидагига нисбатан бир неча ўн баравар ортиб кетди. Енгил автомобиллар табиий кислородни ҳаддан ташқари кўп ютяпти, атмосферага чиқариб ташланаётган заарали моддалар тобора кўпаймоқда, унинг оқибатида инсон соғлиги учун хатарли бўлган моддалар миқдори ортиб боряпти. Чернобиль фожеаси АЭС аварияси экология учун нақадар катта ва ўнглаб бўлмас офат эканлигини кўрсатди.

Хозирги пайтда жаҳоннинг 26 мамлакатида АЭС ишлаб турибди. Бугунги фан - техника прогресси табиат учун ортиқча ташвиш ва муаммоларгина эмас, балки уларни ҳал этишнинг реал имкониятларини ҳам яратяпти: захира тежовчи ва чиқиндисиз технология яратишнинг экологик

жиҳатдан соф имкониятларини вужудга келтиряпти. Демак, фан ютуқларни чуқур ўрганиш асосда технологик жараёнларни шундай ташкил этиш мүмкінкі токи ишлаб чиқариш чиқиндилари табиатга заар етказмасин. Ҳисоблашларнинг кўрсатишича, иссиқ электростанциялари чиқиндиларининг 80%идан ишлаб чиқаришда фойдаланиш мумкин экан. Иссиқлик электростациялари кулидан тайёрланаётган бетон ва ғиштлар табиий, қурилиш панеллари ва ғиштларига нисбатан 2-3 баравар пишиклиги аниқланди. Хозирги даврда ҳам термоядро уруши хавфи мавжуд. Тўғри ядро уруши нсоннинг ақлига зид. БМТниг идеалига қарама - қарши ҳолат. Албатта, кейинги давларда ядро қуролларига эга бўлган мамлакатларнинг ядрорий тўқнашуви хавфи кучсизланди, лекин кўр - кўроня технологик тасодифлар хавфи кескинлашди. Ер юзида 450 га яқин атом электр станцияси мавжуд, янгиларини қуриш давом этмоқда. Шарқ мамлакатларида ядро иншоотлари қурилиши тезлашмоқда. Демак, инсоният ҳали ядро урушлари хавфидан, ядро арсеналларидан қутилган эмас.

Экологик хавф - хатар қаторига «инсон табиати» муаммоси қўйилди. Бу масала иқтисод, сиёsat, ижтимоий ҳаётдан ҳам устивор бўлган. Экологик онгни ривожлантириш ҳозирги даврнинг асосии ғояси инсониятнинг бойлиги, эҳтиёжидир. Экологик - сиёsat иқтисодиётнинг бош аниқловчиси, маънавият ва мафкурани устивор обьекти ҳисобланиши керак. Хиндларда шундай мақол бор: «Сиз охирги ҳавони ўлдирганингиз ва охирги ирмоқни заҳарлаганингиздан кейин, пул билан озиқланиш мумкин эмаслигини тушунасиз». Экологик хавфнинг моҳияти нимада? Биосфера антропоген омиллар босимининг кучайиши натижасида: а) биологик ресурсларни ишлаб чиқишининг табиий цикли бузилади, ишдан чиқади; б) тупрок, сув ва атмосферанинг ўз-ўзини тозалаш ҳолати йўқолади; в) ерда, атмосферада «коллапс» - экологик шароит кескин ва шиддат билан ёмонлашади. Планета аҳолисини ҳалокатга олиб келади. Бугун атмосферада кислород озаймоқда, озон туйнуғи кенгаймоқда, табиий сувлар ифлосланмоқда, Ер юзида 1 млрд. 400 млн одам

ичимлик суви етишмаслигидан азобланмоқда. Инсон фаолиятининг нормационаллиги туфайли ҳар куни жаҳонда 150 турдаги ҳайвон ва ўсимликлар йўколмоқда.

Демак, кун тартибида Инсоният ва Табиат муносабатларини нормаллаштириш, унинг ривожланишининг коэволюцион ҳолати яратиш вазифаси турибди. Буни барча назариётчилар, сиёсатчилар, давлат арбоблари, ҳар бир инсон англаб етиши зарур. Қачон коллапс ҳолати рўй беради, унинг олдини олиш мумкинми? «Коллапс» содир бўлиши анча яқин, деб ҳисобламоқдалар, унинг олдини олиш учун умумбашарий тадбирларни таклиф этмоқдалар. Аҳолининг қўпайишини чеклаш. Ҳозирги даврда ҳар йили ер юзи ахолисининг 83 млн кишига қўпайиши табиий мухитга ортиқча юқдир. Ўрмонлар қирилди, йўллар қурилиб. Табиий ҳолат ўзгарди, балиқлар кўп овланиб, унинг захираси тугаб бормоқда. Қишлоқ хўжалик ерлари камайиб, етишмай қолмоқда. Аҳоли сонига нисбатан ғалла етиштириш камаймоқда, унинг баҳоси қимматлашмоқда. Бизнинг эрамиз бошларида ер юзида 250 млн инсон яшаган, ҳозир эса 6 млрдга яқинлашди XX асрда аҳолининг ўсиш даражаси: а) XX асрнинг 60-йилларида бир соат ичида 8 мин; б) 80 - йилларда бир соат ичида 10 минг; в) 90 - йилларда бир соат ичида 12 минг кишига қўпайиши қайд этилди. Тахминан Ер юзи аҳолиси кўпи билан 10 млрд.бўлиши мумкин. Бу қўрсаткич XXI асрнинг 30-йилларига тўғри келади. Ернинг уларни боқиши, кийинтириши қийин. Шунинг учун демографик ҳолат умумбашарий масала ҳисобланади.

Бугунги кунда жаҳон океани, Ерни ўраб турган коинот макони Антарктида хавфли зоналар таркибига кирмокда. Бу эса табиат билан муносабатни кескин ўзгартириш зарурлигидан, экологик вазиятнинг танглигидан далолат беради. Экологик чақириқ иқтисодий ва сиёсий чақириққа нисбатан хавфлироқ бўлиб бормоқда

Ҳозирги даврдаги муҳим масалалардан яна бири инсон жисми, танаси, “ички” табиатини асраб қолиш муаммосидир. Инсон, албатта, ақлли мавжудот, у ҳам жисмоний, ҳам руҳий (маънавий) асосларни ўзида яхлит ҳолда

бирлаштирувчи мавжудотдир. Инсон танаси билан табиатга мансубдир. Унинг жисми фоний, ўткинчи, маънавияти абадийдир. Тана, бадан инсонга роҳат-фароғат, ором, лаззатланиш, изтироб, азоб-уқубат ато этади. Жисмоний соғломлик инсон кадриятлари системасида муҳим ўрин эгаллади. Ҳозирги даврда биологлар, генетиклар, медиклар инсоннинг генотипи емирилмоқда, унинг бадани, гавдасида бузилиш вужудга келмоқда, деб бонг уряптилар. Генофондда ўзгариш вужудга келмоқда, генинженерия туфайли инсон организмига бегона, ёт нарсалар кириб қолиши, инсонни ўзгартириб юбориши мумкин. Айниқса, организмга қарши моддалар (ксенобиотиклар) ва шахсий ҳаяжонлар таъсирида инсоннинг қаршилик кўрсатиш қобилияти кучсизланмоқда. СПИД инсон ҳаётига таҳдид соляпти. Бу фақат касаллик эмас, балки инсон уруғини қуритишга қаратилган хавф, умуминсоний муаммодир. Аёлларнинг фарзанд кўрмаслик ва эркакларнинг импотенция жинсий заифлик) ҳолатлари миқдорининг кўпайиши экологиянинг жинсий ҳаётга экохужуми деб баҳоланмоқда. Ривожланган мамлакатларда эркакларнинг жинсий заифлиги тез ортиб бормоқда. Кимёвий моддалар организмга, асаб системасига салбий таъсир этмоқда. Айрим регион (худуд, минтақа)ларда табиий оғат сифатида гиёхвандлик, ичкиликбозлик, юқумли касалликлар кенг тарқалмоқда.

Энг қўрқинчли хавфлардан бири инсон маънавиятининг инқирозидир. Бу масала дунёвий ва диний фанлар, умумбашарий ва минтақавий, миллий ва сиёсий мағкуралар олдида пайдо бўлди. Инсоният маънавиятини такомиллаштириш кун тартибида турган нуфузли масаладир. Инсон тафаккури ўтмишга мурожаат этиб, ҳозирги даврни тушунишга, келажак ҳақида ўйлашга ҳаракат қилмоқда. Бунинг устига, ҳозирги даврда бу масалага Ғарбда хеч бир ижтимоий назария ва фалсафий-антропологик концепция ишончли жавоб бера олмайди. Қўрқув, ҳаяжон, бесарамжонлик инсон моҳиятини қамраб олмоқда. Оламнинг ўзгариши, қайта тузилиши ҳақида Ғарбда истиқболга йўналтирувчи таълимот яратилган эмас. Моддий ишлаб чиқариш илҳомлантирувчи символ ва чақириқ сифатида тарих саҳнасига чиқди, лекин бу йўналиш кейинги давларда устивор мавқеини йўқотди.

Вазият жиддий ва мураккаб, лекин пессимизмга ортиқча берилмаслик ҳам керак. Буни ҳал этиш йўлларини излаш лозим. Инсониятни инқирозлардан қутқаришнинг реал шарт-шароитлари нималардан иборат? 1. Аввало информацион (компьютер) биотехник тараққиётни янада ривожлантириш. У инсониятнинг эсон-омон яшаб қолишига имконият бериши мумкин. Бу ўз навбатида янги цивилизацияни яратади. Информацион революция термоядро ва экологик хавфни кучсизлантиради. Оламни янгича тушуниш учун математик воситаларни, янги физик ва техник қуролларни яратади; оламни тушуниш ва ўзгартириш имконияти кучаяди.

2. Барқарор жаҳон хўжалигини яратиш. Бу ҳам бозор, ҳам ижтимоий ҳимоя қилинган, аралаш соҳадан иборат бўлади. Иқтисодий муносабатларнинг бу шакли ҳар хил хўжалик субъектлари манфаатларини ўзаро мослаштиради, баланслашган хўжалик системаси ҳар бир давлат манфаатларини уйғунлаштиришга ҳаракат қиласди.

3. Ташқи ва ички муносабатларда, гурӯҳ ва шахсий муносабатларда зўрликсиз ва демократик принципларни ўрнатиш, жорий этиш. Тарихда муаммолар, асосан босқинчилик ва зўравонлик асосида ечилган. Уруш, тўнтариш, қон тўкиш аксарият ижтимоий муаммоларни ҳал этишда қандайдир бир шаклда қўлланилади. Ф. Ницше, Зигмунд Фрейд босқинчилик ва зўравонлик кўплаб ижтимоий масалаларни ечишдаги тамойиллардан бири эканлигини кўрсатган эдилар.

4. Шунингдек, кўпгина йирик мутафаккирлар: М. Ганди, Л. Толстой, Мартин Лютер Кинг, Эрих Фромм ва бошқалар босқинчилик, зўравонликни танқид қилиб, масалаларни зўрликсиз, куч ишлатмасдан ҳал этишни тарғиб қилдилар. Ҳозир ижтимоий масалани зўравонликсиз ҳал этиш тарафдорлари кўпайиб бормоқда. Куч ишлатиш методидан мулоқотга ўтилмоқда. Муҳокама, мунозара, мулоқотда томонлар бир - бирларини ўзаро тушунмоқдалар. Халқаро ва ички сиёсатда «консенсус», «музокара жараёни», «компромисс» атамалари тез-тез қўлланилмоқда. Куч ўрнини ахлоқ принциплари, ахлоқий қоидалар, нормалар эгалламоқда.

5. Маънавий ҳаётда турли диний ва дунёвий қарашларни уйғунлаштириш, бирлаштириш зарур. Ҳозирги даврда либераллар ва жамоавий тафаккурнинг, турли хил диний қарашларнинг, Ғарб менталитети билан Шарқ этикети (одоб қоидалари, одоб)нинг бир-бири билан яқинлашиши сезилмоқда. Ғоявий яқинлашиш, ўзаро тушуниш тенденцияси қучайиб боряпти. Сабртоқатлилик тобора кенгаймоқда. Турли халқлар бир-бирини тушунишга, сабртоқатли бўлишни ўрганяптилар.

6. Ҳар бир халқнинг, этник гурухларнинг ва ҳар бир маданиятнинг автоном, этник ва маданий интеграциялашуви (бирлашиши) жараёни рўй бермоқда. Бу етакчи тенденцияга айланмокда, маданий ҳаётда универсализм қучаймоқда, яъни халқаро иқтисодий ва маданий алоқа ўсмоқда, халқларнинг иқтисодий ва маданий ҳаётида умумий жараёнлар уйғунлашиб бормоқда, қадриятлар алмашинуви тезлашмоқда, Шарқ ва Ғарб маданияти синтезлашмоқда, халқларнинг маданиятлар уйғунлашмоқда, толерантлик тамойиллари кенг тарқалмоқда. Ҳамкорлик ва биродарлик ўсмоқда. Ҳозир мавжуд этник конфликт ва ўз ноёблиги ҳақида қайғуришларни инкор этмайди. Лекин умумий йўналиш, тенденция шуки, халқлар ва миллатларнинг оға-ини бўлиб бирлашиш жараёни рўй беряпти.

7. Халқаро жараёнда интеллектуал соҳада ҳам муттасил изланиш ва яқинлашишлар сезилмоқда. Ҳатто жаҳон интеллектуал инқилоб арафасида турганлиги қайд этиляпти. Кун тартибида янги коинот, янги табиат масаласи қўйилди. Инсон интеллектуал мавжудот сифатида ақл имкониятларидан қониқмай янги вазифаларни донишмандлик, орқали ҳал этишга интиляпти. Табиий интеллект, сунъий интеллект бир-бири билан яқинлашиб, компьютер системасини ишга солиб, янги парадигмани қўймоқда ва уни ечишга ҳаракат қилмоқда. Бу ўзгариш ва вазифалар кишиларнинг анъанавий фикрлаш тарзини ўзgartiriшни талаб этади. Шунингдек, рационал ва норационал, илмий ва техник, дунёвий ва диний соҳалардаги қарашларни умумлаштириш, реал борлиқни англаш муҳим вазифадир. Бунинг учун: умумбашарий ахлоқни яратиш; универсал ахлоқий тамойилларни шакллантириш;

умуминсоний ҳамкорликни мустаҳкамлаш; донишмандлик ва виждоннинг, рационал билимга нисбатан устиворлигини таъминлаш зарурдир. Чунки билим қадриятлар билан, фаровонлик ғояси билан, адолатни жорий этишга интилиш билан боғланмаган бўлса, у ўта заарли ва хавфлидир.

Гап шундаки, ҳозирги даврда инсон авлодининг биологик тур, ижтимоий мавжудот сифатида эсон - омон қолиши бевосита инсоннинг ўзига, унинг ақл-заковати, хатти-ҳаракати ва хулқ- авторига боғлиқ бўлиб қолди.

Гарб цивилизацияси чуқур таназзулни бошидан кечиряпти. Бунинг қатор сабаблари бўлса-да, илмий тафаккур олами, унинг маънавий илдизлари, манбаалари ва асосларини изламоқда. Испаниялик машхур мутафаккир ва файласуф Ортега-и-Гассет Европа цивилизацияси инқирозининг туб сабабларини ўрганиб, «Омма қўзғолони» асарида ўз қарашларини баён этди. Бу асар жаҳон аҳамиятига молик бўлиб, уни Ж.Ж. Руссонинг «Ижтимоий шартнома» асари билан бир қаторга қўйиш мумкин. Асарда инқирознинг келиб чиқиши сабаби, аввало, кишиларнинг оламга бўлган қарашларидаги эътиқод системасининг таназзули, инсоннинг оламни тўсатдан йўқотиб қўйиши, инсон ҳаёти маъносининг йўқолиб бораётганлиги билан изоҳланган. Европа цивилизацияси инқирозининг ўзаги нимадан иборат? Ортега-и- Гассетнинг фикрича, бу - оломон қўзғолонидир. Мутафаккир “оломон - инсон”га “индивидуал инсон”ни қарши қўйди. Унинг фикрича, шундай оломон - инсонлар пайдо бўлмоқдаки, улар ўз қарашларига, бирон - бир маслакка эга эмаслар, хатти-ҳаракатларини ўз ақл - идроклари билан тўғри бошқара олмайдилар. Улар омма орасига сингиб кетадилар. «Оломон - инсон»лар қонунни инкор этиб, омма ичида ўз эрки ва истакларини амалга оширишга ҳаракат қиласидилар.

Ҳозирги пайтда ижтимоий ҳаёт соҳасида ҳам туб ижтимоий ўзгаришлар содир бўляпти. Сиёсий механизм ҳисобланмиш демократия тизимида, турли сиёсий партиялар, ижтимоий- сиёсий ва қарашларда муҳим ўзгаришлар юз

беряпти. Янги сиёсий тафаккур юксак ахлоқий масъулият билан онгли ҳаракатни тақозо этяпти. Ҳозирги давр, бу - илғор техника, технология, компьютер, генинженерия, микроэлектроника, лазер, космик йўлдошлар, кабелли телевидение ва бошқа шунга ўхшаш ўзгаришлар билан характерланади. Технология ютуқларини инсоният маънавияти билан уйғунлаштириш, маънавиятнинг ўрни ва ролини янгича идрок этиш зарурияти келиб чиқпти. Бу - янгича гуманизмни яратиш ва умуминсоний қадриятлардан оқилона фойдаланиш билан узвий боғлиқ бўлган давр талабидир. Айни шу гуманизм, янги маънавий асослар ҳар қандай қарашлар, концепция ва бошқариш механизми учун таянч бўлиши керак. Шу гуманизмга асосланиб, феъл-атворнинг янги мотивларини вужудга келтириш, янги маънавий, ахлоқий, фалсафий, ижтимоий, сиёсий қарашлар системасини яратишни ижтимоий ҳаёт ва бутун инсоният ривожланиши тақозо этяпти. Булар ўз навбатида инсонга хос севги, дўстлик, бир - бирини тушуниш, ўзаро ҳамкорлик, сабр-тоқатлилик, чидамлилик сингари инсоний фазилатларга янгича маъно ва жозиба беради. Янгича гуманизм анча кучли, маърифатпарвар, инсонийлик билан йўғрилган, моддий ва маънавий ишлаб чиқаришга кенг имкониятлар яратадиган, ҳар қандай анархия ва зўравонликнинг олдини олишга қодир бўладиган, кенг жамоатчилик томонидан қабул қилинадиган гуманизм бўлиши керак. Янги гуманизм ўз моҳияти, ахлоқий ва маънавий асослари жиҳатидан инсоннинг ички дунёсини акс эттиришга қаратилган бўлиши керак. Гуманизм инсонни биоижтимоий мавжудот сифатида эсон-омон сақлаб қолишга қаратилганлиги учун ҳам том маънодаги инсонпарварлик Инсон виждан овозига қулоқ солиши, янги гуманизмни яратиши ва унга амал қилиши, жаҳондаги туб ўзгаришлар учун масъул эканлигини чуқур англаши билан характерланади.

Шундай қилиб, умумбашарий муаммоларда «инсон революцияси» ва ҳозирги замон инсон гуманизми бир- бири билан узвий боғлангандир. Маънавий - ахлоқий мухит тубдан ўзгариши, маънавий - руҳий олам покланиши бу борадаги мухим масалалардир. Инсон

дунёқарашини шакллантириш мураккаб жараён бўлиб, у ахлоқ ва мънавият билан боғлангандир. У ҳар бир инсонда умумбашарий жавобгарликни хис этиш каби фазилатларни шакллантиришни талаб этади.

Умумбашарий муаммоларни ҳал этишда Ғарб ва Шарқ бир-бири билан яқинлашяпти. Ғарб Шарқнинг бой маданияти ва анъаналарини, айниқса, табиатга бўлган муносабат принциплари ва экологик маданиятни чуқур ўрганиб, умумбашарий муаммоларни ҳал этиш йўлини Шарқдан изламоқда. Шарқ эса ўз ҳаётини модернизация (замонавийлаштириш) қилиш воситалари ва усулларини Ғарб цивилизациясидан олишга ҳаракат қиляпти. Ғарб ва Шарқ фалсафаси ҳозирги давр хусусиятларини, айниқса, инсон муаммосини ҳар томонлама чуқур таҳлил этиб, инқироздан чиқиш, умумбашарий муаммоларни ҳал этишнинг умумбашарий ахлоқий платформасини яратишга интиляпти. Файласуфлар ва социологлар томонидан илгари сурилаётган бу парадигма –«планета макроэтикаси» деб аталяпти. Ундаги ғояларга Ер юзидағи барча ҳалқлар учун хос бўлган қарашлар, ғоялар мажмуаси, ҳаракат дастури сифатида қараш жоиздир. Планета этикасини яратиш ва унга амал қилиш ҳозирги давр тафаккурининг катта ютуғи бўлиб, умумбашарий муаммоларни ҳал этишга, инсонни биологик мавжудот сифатида эсон-омон саклаб қолишга қаратилгандир. Умумжаҳон этикасининг айрим томонлари аста- секин Ер юзи ҳалқларининг кундалик ҳаётига кириб боряпти. Бу - планета цивилизацияси деб ҳам аталяпти. У фан, техника, иқтисод, таълим, тарбия ва шунга ўхшаш соҳаларда универсал, планетар ахлоқ нормаларини ташкил этади. Бу ғояни барча ҳалқлар, давлатлар ҳар томонлама ўрганиб, идрок этиб, ҳаракат дастури сифатида қабул қилиши ва унга амал қилишлари керак. Файласуфларнинг фикрича, планета этикаси Шарқ ва Ғарб ҳалқларига тегишли бўлган умумий маслак, умуминсоний қадриятдир. Ҳалқлар, миллатлар ва давлатлар турли цивилизацияларнинг ўзига хослиги ва турли-туманлиги, ҳаёт тарзининг барча қирраларини сақлаб қолиши, уларнинг ривожланишига ёрдам бериши

муҳим аҳамиятга эга. Уларнинг ноёб томонларини сақлаб қолиши, миллатлар, мамлакатларнинг бетакрор ўзига хослигига путур етказмаслиги, уларга ҳалақит бермаслиги лозим. Умумпланетар ахлоқ ўз моҳияти, мақсад ва йўналишлари жиҳатидан инсоният манфаатларини ҳимоя қилиши, инсоннинг эсон - омон ва соғ - саломат яшashi учун хизмат қиладиган умумий маслак - платформадан ташкил топиши керак. Шу маънода планета этикаси бирон бир мафкура ёки қандайдир бирон бир давлат, сиёсий ёхуд ижтимоий гуруҳнинг дунёқараши, дастури эмас, балки ҳамма учун умумий бўлган назария, жаҳон маънавияти ва умуминсоний ахлоқий нормалар мажмуи бўлмоғи лозим

### ***Таяни тушунчалар***

Ижтимоий тараққиёт, тарих фалсафаси, экология, инсон экологияси, ген инженерияси, планетар онг, прогресс, регресс, эволюцион тараққиёт, инқилобий тараққиёт, планетар ахлоқ.

### **Назорат учун саволлар:**

1. «Ривожланиш», «тараққиёт», «ижтимоий тараққиёт» тушунчаларининг моҳиятини тушунтиринг.
2. Ижтимоий прогресс нима?
3. Регресс нима?
4. Экология деганда нима назарда тутилади?

5 Ижтимоий тараққиётга эволюцион ёндошувнинг моҳияти.

## **16- МАВЗУ. ИНСОН ВА ЖАМИЯТ ТАРАҚҚИЁТИНИНГ УМУМБАШАРИЙ МУАММОЛАРИ**

1. Ижтимоий тараққиёт ва таназзул.
2. Ижтимоий тараққиёт ҳақидаги фалсафий қарашлар.
3. Ижтимоий тараққиёт - мураккаб диалектик жараён. Тараққиётнинг эволюцион ва инқилобий (сакраш) йўллари.
4. Ўзбекистон: ижтимоий тараққиётнинг «ўзбек модели» - эволюцион ривожланиш йўли.

XX аср охири ва учинчи минг йиллик бошида инсоният олдида қатор умумбашарий муаммолар пайдо бўлди. Бундай муаммолар ўз миқёси ва ҳал этиш усулларига кўра айрим мамлакатлар ва минтақалар доирасидан ташқарига чиқади. Инсон техника воситаларидан кенг фойдаланмоқда. Улар қулайлиги, ижтимоий оқибатларига кўра бир- биридан фарқланади. Умумбашарий муаммолар :

- ядро уруши хавфи, атом электростанцияси аварияси, бой индустрисал мамлакатлар билан ривожланаётган мамлакатлар орасидаги номутаносиблик, очарчилик ва қашшоқлик, экологик ҳалокат хавфи, озиқ- овқат заҳираларининг тобора камайиб бораётганилиги кабилардир. Барча халқлар учун ТИНЧ ва БАРҚАРОР ҳаётни таҳминлайдиган, зўравонликлардан ҳоли бўлган янги дунёни, янги шароитни яратиш ҳам ҳозирги даврнинг энг муҳим муаммосидир.

- юқумли ва хавфли касалликлар: СПИД, вабо, рак ва гиёхвандлик, халқаро террорчилик тобора ўсиб боряпти. Янги турмуш тарзини яратиш таҳлим- тарбия , ижтимоий таҳминот, ворислик, ахлоқий қадрият масаласини ҳал этишни талаб қиляпти. Олимлар умумбашарий муаммоларнинг келиб чиқиш сабабларини кўпроқ ҳозирги дунёning яхлит ва бир бутунлиги билан

изоҳлайдилар. Ҳозирги дунё ер юзидағи 170дан ортиқ мамлакатлар ўртасида сиёсий, иқтисодий ва маданий алоқалар тобора кучайиб бораётган , жаҳон халқларининг умумий уйи шаклланаётган, жаҳон тараққиётида коллектив ақлнинг аҳамияти тобора ортиб бораётган дунёдир.

- XX аср оҳирларига келиб халқлар, давлатлар ўртасида миллий ўзликни англаш жараёни кучайди. Миллий давлатчиликнинг шаккланишига олиб келди. Бу зўравонлик сиёсатини йўқотишни, тенглик ва ўзаро манфаатдорлик сиёсатини, янгича фикрлашни талаб этмоқда.

- Мамлакатлар, халқлар, давлатлар ўртасида иқтисодий, сиёсий, маданий алоқалар тобора кучаймоқда, бу эса ўз вақтида одамзот наслини эсон- омон сақлаш муаммосини умумбашарий масала сифатида қўймоқда.

- Инсониятнинг озиқ- овқатга бўлган эҳтиёжларини қондириш учун табиий ресурсларнинг янги турлари : озиқ- овқат, хом- ашё, энергиянинг янги манбаларини яратиш зарурияти пайдо бўлди.

- Хаво, тупроқ, сув ҳавзалари ва қишлоқ хўжалиги ишлаб чиқаришнинг жадал ривожланиши натижасида экологик вазият кескинлашди.

Ер юзида аҳоли сони қўпаймоқда, уни тартибга солиш зарурияти пайдо бўлди.

Умумбашарий муаммолар ўзининг келиб чиқишига кўра бир- бири билан узвий боғлиқдир. Чунончи, экологик инқироз, иқтисодий муаммолар эса ҳарбий - сиёсий устунликка эришиш, қуролланиш пойгасини авж олдириш билан боғлиқдир.

Умумбашарий муаммолар ичидаги, айниқса, ҳозирги замон цивилизацияси билан муносабат масаласи яққол кўзга ташланяпти. Бу инсониятнинг биологик мавжудот сифатида эсон- омон қолиши билан бевосита боғлиқ масаладир. Инсон табиий ресурсларни ўзлаштириш билан кифояланиб қолмай, янги сунхий муҳит - «иккинчи табиат»ни яратяпти. Бу билан биосферага жиддий путур етказяпти. Инсоннинг яратувчан фаолиятига нисбатан вайрон қилувчи фаолияти жадал тус олди. Натижада инсоннинг биологик тур сифатида яшаши учун жиддий хавф- хатар вужудга келди. « ялпи уруш

ҳавфи анча камайган бўлса ҳам, экологик танглик ҳавфи, биогенетик бузилишлар ҳавфи ҳамон таҳликали ҳолатда сақланиб қолмоқда». ( қ. Й. А. Каримов. Ўзбекистоннинг сиёсий -ижтимоий ва иқтисодий исшқболининг асосий тамойиллари. Т.,1995, 95-бет).

Дарҳақиқат, экологик инқироз бутун ер юзи учун фалокат тусини оляпти. Чунки ҳозирги даврда локал (маҳаллий). цивилизациялар жаҳон цивилизациясига айланяпти. Ер юзи табиати ниҳоятда чекланган мувозанатда яшаб турибди : нормадан ортиқча озгина бузилиш ҳам Ер юзини барбод қилиши мумкин.

Табиат ҳам муайян қонуниятларга асосланади, меҳёрдан ортиқча юкка бардош беролмайди. Инсониятнинг яратувчанлик фаолияти эса биосфера имкониятлари доирасидан ортиб боряпти.

Планетадаги ҳаёт учун зарур бўлган, ҳаётнинг узлуксизлигини таҳминлайдиган ресурслар: дарёлар, ер ости сувлари, тупроқ, ҳавонинг таназзул кўлами тобора ортиб боряпти, табиатнинг туб негизларига путур етказиляпти. Бошқача қилиб айтганда, инсоният «ўзи учун» га ўтяпти.

Инсоният ўз ҳаёти давомида табиатга нисбатан икки ёқлама характерга эга бўлган муносабатда бўла бошлайди. Бу эса фаришталик ва шайтонлик , яхшилик ва ёмонлик, тартиб ва тартибсизлик каби хусусиятларда ўз ифодасини топа бошлайди: бу муносабатлар ўртасидаги кураш давом этяпти. Инсоннинг табиатга бўлган муносабатидаги бундай қарама-қаршилик бир- бирига зид бўлган ҳаракат ва фаолиятни келтириб чиқаряпти. Эҳтирос ва ақл- идрок билан қарор қабул қилиш ўзига хос муқобил вазиятни вужудга келтиряпти.

Ҳозирги даврнинг умумбашарий муаммоларини ҳал қилиш инсониятнинг маҳнавий салоҳиятига, ижтимоий борлиқ моҳиятини тушуниши ва умумбашарий масалаларни унинг ижтимоий оқибатлари билан боғлай олишига , инсоний жавобгарликни ҳис этишига, рационал қарорлар қабул қилиш даражаига боғлиқ бўлиб қолди.

Инсон революциясини амалга ошириш бир вақтнинг ўзида содир бўлмайди, у қатор босқичларни ўз ичига олади. Бу босқичлар қуидагилардан иборат:

1. Инсон тафаккури ва умуман, маънавиятининг, ахлоқий, фалсафий ва гуманистик томонларнинг янгиланиши, покланиши ва инсонийлашиши даври.

2. Инсоният орзиқиб кутаётган «келажакнинг муқобил концепциясини» яратиш даври. Бу эса ҳозирги замон кишиси табиати ва фаолиятининг муқобил вариантларини яратишни, инсонда янгича қараш ва тафаккурни шакллантиришни тақозо этади.

3. Авлодлар таълим-тарбияси ва амалиётига инновация (янги билим) ни жорий этиш даври.

Бу даврларда амалга ошириладиган барча тадбирлар бутун Ер юзи мамлакатларини қамраб олади ва ягона, яхлит жаҳон интеграциясини вужудга келтиради.

Инсон революцияси умумбашарий муаммоларни ҳал этишга фалсафий, назарий ва амалий ёндашув бўлиб, у инсон фаолиятида маънавиятнинг аҳамияти ва ролини кучайтиришни талаб этади. Гап шундаки, ҳозирги даврда инсон авлодининг биологик тур, мавжудот сифатида эсон- омон қолиши бевосита инсоннинг ўзига, унинг ақл-заковати, хатти-ҳаракати ва хулқ- авторига боғлик бўлиб қолди.

Гарб цивилизацияси чуқур таназзулни кечиряпти. Бунинг қатор сабаблари бўлса-да, илмий тафаккур олами, унинг маънавий илдизлари, манбаалари ва асосларини изламоқда. Испаниялик машхур мутафаккир ва файласуф Ортега-и-Гассет Европа цивилизацияси инқирозининг туб сабабларини ўрганиб, «Омма қўзголони» асарида ўз қарашларини баён этди. Бу асар жаҳон аҳамиятига молик бўлиб, у XVIII асрда ёзилган. Бу асарни Ж. Ж. Руссонинг «Ижтимоий шартнома» асари билан бир қаторга қўйиш мумкин.

Асарда инқирознинг келиб чиқиш сабаби, аввало, кишиларнинг оламга бўлган қарашларидаги эътиқод системасининг таназзули,

инсоннинг оламни тўсатдан йўқотиб қўйиши, инсон ҳаёти маҳносининг йўқолиб бораётганлиги билан изоҳланган.

Европа цивилизацияси инқирозининг ўзаги нимадан иборат? Ортега-и-Гассетнинг фикрича, бу - оломон қўзғолонидир. У омма, оломон деганда ўрта табақани назарда тутди. Улуғ мутафаккир «оломон - инсон»га «индивидуал инсон» ни қарши қўйди.

Индивидуал инсон маданият нормасига таянади, фан асосларини эгаллашга ҳаракат қиласди.

Норма, мезон, маданият, қадрият феноменлари бир- бири билан узвий боғлиқдир. Нормасиз маданият бўлмагани сингари, маданият бўлмаган жойда фуқаролик қонуни ҳам амал қилмайди, маданиятсизлик ахлоқсизликка олиб келади, ақл принципларни инкор этади. Ҳар қандай мураккаб ижтимоий масалалар ҳам мунозара, ақл ва маданият доирасида ҳал қилинади. Ҳаракат, нутқ, шахснинг жамиятдаги мавқеи, ўрни ва роли маданият нормасига қараб белгиланади. Лекин шундай оломон - инсонлар пайдо бўлмоқдаки, улар ўз қарашларига, бирон- бир маслакка эга эмаслар, хатти- ҳаракатларини ўз ақл-идроклари билан тўғри бошқара олмайдилар. Улар омма орасига сингиб кетадилар.

«Оломон - инсон»лар қонунни инкор этиб, омма ичида ўз эрки ва истакларини амалга оширишга ҳаракат қиласдилар.

Ҳозирги пайтда ижтимоий ҳаёт соҳасида ҳам туб ижтимоий ўзгаришлар содир бўляпти. Сиёсий механизм ҳисобланмиш демократия тизимида, турли сиёсий партиялар, ижтимоий- сиёсий ва қарашларда муҳим ўзгаришлар юз беряпти. Ҳозирги даврнинг ижтимоий муаммолари шу қадар кескин ва мураккабки, уларни бирон- бир сиёсий партия, оқим ёки давлат ҳал эта олмайди.

Қатор мамлакатларда талаб - таклифлар механизми ўз аҳамиятини йўқотяпти Айрим зарурий ресурслар камайиб боряпти, валюта системасида бошбошдоқлик (анаҳия), инфляция ўсиб боряпти, монополия кучайяпти, мафия (уюшган жиноятчилик) забардаст кучга айланяпти. Ўтмиш тажрибаларидан келиб

чиқиб, янги йўналишдаги назария ва ғоялар яратиш анча мушкулдир. Чунки ниҳоятда мураккаб ва нозик бўлган ҳозирги давр ўзига хос янгича механизм яратишни талаб этяпти.

Ижтимоий-сиёсий тафаккур мавжуд ижтимоий- иқтисодий, сиёсий, техник ва технологик тараққиётдан орқада қолмоқда. Янги сиёсий тафаккур, юксак ахлоқий масъулият билан онгли, бирлашган ҳаракатни тақозо этяпти.

Ҳозирги давр, бу - илгор техника, технология, компьютер, генинженерия, микроэлектроника, лазер, космик йўлдошлар, кабелли телевидение ва бошқа шунга ўхшаш ўзгаришлар билан характерланади. Технология ютуқларини инсоният маънавияти билан уйғунлаштириш, маънавиятнинг ўрни ва ролини янгича идрок этиш зарурияти келиб чиқяпти.

Бу - янгича гуманизмни яратиш ва умуминсоний қадриятлардан оқилона фойдаланиш билан узвий боғлиқ бўлган давр талабидир. Айни шу гуманизм, янги маънавий асослар ҳар қандай қарашлар, концепция ва бошқариш механизми учун таянч бўлиши керак. Шу гуманизмга асосланиб, феъл-авторнинг янги мотивларини вужудга келтириш, янги маънавий, ахлоқий, фалсафий, ижтимоий, сиёсий қарашлар системасини яратишни ижтимоий ҳаёт ва бутун инсоният ривожланиши тақозо этяпти. Булар ўз навбатида инсонга хос севги, дўстлик, бир- бирини тушуниш, ўзаро ҳамкорлик, сабр-тоқатлилик, чидамлилик сингари инсоний фазилатларга янгича маъно ва жозиба беради.

Янгича гуманизм анча кучли, маърифатпарвар, инсонийлик билан йўғрилган, моддий ва маънавий ишлаб чиқаришга кенг имкониятлар яратадиган, ҳар қандай анархия ва зўравонликнинг олдини олишга қодир бўладиган, кенг жамоатчилик томонидан қабул қилинадиган гуманизм бўлиши керак.

Янги гуманизм ўз моҳияти, ахлоқий ва маънавий асослари жиҳатидан инсоннинг ички дунёсини акс эттиришга қаратилган бўлиши керак. Гуманизм инсонни биоижтимоий мавжудот сифатида эсон-омон сақлаб

қолишга қаратилғанлиги учун ҳам том маңнодаги инсоний революциядир. Инсон ўз- ўзига хитоб қилиши, виждон овозига қулоқ солиши, янги гуманизмни яратиши ва унга амал қилиши, жаҳондаги туб ўзгаришлар учун масъул эканлигини чуқур англаши билан характерланади.

Шундай қилиб, умумбашарий муаммоларда «инсон революцияси» ва ҳозирги замон инсон гуманизми бир- бири билан узвий боғлангандир. Маънавий- ахлоқий мухит тубдан ўзгариши зарур, маънавий- руҳий олам покланиши керак.

Инсон дунёқарашини шакллантириш мураккаб жараён бўлиб, у ахлоқ ва маънавият билан боғлангандир. У ҳар бир инсонда умумбашарий жавобгарликни ҳис этиш каби фазилатларни шакллантиришни талаб этади.

«Оломон - инсон» ўз табиатига кўра дағал ва уятсиз бўлиб, ўзининг бузук қарашларини муттаҳамлик ва зўравонлик билан ўтказишга ҳаракат қиласди. Натижада ижтимоий ҳаёт ва ижтимоий мухит тубанлашади, маданият оммавийлашади ва у инсондан бегоналашади.

Бу типдаги кишилар, яъни оломон-инсонлар анъанавий маданиятни, унинг норма ва қадриятларини, умуминсоний ахлоқни инкор этадилар. Лекин уларнинг ўрнини босадиган ҳеч қандай маънавий- ғоявий асосни бермайдилар.

Ижтимоийҳаётда мавжуд бўлган бундай оломон- инсонлар маданиятсизлик ва ахлоқсизлик мухитида яшашни хоҳлайдилар, авлодлар томонидан яратилган маданият, ахлоқ, инсонийлик сингари қадриятларни йўқ қилишга интиладилар. Ортега-и Гассет фикрича, бундай инсон XX асрнинг манқуртидир.

Европа, Фарб цивилизацияси ўтмишдаги мавқенини йўқотмоқда, унга хос оптимизм, келажакка нисбатан ишонч инқирозга учрамоқда;

Европа тараққиёти қандай боришини аниқлаш, унинг бошида ким туришини, қайси давлат унга етакчилик қилишини, у қандай имкониятларга эга бўлишини, жамият ва дунё қандай асосга қурилишини аниқлаш, олдиндан башорат қилиш ғоят мушкулдир.

Ҳозирги даврда ВАҚТ ҳам ўзига хос муаммони келтириб чиқаради. Ҳозирги ҳаёт- бу, эски давр билан янги давр ўртасидаги ноаниқ бўшлиқ -вакуум давридир, у моҳият эътибори билан ўткинчидир. Эркаклар қайси идеал ғоя учун курашни, аёллар эса қандай эркакларни афзал кўришни билмаётган даврdir.

Хуллас, Европа цивилизациясида экзистенциал вакуум вужудга келди: инсон қадриятлари, ахлоқи, эстетик қарашларида бузилиш содир бўлди, Буларнинг барчаси гуманизм ва маънавиятга зидdir.

Европа цивилизацияси инқирозини бартараф этишнинг, умумбашарий муаммоларни ҳал этишнинг асосий йўналишлари нималардан иборат?

Умумбашарий муаммоларни ҳал этишда Ғарб ва Шарқ бир-бири билан яқинлашяпти. Ғарб Шарқнинг бой маданияти ва анъаналарини, айниқса, табиатга бўлган муносабат принциплари ва экологик маданиятни чуқур ўрганиб, умумбашарий муаммоларни ҳал этиш йўлини Шарқдан изламоқда. Шарқ эса ўз ҳаётини модернизация (замонавийлаштириш) қилиш воситалари ва усулларини Ғарб цивилизациясидан олишга ҳаракат қиляпти.

Ғарб ва Шарқ фалсафаси ҳозирги давр хусусиятларини, айниқса, инсон муаммосини ҳар томонлама чуқур таҳлил этиб, инқироздан чикиш, умумбашарий муаммоларни ҳал этишнинг умумбашарий ахлоқий платформа ( маслак)сини яратишга интиляпти.

Файласуфлар ва социологлар томонидан илгари сурилаётган маслак «планета макроэтикаси» деб аталяпти. Ундаги ғояларга Ер юзидағи барча халқлар учун хос бўлган қарашлар, ғоялар мажмуаси, ҳаракат дастури сифатида қараш жоиздир.

Планета этикасини яратиш ва унга амал қилиш ҳозирги давр тафаккурининг катта ютуғи бўлиб, умумбашарий муаммоларни ҳал этишга, инсонни биологик мавжудот сифатида эсон-омон сақлаб қолишга қаратилгандир.

Умумжаон этикасининг айрим томонлари аста- секин Ер юзи халқларининг кундалик ҳаётига кириб боряпти. Бу - планета цивилизацияси деб ҳам аталяпти. У фан, техника, иқтисод, таълим, тарбия ва шунга ўхшаш соҳаларда универсал, планетар ахлоқ нормаларини ташкил

этади. Бу ғояни барча халқлар, давлатлар ҳар томонлама ўрганиб, идрок этиб, харакат дастури сифатида қабул қилиши ва унга амал қилишлари керак.

Файласуфларнинг фикрича, планёта этикаси Шарқ ва Ғарб халқларига тегишли бўлган умумий маслак, умуминсоний қадриятдир.

Халқлар, миллатлар ва давлатларнинг, турли цивилизацияларнинг ўзига хослиги ва турли-туманлиги, ҳаёт тарзининг барча қирраларини сақлаб қолиши, уларнинг ривожланишига ёрдам бериши керак. Уларнинг ноёб томонларини сақлаб қолиши, миллатлар, мамлакатларнинг бетакрор ўзига хослигига путур етказмаслиги, уларга ҳалақит бермаслиги лозим.

Бу ахлоқ ўз моҳияти, масад ва йўналишлари жиҳатдан инсоният манфаатларини ҳимоя қилиши, инсоннинг эсон-омон ва соғ-саломат яшashi учун хизмат қиласидиган умумий маслак-платформадан ташкил топиши керак.

Планета этикаси бирон бир мафкура ёки қандайдир бирон бир давлат, сиёсий ёхуд ижтимоий гуруҳнинг дунёқараси, дастури эмас, балки ҳамма учун умумий бўлган назария ва амалий ахлоқ нормасидир.

Маълумки, ҳар қандай миллий маданият қанчалар ноёб ва ўзига хос бўлишига қарамай бошқа миллатларнинг маданиятига хос жиҳатлар ва умумий томонларни ҳам ўзида мужассамлаштиради.

### **Таянч тушунчалар:**

Ижтимоий тараққиёт, тарих фалсафаси, чизиқли тараққиёт, тарихнинг айланма назарияси, прогресс, регресс, эволюцион тараққиёт, инқилобий тараққиёт, жамият қонунлари.

### **Назорат учун саволлар:**

1. «Ривожланиш», «тараққиёт», «ижтимоий тараққиёт» тушунчаларининг моҳиятини тушунириинг.
2. Ижтимоий прогресс нима?
3. Регресс нима?

4. Тарихий айланма назариясининг моҳияти нимадан иборат? Бу назарияни ким асослаб берган.

5. Ижтимоий тараққиётга ҳозирги замонда шаклланган ёндошувлар деганда нималар назарда тутилади?

6. Ижтимоий тараққиётга формацияли ёндошувнинг моҳияти ва камчиликлари?

7. Ижтимоий таракқиётга цивилизацияли ёндошувнинг мазмунини изохланг

8. Қайси олим маданиятни ижтимоий тараққиётта қарама-қарши қўяди?

## **17-МАВЗУ. ЎЗБЕКИСТОНДА ФУҚАРОЛИК ЖАМИЯТИНИ БАРПО ЭТИШНИНГ ИЖТИМОИЙ ФАЛСАФИЙ МАСАЛАЛАРИ**

1. “Фуқаролик жамияти” тушунчаси.
2. Фуқаролик жамияти, унинг ўзига хос жиҳатлари.
3. Фуқаролик жамиятига доир концепциялар.
4. Ўзбекистонда барпо этилаётган эркин фуқаролик жамияти.

“Фуқаролик жамияти” тушунчасининг мазмун моҳияти ва уни шакллантириш муаммолари нафақат ижтимоий-сиёсий фанлар учун балки мустақил давлатларнинг яқин истиқболдаги ривожланишининг сиёсий, назарий, фалсафий концепцияларини яратишида муҳим аҳамиятга эга. Фуқаролик жамияти янги даврнинг муҳим нишонаси, жаҳон тараққиётининг умумий тенденцияси, ривожланиш концепцияси, инсоният оламини янгича изоҳлаш, унинг фикрлаш ва ҳаёт тарзи, тараққиёт идеали ва орзузи сифатида тарих тақозоси билан яна кун тартибига қўйилди. Унинг моҳияти, таркибий элементлари, функциялари нималардан иборат ва у қандай шаклланмоқда?

Маълумки, ҳозирги пайтда мамлакатимизда фуқаролик жамияти асослари яратилмоқда, Ўзбекистон эркин демократик ҳаёт барпо этиш ўйлидан бормоқда. Бу жамият ўзининг назарий, фалсафий, аналитик ва норматив хусусиятлари билан характерланади. Фуқаролик жамияти ижтимоий коммуникация, социал алоқалар ва қадриятлар мажмуи бўлиб, унда бош субъект фуқаролар, уларнинг ҳуқуқлари ва фуқаролик ташкилотлари (сиёсий, нодавлат), турли бирлашмалар, уюшмалар, ижтимоий ҳаракатлар, фуқаролик институтлари ҳисобланади. Бу жамият эркин уюшмаларнинг кўп қиррали алоқаси бўлиб, давлат қонунларини хурмат қилиш ва унга амал қилишига, турли таркибий элементларнинг мустақиллиги ва тенглигига асослангани учун социал зиддият ва конфликтларни қонун доирасида ўзаро келишув, сабр-тоқат ва мунозаралар орқали тинч йўл билан ҳал этишга асосланувчи жамиятдир.

Ўзбекистон ўз миллий мустақил тараққиётининг илк босқичларидаёқ фуқаролик жамияти барпо этишни ўз олдига мақсад қилиб қўйди. И.А. Каримов фуқаролик жамияти шаклланишининг муҳим омиллари сифатида куйидагиларга алоҳида аҳамият қаратибди:

- ўтиш даври тақозоси билан вужудга келган кучли давлатнинг энг муҳим функциялари аста-секинлик билан кучли жамият зиммасига ўта бошлайди;
- фуқаролик жамияти барпо этишнинг назарий муаммоларини, унинг туб моҳиятини атрофлича англайдиган умумий ва маҳсус билимга эга бўлган, онгли, тафаккури ҳар хил «изм»лардан озод, замонавий дунёқараш, миллий ва умуминсоний қадриятларга ворис бўлган инсонларгина фуқаролик жамиятини барпо этишга ва уни янада такомиллаштиришга қодир бўлади;
- фуқаролик жамияти умуминсоний тамойиллар, ҳар бир миллатнинг давлатчилик хусусиятлари, турмуш ва тафаккур тарзи, анъаналар, урф-одатлари, ўзлигини англаши, бетакрор ва ноёб менталитети асосида қарор топади;
- фуқаролик жамиятининг норматив жиҳати деганда, фуқаролар ва бошқа ижтимоий субъектларнинг фаоллик даражаси тушунилади. Фаол ҳаракат, айниқса, ижтимоий тизимларнинг алмашинуви жараёни ғоят кучаяди. Ўзаро алоқалар марказида индивидларнинг эркин ва биродарларча уюшқоқлик ҳолатлари ётади.

Демократик давлат ва фуқаролик жамияти бир-бири билан узвий алоқадор бўлган тушунчалар, бироқ уларни айнийлаштириш ярамайди. Гап шундаки, фуқаролик жамияти узил-кесил шакллангандан кейин ҳам демократик ва ҳуқуқий давлат у билан баб-баробар яшашда давом этади. Фуқаролик жамиятида давлатнинг юмушлари анча камаяди, унинг қатор функциялари фуқароларнинг ўз-ўзини бошқариш институтлари ихтиёрига ўтади. Лекин шунга қарамай, демократик давлатнинг фуқаролик жамиятидаги аҳамияти йўқолмайди: давлат ўз сиёсий мақоми, ҳуқуқи, сиёсий тартиблари ва ўзига хос бошқариш аппаратларига эга бўлади, ўз фаолиятида кўпроқ умумхалқ, бутун жамият манфаатларини ифода этади. Давлат бутун жамиятнинг иродаси

сифатида намоён бўлади, шунинг учун ҳам жамият аъзолари давлат иродасига онгли равишда бўйсунадилар. Фуқаро, жамият ва давлат ўртасида ўзаро муносабатлар инсон ҳуқуки ва қонун устуворлиги асосида амал қиласи.

Фуқаролик жамияти фуқароларнинг эркин уюшмаси сифатида индивидларнинг шахсий манфаатлари ва уюшма эҳтиёжларини амалга оширади. У ўз қонуни, меъёрий хужжатлари, ахлоқ ва одоб меъёрларига эга бўлган мавжудликдир. Фуқаролик жамияти ўз хусусиятлари билан бевосита давлат тасарруфида бўлмайди. Жамиятни бошқариш вазифаларининг аксарияти давлатдан фуқаролик ва ижтимоий ўз-ўзини бошқариш органлари қўлига ўтишини англатади.

Фуқаролик жамияти структурасини ташкил этувчи элементлар бир-бири билан узвий алоқа ва муносабатда бўлади. Бу жамият иқтисодий соҳада: хусусий майда корхоналар, турли кооперативлар, ҳиссадорлик жамиятлари, фуқароларнинг шахсий тадбиркорлиги, ишбилармонлигидан; ижтимоий соҳада: оила, ўз-ўзини бошқариш органлари, кўппартиявийлик, жамоат ташкилотлари, ижтимоий фикрни ўрганувчи нодавлат ташкилотлардан; маънавий соҳада: нодавлат институтлар, оммавий ахборот воситалари (турлича қарашларни холис, беғараз ва эркин баён этиш эркинлииги, жамият ва ҳокимият ўртасидаги холис воситачи бўлиш, инсон ва жамият манфаатларини фаол ва изчил ҳимоя қилиш, воқеа ва ҳодисаларни профессионал маҳорат билан ёритиш, бу соҳадаги қонунчилик механизмига амал қилиш, нодавлат ноширлик ва телерадио каналлари ташкил этиш), ихтиёрий илмий-ижодий фаолият, касб-хунар ва бошқа бирлашмалардан ташкил топади.

Мамлакатимизда фуқаролик жамиятининг қарор топиши «ўзбек модели»нинг тамойилларига кўра, босқичма-босқич амалга оширилади. У реал миллий анъаналар, турмуш тарзи, янгича фалсафий ва сиёсий тафаккур хусусиятларидан келиб чиқади. Шарқда демократик жараёнлар, жамиятнинг туб негизлари аста-секинлик билан шаклланган ва тараққий этган. Шарқ ҳалқларининг ҳаёт ва турмуш тарзида кескин инқилобий ўзгаришлар рад этилган. Шарқ донишманлари ижтимоий жараёнларга ҳар қандай сунъий аралашувнинг

мудхиш оқибатларини кўрсатганлар. Шунинг учун ҳам жамият ҳаётидаги барча ўзгаришлар халқларнинг фикрлаш тарзи, миллий анъаналари, урфодатларига мувофиқ равишда тадрижий равишда рўй берган. Фуқаролик жамиятининг айрим элементлари ва хусусиятлари қадим замонлардаёқ Марказий Осиёда, хусусан, Ўзбекистон худудида ҳам мавжуд бўлган. Жамиятда ҳақиқат ва адолат, қатъий тартиб-интизом ўрнатилган, инсон ҳаёти, ахоли тинчлиги кафолатланган, ҳурфикрлилик, турли эътиқоддаги кишиларга нисбатан сабр-тоқатлилик мавжуд бўлган, маънавий маданият ривожланган, дунёвий илм ислом маданияти билан уйғун равишда тараққий этган, айниқса, қариндош-уруғчилик мутносабатлари мустаҳкам ахлоқ-одоб меъёрларига бўйсунган, нодавлат ташкилотлар катта мавқега эга бўлган. Давлат фуқароларнинг шахсий ва майший ҳаётига деярли аралашмаган, савдосотик, ҳунармандчилик, қишлоқ хўжалиги, билим олиш, оила қуриш ҳокимииятга боғлиқ бўлмаган ҳолда ахлоқ-одоб ва миллий анъаналар асосида ривожланган. Фуқаролар турли касб-хунар ва диний уюшмаларга бирлашганлар ва бир-бирларига ўзаро ёрдамлашганлар.

Ўзбекистонда қарор топаётган фуқаролик жамияти халқимизнинг кўп асрлик тарихий тажрибаси, миллий анъаналари, фикрлаш тарзи ва маънавий салоҳиятига, тинчлик ва миллатлараро тотувликка асосланади. Ўтиш даврида «миллий манфаатлар ва эҳтиёжлар бундан буён фуқаролик жамияти манфаати билан яқинлаша боради. Ўтиш даври шароитида Ўзбекистонда кўплаб сисий партиялар, ижтимоий ҳаракатлар, жамоат ташкилотлари ва нодавлат ташкилотлар вужудга келмоқда. Бу қонуний жараёндир. Фуқаролик жамияти асосларини шакллантириш жараёни юз бераётган бир пайтда Ўзбекистон аҳолиси турли қатламларининг манфаатларини ифода этиш лозим бўлган кенг тармоқли, кўппартияли тизим каби демократик институтлар ҳамда бошқа жамоат ташкилотларининг қарор топиши ҳам муҳим аҳамият касб этмоқда. Ўтиш даврида давлат бош ислохотчи сифатида шакллантирилаётган демократик институтлар ва фуқаролик жамияти элементлари имкониятларини оширишга ҳар жиҳатдан кўмак бермоқда.

Фуқаролик жамияти асослари умуминсоний тамойиллар ва мөйерлари, бутун жаҳон демократик қадриятлари негизида шаклланади. Ўзбекистонда фуқаролик жамияти ва фуқароларнинг ўз- ўзини бошқариш институтларини шакллантириш учун қулай шарт-шароитлар яратилмоқда. Жаҳон цивилизацияси хазинасига улкан ҳисса қўшган бой тарихимиз, буюк маданиятимиз, кўп авлодлар ҳаёти давомида вужудга келган бекиёс табиий ва ақл-заковат имкониятларимиз, халқимизнинг юксак маънавияти ва ахлоқий қадриятлари, заминимида яшаётган одамларнинг меҳнатсеварлиги, саҳоватлилиги, бағрикенглиги ва жаҳон ҳамжамиятида ўзига муносиб ўрин эгаллашга бўлган истаги бунинг гаровидир. Бозор муносабатларига ўтиш шароитида ўрта мулкдорлар синфи шаклланмоқда, улар эса ўз навбатида шакллантирилаётган фуқаролик жамиятининг таянчидир. Ижтимоий структура жамият анатомияси бўлиб, ижтимоий меҳнат тақсимоти, мулкчиликнинг хилма-хил шакллари тақозоси билан жамиятнинг катта ва кичик гурӯҳларга, ижтимоий бирлик ва ижтимоий Ўзбекистонда фуқаролик жамияти ва фуқароларнинг ўз- ўзини бошқариш институтларини шакллантириш учун қулай шарт-шароитлар яратиляпти. Улар қуйидагилардан иборатдир: Жаҳон цивилизацияси хазинасига улкан ҳисса қўшган бой тарихимиз, буюк маданиятимиз, кўп авлодлар ҳаёти давомида вужудга келган бекиёс табиий ва ақл-заковат имкониятларимиз, халқимизнинг юксак маънавияти ва ахлоқий қадриятлари, заминимида яшаётган одамларнинг меҳнатсеварлиги, саҳоватлилиги, бағрикенглиги. ва жаҳон ҳамжамиятида ўзига муносиб ўринни эгаллашга бўлган истаги бунинг гаровидир. Бозор муносабатларига ўтиш шароитида ўрта мулкдорлар синфи шаклланмоқда, улар эса ўз навбатида шакллантирилаётган фуқаролик жамиятининг таянчидир.

**Фуқаролик жамиятига хос нодавлат уюшмалар мамлакат ҳаётида салмоқли ўрин эгалламоқда. Ҳозирги вақтда халқ хўжалигида банд бўлган аҳоли умумий миқдорининг ва ҳосил қилинган миллий даромаднинг 70 фоизи, саноат маҳсулотининг 53,5 фоизи, қишлоқ хўжалик**

## **маҳсулотининг 97,7 фоизи давлатга қарашли бўлмаган сектор хиссасига тўғри келмоқда.**

Республикамиз Президенти И. А. Каримовнинг асарларида фуқаролик жамияти қурилишида сиёсий бошқарув органларининг ўрни ва роли батафсил таҳлил қилинган. "Давлат ҳокимияти ва бошқарув органлари ўз фаолиятида ҳокимиятларни тақсимлаш тамойилларига амал қилиб, ислоҳотларни амалга оширишда хуқуқий давлат ва фуқаролик жамиятини вужудга келтиришда асосий бўғин ҳисобланади. Мустақиллик йилларида давлат ҳокимияти, маҳаллий ҳокимият органлари ва фуқароларнинг ўз-ўзини бошқариш органларининг ваколатлари кенгайтирилди. Турли сиёсий ва ижтимоий ҳаракатлар, нодавлат тузилмаларнинг фаол, энг муҳими, амалий фаолияти учун кенг хуқуқий макон вужудга келтирилди. Ижтимоий структура жамият анатомияси бўлиб, ижтимоий меҳнат тақсимоти, мулкчиликнинг хилма-хил шакллари тақозоси билан жамиятнинг катта ва кичик гуруҳларга, ижтимоий бирлик ва ижтимоий қатламларга бўлинганлигини англатади. Ижтимоий структура элементлари кишиларнинг турлича бирликларидан ташкил топади. Булар:

- 1) ишлаб чиқариш бирликлари (корхона меҳнат жамоалари, дехқон-фермер хўжаликлари, ширкат хўжаликлари;
- 2) меҳнат жамоалари (муассасалар, ташкилотлар, идоралар, фирмалар, илмий текшириш институтлари);
- 3) сиёсий бирликлар (давлат, сиёсий партиялар, ижтимоий ҳаракатлар);
- 4) худудий бирликлар (шахар.қишлоқ, туман, ўлка, водий);

Агар синфий назария жамиятнинг ижтимоий структурасини горизонтал кесимда ўрганса, ундан фарқли равишда ижтимоий стратификация назарияси жамиятни вертикал кесимда ўрганади. Бу назария ижтимоий мобиллик, ижтимоий кўчиш, ҳаракатчанлик назариясининг шаклланиши учун методик асос бўлиб хизмат қиласи. Очиқ ва демократик жамиятда индивид, ижтимоий

табақа доимо ҳаракатланиб туради, улар ижтимоий структурада ўз ўринлари ва мавқеларини ўзгартириб турадилар. Индивидлар, ижтимоий бирликлар ва қатламларнинг ижтимоий ҳолат ва мавқеининг ижтимоий структурада ўз ўринлари ва мавқеларини ўзгартириб турадилар. Индивидлар, ижтимоий бирликлар ва қатламларнинг ижтимоий ҳолат ва мавқеининг ижтимоий структурада ўзгариб туришига ижтимоий мобиллик дейилади.

Ижтимоиймобиллик (ҳаракатчанлик) вертикал ва горизонтал йўналишда содир бўлади. Вертикал йўналишда индивиднинг мавқеи «юқорига» ва «қўйига» томон ўзгаради, горизонтал йўналишда индивид бир хил ижтимоий доира ичида ҳаракатланади. Сиёсий тузум табиатига қараб ижтимоий синфлар, ижтимоий табақалар, ижтимоий гурухлар жамиятда турлича ижтимоий статусни эгаллайдилар. Ўтиш даврида мулкчилик хилма-хил шаклларининг вужудга келтирилиши, тадбиркорлик ва хусусий мулкчиликнинг ҳар томонлама қўллаб-қувватланиши билан жамиятимиз ижтимоий структурасида янги синф, ижтимоий қатlam ва ижтимоий институтлар вужудга келади. Хусусан, мулкдорлар синфи жамиятнинг ҳам иқтисодий, ҳам сиёсий, ҳам маънавий ривожланишининг муҳим таянчи бўлиб қолади. «Бу ерда гап,- деб ёзади И. А. Каримов,- агар мулк шакллари хилма-хиллиги ва биринчи навбатда хусусий мулк ҳар қандай давлатнинг демократик . негизлари барқарорлигининг иқтисодий асоси ҳисобланса, реал ишлаб чиқариш воситаларининг ўрта мулкдорлардан иборат кучли қатламишининг мавжуд бўлиши унинг сиёсий асоси эканлиги ҳақида бормоқда. Аҳоли орасида ҳақиқий мулкдорлар ўрта қатламишининг кўпчиликни ташкил этиши мамлакатда ижтимоий-иктисодий ислоҳотларни орқага қайтариш имкониятларини бартараф этишнинг кафолати ҳисобланади».

Республикамиз хукумати ўтказаётган ички сиёsat яқин истиқболда кўпукладли иқтисодиётни шакллантиришга ва бунда хусусий мулк, кичик ва ўрта бизнесни ривожлантиришга қаратиляпти. Чунки кичик бизнес -жамиятда ҳам иқтисодий, ҳам сиёсий вазиятни мўътадил-лаштиришга ёрдам берадиган ўрта тадбиркорлар синфининг пайдо бўлиши демакдир. Ҳозирги пайтда

Ўзбекистон жамияти ижтимоий структурасининг таркиби қандай? Мавжуд адабиётлар, оммавий ахборот воситаларида Ўзбекистон учун хос бўлган қуидаги ижтимоий қатламлар ва ижтимоий гуруҳлар қайд этиляпти :

- турлича таркибдаги, маъмурий, дипломатия, партия арбоблари, ҳарбий, ҳукуқий, хўжалик ва маданий соҳаларнинг раҳбарлари; бошқарув аппаратини идора қилаётган ўрта қатлам, етакчи хўжалик (бирлашмалар, корхоналар, корпорациялар, банк ) раҳбарлари; мутахассислар (турли даража ва йўналишдаги хизматчилар), диний муассаса ходимлари, турли малакали ва ижтимоий статусли ходимлар; хилма-хил хўжалик ва корпорация аъзолари; индивидуал меҳнат фаолияти билан шуғулланувчи косиб ва ҳунармандлар, кичик тадбиркорлар, ишбилармонлар, касаначилар; талабалар, ўкувчилар, қариялар, болалар, ижтимоий ҳимояга муҳтоҷлар ва бошқалар.

Жамият ижтимоий структурасида синф муҳим ўрин тутади. Бозор иқтисодиёти тараққиётини белгиловчи куч мулқдорлар синфиdir. Улар мулкни кўз қорачигидай авайлаб асрайдилар, уни қўпайтиришга, моддий фаровонликни яратишга интиладилар, мамлакатнинг ижтимоий, сиёсий ва маънавий ҳаётида актив иштирок этадилар. Мулқдорлар, демократик жамиятнинг муҳим ижтимоий - сиёсий таянчидир. Сўз эркинлиги, виждан эркинлиги, матбуот эркинлиги сингари демократик институтларнинг амал қилиши, ижтимоий жараёнларнинг ривожланишида муҳим аҳамият касб этади, мамлакатимизда фуқаролик жамияти асосларини яратишда муҳим омил бўлиб хизмат қиласи.

### ***Таянч тушунчалар***

Фуқаролик жамияти, ўзини-ўзи бошқариш органлари, маҳалла, жамоат ташкилотлари, нодавлат ташкилотлар.

### **Назорат учун саволлар**

1. «Жамият», «фуқаролик жамияти» тушунчаларини таърифланг, уларнинг умумий томонлари ва фарқларини кўрсатинг.

2. XX аср фалсафасида фуқаролик жамияти концепцияларининг ишлаб чиқилиши.
3. Фуқаролик жамиятининг асосий хусусиятларига нималар киради?
4. «Фуқаролик жамияти» тушунчасининг Ислом Каримов асарларидағи талқини.
5. Фуқаролик жамиятининг структурасыга нималар киради?

## **ФОЙДАЛАНИЛГАН АДАБИЁТЛАР.**

1. Ўзбекистон Республикасининг Конституцияси. – Т.: Ўзбекистон, 2001.
2. Ўзбекистон Республикаси Конституцияси. Т.: “Ўзбекистон”, 2008.
3. Каримов И.А. Ўзбекистоннинг ўз истиқлол ва тараққиёт йўли. – Т.: Ўзбекистон, 1992.
4. Каримов.И.А. Ўзбекистоннинг ўз истиқлол ва тараққиёт йўли. – Т. Ўзбекистон, 1992.
5. Каримов И.А. Истиқлол ва маънавият. – Т.: Ўзбекистон, 1994.
6. Каримов И.А. Юксак малакали мутахассислар – тараққиёт омили. – Т.: Ўзбекистон, 1995.
7. Каримов И.А. Ўзбекистон XXI аср бўсағасида: хавфсизликка таҳдид, барқарорликлик шартлари ва тараққиёт кафолатлари. – Т.: Ўзбекистон, 1997.
8. Каримов.И.А. Баркамол авлод - Ўзбекистон тараққиётининг пойдевори. – Т.: Ўзбекистон, 1997.
9. Каримов И.А. Тарихий хотирасиз - келажак йўқ.-Т. «Шарқ», 1998.
- 10.Каримов И.А. Ўзбекистон XXI асрга интилмоқда. –Т.: Ўзбекистон, 1999.
- 11.Каримов.И.А. Озод ва обод Ватан, эркин ва фаровон ҳаёт пировард мақсадимиз. – Т: Ўзбекистон, 2000.
- 12.Каримов И.А. Ўзбекистонда демократик ўзгаришларни янада чуқурлаштириш ва фуқаролик жамият асосларини шакллантиришнинг асосий йўналишлари. Т.: “Ўзбекистон”, 2002.
- 13.Каримов И.А. Биз танлаган йўл – демократик тараққиёт ва маърифий дунё билан ҳамкорлик йўли. 11-жилд. -Т.: “Ўзбекистон,” 2003.
- 14.Каримов И.А.. Бизнинг бош мақсадимиз – жамиятни демократлаштириш ва янгилаш, мамлакатни модернизация ва ислоҳ қилишдир. – Т.: Ўзбекистон, 2005.
- 15.Каримов.И.А. Инсон хуқуқлари, эркинликлари хамда манфаатлари – энг олий қадрият. – Т.: «Ўзбекистон », 2005.

- 16.Каримов И.А. Мамлакатимиз тараққиёти ва халқимизнинг хаёт даражасини юксаклаштириш-барча демократик янигиланиш ва иқтисодий ислоҳотларимизнинг пировард мақсадидир.-Т.: “Ўзбекистон.” 2007.
- 17.Каримов И.А. Юксак маънавият – енгилмас куч. – Т. «Маънавият», 2008 .
- 18.Каримов И.А. Жаҳон молиявий-иқтисодий инқирози, Ўзбекистон шароитида уни бартараф этишнинг йўллари ва чоралари. —Т.: “Ўзбекистон”, 2009.
- 19.Каримов И.А. Тошкент шаҳрининг 2200 йиллиги ва Мустақилликнинг 18 йиллигига бағишланган тантанали мажлисда сўзланган нутқ// Халқ сўзи. 2009 йил 1 сентябрь.
- 20.Каримов И.А. Асосий вазифамиз – ватанимиз тараққиёти ва халқимиз фаровонлигини янада юксалтиришдир. –Т.: “Ўзбекистон”, 2010.
- 21.Монтескье Ш. О духе законов. -М.: Наука, 1955. 163 с.
- 22.Форобий Абу Наср. Фозил одамлар шахри. -Т.: ”Навruz,” 1993. 260 б.
- 23.Сулаймонова Ф. Шарқ ва Ғарб. -Т.: “Ўзбекистон”, 1997.-228 б.
- 24.Крапивенский С.Э. Социальная философия. Учебник для вузов.- М., «ВЛАДОС», 1998, 3-17 бетлар.
- 25.В.С.Барулин «Социальная философия» Учебник для вузов.- М., ФАИР-ПРЕСС, 1999, 4-8 бетлар.
- 26.Фалсафа. Ўқув қўлланма. – Т.: «Шарқ», 1999. 268-276 бетлар.
- 27.Фалсафа: қомусий лугат (тузувчи Қ.Назаров). – Т.: Шарқ, 2004. 151-152 бетлар.
- 28.Фалсафа асослари. Ўқув қўлланма. – Т.: Ўзбекистон, 2004 йил, 252-255- бетлар.
- 29.Основы философии. – Т., «Мехнат», 2004 год. Раздел X. – стр. 351-410.
- 30.Жаҳон фалсафаси тарихидан лавҳалар. -Т.: “Файласуфлар миллий жамияти” нашриёти, 2004 йил.
- 31.Ғарб фалсафаси. – Т.: «Шарқ», 2004. 565-574, 579-580, 632-635-бетлар.
- 32.Каримов.И. Валиева.С. Туленова.К. Ижтимоий фалсафа. Услубий қўлланма. Т:ТДПУ 112-119 бетлар
- 33.Фалсафа асослари. (Қ. Назаров таҳрири остида.) -Т.: Шарқ, 2005.-249 б.

34. Билиш фалсафаси. –Т.: Университет, 2005. 197-212-бетлар.
35. Falsafa. – Т.: Ozbekiston Faylasuflari Milliy lamiyati nashiyoti. 2006. 384-388 betlar.
36. Социал фасафа. Ўқув қўлланма (И.Каримов ва бошқа) - Т.: 2008. - 5-10 бетлар.
37. Тўйчиев Б.Т., Зияутдинова Х.А Основы социальной философии. Т.: ЎЗМУ, 2009. 3-10 с.
38. Маънавият – асосий тушунчалар. Изоҳли лугати. Т.: “Фофур Ғулом”, 2009.